

~~40~~
~~5~~

6757

CANTICI CANTICORVM INTERPRETATIO.

Per F. Ioannem à I·su Maria, Carmelitam Discalceatum, Calaguritanum.



CVM PRIVILEGIO.

SALMANTICÆ,
Ex officina Arti Tabernelij Antuer-
piani. M. DC. I I.

T A S S A.

YO Christoual Nuñez de Leon, Escrivano de Ca
mara de su Magestad, y vno de los que residen en
su Cōsejo, doy fe, que auiendo se presentado por
parte de F.Gabriel del santiſſimo Sacramēto, Procure
dor general de la orden de los descalços Carmelitas, ante
los dichos Señores del Consejo, un libro intitulado, Cā
tici Canticorū interpretatio, que con licēcia de su
Mageſtad fue impreso; y los dichos Señores del Cōſejo
tassaron cada pliego de los del dicho libro a tres marau
dis, y al dicho precio mandaron se vendan y no mas, y q̄
esta tassa se ponga al principio de cada uno de los dichos
libros. Y para q̄ dello conste de mādamiēto de los dichos
Señores del Consejo, y de pedimieto del dicho F.Gabriel
del santiſſimo Sacramento, di esta fe en la Ciudad de
Valladolid, a 2.dias del mes de Julio de 1602.años.

Christoual Nuñez
de Leon.

ERRATA.

P Ag.4.li.14. Trialdis. leg. Triadis. pa. 20.li. 14. /
Spiritu.le.Spiritus. pag. 44.li. 18.precapta.leg.
precata.pag.70.li.10. diligit. li. diligit. pa.95. lig.94.
accuberet.leg.accubaret. pa.124.li.10. rerepellit.le.
repellunt.pa. 171. li. 2. immorli.le. immortalis. pag.
379.li.15.nuo.le.non.pag.406. li. 21. plurimam.leg.
plurimum.pa.411.li.8. Scripturam. le. Scripturarū.
pa.435.li.22. exhalentes. le. exhalantes. pag. 449.li.
vlt.exhalere.le.exhalare.pa.478.li.vlt.prigo menita.
le.primogenita.pa.481.li.vlt.sublimis.le.sublimius.
pa.496.li.18.pippe.le.quippe. pa.518.lin.11. ad eum.
le.ad id.pa.558.li.9.edendo.le.edendos.pag. 571. li.
25. affectuis.le.affectus.pag. 602. li. 15. &.leg.& ad.
pag.641.li.10.suscita.le.suscitata.pa. 657.lin.14. cru-
criatus.le.cruciatus.pag.689.lin.1.hortet.le.horter.

El Corretor &c.

Manuel Correa De
Montenegro.

APPROBACION.

Y O Luys de la Puente, Rector del Col-
legio de la Compañia de Iesus de-
la ciudad de Valladolid, por commision
del supremo Consejo de su Magestad, vi, p
examine vn libro, cuyo titulo es, Cantici
Canticorum interpretatio.

I no vi en el cosa que sea contraria a
nuestra sancta Fec Catholica, y buenas con-
tribuções, antes tiene mucha Doctrina verda-
dera, y prouechosa, y declara el sagrado Tex-
to con mucha propiedad; encadenando muy
bien vnas sentencias con otras. Por lo qual
me parece se puede dar licencia para impri-
mirse en Espana. En Valladolid, a veinte y
siete dias del mes de Mayo de. 1602.

Luys de la
Puente.

EL REY.



OR quanto por parte de vos
Fray Graniel del Sanctissimo
Sacramento, Procurador Ge-
neral de la ordē de los descal-
ços, de nuestra Señora del Car-
men, nos fue fecha relacion que el Padre
Fray Iuan de Iesus, religioso profeso de la
dicha orden, auia compuesto vn libro intitu-
lado *Cantici Canticorum interpretatio*, de que
haziades presentacion, y con licencia de los
ordinarios se auia impresso la primera vez
en Roma; y por auer parecido vtil y proue-
choso, y auer faltado los dichos libros, el ge-
neral de la dicha orden, auia dado su conten-
timiento al Rector, y Collegio de Salaman-
ca, para que siédo nos seruido se pudiesse tor-
nar a imprimir: y nos fue pedido y supplica-
do mandassemos conceder Priuilegio al Col-
legio de la dicha orden, por tiempo de veyn-
te años, o por los que fuessemos seruido, o co-
mo la nuestra merced fuese. Lo qual visto
por los del nuestro Consejo, y como por su
mandado, se fizieron las diligencias que la
Pragmatica por nos vltimamente fecha, so-
bre la impression de los libros, dispone, fue
acordado q̄ deuiamos de mádar dar estanue-

stra cedula para vos en la dicha razon , e nos
tuuimos lo por bien , por la qual por hazer
bien, y merced, al dicho Fray Iuan de Iesus,
le damos licencia, y facultad para que por tiē
po de diez Años , primeros siguientes , quē
corran , y se quenten desde el dia de la fecha
della, pueda hazer imprimir , y vender el di-
cho libro que de suso se haze mēcion por el
original que en el nuestro Consejo se vio , q̄
va rubricado , y firmado al fin del, de Chris-
toual Nuñez de Leon , nuestro escriuano de
camara, de los que en el residen, con que antes
que se venga se trayga ante ellos juntamente
con el dicho original , para que se vea si la di-
cha impression està cōforme a el, o traygays
fee, en publica forma , en como por Corre-
ctor por nos nōbrado se vio, y corrigio, el di-
cho libro, por su original. Y mādamos al im-
pressor que imprimiere el dicho libro impri-
ma el principio y primer pliego, ni entregue
mas de vn solo libro cō el original al auctor,
o persona a cuya costa se imprimiere, y no
otro alguno para efecto de la dicha corre-
ction, y tassa, hasta que primero el dicho li-
bro estē corregido y tassado por los del nues-
tro Cōsejo; y estādo ansi, y no de otra mane-
ra, pueda imprimir el dicho libro , principio,
y primer pliego, en el qual seguidamente pō
ga esta nuestra Licencia , y Priuilegio , y la

Appr o-

Approuacion , Tassa , y Erratas , sopena de
caer , e incurrir en las penas contenidas , en la
Pragmatica , y leyes de nuestros Reynos , q
sobre ello disponen: y mandamos que duran
te el tiempo de los dichos diez años persona
alguna sin licencia del dicho Fray Iuan de
Iesus , no le pueda imprimir , ni vender,
so pena que el que lo imprimiere , aya perdi-
do , y pierda todos y qualesquier libros , mol-
des y aparejos , que del dicho libro tuuiere , y
mas incurra en pena de cincuenta mil ma-
ravedis ; la qual dicha pena sea la tercia parte
para la nuestra camara , y la otra tercia parte ,
para el juez que lo sentenciare , y la otra ter-
cia parte , para la persona que lo denunciare:
y mandamos a los del nuestro Consejo , Pre-
sidentes , y Oydores , de las nuestras audiен-
cias , Alcaldes , Alguaziles , de la nuestra casa ,
Corte , y Chancillerias , y a todos los Cor-
regidores , Assiste[n]te , Gouernadores , Alcaldes
mayores , y ordinarios , y otros juezes , y ju-
sticias , qualesquier de todas las ciudades vi-
llas , y lugares , de los nuestros Reynos , y
Señorios , assi a los que agora son , como a
los que seran de aqui adelante , que vos guar-
den y cumplan esta nuestra cedula , y con-
tra su tenor y forma , y de lo en ella con-
tenido , no vayan , ni passen , ni consentan
yrni passar en manera alguna , so pena de la

Nuestra merced , y de diez mil maravedis ;
para la nuestra camara . Fecha en Aranjuez ,
a treze dias del mes de Mayo , de mil y seys
cientos y dos Años .

Yo el Rey .

Por mandado del Rey nuc-
istro Señor .

*Don Luys de
Salazar.*

F. FRANCIS.
CVS A SANCTA
Maria, Rector Collegij Sal-
manticensis Carmeli-
tarum discalcea-
torum,

L E C T O R I.



Nterpretationem hanc in
Canticū cantorum, quā
denuō tibi damus, Romæ
primum dedit author. Ele-
ctus enim est, cum alijs religiosis patri-
bus, ut teneram illam prolem (Roma-
nam intelligo nostri Ordinis familiam)
fouēret, nutriret, curaret. Grāde opus
grandibus placuit ingenij: audio enim
doctis illis Romanis, etiam Purpuratis
(à quibus in magno pretio habetur Vir

¶ s ille)

ille non benignè suscepsum modò; sed
egregiâ etiam laude commendatum.
Sed quid non laudandum in illo? inge-
nium acûtum, subtile; adeò ut inter-
pretem legas, Authorem ipsum vide as-
clariùs dicam; Salomonem se inter-
pretatum credas. Multa hoc indicat,
illud maximè quod orationem, quam
multi, post laboriosum sudorem, hiul-
cam, & ut arenā sine calce, reliquē-
re: hic adeò unitam, sartam, coharen-
tēq; reddidit; ut nulla in toto corpore
appareat scissura, nulla cicatrix. Sty-
lus vero placidus, sed grauis; viuus,
sed lentus; erectus, sed suavis; multa
paucis docet; inutilia resecat: inserit ne-
cessaria. Quid plus? Nunquam dimit-
tet te sine siti. Verba aliqua habet, no-
bis parūm Latinis, insolita (fateor)
sed Latinis solita. Quid dicam de elo-
quutione, idest, orationis ipsâ anima?
(arefcit)

(arescit enim, et) friget, sine illâ, ora-
tio, et) mortua iacet; garritus, potius,
auium dixeris, quam humanam vo-
cem: faceta quidem esse, absq; illâ po-
test; salubris non potest) Solidus Ille sen-
tentijs; sanus iudicijs; matûrus consi-
lijs: ubiq; instruit, et) salutaria instil-
lat monita. Tandem, quo sapius legas,
plus auferas. Non sic laudarem (cre-
de) propriam supellecilem; nisi ubi-
rius vidêrem laudatam, quibus non
est propria. Id autem libentius facio,
ut ratio nostri consilij, ut in Hispania
cuderetur, pataret. Tantumne bonum
occultandum erat Hispanijs nostris, à
quibus non tantum ego, sed et) author
ipse? Plantauimus vitem; fructū non
comedemus? Pauimus ouem; lac non
gustabimus? Cum fraude, Herclè, fieret
nostrâ, ut multis videtur.

Reprehendunt aliqui, quod Patres

non

non citentur. Optimè, si id fieri potuit;
verum non potuisse existimo; quia ipsi
Drama hoc, de Christo & Ecclesia, fe-
rè sempèr, intelligunt; noster verò Au-
thor de Christo & anima. Doctrina tamen
Patrum est, quis negabit? verum
quam Patres, alia docentes, tradide-
runt, non Canticum explicantes. Mel-
igitur eduxit ex illis floribus; fascicu-
lum non fecit. Dulcedo Ambrosij, Hie-
ronymi, Augustini hic est; sed sub alio
sapore. Fruere ergo docte, & pie Le-
ctor, docto & pio Opere. Si quid nostro
labore iuuimus, mercedem oratione
redde. Vale.

F. Franciscus à sancta
Maria.

AUTHORIS
PRAEFATIO
AD LECTOREM.



Xarcano huiuslibri sermo-
ne interpretes multi , pro
suo quisq; ingenio , velut
opportunam occasionē na-
sti,in varias exponendi sen-
tentias abierunt, quas nimis operosum
esset percensere . Quarum obseruatio
profuit , vt Scripturæ Sacræ augustissi-
mæ grauitati duos explanādi modos,pla-
nè dissentaneos,vitaremus; ac interstru
ctam interpretandi methodum felige-
remus. Sane , nonnullis satis emunctæ
naris placuit , huius carminis symbola
ità pressè examatorijs actibus humanis
exprimere , vt necesse sit, obscœnum
quippiā,vel certè operis puritati parùm
consentaneum lectorum animos inces-
sere . Etsi enim diuini amoris & inge-
nium

nium, & motus, per carnca spectra discā-
mus; in eo tamen genere partiūs agen-
dum; & necessarijs dūtaxat excerptis, in
arcanos potissimūm sensus mens debet
expositoris incumbere. Aliorum è con-
trario mens fuit ad internos sensus mul-
tiplices adeò prona, vt lectori quois
propemodūm in verbo, velut in triuio
insistendum sit; nec totius carminis tex-
turam, & cōcinnitatem, in tot explana-
tionum diuortijs, possit amplecti. Satiūs
ergo duximus, è carneis simulacris ne-
cessaria parcè repetere; & arcenos sen-
sus, paucos eos quidem, sed qui videbā-
tur aptiores, quam potuimus exacte, pē-
sitare. At præter duos illos expónendi
abusus, supererat vnuis multis certe op-
tatisimius, vt arrepta verborum anfa, ad
singulas ferè periodos, variam, vt aiunt,
eruditionem, quasi communes concio-
natorum locos digerentes, hincinde
conueheremus; vt si de vnguentis, vel
conuiuijs incidisset mentio, eò intexe-
retur longus quidam excursus de ritibus
vncionum, & conuiuiorū, quibus an-
tiqui-

tiquitas abusa est. Sed profecto perspicuum est, eiusmodi centonibus sencram textus explanationem obturari, & integratem dissipari; ut alia interim nocumenta sileamus. Quapropter ijs omnibus reiectis, solam textus expositionem, sanctorum Patrum in hoc genere labores æmulati, tradidimus. Duas tamē, ac tres interdū textus eiusdē interpretationis intulimus; at inter se congeneres, ne lectoris mens ad extranea digrediens, libri totius seriem minus perfectè cōciperet. Et ut explanationū sensum facilius, suauiusque perciperet, ipsi textus cuiusque verbis breuem paraphrasim, quæ vnam saltē è subiectis interpretationibus amplectetur, quasi operis parergon appinximus. Illud tamen, quod in hoc dramate desiderari videbatur, impensiùs conati sumus; ut scilicet verbat textus ità sibi harmonicè consentire ostenderentur, vt à minùs etiam prouectis construi facile possent. In tradendis autē arcanis sensibus, quos nonnullæ metaphoræ vulgatores à corpore

pore humano, ab animatibus, plantisve
petitae suggerebant, notis rerum pro-
prietatibus leuiter indicatis, sermonem
contrahere maluimus, arbitrii eiusmo-
di res lectoribus fatis esse perspectas.
Qua etiam ex causa sensuum aliquorū
rationes, lectoris animum yltro subitu-
ras afferre, superuacaneum duximus.
Quicquid verò boni à nobis allatum
est, clementissimo Deo acceptum refe-
ratur. Nobis autem vertatur vitio, quic-
quid re tanta minùs dignum irrep-
sit. Omnia verò S. Romanæ
Ecclesiæ correctioni
subijcimus.

) ? (

CANO-

C A N O N E S.

Arcana huius diuini Carminis, quo ineffabilis clementissimi Dei philanthropia exprimitur, sensa percepturis, canones subiectos animo complecti, maximè necessarium est.

1 In comoedijs stylus est duplex, alter exegemanticus, cù videlicet poëmatis author quippiam effatur, vel exponit; alter verò dramaticus nuncupatus, cùm authore silente, personæ variæ in scena vtrò, citròque loquuntur. Hoc autem poëma dramatico stylo contexitur, quod ex ipso patet initio.

2 Crebrò sub vna periodo, alter colloquentiū, modò secunda, modò tertia vtitur persona, eandem personā alloquens, quod Hebræis familiarissimū est.

3 Cum Salomon huius Carminis scriptor, diuini erga homines amoris reserauit arcana, enīsus est, ex naturali amore, vniuersis animis longè notissimo, illius diuini vires exprimere; vt inde discamus ex nostri amoris affectibus, in illius augustissimā quasi adyta penetrare.

4 Carmen hoc hexametris, & pentametris versibus à Salomone conscriptum est, in quo perpetua quædam, eaque longè pulcherrima metaphoræ excurrit, quæ in rhetoricam transit allegoriam.

5 Canticum canticorū nobis, sicut Hebræis ac Græcis, appellatur epithalamiū hoc, èo quod cæteris canticis, non aliorum scriptorum tantum, sed & ipsius Salomonis antecellat.

6 Palestinarū historiæ, ac mores, à cæterarum moribus gentiū longè dissiti, effecerunt, vt nonnullæ ex his similitudinibus arcانis, ex medio vulgo, turēre petitæ, nō adeò cōcinnæ videretur extensis,



cum

eum tamen mira sit in illis ad res exprimendas efficietas, & cum rerum proprietate congruitas.

7 Sponsus, qui à Salomone tanquam colloquettum personarum princeps in scenam introducitur, Iesu Christus est, secunda summæ Trinitatis hypostasis, duabus in naturis, (ut schola loquitur) subsistens. Sponsa est anima spiritualis coniugij fœdere, Iesu Christo sociata. Sponsi comites, Doctores Ecclesiæ sunt; Sponsæ verò sociæ, animæ, modò Sion, modò Hierusalem filiæ nuncupatæ.

8 Nō omnia prorsus, quæ insunt in hoc Carmine, Salomō literis expressit; sed nonnihil interdū lectori cōcipiendū cōmisit, quod ad operis pertinebat elegatiā; quemadmodū in comoediarū actibus perspicimus, quorū pars nō exigua, sensu, nō voce peragitur. Hoc autē non vtile modò, verū prorsus necessarium est, in hoc opere statui, atq; moneri, vbi plures periodi sibi ægrè cohærere videntur, si verba dūtaxat scripta expendas, nihilq; omnino intertexas. Apparet enim nonnūquam ferè inane quiddā, oratioq; languens & quodammodo incōcinna videtur.

9 Quæ in hoc Carmine à spōsis laudes congeruntur, nō rhetorica serie sunt perpendēdæ, quasi in eis artis præcepta seruentur. Hoc enim ad amoris vim exprimendā parū cōduceret. Sic igitur laudes appendi debet, quasi, quæ sine delectu, ex affectu amoris eruperint, cuius non est, artis humanæ præceptis infistere. Fertur enim, seu potius incendij sui flammis, modò in has, modò in illas laudes arripiturn. Quod dictū oportuit, ne quis suspicaretur, alterutrum sponsum alterius pulchritudinem efferentem, vel inepte laudes nonnullas prætermisisse, vel perturbatè, inter laudandum, artis præceptionibus non obtemperasse.

10 Vulgatæ editionis textū enarrare in primis
constituimus. Ex alijs verò versionibus Hebraïca, &
Septuaginta Interpretum translatione, prout biblijs
regijs habentur, vbi mysterij quippiam latere visum
est, vñi sumus. Versiones aliorū authorū, quibus non
tanta fides habēda est, perquā raro huic operi inte-
ximus, quas sine authorū nominibus allegauimus.

11 Dum animæ (cui sponsæ nomē tribuimus) in
charitate progressum à basi vsque ad umbilicum ex-
planare curamus, eam rationem iniuiimus, vt ab ipso
iustificationis primordio auspicaremur, quemadmo-
dum ex enarrationis initio perspici potest.

12 Sensus, quem explanare conamur, ad mores
Animæ, cui spōsæ nomē tribuimus, totus pertinet;
quā interpretādi rationē plurimi Patres in hoc Car-
mī ne amplexi sunt. Hūc verò sensum, licet ad mores
pertinentē, litteralē, magna saltē ex parte esse appelle-
landū, probabile satis est, cū rationi consentaneū sit,
in plurimis, si minūs, in omnibus, quæ de sponsa
enūciantur, effatis, mores Animæ Christo sociatæ,
sub quadā perpetua translatione, non alio sensu in-
teriecto, depingi. Si autē in ijs laudibus, quæ de spō-
sa scribuntur, Ecclesia primū laudari putanda sit,
non idē, duos quasi discretos sensus, opus est cōmi-
nisci, alterū Ecclesiæ, alterū animæ iustæ adscriben-
dum; sed vnum duntaxat verè litteralē, qui Ecclesiæ
vt corpori, animæ vt membro consentiat. Eadem
quippe laudes, eodem sub sensu sunt, quemadmodū
pulchritudo, quæ commendatur, eadem est; nō enim
alia, cum de virtutibus agitur, credi debet Ecclesiæ,
quam sanctarū n̄ animarum, quibus vt membris po-
tissimis illa constat, pulchritudo.

13 Quæ de spōso legūtur, literali sensu scripta putā

¶ sunt, quod multò nobis certius est, quā quod de spōsa asseruimus. Siue enim quis céseat, Ecclesiā esse cā, quā Salomō pinxit, sponsam, siue alius credat, animā iustā spōsam hic nuncupari, in eundē tamē, cū de spōso agitur, sensum, opus est vtramq; cōspirare sententiā. Est enim idē Ecclesiā; ac animæ iustæ sponsus Iesu Christus, cuius hic amor exprimitur, de quo in sensu planè literali Spiritus sanctus eloquutus est.

14 Quamvis autē spiritualia sub rerū corporearū figuris describātur, nō tamen ea, quæ ijs figuris aspe-ctabilibus innuuntur, ad mysticum pertinent sensum, sed literalem. Sensus quippè literalis est, qui primò per verba innuitur, seu propriè, seu metaphoricè prolatā. Salomon autem de Iesu Christo, ac anima ei sociata, sub corporatis imaginibus, & iugi translatione effatus est.

15 Plurima ex sanctorum Patrū interpretatione corrasimus, quæ, nominibus suppressis, huic operi intexuimus, quod ideò fecimus, quia ea nō nihil eli-mauimus, & vt nostro labore congruerent, inuertimus. Ordinis autē rationem nouā iniuimus, vt verba connecteremus, contextaq; mutuò, etiam parū in scriptura versatis, per uia redderemus.

16 Arcanū hoc epithalamiū adeò fuit Hebræis augustū, vt nisi post trigesimum ætatis annū legi à quopiā minimè pateretur. At vero postquā spōsus in terris visus est, & cū hominibus conuersatus est, plurimæ huic carmini factæ sunt lucis accessiones, quas ex priscorū interpretū laboribus enitere conspicimus, quibus potius, quam ingenij nostri viribus fie-ti, operi manum admouere decreuimus.

Sed Iesu Christi spōsi, purissimæq; Virginis Mariæ auxilio (ne quid inauguratō fiat) auspicemur.

CANTICI

CANTICI CANTICORVM INTERPRETATIO.

PER FRATREM IOAN-
nem à Iesu Maria Carmelitam
Discalceatum Calaguri-
tanum.

CAPVT PRIMVM.

S P O N S A.

Osculetur me osculo oris sui.

Paraphrasis.

Pater æternus , filij sui Spiritu , eo modo pecu-
liari , quo iustis coniungitur , mihi societur .

IVINVS ille Hierotheus
rerum diuinarum , quas non mo-
dò sciebat , verum & patieba-
tur , consultissimus , vt amoris
exprimeret ingenium , in libro
de amoris laudibus prodidit , amorem , vim
quandam esse coniungentem , atque miscen-

A tēm.

2 CANTICI CANT.

tem. Cui sanè oraculo apprimè consentit ardentissima hæc amantis sponsæ petitio, quæ votis omnibus sposo cupit permisceri. Statuendum est autem in hoc diuini epithalamij quasi vestibulo, animam, cui sponsæ nomine & functio tribuitur, antea tæ vitæ culpa obdurusse, & multis à Deo motibus ad iustitiam fuisse pulsatam. Cor autem eius illis motibus cœpit concuti, & se ad iustitiam sensim comparare, qui est mirus diuinæ sapientiæ ad gratiam vocantis ordo. Non enim uno istu omnes, vt Paulum, sed multis, sæpeque iteratis emollit. Timorè incutit, quo degener adhuc animus percellitur. Spem mox ingerit veniæ, qua voluntas allicitur. Amoris deniq; ac ex amore ortæ pœnitudinis actum excitat, quæ est potissima & vltima ad diuinam gratiam præparatio. Hoc ergo vltimo ac efficacissimo ad gratiam amoris motu, post longam cordis agitationem æstuans, & Deo cupiens charitate sociari sponsa depingitur; & eo ipso impulsa motu hæc verba enunciat: (Osculetur me osculo oris sui,) quasi planius in hunc modum effaretur: Arcana cōiunctiōne, ac singulari modo mihi Deus comisceatur. Enimverò, quemadmodū diuinæ Theologiæ tradit oraculum, præter eum modum res vniuersas peruidentem, quo Deus cūctis est præsens creaturis, secretior est ac diuinior modus

CAPVT I.

3

modus alter, quo iustis omnibus quasi mis-
cetur, quem cœlesti quadam, cum illapsu, co-
gnitione, ac amore constare accepimus. Ex
huius certè modi vi tametsi Deus ob suam
immensitatem ubiq; non esset, fieret nihil o-
minus intimè præsens animæ gratiā habēti.
Quæ quidem presentia (vt scholæ phrasibus
vtamur) esset secundum essentiā diuinā, quæ
tunc animæ coniuncta, efficeret, sicut verè
modò efficit, participationē sui multò nobis-
liorē, quam per naturalem ordinē; quæ inef-
fabilis quædā in naturam diuinam metamor-
phosis, seu transformatio est, à sacris litteris
naturæ diuinæ confortiū appellata. Modum
ergò hunc coniunctionis planè diuinū, spon-
sa velut emblemate quodam expressit, cùm
id osculi nomine significauit. Sicut enim os-
culum est duorum corporum contactus, ita
hæc Dei cū anima sibi grata coniunctio, arca-
nus duorum spirituum, isq; strictissimus con-
tactus est. Prius verò, quam interpretationē
auspicemur, sic habendum est: sponsam, vt
paulò ante dicere cœpimus, multis fuisse ad
iustitiam è culpa motibus impulsam, multis
quasi fluctibus in maris æstu verberatā, & vt
olim Susannæ contingit, angustijs vndiq; se-
ptam, dum hinc peccati mulcetur illecebris,
inde Dei timore quatitur, & quod fortius
est, aliunde etiam Dei amore incenditur.

CANTICI CANT.

His dum arctatur affectibus, motus ille amoris ad iustitiam efficacissimus, & ultimus clamare illam fecit, & in publicum iussit profiliere, ibique osculum, hoc est, arctam eam cum Deo coniunctionem audiissime petere. Vbi cernimus, huius dramatis exordium internis affectibus coepisse; verba autem haec (osculetur me osculooris sui) ad dramatis pertinere processum. Iam vero ea verba multifariam interpretari possumus.

Primum quidem, dum sponsa tam exacta verborum distinctione, osculantis, oris, osculi vtitur, per eleganti quadam velut effigie tres summiæ Triadis personas expressit. Non enim tantum, osculetur me, ait, sed (quod est plenū energia) enunciatè attexuit, osculo oris sui. Et quidem, quod ad verbum attinet primum, nullius meminit personæ, à qua sibi osculum expeteret, sed satius duxit rem filētio supprimere duabus inducta rationibus. Siluit quippe nomen, quia Deus, cuius osculum cupiebat, est ineffabilis, nec aptè ullo quantumuis amplio nomine significari valet. Siluit etiam, quia, cum nihil ipsa, nisi Deum mente pertractet, nec vero à quopiam pertractari censeat, satis esse putauit, illis actum exprimere, quæ vniuersorum cogitationibus credit esse presentem. Nullius ergo personæ præfixo nomine, ipsa verborum distinctione valde mira,

tres

CAPUT I.

tres summæ Triadis personas gratiæ diuinæ
 complexus sibi poscit vniri, aiens; Osculetur
 me osculo oris sui. A Eternus quippe Pater in
 troducitur in scenam, tanquam oculum im-
 primens. Os vero quo sponsam exosculatur,
 filius eius, hoc est Verbum æternū est, quod
 ex metonymia vulgatissima, qua, os, pro ver-
 bo ponitur, apertè liquet; præterquam quod
 iuxta Theologorum effatum, ea, quæ in diui-
 nis ad sermonem pertinent, ut os, lingua, & id
 genus alia, æterno Verbo tribuuntur, quo
 æternus Pater loqui eleganter asseritur. Os-
 culum vero ipsum ab osculante, oreque pro-
 cedens diuini spiritus quasi nota hieroglyphi-
 ca est, quod luculēter apparebit, si osculi pro-
 prietatem expendimus. Osculum nimirum
 nihil est aliud, quam duorum inter se amantiū
 mutua inhæsio, ac nexus; quo Spiritus sancti
 proprietas velut admoto pennicillo depingi-
 tur. Sane Pater, & Filius (quod est Theologo-
 rum pronunciatum) diligunt se Spiritu san-
 cto; quasi translatè dicas, dum sibi mutuo hæ-
 rent, amore producto, quodam velut nexus
 connectuntur, quodā velut osculo se mutuo
 exosculantur. Osculetur ergo me osculo oris
 sui, sponsa inquit, hoc est, Pater æternus, Ver-
 bi sui spiritu, mihi arctissimè copuletur, ac
 me suæ naturæ efficiat arcana ista coniun-
 ctione consortem. Et hæc prima est horum

verborum interpretatio.

Secunda vero introducit sponsam vehementi quodam impulsam afflatu, & Spōsum Iesum Christum cupidissimē implorantem, ut noua quadam creatione per Spiritum sanctum osculo notatum effecta illam condat, si cut in protoparente considerat. Poscit autē sub osculi metaphora ipsammet Spiritus sancti personam, qui est diuinus flatus, halitus, vel spiraculum, quod Deus inspirat in animā faciem, alludens ad historicam hominis creationem, ex qua expetiti osculi arcanam eruit significationem. Porrò tunc, aiente sacro textu, formauit Dominus Deus hominem de limo terræ, & inspirauit in faciem eius spiraculum vitæ. Quam historiam ut percipiamus, quamdiu corpore, quo ad intelligendum egenus, in hac mortalitate obsepti sumus, non aliter Deum in hoc aëtu concipi mus, quam sub imagine cuiusdam hominis, os ori, faciem faciei admouentis, habitumque suū Adæ ori infundentis, ac velut osculantis. Hæc autem faciei, orisve admotio, & inhala tio eleganter appellatur osculum, cuius vi plasma illud, ex limo terræ, prius natura(ut Theologi loquuntur)compactum, eodem tamen temporis momēto spiraculum, vel, vt alijs vertunt, spiritum vitalem, animamuè cōcepit, & sic factus est homo in animam viuentem.

uentem. Huc alludit sponsa, quæ totam sc̄e ob-
culpam, velut quādam cœni massam, cui de-
ficit spiritus vitæ, contemplatur. Sicut enim
anima corpori, ita Spiritus sanctus (quod est
arcانum osculum) animæ vitam impertit: vn-
de sine illo, cœni quædam concretio est. Spō
sa igitur iuxta hunc sensum sic loqui existi-
manda est: Sum propter culpam in cœni re-
lapsa naturam, & cupio spiraculum vitæ con-
cipere, ut siā in animā Deo viuentem. Oscu-
letur igitur me sponsus clementissimus oscu-
lo oris suii, hoc est, inspiret in animæ meæ fa-
ciem emortuam, & infundat mihi halitū, seu
spiraculum vitæ diuinæ, quasi faciem suam fa-
ciei meæ, & os suum ori meo admouens, &
osculū Spiritus sancti imprimēs; & sic in hac
palingenesia, seu regeneratione, propter os-
culum anima mea fiet in spiritum viuentem,
sicut olim plasma illud corporis Adæ in ani-
mam viuentem, propter osculum, effectum
est. Profectò, sponso faciem admouente ve-
luti osculaturo, fit homo naturali, ac diuina vi-
ta viuens; auertente verò illo faciem, quasi
osculum negante, perit homo; & tanquam
spiraculo vitæ orbatus in eum, vnde com-
pactus est, puluerem reuertitur, sicut scri-
ptum est: Auertente autem te faciem tur-
babuntur; & mox explicatur, quidnam sit
faciem auertere, per verba hæc, Auferes

spiritum eorum, & deficient, & in puluerem suum reuertentur. Hoc ergo sensu sponsa petit osculum, ea loquendi ratione precans, ne sponsus faciem suam auertat, ipsaque redigatur in puluerem, sed emittat suum osculum, seu spiritū, ut cius facies, quæ culpæ squalore sorduerat, refouetur. Explanatio hæc maiorem habebit energiā, si (ut aliqui satis aptè censem) inspiratio hæc spiraculi vitæ, quæ secundo capite Genesis narratur, non sit animæ creatio, quæ capite primo, sexta die cum corporis formatione facta intelligitur, sed missio Spiritus sancti. Hoc enim modo, per illam inspirationem, vel osculi impressionem, historicō sensu intelligenda est ipsius personæ Spiritus sancti missio, & receptio, quam sponte ardenter poscit. Et hæc secunda est interpretatio,

Tertia, reconciliationem ex culpa, & post bellum pacem osculo notari vulgatissima opinione censet. Et in hoc sensu sponsa sic effatur. Osculetur me maiestas sponsi suauissimoris sui osculo, hoc est, adeò arête mihi copuletur, ut ego post culpæ inimicitiam, nouæ pacis födere percusso, pacem osculo notatā, deleto inimicitiae veteris chirographo, inter iustos recipere merear. Quam interpretationem enucleare opus est, expensa reconciliatione, quæ fit, anima ad sponsum è culpa,

quasi ab exilio reuertente. Portò osculo pacem significari notissimū est, vnde & inscriptura salutatio in pacis osculo legitur. Videtur autem ex ipsa rei proprietate ducta hæc significatio: Concordia enim, quæ pax est ipsa, duorum est cordium, sicut osculum duorum corporum, arcta coniunctio. Iuxta hunc ergo sensum, sponsa cupiens pacis cum Deo fœdus percutere, Osculetur me, inquit, hoc est, salutet me in osculo pacis, quo nihil mihi deletabilius euenire potest. Quod verò attexit, osculo oris sui, superuacaneum non est, sed emphasi plenū ad plenam optatæ pacis significationem innuendam. Principes quippe solent pacis osculo notatæ significationē non nullam exhibere per nuncios; Quemadmodum Dauid, qui iuste in Absalonem exceduerat, Ioab dexteritate victus, passus est Absalonem in urbem redire, sibiique aliquantum propinquare, pacis quasi partem impertiens; at se ab illo videri non permisit, nec oris sui osculo illum excipere voluit, sed quasi osculo Ioab conciliatoris illum salutauit. Denique, postquam maturuit ira, pacis plenitudinem ostensurus, illum osculo oris sui, hoc est, proprio recepit, plenamque pacis significationem exhibuit, ac conquieuit. Sic sponsus Dauid verus, peccatorem non cuestigio ad osculum admittit, sed pacis exiguum ostensionem

per nuncium, hoc est per impulsum Spiritus sancti nondum inhabitantis, sed mouentis exhibet, quoadusq; ille multo conatu, ac natu ritate osculum flagitet, ac Deum placare contendat. Mox verò ut illum satagentem, & æstuantem sponsus cernit, ira posita, plena pacis significatione, animam è culpa reuerten tem eleganter dicitur osculari, quando non iam per impulsum ad iustitiā, quasi per nuncium, pacis ac veniae velut partem impendit, sed animæ iam iustæ sociatur, labia quasi labijs admouēs, & Spiritus sancti ibi moratur habitum immittit, sicut quondam cum pace nunciata insufflauit, & ore admoto, Spiritum sanctum arcano quodam osculo Apostolis infudit. Osculum quippe sponsi, & coniunctione, & habitu constat. Hæc de tertia interpretatione.

Hic autem annotare opus est, pro osculo sponsam iuxta Hebraicum textum, & septuaginta interpretum versionem in plurali numero oscula poscere: sic enim in Hebraico, & Græco habetur: Osculetur me ex osculis, vel ab osculis oris sui. Quibus sanè verbis spōsa innuit, se plures coniunctiones intimas iuxta interpretationem primam, vel iteratum vitæ spiraculum iuxta secundam, vel plures pacis ac reconciliationis notas iuxta tertiam expetere.

Nunc

Nunc verò statuendum est, sponsum spon-
fe desiderio flexū statim affuisse, ut eius voto
præsens satisfaciat, & expetitum osculum im-
primat, quod ex Theologico liquet effato.
Spōsa quippe vltimo ad iustitiam motu, quā
schola vltimam dispositionem appellat, im-
pulsa illa verba epunciauit: Osculetur me of-
culo oris sui. Est autem infallibile decretum,
in eo motu efficacissimo diuinam gratiam
infundi, cum qua ipsem Deus sit animæ
nouo modo planè diuino præsens, Pater
venit, Filius, ac Spiritus sanctus mittuntur.
Sponsus ergo à Patre ad sponsam illius cu-
pidissimam missus, ineffabiliq; illo modo iam
præsens, sic effari putandus est: Cur adeò
ardenter, o sponsa, meæ præsentiae flagras
desiderio? Cur osculum tam sitienter expe-
tis? Huic verò interrogationi sic sponsa
respondet.

Quia meliora sunt vbera tua vino.

*Duplex amor tuus, o spōse, quo velut gemine
vberem alis, ad excalfaciendam & exhila-
randum, generoso vino melior, ac po-
tentior est, ideo osculum expetius.*

VBer, est insigne amoris symbolum. Sicut
enim vber suapte constitutione tenerū
est,

est, ac molle, lactis plenum, & à pectore velut
crumpens in fœtus bona propensum, ita pla-
nè amor est ingenio suo tener, dulcore lacte
notato affluens, & in rem amatam pronus, ab
amantis pectore velut exultans. Quæ quidē
omnia quotidiano satis experimento patent,
præterquam quod è media amoris natura, si-
ne ambiguitate, promuntur. Quod præterea
clarè perspiciemus, si editionis nostræ verba
ad fontem Hebraicum conferamus. Pro eo
enim, quod noster interpres vertit, Meliora
sunt vbera tua vino, in Hebræo sic legitur,
(Bonji amores tui, præ vino) vbi cernimus
amores & vbera, eandem rem, vno sensu, ac
mysterio censeri, quod ex allata vberum cum
amore similitudine planissimum fit.

Iam vero sponsus vberibus præditus in sce-
nam inducitur, ad exprimendum illum verè
maternū affectum, quo recentes iustitiæ fœ-
tus sermonis iustitiæ expertes alit. Est quip-
pè mater illorum, quos in sua generat iusti-
tia: quod non obscurè scripturæ sacræ oracu-
la tradiderunt. Enim vero ipse met sponsus
per Isaiam, se, qui generationem cæteris tri-
buit, non fore sterilem asseruit; & in Apoca-
lypsi pingitur ad māmillas zona præcinctus
aurea, quibus apertè significatur eius affectus
verè-maternus, quo iustos prosequitur. Nihil
infantulus efficere potuit, vel mereri, ut ma-
ter

ter illū conciperet, & pareret cū nō esset; ita
nec peccator quicquā p̄fūlare potuit, vt eū
sponsus tanquam nouam conderet creaturā.
Infans sicut partum non mereri, itā nec eo se
potuit indignū exhibere, cūm non esset, pec-
cator verò potuit sponsum scelere irritare, ne
nouo iustitiae partu ederetur. Qua in re facile
patet, spōsum plusquam materno erga iustos
esse p̄aditū ingenio, cūm potēter amet eos,
à quibus fuit laceſitus iniuria. Geminū verò
vber duplē sponsi prodit amorem, tenerū
vtrūque, dulcoris quasi lactis plenum, suoque
velut pondere iuſponsam propensum. Vber
alterū æternus amor est, quo in charitate per-
petua sponsam dilexit: alterum verò, creatus
est amor in humana sponsi voluntate reposi-
tus, inde ad sponsam touendā à primo lux cō-
ceptionis momento, velut vber à pectore
erūpens. Adeò sane duo hæc vbera volunta-
ti sponsæ sunt exposita, & quasi sacrata, vt ad
eam dumtaxat alendam destinata videantur;
& perennes ob id lactis riuos euergant. Hic
autem non pro vtroque amore sponsi pro-
priè accipiuntur, sed pro vtriusque amoris
dulcore, quo sponsus quasi lacte dulcissimo
recentes iustitiae fœtus permulcet, & alit. Ex
his igitur vberibus, vel amoribus, sponsa re-
cens ad iustitiam euocata lac dicitur suxisse,
quia vtriusque erga ſeipſam amoris sponsi
dulco-

dulcorem gustauit, ac incredibili exinde voluptate perfusa ad osculum expetendū, ubi plurimum voluptatis esse præfigiuit, vehementer æstuauit. Quamobrem verba sponsa sic explananda, cōtexendaq; sunt; (Quia meliora sunt vbera tua vino) dixi, o sponsa, de te loquēs, (Osculetur me osculo oris sui) ac si in hunc modum loqueretur. Quia dulcorem extroq; amore tuo hausi, vino generoso, ad exercalfaciendum, exhilarandum, ac spongiendum potentiorem tuam in me indulgentiam in tuo illo efficacissimo ad iustitiam motu experta, osculi dulcorem nouum, halitus spiritus tui illapsu constantē expetiui. Contemplatur ergo sponsa sponsi lac, pro quo vbera metonymicē ponūtur, & collata vi lactis huius (qui est dulcor internus, quo Deus plurimos ad iustitiā allicit) cum vini proprietatibus, ait lac esse melius vino. Melius enim dulcor hic lacteus animam calefacit, & exhilarat (quae sunt duæ notissimæ vini proprietates,) quam vinum artus corporis. Ille enim eo dulcore excitatus calor, & alacritas, mentem ad diuina vehunt; vini vero calor, & hilaritas ad terrena cor laxant, & impellunt. Vinum inducit somnum, quo rationis usus præpeditur, & homo belluarum more iacet; ille vero arcanus dulcor mentem erga terrena sopit; rationis vero vim & usum acuit ad diuina, totum-

totumque hominem erigit ad statum, in quo Deus illum condidit. Tanta est huius lactis sponsi vberibus expressi vis, quam tyrones non sine admiratione experiuntur, dum se animaduertunt eo potu fieri sobrios, & rerum conscos diuinorum. Et haec prima est interpretatio.

Secunda verò, non vbera arcanè accepta, cum hoc vino sensili, quod ex viuis torculo exprimitur, sed tam vinum, quam vbera sensu mystico intellecta mutuò confert. AEquū enim est, vinum, arcanum quipiam innuerre, cui vbera sponsi dicantur antecellere: siquidem, vbera vino ipsi prælata, non sunt haec aspectabilia, qualia in fœminarum pectoribus extumescunt; parùm enim laudis inde merebentur. Vinum igitur in sacris litteris vltionem ab ira Dei erumpentem egregiè significat, ut nouit regius Psaltes, qui Dei peccata vlcifcentis notam velut hieroglyphicam excoxitas, Deum, calicem vini meri peccatoribus propinantem pinxit. Sicut scriptum est. Quia calix in manu Domini, vini meri plenus misto, & inclinavit ex hoc in hoc. Et in Apocalypsi 14. Qui adorauerit bestiā, & imaginem eius, hic bibet de vino iræ Dei. Et haec quidem de æterni cruciatus vltione scripta sunt. Significat autem & vinum eam poenam, quam Deus peccatoribus infert;

vt resipiscant, & salutem adipiscantur, sicut
scriptum est, Ostēdisti populo tuo dura, po-
tasti nos vino compunctionis, & mox ratio
subiungitur, Dedisti metuētibus te significa-
tionem, vt fugiant à facie arcus, vt liberentur
dilecti tui. Deus ergo vinum vltionis quibus-
dam æterna damnatione porrigit, quibusdam
vinū pœnæ in præsenti vita propinat, vt ab
æterno cruciatu liberetur. Hæc autem illatæ
pœnæ significatio ex ipsius proprietate vini
deprompta est. Cum enim vinum viceribus
infunditur, medetur sanè, at non sine morsu,
& acrimonia; quod est apertissimum symbo-
lum eius remedij, quod Deus, illatis pœnis,
& calamitatibus, quibus cor, dum cōuellitur,
& pungitur, salutem instaurat, peccatoribus
parauit. Et hic est unus ex duobus modis fa-
cile notissimis, quo Deus corda nostra qua-
tit, & verberat ad salutem. Alter vero, qui est
sponso familiarior, dulcore ac suavitate refer-
tus est, qui non verbere inficto, non pœnis
illatis, sed cœlesti quadam voluptate cor emol-
liente, & fluxarum mundi voluptatum obli-
uionem inducēte, hominem facit resipiscere,
& vunionem cum sponso intimam medullitus
facit optare. Huius vero diuinæ vocationis
imaginem sponsa depinxit, cum sponsum ma-
terno in homines affectu, & corde prædictum
vbera gestantem lacte distenta in scenam in-
trodu-

troduxit. Porrò vterque sponsi in homines amor, gemino vbere notatus, ijs, quos è peccati captiuitate eripere, ac sibi per charitatē cupid lociare, per id tempus, riuos dulcoris interni laetē significati propinat, eoq; modo generosum hominis cor, quod amore potius, quam minis, ac terrore capitur, efficacius trahit. Quis enim vnquam æruminis à Deo infictis, vel tam seriò resipuit, vel Deo tam inhæsit arctè, quam Magdalena his vberibus, hoc laetē ad sponsi vunionem allect a? Gustauit lac, & dulcore mirificè capta est.

Hos ergo duos diuinæ vocationis modos sponsa mutuò comparat, & eū, qui laetē significatur, alteri, qui vino exprimitur, præfert tanquàm meliorem. Est autem melior, idest, efficacior, vt quotidiana eorum, qui resipiscunt, experimenta declarant. Est melior, hoc est, naturæ diuinæ prior, atque germanior. Cum enim Deus amanter agens, interni hominibus lac dulcoris instillat, naturæ motu, & suo velut genio ducitur; cum verò pœniam infert, licet amanter puniat, quasi violento motu impellitur, ac proinde quanto cyùs flagellum abiicit, suavitatem verò sui spiritus, tametsi ob lucra nostra eam interdū celet, nequit tamen seriò abiicere. Cum igitur hic vocandi, trahendique modus sit ex tot capitibus melior, & ad conuertendos

B animos

animos efficacior, optimè ratiocinatur sponsa, dum ait, se osculum petere, quia vbera, quæ nuper suxit dulcorem mirum percipiēs, sunt vino meliora, ac si in hunc modum effaretur: Si me incusso timore attraxisses, sponse, cunctarer, minusque tibi propinquare auderem; at quia me cerno modo meliore, hoc est, dulcore amoris ad te allectum, audeo tecum familiarius agere, ac optatum osculum poscere.

Hac autem præmatura osculi petitione mirificè declaratur rude amoris teneri ingenium. Solet infans gremio matris exceptus, per ipsius matris reptare corpus, faciemque ipsam leniter attrectare, osculo deum matrī blandiri. Minimè veretur parentis dignitatem, nondum quippe didicit vereri, cum cœperit amare. Hoc planè modo, sponsa, quæ in amoris versatur infantia, rudis adhuc, & urbanitatis expers diuina pingitur arte. Experitur indulgentiam sponsi, vereque maternam erga se propensionem, quamobrem amare incipit, & audire, maiestatem verò sponsi nondum didicit à propensione secessere. Quod profectò non obscurè dispicitur, si sponsæ verba libremus. Ait enim, meliora sunt vbera tua vino, quasi luculentius in hunc modum loqueretur. Quia illud lac, quod efficaci amoris motu, ac suavitate mira

ad iustitiā allecta nuper exuxi , vino fortius,
ac generosius est; tenella ego, liquore victa, &
quasi ebrietate consopita sum; quamobrē cel-
litudinē tuā non adeo dignosco , sed ad eam,
quam prælibauī, suavitatem, toto mentis co-
natū feror ; matrem amare, non ita venerari
noui. Subtexit autem rationē alterā, ad hanc
sententiā confirmandā peropportunā. Quā
vt percipiāmus, statuendum est, animā ē cul-
pa ad gratiam efficaci motu traductam , in eo
tunc amoris motu, dulcorem diuinū vberum
sponsi lacte notatum degustasse , quo mox
percepto vinum cœpit despicere . Post eum
verò motum , iam Spiritus sancti & gratia, &
vnctione delibuta, septem donorum , quibus
obuncta est, suavitatē percipiens, ait ea se fra-
grantia, ad osculi etiā impressionem expetē-
dam incendi. Hoc enim sibi volunt hæc ver-
ba, his, quæ proximè enarrauimus , annexa.

Fragrantia vnguentis optimis.

*Duplex amor tuus, sponsus, effundit in me vngue-
ta optima, quæ sunt Spiritus sancti charismata,
quibus vngor abste, ut tui, qui Christus es, parti-
ceps siam.*

VBera Sponsi fragrant vnguetis optimis,
hoc est, similitudine vnguentorum seu

aromatū optimorum, est enim ablatius similitudinis. Ut autem horum verborum sensum penitissimè inspiciamus, concipiendus est nobis sponsus, sub imagine aspectabili, vberibus pulcherrimis præditus, & sacra unctione perlitus. Sponsa etiam sub effigie corporata concipi debet, vbera illa fugens, ac sponsum amplectens, quo in amplexu, sponsi illa tactu linitur; nec enim quis corpus unctionum contrectare valet, nisi dum contrectat, vngatur. Ex hac verò effigie corporea in arcanam fragrantiam, internamq; nos insinuemus unctionem. Porrò sponsus vnguentis optimis, hoc est, Spiritu sancti donis, ad palestram, in qua, vt olim athletæ, cum hoste saeuissimo luctaturus erat, præ participibus suis unctionus est. Hoc est mysticum athletarū ceroma, quo qui perungitur, hostis vnguis teneri nequit. Iam verò vniuersi, qui sponso charitatis sociantur amplexu, illum quodam spirituum contactu attingunt, & inde vnguntur participes Christi, hoc est, unctioni effecti. Non enim Spiritus sanctus, qui ad luctam iustos obungit, alios, quam sponso coniunctos, eiusque in ea unctione consortes linet. Oportet enim, vt quicunque linitur, eā unctionem sponso referat acceptam, quasi eius contactu, amplexuque contractam. Quapropter sponsa nō sine emphasi, cū potuisse dicere,

dicere, totum corpus fragrare, vbera dumtaxat elegit, quæ diceret esse fragrantia, hoc est, vnguentorum optimorum fragrantiam effundentia. Fatetur nimirum sponsa vbera sponsi effundere, ac efficere hanc spiritalem donorum suaveolentiam. Vterque enim spōsi amor vberibus notatus natuua sua propensione efficit, ut spōsa, sicut & diuinæ gratiæ, ità & septem charismatum particeps fiat. Nō enim ex operibus iustitiæ, sed ex amore sponsi delibuta, & his arcanis vnguentis ad futuram luctam comparata est. Duo videlicet spōsi amores, vel arcana vbera, duæ sunt quasi odorum selectorum pyxides, ex quibus mystica hæc vnguenta in sponsæ animam funduntur. Ex quo patet, quām significanter sponsa dixerit, vbera esse fragrantia vnguentis optimis, hoc est, odorem vnguentorum aromaticorū exhalantia. Sicut enim odora menta vasculis conclusa non percipiuntur, cum verò inde funduntur, odore latè fluente olfactum afficiunt; ità spiritus diuini dona, quibus sponsus perlinitus est, quamdiu illius anima ceu vase clauduntur, odorem sponsæ naribus minimè ingerunt; verùm mox, ut sponsus quadam effusionis imagine, sponsam suæ plenitudinis velut exundantis facit esse confortem, quasi partem suæ vñctionis, in eam, sua propensione transfundens. Odorem

quām suauissimum spirant vnguenta profusa: odor autem seu fragrantia, quam vbera fundunt,dum sponsam suo quasi contactu linunt,spes futura fœlicitatis est,quæ per eleganti metaphora nūcupatur odor. Quemadmodum enim , dum pomis æstate percoctis, & opportuno tempori asseruatis vesci non datur,illorum odore mirificè recreamur , & velut alimur , vt facilè credunt , qui cellas quasdam in pomarijs,ad poma eò conuehenda & seruanda construētas , prætergrediuntur , & dum illorum esus interdicitur , multa voluptate saltem odorem hauriunt; sic dum ligni vitæ fructu , hoc est sponsi gloria frui non sinimur,quam sponsus velut obseratam, & opportuno tempori asseruatam tuetur,ne in hoc deficeremus exilio , diuina sapientia effectum est,vt odorem illius trahamus , fœlicitatis spe gaudentes , quæ ad fœlicitatem comparata,odori,si ad pomum maturum conferatur,simillima est. Hanc profectò spem in sponsa generat vncio Spiritus sancti ab vberibus,hoc est,vtroq; sponsi erga illam amore profecta. Nihil enim ad spem acuēdam videatur efficacius , quām ab illo amari , & donis augeri,qui possit , & fœlicitatem largiri;hoc enim ipso , quòd amat , & donis ad fœlicitatem directis ornat,se eam fœlicitatē donare velle commonstrat. Ex his , quæ de his arcanis

nis vnguentis asserta sunt , apertè lucet , & cum athletarum ceromate , & cum vnguentis odoratissimis , ad delicias comparatis similitudinem habere . Cum ceromate quidem , quia anima illis obuncta redditur agilior , & ad luctam expeditior , & ne à colluctatore teneri possit , immunior , quod ex Theologico liquet asserto . Concors enim omnium sententia est , præter virtutes infusas , Spiritus sancti dona simul cum gratia conferri , ut anima quasi pondus carnis excutiens , fiat mobilior , & agilior ad obtemperandum Spiritui sancto eiusunctionis authori , qui palæstræ præsidet , & animam ciet . Cum odoramentis autē hæc arcana vnguenta similitudinem gerunt , quia spe recreant , & fœlicitatis odorem quasi naribus ingerūt . Et hæc prima est enarratio , quæ vbera , seu , quod ex Hebræo vertitur , amores , vt charismatum diuinorum causas expendit .

Secunda verò non in eum sensum vbera contemplatur , sed quemadmodum , cum illa vino præferuntur , lac intelligit metonymicè vberibus signatum , quod antefertur vino ; ità nunc , non amores ipsos sponsi , sed , eadem metonymia procurrente , lac ex ipsis amoribus expressum dicit optimis vnguentis fragrare . Et hic sensus concinior , & ad eandem periodum explendā con-

4 CANTICI CANT.

sonantior est. Lac ergo sponsi vino antelatu, optimis vnguentis fragrare asseritur, quia dulcor internus lacte ipso notatus, quē Deus recentibus iustitiae partibus instillat, paradisi cælestis odores aromaticos internis naribus immittit. Tunc enim, naribus, vim discernendi innuentibus, quasi patefactis, anima discit diuinam à terrestri suavitate secernere. Dum ergo sponsa inquit, lac, seu dulcorem vberum sponsi fragrare vnguentis optimis, tantumdem ait, ac si diceret, lac non solū gustavi, sed etiā olfeci, & olfactus organo, ac vi, quæ vis est discernendi, suavitatem eius percepī, quæ mihi vnguentis optimis simillima videtur. Vnguentis, inquit, optimis, non ijs, quæ ad lasciuiam conficiuntur excitandam, sed ijs pastillis odoratis, qui sacris aris aduleri, ac mentem ad diuina erigere solent.

Porrò septuaginta interpretes verba hæc, Fragrantia vnguentis optimis, non referunt ad vbera sponsi, vt noster retulit interpres; sed postquam præmisere: Quoniā bona vbera tua super vinum, clausa periodo, sic aiunt: Et odor vnguentorum tuorum super omnia aromata, quasi duas seorsum causas osculi cupiendi sponsa distinxerit, & vbera esse bona super vinum, & odorem vnguentorum, quibus sponsus obunctus est, fragrare super aromata

mata vniuersa, quorū sensus arcanus ex proximè dictis promi facile potest.

Nunc autem vt verborum consensionem, texturamque perpendamus, notandum est, quamdiu anima peregrinatur claro sponsi interdicta conspectu, cæteris sensibus omnibus quasi sponsum ipsum experiri. Osculo enim tetigit sponsum; lac vberum fugens gustauit; vnguentis sponsi delibuta olfecit; solus supererat auditus, quo spōsum etiam perciperet, & ex omnium internorum sensuum experimento ipsum desiderādum esse conuinceret. Propterea dicit.

Oleum effusum nomen tuum.

Non solum quæ tibi hæret, sed & nomē tuum, Iesus, quod extrinsecum quiddam est, olei more exhilarat, roborat, charitatis ignem alit, præser-tim quia notat effusam à te in nos salutem, quæ mysticum est oleum nostra vulnera delens.

AC si planiùs diceret, non modò illa, quæ tibi hærent, vt osculū, vbera, vnguenta, verum & ea, quæ te vtcumque indicant, mirame voluptate permulcent, & ad te cupendum alliciunt, vnde & internus dumtaxat tui nominis sonus, me more olei lætitiae perfundit, & afficit, vt te peruestigare contendam.

Duo autē nominis sponsi sese produnt encomia, oleū videlicet esse, & effusum esse. Verum, cū sponsus, Christus appelletur, & Iesus, vtri horū nominū hæ laudes impendantur explorandū est. Liquebit autē Iesu nōmē augustissimū à sponsa cōmendari, si eius verba trutinemus. Ait enim, nomen tuū, ac si clarius diceret, nomen propriū tuū, quod tibi in circūcisione, oraculo acceptū, tributū est; nō verò id nomen, quod tibi cū alijs est cōmune. Constat autē Christi nomen, non esse Spōsi propriū, sed appellatiuum, quod & regibus, & fācerdotib⁹ sacra vñctione delibutis frēquēter in scriptura tribuitur, vt pote nomen dignitatis, licet in hac significatione antonomasticè sponso cōueniat. At de hoc non adeò propriè sponsa loqui potuit, cū dixit: Oleū effusum nomen tuū. Venerabile autem Iesu nomen, est id, quo propriè ille à cæteris di- gnoscitur, atque secernitur, quemadmodum nomine tūc imposito, quicūque sacro abluitur baptimate, à cæteris internoscitur hominibus, idq; nomen vniuersiisque communī omniū sensu putatur. Quapropter in his spōsæ verbis hæc proprietas, quæ optimè seruari, & ad sensum arcanū prodesse potest, cæteris est significationibus præferenda, vt cum ait: Oleū effusum nomen tuū, de proprio, nō ita de appellatiuo nomine loqui credatur.

Nunc

Nunc autem, quo pacto nomen hoc cælitus
elapsum, & oleū, & effusum oleū sit, accurate
explanandū est. Porro oleū, si vulgari sensu
pro liquore ex oliuis expresso accipiatur,
permulta habet, ex quibus nominis Iesu vim
queat ostendere; voluptatem corpori conci-
lliat, & exhilarat; lassa mēbra roborat, & re-
creat; vñceribusq; medetur. Sic etiam suauissi-
mū nomen Iesu, eos, qui aure id cordis percipiunt,
cælesti voluptate peruadit, & faciem
mentis exhilarat, quasi bonū salutis nunciū,
animas languentes salutis significatione eri-
git, ac recreat, peccatiq;ue vñceribus mede-
tur, omnēque prorsus calamitatis speciē ani-
mo expungit, vt probè norunt, qui nomen id
religiosius colunt, ex quorum affectibus, ac
moribus, descriptos effectus, multoq;ue plu-
res alios licebit deprehendere.

Habet præterea nomen hoc, quoddam
in mundo vniuerso imperium, cui flectitur
omne genu, cælestium, terrestrium, & in-
fernorum, quod satis aptè notatur olei aquæ
supernatantis proprietate. Sicut enim oleum
nec mergi, nec verò aquæ permisceri pa-
titur, ità ob suam celsitudinem Iesu no-
men rebus creatis vel condi, vel admisce-
ri non fert, sed super vniuersum mundum
caput effert, & illi toti sua maiestate præ-
sideret.

Hac

Hæc quidem idonea sunt. Verum, quod significantius huius nominis vim videtur aperire, est vis olei ad ignem nutriendum opportunissima, cuius Deus curam in vetere testamento gessit, dum ad concinnanda lumen purissimum oleum iussit adhiberi. Profecto fomentum quoddam, quo charitatis alitur ignis, nomen Iesus est, cuius vel solo auditu ingens in cordibus iustorum flama excitatur: nam quale incendium excitetur, cum cordis aure percipitur, nequit prorsus explicari. Profectò Paulus, ut in eius licet epistolis animaduertere, creberrimè nomen hoc diuinum repetebat, quasi hoc cibo, eius charitas, tanquam vorax ignis pasceretur. Pauli verò erga id nomen studium permulti æmulati sunt, quorum charitas orbe toto, hac etiam ætate nostra, insigniter enituit. Et hæc quidem de olei oliuarum cum Iesu nomine similitudine allata sunt.

Alij autem expendentes nomen Hebraicū יְהוָה pro quo interpres noster oleum vertit, vnguentum transtulerunt, vt septuaginta Interpretes, qui μόρον habent. Alij deum existimarunt liquorem aromaticum esse, ex arboribus aromaticis Arabiæ, ac terræ promissionis fluentem. His autem duabus interpretationibus appensis, arcanos sensus eruere facillimum est. Si enim vnguentum dicatur

pretio-

pretiosum, quale ab antiquis ad capita vngena in delicijs habitum est, dum sponsa inquit, nomen sponsi vnguentum esse, innuit procul dubio, se illo velle perlini, & caput, hoc est, principem animae partem semper de illo cogitantem, eo delibueret; si enim nomen id vnguentum est, profecto qui illud, (quod vulgo dicitur) semper gestat in capite, semper incedit obunctus. Si verò nomen id liquor dicitur aromaticus, qui in truncis arborum orientalium concrescit ut gummi, & ad sacros suffitius adhibetur, dum sponsa inquit, spōsi nōmem liquorem aromaticum esse, tantundem agit, ac si diceret, odorem diuinum exhalare, talem videlicet, qui aris adulteri, & hominum corda suffitu illo sacrosancto ad Dei cultum possit allucere; quo manifestè proditur eius nominis ad corda in Dei cultum acuenda efficiacitas. Et hucusque alterum è duobus nominis Iesu encomijs, oleum scilicet esse, explicatum sit.

Nunc verò secundum auspicemur, quod est, oleum non vase conditum, sed effusum esse. Quo quidem insigni, mira se nominis Iesu prodit energia, qua à Christi nomine facile separnitur, Christi nimirum nomem, non effusionem, sed absconzionem significat olei; vngi videlicet, quod Christus, hoc est, unctus, notat, nihil est aliud, quam vunctionis oleum

oleū vase recipere, & velut haurire: qui enim
vngitur, oleum poris trahit patefactis. At sal-
uare, quod Iesu, id est, Saluator exprimit,
nihil est aliud, quam vnguentum, oleumque
salutis effundere, ac aliosunctionis suæ par-
ticipes efficere. Ex quo patet insigni quodā
discrimine Iesu non men à Christi nomine seiū
gi, quia Christus propalat vunctionem, quam
sponsus, quà homo est, ad propriam recepit
dignitatem; Iesu autem conditæ vunctionis
effusionem, quam nobis sponsus, ut Deus ho-
mo contulit, manifestat. Significat quippe
Iesu salutem à diuina hypostasi delabentem,
& per assumptæ naturæ quasi fulcum, ad
nos modo planè miro deriuatam; impositum
enim nomen id fuit, ad diuinam personam sa-
lutis effectricem, non seorsum, sed in natura
humana significandam. Cuius certè significa-
tionis plenitudo tunc apertè perspecta fuit,
cum vulneribus confossum in cruce sponsus,
sanguinem, sine quo remissio non foret,
effundēs, salutem quoque illo sanguine sub-
nixam in genus humanum, velut fracto suæ
purissimæ carnis fudit alabastro. Et quidem
significatio hæc non fuit temerè conficta, sed
ab ipsa rei natura deprompta; est enim verbi
æterni carne obsepti non minus proprium
salutem afferre, ac in nos effundere, quā sit
ignis vrere. Qua ex significatione facile per-
spici-

Spicitur, sponsam de Iesu nomine perspicue
effatam fuisse. Cum enim nominis sponsi me-
minisset, ut illud, more olei, ignem amoris ale-
re, ac excitare affereret, omnino certum erat
Iesu, potius quam Christi nomini innuere de-
buisse, quia ex suo proprio sensu ad amoris
incendium excitandum est multò efficacius.
Porro acrius inflammatur homo, cum percipi-
pit nomen Iesu, quo Deum carne obiectū ad
suam intelligit salutē esse propensum, quam
cum Christum audit, quo nomine sponsi ip-
suis, ea, qua excellit ipse ac nitet, dignitas re-
gia, & sacerdotalis exprimitur. Et hæc prima
est interpretatio.

Secunda verò non minus arcana promittit
ex alia versione, quæ pro oleo effuso vngue-
tum legit exinanitum. Exinaniri autem mo-
re sacræ scripturæ dicitur, quod à perfe-
ctioris naturæ, & constitutionis plenitudi-
ne, ac integritate, in naturam minus consi-
stentem ac perfectam, quadam velut meta-
morphosi descendit. Sic enim in quandam
velut inanitatē abit ac resoluitur. Sic vnguen-
tum, cù in pyxide concretum ac coagulatum
est, naturam habet firmorem, ac consisten-
tiore, tunc verò dicitur exinaniri, cum liqua-
tur, ac resoluitur, & quasi in nihilum verti-
tur: & tunc sanè ad medēdum aptius est, sua-
vioremque exhalat odorem. Ex hac ergo
simili-

similitudine arcanus eruitur sensus. Sponsus quippe, antequam homo fieret, erat sane vnguentum, at concretum, & in se quasi contractum, sed cum ad nostram humilitatem carnea toga obiectus se abiecit, tunc exinanivit semetipsum, formam servi accipiens; tunc verè fuit vnguentum exinanitum, à suæ naturæ plenitudine ac integritate, in qua sine rapina Patri æqualis permanxit, ad nostram delapsus inanitatem. Abiit, quasi in nihilum: illud enim nihil, quod sine ipso factum est, quod est peccatum, assumere nequivit; illius tamen imaginem, peccatoris similitudine tectus, induit, & proinde non in nihilum, sed in quasi nihilum descendit, cum seipsum exinanivit. Tunc verò efficacius, quam olim, cœpit sua velut eliquatione mederi, odoremque suæ naturæ ac bonitatis multò, quam olim suauorem effundere. Nomen igitur Iesu hunc ad nostram inanitatem commerciumque descensum, hanc sponsi exinanitionem significans, rectè appellatur vnguentum exinanitum. Qui profectò sensus, si medullitus concipiatur, efficacissimus est ad amorem excitandum, ac dulcorem ingerendum. Hæc est secunda interpretatio.

Tertia elicetur ex alia versione ad Hebraicum textum expensa, quæ pro oleo effuso oleum cuacuationis habet. Est autem oleum

euacuationis, liquor aromaticus de vase in
vas elutriatus siue trans fusus, qua sanè trans-
fusione latius sua uolentia diffunditur. Hæc
est profectò eximia nominis Iesu laus, vt ex
vno electionis vase transfundatur in aliud, &
sic Ecclesiam orbe toto propagatam odore
imbuat planè diuino. Porrò è cælo, propè
Damascum, oleum huius nominis, sponsus ex-
se in vas quoddam electionis trāsfudit; roga-
tus enim quisnam esset, se Iesum esse respon-
dit, ac ita Paulus electi onis vas, aperto velut
ore, id nomen toto pectore haulit. Ex Paulo
vero, tanquam ex vno electo vase, in alia in-
numera elutriatum est. Ideò enim hoc oleum
excepit, vt in aliarum nationum selecta vase
transfunderet, sicut scriptum est, vas electio-
nis est mihi, vt portet nomen meum coram
gentibus, & regibus, & filijs Israel.

Nunc ergò, siue nomen Iesu oleum effu-
sum in primo sensu, siue exinanitum vnguen-
tum in secundo, siue oleum euacuationis in
tertio esse concipiatur, miram habet ad ani-
mos permouendos, & voluptate imbuendos
energiam. Quidquid enim illis sensibus arca-
nè intelligitur, totum est ad nostram salutem
comparatum, ac propterea, cum sit hominis
animus salutis audiissimus, illius nominis sen-
su percepto, excitato diuinitus amoris flagrat
incendio. Habet etiam nomen hoc ym alli-

ciendi voluptateque capiendi, nihilque arduum, quod tener animus formidet, repræsentat, sed diuinæ in nos largitatis indulgentiam suo sensu commendat, vnde recentes in charitate foetus adolescentularum imagine notati, laboribus adhuc inerti, quibus voluptas, & indulgentia eximiè placent, concepto huius sauisimi nominis sensu, Deum ardēter amāt, Quapropter sponsa subdit.

Ideo adolescentulæ dilexerunt te.

Propter hanc nominis tui vim voluptatis effetricem, animæ, quæ nondum charitatis perfectiōnem natæ sunt, quæ voluptate ducuntur, dileixerunt te.

ADOLESCENTULARUM imagine ac nomine, tenellæ animæ, quæ nondum ad iustam charitatis ætatem adoleuerunt, nomine diminuto significantur. Quæ dum nominis Iesu & sensum, & suavitatem corde percipiunt, quam Deus illis tanquam puellis lacte alendis instillat, incredibili amore incenduntur. Quomodo enim amore non æstuent, cum sub hoc nomine tot arcana salutis nostræ celante, Deum intelligant sibi fore, immò & experiantur iam esse indulgentissimum? Qui enim nomen Iesu audit, Deum, quasi

quasi de nulla re alia , quām de salute nostra cogitantem , non infensum , non punitorem , sed mansuetum , facilem , ac liberalem , concipit . Quo certè sensu dulcore , voluptateque referto etiam saxa liquantur , etiam imperfetti amore incalescunt . Ideo , inquit , adolescentulæ dilexerunt te . Enim verò adolescentularum , hoc est , animarum , quæ nuper amare cœperunt , mos est , voluptate deliniri , affectare dulcorem , lac expetere , cibumque solidū formidare , perfectionē quippè sinceri amoris non ità confessim comparare contingit . Qua quidem in re , diuinæ prouidentiæ suo rem vnamquamque loco reponentis concinnitatem , harmoniamque miramur . Oportuit enim tenerum in amoris gymnasio fœtū lāete ali , atq ; mulceri . Si enim spōsa labori non assueta , legisque paulò antè pertæsa seueritate , in ipso iustitiæ primordio verbere cæderetur acri , in ipso quasi domus vestibulo patetetur à sponso repulsam , ab instituto certè resiliret , & ad culpæ simulatā iucunditatē remearet . Sapiēter igitur in huius epithalamij ingressu actū est , quandoquidem , quæ hucusque commemorata sunt , omnia præ se ferunt suavitatem , quasi ad tenellos partus enunciata osculum videlicet , vbera , vnguenta , oleū , suavitatis plena videntur , quæ rudeim amorem dum recreant , in ylteriora propellunt .

Significantissimè ergò dixit sponsa; Ideò, seu quod idem est, propterea adolescentulæ dilexerunt te, causam dilectionis tenellorū partium, perceptam voluptatem esse declarans.

Trahe me.

At si res ità se habet, vt hæc eximia voluptas sponsam ex adolescentulis vnam quam suauissimè trahat, quorsum tam anxiè clamat, Trahe me?

Profectò si septuaginta interpretum versionem huic loco inferamus, ordo inuertendus est, miraque se in ea inuersione prodit amoris energia. Pro his enim verbis, (Trahe me,) illi reddiderunt ex Hebræo, (Traxerūt me,) quibus sanè verbis sponsus loquitur, verborum sponsæ vim declarans. Cum enim sponsa dixisset, (Adolescentulæ dilexerunt te,) ille opportunam suæ dignationis ostendēdæ nactus occasionem, illa verba intexuit, (Traxerunt me,) ac si planius dixisset; Adolescentulæ, quæ me dilexerunt, ipsa sua dilectione quasi catena quadam vinclum, ad sua vota traxerunt me. Qua sanè loquendi forma nihil potuit aptius excogitari, ad diuinæ bonitatis in nos, nostræque in illum charitatis viam pro palandam. Enim verò Deus res, quas condidit, vniuersas, vtpotè bonas, amat, ac proinde in eas, velut extra se, sua propensione ferri dicitur, sed hoc ad diuinam spectat bonitatē,

atque

atque naturam, quæ motu proprio erga suas
extuat creaturas : at verò, quod perfectio ali-
qua creata Deum tenacissimè apprehendat,
vinciat, & trahat, omnino mirandum est, &
oportet quidem, illam perfectionem Deum
cipientem vi diuina pollere. Sic plane se res
habet ; Dei enim dilectio diuini ordinis est,
quandamque omnipotetiæ rationem habet,
siquidem ligat, ut ita dicam, omnipotentem,
& ligatum ad sua vota inflectit. Hæc de Græ
corum editione dicta sint. Verum editionis
nostræ verba, quæ sponsa enunciat, expona-
mus, & illum soluamus nodum, cur sponsa,
quæ à sponso quam suauissimè trahitur, tam
anxiè clamet?

Trahe me.

*Necessest trahere me, quia vt rota, et si trahi
cæperit, nisi perpetim trahatur, moueri cessat : ita
ego, nisi iugiter abs te trahar, vitæ motu carebo.*

Nimirum, quia timet à sponso, ob lapsum
quempiam separari, ac exinde, quē mo-
dò experitur dulcorem amittere, quia nihil
posset ipsi euenire funestius. Propterea clama-
mat (*Trahe me*) hoc est, me tibi adiunctam
fortius trahere. Quamuis & his verbis, quædā
teneri amoris adumbratur formido, quam

patiūtur, qui turpitudinis anteactæ vitæ me-minerunt. Etenim, et si credendum sit, sponsam à sponso tractam, gratiaque divina fuisse perfusam, eo momento, quo ardenterissimo amoris æstu petijt osculum, cuius euentus fœlicitatem, noua nouorum affectuum potuit ediscere coniectura; meritò tamen timet, sitnè sponso reconciliata, quem lacessiuit iniuria, quod quia ignorat, anceps facile huc, & illuc impellitur. Nam non sibi tutò fudit animus, peccati quidem conscius, remissionis ignarus, Quamobrè sponsa suclamat (Trahe me) ac si dicat: Suspicor sponsæ, nuper à te tractam me fuisse, sed suspicio est, à qua timor longè nequit abesse. Sanè rectè dixit quidam.

Res est solliciti plena timoris amor.

Cum enim quis ardentiore boni cuiuspiā tenetur desiderio, nō quiescit, quod coniçiat rem ex voto euenturam, nec (quod mirabilius est) si rem optatam quasi præsentem experiatur. Sed sollicitudine ipsa æstus excitat amoris, nihiloque segnior ob id experientum evadit amans, sed sollicitius rem perquirit, quam forte cœpit adipisci. Ergo propter hanc sollicitudinem ac timorem sponsa sic clamat, (Trahe me.) Vix inquit, inducor ut credam te, quem amplector, esse præsentem, ob boni magnitudinem. Quapropter

non

non cunctabor, sed ne quæpiam me mora retardet, ulterius (Trahe me,) si cœpisti, ocyus age, ut per rupes præruptas, mundique salebras, abs te tracta me librare queam.

Innuit sponsa sub hac anxiæ petitionis imagine, quod veritas catholica profitetur, nos videlicet, nisi à Patre, Filioque per Spiritum sanctum suauiter trahamur, non posse à culpa ad iustitiam resurgere, sed nec in parta iustitia perseverare valere, nisi Deus clementissimus afflans, & trahens perseveret: ac proinde, & ut ad iustitiam assurgamus, & ut in ea permaneamus, ardentissime flagitandum est. Quapropter sponsa sic loqui putanda est. Ne trahere cesses sponsæ indulgentissime, quia te cessante rotæ motus intercipietur; quasi qui à Deo trahitur, tanquam curru vehatur, ubi aperte dispicimus, currum sine trahentis vi non posse cieri. Relinquitur ergo planum ac manifestum, trahente Deo, per iustitiam scmitam, & non aliter spōsam ingredi, ac procurrere posse. Si igitur sponsus eius adest voto, quod pro se, ac pro adolescentularum choro concepit, cætus omnis post cum certatim curret, quod

sic Sponsa promittit.

Post te curremus in odorem vnguentorum tuorum.

Sit trahis me, ac adolescentulas mei similes, nos donis Spiritus sancti agilitatem impertientibus vngens, eorum vnguentorum odore ductæ, vt canes sagaces post prædam, post te curremus.

Si me, sociasque meas, o sponsæ, magnetis more traxeris, vique tua rapueris, adolescentulæ omnes spiritum, impetumque similem sortitæ, citato cursu quaremus te, imitabimur te. Enim verò tanquam sagaces canes, qui olfactu pollent, & odore ducti feras, quæ se abdunt in latibula, peruestigant, sic nos, odoratu internarum narium, vim vnguentorum tuorum, quibus nos linis, haurientes, ve-lut in latebris absconditum, in ulteriore charitate peruestigabimus te. Perpendere hic operæ pretium erit Sponsam actæ olim vitæ pertæsam dedecora, sponsique desiderio ve-lut accerrimo stimulo incitatam, maiora in dies operari gestientem, Spiritus sancti dona vnguentis notata flagitare, quibus, ut trahatur, fiat expeditior, atque mobilior. Sic enim verba enarrari debent. Post te curremus in odorem vnguentorum tuorum, hoc est, effundente

dente te tua in nos vnguenta, nos ad odorem eorum vnguentorum, quem naribus trahe-
mus internis, vt canes sagaces post prædam,
ita, & nos post te curremus. Quod sic debet
intelligi, vt spōso dona Spiritus sancti in ani-
mas infundente, & ea vñctione sui ipsius odo-
rem mentibus ingerente animæ fiant ad cur-
sum expeditiores. Idoneè autem dona vngue-
tis notata, potius quam virtutes exposcit, cū
de cursu, ac festinatione cogitat. Cum enim
virtutes siue morales, siue etiam theologicæ,
ad rectos destinentur actus, quos ægræ gene-
rant, ob animæ quam afficiunt, imbecillitatē,
& inconstantiam, vitiatæ naturæ causa ægrā,
& ardua quæque formidantem, diuinæ fuit
prudentiæ opportunissimū opus, vt iustis
omnibus septem Spiritus sancti largiretur
dona, quibus adiuti, & à naturæ concretione,
pondereque partim immunes, facilius à Deo
mouerentur, & ad theologicarum virtutum
scopum perducerentur. Hæc quippe à nobi-
lioribus Theologis assertur ratio ad septem
charismatum necessitatem astruendam, quo
videlicet (sic inquiunt illi) anima reddatur fa-
cile mobilis à Spiritu sancto. Aptè igitur
sponsa, pro adolescentularum choro respon-
dit, aiens, omnes esse cursuras in odorem vñ-
ctionis donorū Spiritus sancti, eas impellen-
tis, & afflantis.

Dum verò postquam dixit, (Trahe me,) non subiungit, Post te curram, sed Post te curremus, plures docet esse concertatrices, & in cursu æmulas, nō studiotum diuersitate, sed charitatis, charisimatumque meliorū æmulatione, quæ & opportuna, & necessaria est ad citius proficiendum. Vix enim explicari potest, quanti referat, eos, qui virtutem parare cupiunt, non seorsum in eius studij ingressu agere, sed in societate, ubi aliorū æmulatione incendantur, & ad præstatiora opera prouocentur.

Prodit se præterea in editionis nostræ verbis mysterium minimè silendum. Non enim putandum est, orationem malè cohærentem, aut hiulcam ex oscitantia relictam, cum de se sponsa inquit: (Trahe me,) moxque de pluribus agens ait, (Post te curremus.) Profectò inter iustos quandam affabré confertam licebit cernere catenam, dum sapientissimus Deus animam quamquam ad se trahit, & illius æmulatione plures alias animas ansularum, orbiumque catenæ more confertas, illaque primæ connexas ad se perducit ipsum. Sic ergo sponsa loqui credenda est. Trahe me, sponse, si enim me traxeris non ad te solam me perduces, sed plures alias animas more orbicularum catenæ, mihi exemplo ac imitatione connexas, ad te pertrahes, mecum-

cumque plura animarum lucra parabis. Non enim iam sola ego, sed plures mira perniciitate post te currēmus, teque repertum amplexbimur.

Animaduertendū fuerit in hoc loco, quod experimento constat, eas actiones, quas diuini spiritus afflatu, expeditius obire solemus qualis est hic depictus à sponsa cursus, delectationē parere, cuius veritatis illa probè gnara sic eloquitur.

Introduxit me Rex in cellaria sua.

Traxit me sponsus, & in cellaria duo sua, contemplationem videlicet, ac inde ortam dilectionē, à quibus recesseram, introduxit me, ubi me mira voluptate perfudit.

Perculerat sponsum anxia sponsæ vox quadam velut ex fornace depræpta, cum (Trahe me) clamabat, & (quod est amatis ingenium) mox latus & festivus affuit. Ponendum igitur in hoc loco est, sponsum votis illius cessisse, hoc enim, ad orationis concinnitatem statuere oportet, præterquam quod sponsa ipsa disertè ait. Introduxit me rex in cellaria sua. Cellaria verò sponsi sunt duo, diuina videlicet contemplatio, & ex ea orta dilectio. Quæ sane cellaria, & vini, & vnguen-

vnguentorum quædam quasi promptuaria nuncupari possunt, vini quidem, propter charitatis ardorem, & sobriam amoris ibi excitati ebrietatem ; vnguentorum verò, propter delicias, quas ibi anima percipit, internis voluptatibus à sponso delinita, specialique Spiritus sancti unctione delibuta. Ibi enim Spiritus sanctus participes sponsi, quem ut hominem præ confortibus linuit, singulari perungit bonitate, & septem donorum incremento, sicut & gratiæ animam ibi locupletat accessibus. Hic autem sponsa tot bonis aucta, tot cellariorum voluptatibus delinita, quasi mentis excessum patitur. Sibi verò postmodum restituta, illa verba, Introduxit me Rex in cellaria sua, enunciare credenda est, ac si planius sic enunciasset ; Impensè sponsum precepta fueram, ut ad se vi suorum me traheret vnguentorum. Accurrit ille, ac voto meo latus indulxit, me traxit, & ad penitissimos, ubi latet ille, me recessus introduxit.

Iuxta interpretationem hanc sponsa fatetur suis optatis sponsum induluisse, & currere cupientem adiuuisse. Optabat illa arcana donorum Spiritus sancti unctione liniri, & sponsum, parta per unctionem expeditione, cursu celerrimo peruestigare, quod illi sponsus indulxit. In duo nempe illam quasi cellaria, in quæ iustis dumtaxat patet aditus introduxit,

ibi-

ibiique arcanis illam vnxit vnguētis, ad quorum odorem sponsum deinceps insequetur. Alterum cellarium, contemplatio diuina est, valde quidem recondita, & huius sēculi sapiētibus clausa, in qua viget ea sponsi notitia, quæ affectuosa, seu affectuum excitatrix nuncupari solet, quam qui experiri cupit, à tumultibus externis longè auocandus, & in cordis intima introducendus est. Alterū autē cellarium, amor intimus est, in cordis centro defixus, in quem mundus neutiquam penetrare valet; nec enim in externorum se amorem effundens, in amorem illum medullas permeantem, Deoque internè frumentem, cælique gaudia prælibantem, qui iustorum proprius est, se valet insinuare. Si verò quis, postquam se in extēra, & fluxahæc bona profudit, Deo afflante, resipiscit, & ad cor reuertitur, elegantissimè dicitur in hæc introduci cellaria; quod de se ingenuè sponsa fatetur, quæ extrâ se abierat, & ad cor reuersa est. Notandum autem est, magnoperè cellaria hæc, & vini, & vnguenti esse receptacula, seu promptuaria; notitia enim illa, quæ contemplatio appellatur, inflamat affectum, cuius certè affectus inflammati, quædā exarsio amor ab ea notitia genitus, est. Hæc autē omnia vini significatur effectibus. Quia verò præter hæc Spiritus sanctus animam in eas cellas

cellas introductam nouis linit vnguentorum charismatumuè accessionibus , recte cellaria vnguenti appellantur. Et haec tenus de notitia,& amore , quibus cellariorum similitudo satis aptè conuenit.

Potest autem non minùs aptè dici, cellaria hæc sponsi,intellectum, voluntatemque notare, ut iure suo, duas has animæ potentias à philosophis eo nomine vocatas , cellas suas spōsus esse dicat. Quod sanè per pulchrè asserere potest. Cellaria enim quædam sunt ad quippiam asseruandum , puta poma , vinum, vnguenta, destinata loca. Sic autem prorsus, duo hæc animæ cellaria,intellectus,ac voluntas, à Deo fabrefacta sunt, non ad creatū quippiā, sed ad sponsum rerū conditorē ibi condēdum, atque seruandum. Quod quām sit aptè assertum, ex ipso patet hominis fine , ad quē conditus est. Constat nimirū eo conditū esse illum, ut creatorē suū cognoscat & amet, cū in hoc exilio , tum in patria, vbi eas actiones perfectissimè exercebit. Iam verò dum intellectus cōditorem suum intelligit , illius in se, quoad fieri potest, imaginē concipit, ac proinde Deus ipse intra intellectum velut intrà cellarium condi per apta dicitur similitudine. Quod, seruata proportione, de voluntate dicendū est; quūm enim Deū amat , impulsu quendā producit amando, cuius ergo, spōsus ipse,

ipse, qui amatur, in voluntate asseritur esse.
Construxit autem ipse sibi duo haec regia cellaria, nec alius in illis vult admittere consortium; non enim fas est regis cellas mancipijs vello modo patere. In haec ergo cellaria sponsus sponsam introduxit, cum ea ad mentem reuocauit, & in iustitiâ asseruit, & indies illam penitus introducit, quod nec mirum, nec absconum videri debet. Porro sponsa, cum peccatis erat obnoxia, extra suum intellectum seu extra mentem aberrabat; erat enim amens, quod est peccatorum epitheton: Erat etiam extra suam voluntatem, non enim amabat se; qui enim diligit iniquitatem, odit animam suam. Fuit autem dignum diuina sponsi largitate munus, eam ad mentem, ac voluntatem propriam reducere, ut quae sui oblita erat, de se iam cogitaret, & quae se oderat, se iusto affectu diligeret, ut intra duo intellectus, ac voluntatis suae cellaria introducta, commune in eum sponso dominum incoleret. Quapropter illa huius conscientia beneficij, tamen regiae domus consopos esse cetera, sic effatur, (Introduxit me rex in cellaria sua,) quasi diceret: Me reduxit ad mentem, ut intrare me secum habitem, & eius consortio perfruar. Explanatio haec maximam habet cum prima similitudinem, aut certe eadem est. At hic explanandi modus videtur prior & rei naturae germanior.

Magno-

Magnoperè autem considerandum est , ijs in cellarijs sponsam cælesti voluptate absorberi, quod tametsi spōsa recens sit adhuc partus , mirum videri non debet . Quotidiano quippe didicimus experimento, clementissimum Deum ; tyronibus , qui amoris. militiae recenter nomina dederunt, quoddam suæ cel studinis, ac dulcoris specimen, in ijs exhibere cellarijs, quò alacriùs, voluptate postmodùm subtrcta, suavitatis diuinæ, quam gustarant, recordatione incitati, stadium præsentis vitæ percurrent, sensusque diuinæ legi reluctantes, dum sponsus abest, assidua exercitatione, atque sedulitate peruincat. Cuius certè veritatis quædam est assertio, quod à sponsa profē, ac pro æmularū cœtu subtexitur, dum ait.

Exultabimus , & lætabimur in te,
memores vberum tuorum
super vinum.

Ego, sponſe, ac adolescentulæ cæteræ in tua cel-laria introductæ, ac tuam voluptatem expertæ en-creuerimus , & voluptate caruerimus , exultabi-mus in te, memores dulcoris ex tuis vberibus ex-pressi, qui vino generoso ad inebriadū fortior est;

SIc ut paulò antè, cum de se dumtaxat spōsa loquuta fuisset, aiēs, (Trahe me,) subiū-xit

xit de se, ac adolescētulis, (post te curremus,) sic modō , postquam dixit , (Introduxit me rex) attexit , (exultabimus , & lætabimur,) quod ideo ab illa obseruari videtur, quia sub persona propria cæterarum similiū animarum affectum exprimit, quas interdum com memorat, interdum filet, quod ad scenicarum actionum pertinet varietatem , ac venustatē. Cum igitur sponsa dicit: Exultabimus , & lætabimur in te , memores vberum tuorum super vinum, sic eloqui credenda est. Satis fuerit, o sponsa suauissime, me , cæterasque adolescentulas eiusdem studij confortes, tuā suauitatē in hoc iustitiæ primordio percepisse, ac tuam dignationem in cellarijs penitissimis, quò sine merito introductæ sumus , expertas fuisse, vt perceptæ voluptatis recordatio nos in officio contineat. Quamobrem cùm à te videbimus repudiatæ , & ariditatis verbere acriter cæsæ, certò scientes , eam nobis expedire repulsam, ex amore , quem perspeximus in amplexu, profectam , exultabimus non interna modo , verum & externa gaudij significatione, memores vberum tuorum , hoc est , (per metonymiam) laetis, seu dulcoris, quem in tuis hausimus cellarijs; qui sanè dulcor melior est vino, ad calorem ingrendum, ad exhilarandum , & ad roborādum. Exultabimus sanè, tametsi posteà voluptate

careamus, voluptatis olim perceptæ recor-
datæ. Porrò pro eo, quod nostra habet edi-
tio, (Memores vberum tuorum) ex Hebræo
verti potest. Memores amorum tuorum, ma-
gis quam vini, ac si sponsa pro se, ac adolescē-
tulis dicat, ipsas postea gauisuras, memores
duplicis amoris, quo à sponso Deo, ac homi-
ne, in illis cellarijs delinitæ sunt, quem per-
pendentes, magis quam vini generosi potu-
incenduntur. Hanc sanè interpretationē iu-
storum vita probat esse satis idoneam. Con-
fueuit enim Deus clementissimus, eos in adi-
tu iustitiae, sine meritis, demulcere, & ad cel-
laria illa, vbi eos voluptate perfundit, intro-
ducere, vbi nihil nisi suave, iucundūque præ-
libant. Ibi autē erudiuntur, & discunt, quam
suavis sit Deus. Et postea, cū illis pœnæ in-
fliguntur, ut expientur, fideles permanent,
Dei semel bonitatem ac suavitatem experti,
nec ad fluxas se mundi voluptates conquirē-
das abiciunt; sperāt enim sibi eos labores, ad
potiores voluptates profuturos. Frequenter
illud Iob apophthegma usurpāt, si bona sus-
cepimus de manu Domini, mala, (hoc est pœ-
nas) cur non sustineamus? Qua quidem in sen-
tentia iustitiae Iob se facile monstrant esse
participes: sicut enim ille vir rectus erat, &
ea rectitudine ductus nec dextrorum, nec si-
nistrorum aberrabat, sed æquè Deum in
prospe-

prosperis, & aduersis diligebat, sic & isti; qua-
propter appositi satis sponsa subdit.

Recti diligunt te.

*Faciemus, quod rectitudo poscit, ut etiā te dul-
corem negantem diligamus. Sic erimus iustæ, seu
rectæ, ut qui vel blandientē, vel punientem a quæ
te diligunt, recti, hoc est iusti sunt. Quia, videlicet,
in omni euentu te diligunt, recti sunt.*

Recatum sane est, spōsum ac iudicē æquis-
simum decens, ut sui copiam exilibus
non adeò largè faciat. Rectique proinde cen-
seri debent, qui, quamdiū coercentur hoc
corporis ergastulo, non satagunt perenni
voluptate frui. Satis quippe fuerit, eam ad-
huc in exilio prælibasse suavitatem, quæ ve-
teranis militibus victoriarum potitis, in patriā-
que reuersis euentura est. Nec verò æquum
est, hanc vel tenuem, quam Deus ex torribus
instillat voluptatem, velle omnes æquè gu-
stare. Decet enim, eos, qui plurium se anno-
rum domuere labore, copiosius refici, quam
eos, qui recenter geniti nihil suscepere labo-
ris, qualis spōsa modò eiusque sociæ adolesce-
tulæ pingūtur. Rectitudo ergo in ijs meritis
imparibus, ex sponsi est libranda mēsuris, ut
recti dicantur, quicumque sua forte conten-

ti sunt, & in ariditate nō minūs, quām in sua-
uitate constantes. Animaduertere itaq; opus
est, rectos in hoc loco eos esse, quos iustos
appellamus; sic enim vulgò, iudicem rectum,
hoc est iustum dictitare solemus. Est autem
iustitia virtus, quæ vnicuique tribuit, quod
suum est. Est autem manifestum exilij pro-
prium esse, pœnis concuti, calamitatibus
premi; quamobrem ex iustitia huic nostræ
peregrinationi, nihil nisi mœror, ariditas, &
ærumnæ debentur. Ex quo fit, vt iij iusti re-
ctiue iure optimo nuncupentur, & sint, qui
ea mala æquanimiter perferunt, & in ijs sunt
non minūs, quām in prosperitate cōstantes.
Diligunt syncerè Deum seu blandientem,
seu puniētem. Hoc quippe modo facile probant,
se vniuersa alia Deo posthabere, seque
perinde rectos esse. Nec profectò aliás recti
esse possent, nisi ea rectitudine Deum verè
diligerent. Verba ergo hæc, (Recti diligunt
te) non sic explananda sunt, recti sunt, & pro-
pterea diligunt te, sed contrà; Ideò recti sunt,
quia diligūt te, hoc est, quia æquè, dum ades,
& abes diligunt te, ideo recti, hoc est, iusti
sunt. Ex quo efficitur, quantumuis insignem
iustitiam rectam (quod ad æternitatem spe-
cat) non putari, nisi à dilectione Dei ad finē
charitatis dirigatur. Vbi cernimus mirabile
quiddam, ipsam videlicet iustitiam, seu recti-
tudi-

tudinem, ut recta sit, charitatis directione prorsus indigere.

Nunc verò quicumque ea, quæ paulò ante enarrata sunt, de sponso animam suis in cellarijs permulcente, ac delicijs leniente, animo colligit, nequit sibi profectò ab admiratione temperare. Quis enim sponsi humillimam sponsam in suum thalamum introducentis, ac impotenter amantis humanitatem non miretur? Concinnè quidem hoc in loco filiarum Hierusalem hanc sponsi dignationem demirantium chorus in scenam introducitur. Cui sponsa diuinam edoc̄ta sapientiam, sic aptè respondet.

Nigra sum, sed formosa, filiæ Hierusalem.

Mirabimi forte, Ecclesiæ filiæ, sponsi me in sua cellaria introducentis propensionem contemplantes, ac si tanto Rege sit indignum nigram sponsam adamare. Sed rem æqua lance appendite, et si enim ob peccati reliquias nigresco, ob gratiam candida sum, & candor vincit eam nigredinem.

Filiæ Hierusalem, vulgata satis allegoria animæ Ecclesiæ filiæ nuncupantur, quæ cum Dei propensionem in animam ipsi charitate

ritate conciliata, & in ipsius cellaria, thalamum introductam mirantur, ac stupent, sic mutuo colloqui existimandæ sunt. Quid si bi vult incredibilis hæc Dei erga sponsam humanitas? Etiamne deformat, ac naturæ corruptela nigram adamabit Deus? Itanè qui candor est lucis æternæ nigram in thalamum admittet? Candidam sane candor ipse potius se ligere debuisset, quam in secretos ædium suarum recessus introduceret, & gurgite dulcoris absorberet. His occurrit sponsa, quæ sic effari putanda est. Non eo inficijs filiæ Hierusalem, me nigrescere. Nigra quidem sum. Nec enim, quæ nuper è peccati nigredine ad iustitiae sum traducta candorem, adeò confessum tota possum candida comparere. Adhuc certe peccatorum vixdum ab antiqua habitatione recendentium umbras, & canum, quos incessit rabies, quasi latratus patior. Hæc enim sunt inoliti vestigia sceleris. At verò non quia eo modo sum nigra, à sponsi thalamo continuo arceri debeo. Nam formosa effecta sum noua iustitiae pulchritudine, atri coloris, quem peccata reliquerunt, turpitudinem longè superante, totique animæ egregiam formam diuinæ naturæ simillimam, quæ diuina gratia est, inducente. Quapropter noua pulchritudine magis sponsus capit, quam nigredine, ac deformitatæ fugetur. Expendendum

dum est in hoc loco, turpes scelerum præteriorum affectus, quos altis radicibus infixos peccata reliquere, non cuestigiò reuelli ob diuinæ gratiæ candorem animæ inductum. Oportet enim velut impacto ligone terram inuertere, sedulaque cultura noxias herbas, proprijs actibus genitas, proprijs conatibus extirpare. Quia verò nequit hoc adeò breui peragi, donec charitatis viribus ac nauitate affectus rebelles animus edomet ac elidat; necesse est gratiæ vires lucta quodammodo retundi, & quibusdam velut patratorum scelerum nebulis obtagi. Nebulis autem propter charitatis radios rarefientibus, gratiæ forma se prodit, & intermicat, quemadmodū nubium densitate rarefacta, solisque radijs transuerberata, cæli se facies per eos nubium quasi cancellos ostentat. Quoniam autem nondum cæ nebulæ animam obnubilantes propter charitatis infantiam, in qua sponsa modò versatur, prorsus absumptæ ac resolutæ sunt, oportet gratiæ in anima repositæ pulchritudinem quodammodo celari, ac proinde non ita elegantem apparet. Quod apposita sponsa propalat similitudine, aiens.

Sicut tabernacula Cedar: Sicut pelle
les Salomonis.

*Peccatis assueta, externos affus nondum mode-
rata, externe nigresco, ut tentoria Arabum exter-
ne sole perusta. Sed ob infusam gratiam & virtu-
tes, vestes Salomonis in gloria sua ornati imitor, &
omnis gloria mea est interna.*

Cedar filius fuit Ismaëlis, à quo Ismaëli-
tæ duxere genus. Ex qua etiam stirpe
Agareni, qui nunc Saraceni appellantur, pro-
fecti sunt. Vniuersi autem hi Cedar nomine
intelliguntur, vt eadem sint tabernacula Ce-
dar, ac tabernacula Agarenorum. Agareni au-
tem olim in tabernaculis, papilionibusue ha-
bitabant. Papilionibus vero tæter obduceba-
tur color, ob imbres, variamque aëris incle-
mentiam, cui expositi exorto post sole tor-
rebantur, & sic atrum colorem prætendebat.
His tabernaculis, propter relietas peccatorū
vmbras, & vestigia se sponsa dicit esse similē,
vt pote, quæ imbres ingruentium libidinum,
inustasque à dæmonibus notas perpessa sit.
Pelles autem Salomonis in hoc loco, vel Sa-
lomonis in omni gloria sua ornati vestes elab-
oratas intelligit, quibus & diuina gratia, &
virtutes eius comites animam mirificè, quasi

ad

ad nuptias, exornātes intelligūtur; vel aulæa, seu peristromata Salomonis regiæ, quæ filiorum textu vario, colorumque discretione distincta, virtutum texturam quasi polymitam notant, quam Deus varijs staminibus, ac coloribus, ob varia virtutum in eandem texturam concinnata studia, dicitur contexuisse. His ergo Salomonis pellibus, ob gratiæ diuinæ, diuinorumque virtutum accepta dona, vestesque quasi nuptiales, quibus ad sponsi thalamum accedat ornata, sponsa se similem esse profitetur, ita ut nigredo ad Agarenorū exultos papiliones, pulchritudo ad pelles sit referenda Salomonis.

Verum, tametsi apta sit hæc pellium Salomonis interpretatio, aptius nihilominus videatur iuxta textum Hebraicum, & paraphrasim Chaldaicam, pellibus hic significari cortinas. Sic quippe ex Hebræo rectè vertitur, (Sicut cortinæ Selomoh,) vox autem Ieriah significat cortinam seu velum album, quod in tentorijs extenditur. Qui sanè sensus ideo aptior est, quia, cum sponsa nigra sit ob peccati reliquias, & candida ob gratiæ formam (hæc enim est pulchritudo nigredini contraria) proprius is gratiæ candor, cortinis tabernaculorum candidis, quam alijs notatur telis, sicut nigredine tabernaculorum peccati oscularitas innuitur. Et par est, ut in tentorijs & ni-

gredo & candor esse dicatur, sicut & in spōsa nigredo, & candor afferitur esse, vt sic harmonice rerum externarum similitudo internae respondeat venustati. Hæc prima sit enarratio, quæ nigredinem tabernaculis Cedar, pulchritudinem Salomonis David filij Regis Hierusalem pellibus ascribens, fatis apte cuncta discernit.

Secunda verò tam Cedar tentorijs, quam Salomonis pellibus & nigredinem tribuit, & pulchritudinem, dupli similitudine utrobius inuenta. Prima enim similitudo ex tentorijs Agarenorum, seu Arabum posteriorū Cedar filij Ismaelis petitur in hunc modum. Cum nimirum illi in tentorijs, vel causa pacendi greges, vel prædandi habitarent, continuo solis ardore exusta, puluereque terræ illius arenosæ operta tentoria nigredinem externo aspectu præferebant, intus verò auro, multisque opibus, quibus Arabes abundabant, plena erant. Sic etiam spōsa externo aspectu, cum corpus nondum edomuerit, sibi, cum erat auersa, similis, nigredinem præfert, at verò mente intus mutata diuinæ gratiæ opibus affluit. Hæc prima est similitudo.

Secunda verò ex pellibus Salomonis alio sensu acceptis eruitur, ita ut pelles Salomonis sint papiliones, seu tentoria tentorijs Cedar

dar respondentia. Salomonis verò nomē hic nō Regē illū Hierosolymorū, qui à mulieribus seductus est, sed Deū significat, cui aptissimè quadrat eius nominis sensus à pace deducens. Cōstat autē Deū in deserto tabernaculū parari iussisse, cuius externa facies pellibus arietū, &c, vt aliqui putauere, taxorū operiebatur, quæ pilosæ erant. Et cum ad repellendos imbres cōsuta fuissent, ne quod latebat, humore maderet, & sole postmodū vrerentur, necesse fuit, eas pelles nigrescere. Intus verò explicabantur cortinæ opere plumario variegatae, ex purpura,occo,byfso, hyacintho contextæ, & aliæ complures opes ad diuini cultus apparatū cōquisitæ. Sic prorsus, externus sponsæ aspectus horridus est, ac ruidis, nondū enim tōfa, & erudita est, cūm fœtus sit in iustitia recens; intus verò Christi sanguine tingitur vt purpura, gemino amore vtocco bis tincto ardet, castimonia candet vt byfus, cælesti colore claret vt hyacinthus, eius enim mēs cælites æmulatur. Aliæ denique permulta opes intra eam sunt à sposo conditæ, vt tabernaculi fœderis exterius horrida, interius pulchra imaginem referat.

Duo extulerat sponsa, se nempe deformē, se etiam pulchram esse. Et pulchritudinis quidem causam sponsum esse, omnino patebat, Deformitatis autem, seu nigredinis origo

non

non ita facile apparebat. Quamobrem huius pergit manifestare originem, vt filiae Hierusalem sinat eam demirari, quas sic alloquitur.

Nolite me considerare, quod fusca
sim, quia decolorauit me Sol.

*Non ergo pergatis me fuscam à noxio Sole dæ-
mone adustam contemplari, sed potius nouam gra-
tiæ venustatem intuemini, & videbitis me ad Re-
gis thalamum comparatam.*

Sinite ergo, Ecclesiæ filiae, fuscedinē meā
attentius intueri; nec inde velitis sponsi
metiri charitatem, quasi ea nigredo, seu fusce-
do mea, illum à mea consuetudine queat arce-
re. Non horret illam, sed excidit, ac delet. Nō
irascitur, aut repudiat: nouit enim, tametsi
ego culpa non vacem, aliunde mihi colorem
illum atrum illatum fuisse. Non sum fusca na-
tura, sed dæmonis arte. Condidit me candidā
sponsus, sed Satan inuidiæ stimulo incitatus,
me denigravit. Monet ergo sponsa, se minus
ob eam deformitatem arguendam, quod Ser-
pentis calliditate illam cōtraxerit, quam ex-
cusationem Serpens ipse nequibit afferre,
qui non peccauit irritatus. Quod cōtendit,
vt constet hominem lapsūm, diuina misera-
tione

tione minus fuisse indignum, quam dæmonem, & ob id sponsum non ex iustitia, sed ex misericordia, ac munificentia, sponsæ culpam condonasse, ac eam in sua cellaria introduxisse. Porro sponsam non natura, sed casu culpā concepisse, ac inde euasisse deformem, Septuaginta Interpretes, diuinorum mysteriorum consultissimi, notasse videntur. Eorum quippe translatio latinè reddita sic habet. (Ne aspiciatis, quòd ego sum nigrefacta) hoc est, ab alio nigra effecta. Quod enim natura est atrū, non nigrefactum, sed nigrū appellatur. Quod verò natura cendet, & casu nigrescit, propriè dicitur nigrefactum. Author ergo fusci nigriuè coloris Serpens est, qui Soli non in alienis, sed cum efferbuit æstus, in enecandis & amburendis plantis est quam simillimus. Profectò Sol iste pestilentissimus, animæ virtutem eripuit, & quasi terræ feracissimæ vim totam absumpsit, humorem gratiæ lœtissimū flamma immissa decoxit, vnde formam candore illustrem contigit inquinari. Hæc prima est interpretatio.

Secunda verò aliquatò secretior succurrit. Neminem latet, prunas esse aspectu pulcherimas, ignisque flammam noctu lucetem. At, cum primùm Sol incipit apparere, prunarū flammæque color emoritur, liuescit, ac euanescit, Solis interemptus aspectu. Sic nimirū anima

anima iusta, velut pruna flammaq; pulcher-
rima igne charitatis concepto lucet, si inter
peccatorum mentes culpa obtenebratas, &
in noctis obscuritate iacentes spectetur; at,
dum ea sponsi comparatur aspectui sole clari-
riori, emoritur, & fusca videtur eius pulchri-
tudine velut euanescente; quod dum Ecclesiæ
filiaæ, animæ visu perspicaces animaduertunt,
iure quidem mirantur à sponso animam quā-
piam, et si iustum, in eius introduci cellaria.
At si sponsam seorsum, vel certè ad peccato-
rum animas collatam expenderent, omnino
eis quasi fax in media nocte lucens videretur.
Proptereaque sponsa sic eas hortatur. Noli-
te me considerare sponso comparatam, sic
enim fusca sim necesse est, Sole ipso iustitiæ
sponso meo sua infinita luce lucē meam ob-
tenebrante, sua pulchritudine meam obdu-
cente, ac si adderet. Considerate me potius ad
alias deformes collatam, & cernetis me non
esse omnino deformem thalamouè sponsi
prorsus indignam.

Quia vero cœpit (vt ex prima patet
enarratione) suæ nigredinis origi-
nem retegere, pergit hoc ip-
sum à suo principio re-
petere, aiens.

(.? .)

Filij

Filij matris meæ pugnauerunt
contra me.

*Profectò nigredo mihi nativa non est, sed à dæ-
monibus inducta.*

DIuinam sapientiam vniuersarum esse ma-
trem creaturarum communis est Theo-
logorum consensio. Enim verò rerum omniū
rationes, ac ideas, tanquam fœtus quosdam
in lucem suo edendos tempore, velut in vte-
ro capacitatis continet immensæ. Quo qui-
dem ex vtero per creationem, tanquam per
partum quendam, promuntur in lucem tem-
pore definito. Etsi verò creaturis vniuersis fi-
liarum quadret appellatio, natura tamen an-
gelica ob eam, qua cæteris antecellit, nobili-
tatem, Dei filia potissimum nūcupatur. Quæ
quidem nomenclatura apostatarum angeloi-
rum naturæ, & ob gratiam, in qua condita
fuit, & nunc ob solam naturalem integrita-
tem ævo sempiterno perseueraturam, appri-
mè conuenit. Angeli ergo apostatae sunt fi-
lij, filij tamen alieni, qui claudicauerunt à pri-
mis suis semitis rectis, de quibus sic spōsa lo-
quitur. Filij matris meæ, hoc est, dæmones,
quos vt filios olim mater mea, sapientia vide-
licet diuina condidit, filiorūque nomine, gra-
via, & adoptione insigniuit (etsi hanc illi per
sumnum

summum scelus repulerunt) hi filij alieni pugnarunt, & incursarunt contra me, ardentissimo velut æstu torruerunt me, vnde mihi contigit ater ille color. Emphasim habet hic loquendi modus. Filij matris meæ pugnauerūt contra me, ac si dicat sponsa. Sane cum creationis iure, eiusdem, ac ego, sint matris filij, nō in me pugnare, sed propugnare deberent; at filiorum adoptionem repudiarunt, & nomē; vnde licet origine fratres, sunt tamen studio ac professione accerrimi hostes.

Est autem victorum mos debellatis hostibus leges dicere; quem morem vulgari cernimus experimento probatum, dum exultantes victores, vel ad terram effodiendam, vel ad onera comportanda, vel aliud non absimile seruitutis genus viatos adigūt, atq; condemnant: Quo quidē tyrranicæ victoriæ iure Angeli trāsfugæ nimium dirè vtētes, ad miserrimā vinearū calendarum sponsam compulere seruitutem, quod sic ipsa fatetur.

Prosuerunt me custodē in vineis.

Illi me vicerunt, & vt alijs præcessim impulerunt, vt aliorum custos mei oblita fierem.

P Ergūt igitur tyrannici victores iure prælij, quo me prostrarunt, iniquas mihi leges

ges dicere. Seruituti miserrimæ addixerunt
me , cum me multarum vinearum custodiæ
præfecerunt: Inextricabilibus me sæculi cu-
ris implicuerunt , vt inde lætum quasi vuarū
prouentum expectarem , cùm tamen neque
racemum mitem decerpere potuerim. Custo-
dia vinearum , prælatio , seu præfectura est,
quæ cum excellens quiddam , & vulgari for-
tuna maius videatur, hamus quidam est, ad ho-
mines superbiæ contagione vitiatos egregiè
capiendos. Quod Lucifer ipse huius elationis
sator optimè nouit , & suo damno expertus
est, cum diuinum, inuitò Deo , appetiit prin-
cipatum. Hanc vinearum custodiam, tāquam
diuinitatis consortium quoddam primis pa-
rentibus depinxit, vt, quo telo ipse sauciatus
fuerat, genus nostrū interimeret . Hoc enim
notat illa suggestio: Eritis sicut Dij , ac si di-
xisset, eritis custodes in vineis, moderatores,
ac tutores vestri, vobis sufficientes, vt cæte-
ris dominomini, ac præcellatis. Hanc sugge-
stionem patiuntur passim peccatores , qualē
fuisse sponsam ex his verbis ediscimus. Quæ
suæ seruitutis grande malum nunc admira-
tur, & retegit, vt pateat , quanam arte Luci-
fer seducat ignaros. Promouet illos ad præ-
lationem , quam dum tradit captiuis, se illis
persuadet principatum tradere , quo nullum
est seruitutis genus infælicius. Vix rei ru-

sticæ studiosi vllū plantarum genus norunt, in quo excolendo, ac repurgando, solicitus, quām in vna vite, eis laborandum sit, quod vulgatissimum est; nec vllū est seruitutis genus, aut maiore anxietate s̄ceptum, aut aeriore fauciatum dolore, quām sit illud, quo, inter mundi voluptates & illecebras, desertores Angeli torquent homines scelestos, quos alijs præesse faciunt; vt facile animaduertas, non absque emphasi sponsam conqueri de suorū victorum tyrannide, quæ acerbissima captos præmit seruitute, quam custodia vitium arcanè notauit. Neque verò id solum calamitatis genus sponsam oppressit, quòd bonis intenta caducis, nihil inde voluptatis, commodiisque perciperet, sed (quod funestius est) vicinarū custos aliarum, vineam sibi ab sponso commissam obliuioni tradidit, & aprorum, aliarūque ferarum incuribus expoluit. Quapropter subdit.

Vineam mcam non custodiui.

Quamobrem, aliorum prospectura bonis, animæ vineam, virtutum vitibus ab sponso satam, & mihi sub fide magni prouentus commissam non custodi, sed vastari sum passa.

Vineam, in qua spōsus eius cultor peritisimus, viuiradices conseuerat, malleolosque

que panxerat , quæ iam pampinis obtecta,
et stuique subducta fructum ediderat, non cu-
stodiui. Nimirum alienis distracta curis, alie-
nis prospectura bonis, animam meam virtuti-
bus, crebrisque virtutum actibus, ceu vitibus,
vuisque locupletem despexi ; curam diuinæ
legis ablegau. Non fuit virtutum laxa vin-
demia per merita, piaque exercitia, quæ à vir-
tutibus, tanquam à vitibus præcerpuntur, &
graphicè per vias vite pendentes, extumen-
tesque notantur. Hæc prima textus exposi-
tio, quam sumius auspicati ab illis verbis (Filij
matris meæ, &c.) notat infœlicem sponsæ in
Adam casum. Pagnauit quippe in illum dæ-
mon, & stravit, quamobrem paradisum, cuius
custodiæ, ac culturæ, velut vineæ latissimæ
fuerat præpositus, minimè curans, ad exter-
nas regiones suopte ingenio steriles colen-
das, relegatus est.

Secunda loci explanatio, non minùs quam
prima quadrans, immò illi annexa, & ab ea
originem ducens, filiorum nomine, prauos,
ac petulantes sensum motus intelligit, qui
aduersus mentem importunè præliantur : &
illam è constantiæ fastigio propter vehe-
mentiam, & improbitatem exturbant. A pro-
pria conscientia, sicut à vinea propria colen-
da, & à sponso, sicut à vite sua deterrent, &
ad fluxas mundi voluptates conquirendas,

ad honores auctiupandos , velut ad alienas vi-
neas tuendas impellunt; ex quibus , cùm ho-
mines fœlicem vini prouentum expectant,
fellis vuam,& amarissimos botros,in propria
custodis damna decerpunt. Eleganter autem,
hi sentientis appetitus effrænes motus, à spō
sa, filij matris suæ, hoc est , Euæ , quām sine
metaphora matrem appellare potuit, nuncu
pantur. Profectò ex elata Euæ voluntate,
quæ se tanquam vterum exhibuit, & ex sug-
gestione serpentis, qui, tāquam pater , elatio-
nis semen in eam iniecit aluū , per inauspica-
tum partum, horum filiorum, motuum scili-
cket petulantium, numerosa proles excreuit.
Nā postquām Euæ vterus intumuit , elatio-
nis semine cōcepto, motus effrænes in Deū,
ac mentem rebellare cōperunt. Quorum sa-
nè filiorum numerus ingens , in Euæ filios,
hæreditario iure prosperit , & partem non
exiguam sponsa fortita , in culpam præceps
acta est , cuius in hoc textu sub hoc arcano
sermone comiteminit. Deslet amissam pul-
chritudinem, & deformitatem inuestam, quæ
non ex natura, sed ex euentu inhæsit , & vir-
tutum concinnitatem in noua monstra per-
uertit. Motus quippe immoderati, monstra
sunt immania , ex Euæ , Serpentisque genita
congressu. Nec enim dispare adeò naturæ,
serpentina, videlicet , & humana , nisi ad gi-
gnenda

gnenda monstra potuere misceri. Iuxta hunc ergo sensum inquit sponsa. Motus effrænis appetitus, ex halitu Serpentis, & Euæ matris voluntate geniti, pugnarunt contra me, & à rationis fastigio me exturbarunt ; egoque proinde alienis distracta curis, vineam meā, hoc est, vitam meam, qui est sponsus, non custodiui. Sed iam ex diuerticulo reuertamur. Postquam votis adolescentularum sponsa satisfecit, seque ipsam propugnauit, ad sponsum audiē conuersa, & ardentioris spe charitatis incitata, in hunc modum effatur.

Indica mihi, quem diligit anima
mea, vbi pascas.

Iam ergo (te appello sponsæ) vinearum experta culturam, incassumq; vexata reuertor ad te, vt, quæ vineis præeram, tibi modò subsim, & tuarum ouium merear in grege censeri. Si fortè contingat lanæ purioris vellera tibi pro custodia referre, virtutum nempe fructus optatos promere.

CVm quis maris temeritatem euasit, cuius fluctibus, tabula post naufragium apprehensa, iactabatur, tutus etiam in litore, pericula enarrans, animo concutitur & horret, ac benè sibi precans ad terræ loca tuta

E 3 tiora,

tiora, & interiora conuertitur. Hoc planè modo sponsa periculis erepta maris Serpētis flatibus concitati, iam in littore, commemorans quod est passa naufragiū, adhuc certè cohortret, & quasi metu concussa, ne fortè iterum procella ingruente obruatur, ad interiora cōtinētis loca festinat. Culpæ igitur recordatione, quæ ipsam in seruitutem compulerat, percussa, ad sponsi asylum conuersa sponsa, Indica, obsecro, ait, o sponse, quē diliget anima mea, vbi pascas oues charitate fœtas, qui pastoris functiones obis, sicut prophetarum oracula prædixere? Dæmonis olim parui libidini, ipseq; se pastore profitebatur, qui greges suos dulcissimis posset herbis alere, latioribusq; terræ fructibus enutrire; quapropter vineis me præfecit, ut vel sic primos quoique botros carptura viderer, at sanè spes me fefellit, & pastu destituta interibā. Reuertor igitur ad te, vigilantissime pastor, ut tua pascua colā, terræ fructibus vescar, & nouorū velle-rū fœnus tibi pro custodia referā. Famē, qua vexor, solus sedare potes; quid igitur prodest, aliena pascua disquirere, in quibus herbae noxiæ, ac venenatae leguntur? Prudenter agā, teque peruestigare cōtendā, ut mihi demum gratuler, propter te meū tutelarē, more cuiusdā Vatis elata voce canentis. Nos autem populus tuus, & oues pascuæ tuæ. Hic

anno-

annotandū est, animā, velut ouem, symbolica Theologia, in scenam introducī pabuli cupidissimā. Pabulū autem animæ sponsus est, cuius defectu peccatores intrecent. Cum verò ad diuinam gratiam suscitantur, fame Dei se torqueri sentiunt, quod in culpa mortui minime sentiebant. Profectò fames vitæ index est. Et quo illa minus vrget, eò mors fit vicinior, ut patet in morbis. Et mox ut quis cœpit conualescere, fame infestatur. Propterea sponsa, quæ non multò antè suscitata fuit, famem hāc salubrem vitæ indicem percipiens, anxie roget, vbi sponsus pascat oues, ut famē eleuare, et si non sedare queat. Sed quia pascua plura sponsus habet, in quibus sui copiā, aut modice, aut largius facit, sic sponsa loqui credenda est. Mihi cunctatio displicet, quamobrem, nec in quauis vulgari passione quiescam, sed ferar in vltiora, incredibili, o sponsa, tux pulchritudinis amore capta. Profectò sponsa iam norat, vbi sponsus oues pasceret, ac propterea in eum locum ocyssimè confugit; Nunc verò alienæ pascuæ filiorum alienorum recordatione perterrita, & interioris cum sponso consuetudinis auida, in tutiora & interiora pascuæ loca, sponso auspice, se recipere, ac penetrare conatur. Quod facile subiecta verba declarant.

Vbi cubes in meridie?

*Apparuit mane letissimum, cùm amare cœpi,
nunc amoris meridiem peto, in quo tu cum sponsis
conquiescere soles, quasi in toro cubans, nuptiale
fædus confirmans, ad charitatis incrementa. Illuc
ergo perduc me.*

TVis in pascuis, o sponsæ, definitæ sunt
quasi stationes, auroræ, meridiei, cathe-
risque temporis partibus, quas percurrere
oportet eos, qui lucis, & caloris incrementa
conquirunt. Nimirum, cum tu, o Sol diuine,
ardentissimos amoris emittis radios, ac Sol,
dum medias cæli partes permeat, quibus ani-
mas, quas humanissimè pascis, torrere soles,
in amoris fornace tibi arctissimè sociatas.
Tunc sanè meridies est, quem ego votis om-
nibus expeto, & efflagito, ut tuis traiecta ra-
dijs, igne diuino percoquar, & absumar. Non
enim conquiescam, donec amburar, tibiique
quam simillima reddar. Iuxta explanationē
hanc, verba sic intelligi debent, ut sponsa in-
terroget in hunc modum. Indica mihi, spon-
se, vbi, hoc est, quo in loco cubes, seu requie-
scas, in æstu meridianio. Quis, inquam, amoris
gradus sit ille, in quo tu cubare diceris, cùm
meri-

meridies, hoc est, maxima vis, & calor amoris est. Videtur autem spōsa ad phœnicis histriam alludere. Sicut enim in nido succenso phœnix cubat & ardet, ita sponsus in amore meridianō, hoc est, ardētissimo, cubare, & eo igne incendi perhibetur. Optat verò sponsa, licet nuper amare cœperit, ad miridiē amoris peruenire. Oportet enim, nouos iustitiæ cultores, desideria magna concipere, alias vix egregium quippiam præstabunt; cum enim in excelsum scopum collimāt, illuc sanè suos conatus omnes intendunt, & si fortasse non eousque perforuntur, valde tamen propinquant: Ij verò, qui non magna moliuntur, minus certè conantur, modicisque conatibus partus edunt breuiores. Hæc prima loci est interpretatio, iuxta quā, intrà charitatis ipsius naturam, & ingenium, dicitur esse meridies, mane teneri amoris exacto.

Est autem secunda satis elegans explanatio, ut meridies, non hic aliquis, intrà amoris naturam gradus, sed in notitia sponsi, claritas immensa, & quasi meridiana notetur, quæ est ipsamē visio diuinitatis, ab sponsa auidissimē expetita. Est, quippe, notitia rerum in diuina sponsi eluentium natura, quæ matutina appellatur. Vespertina verò, quæ res conditas in propria ipsarum, extra Deum, natura contuetur. Meridiana denique, quæ rerum conditarum

ditarum prætergressa mensuram, sponsum in
ipsomet sposo speculatur, quæ quidem om-
nium est nobilissima, & excelsa maximè. Hic
est meridies, in quo sponsus a tuo sempiterno
cubat, hoc est, conquiescit, quem spōsa nosse
cupit. Cupit autem, & nosse illum, & in eo
cubare, quod est, conquiescere, quod Hebrai-
ca verba apertissimè declarant quæ sic lati-
nè redunduntur. (Vbi cubare facias) Precatur
quippe sponsa, eius quietis cupidissima, ut
sponsus doceat, vbi nam cubare faciat in ea
lace patriæ meridiana, eos, qui de via fessi il-
lic migrat, æterna requie fruituri. Cum verò
sic rogat. Vbi cubare facias, idē agit, ac si dice-
ret. In quo illius gloriae loco, quam excelsa,
quam fœlici? Licet enim locū fide norit, fidei
tamen cognitio obscura est, ac proinde velut
rei ignara, illustrius quiddā poscit, & rē clari-
rius nosse cupit. Hoc verò desideriū ardentissi-
mū patriæ, tyronibus, qualis adhuc sponsa
depingitur, opportunissimum est. Cum enim
adhuc, non ingenuè ament, non adeò excitantur,
solo puri amoris affectu; præmij autem
spe acerrimè vrgentur, & ad opera difficilia
alacrius incitantur. Propter hoc igitur, spon-
sa tam sedulò quærit de loco, vbi spōsus oues-
pascat, & eas cubare, hoc est, requiescere
faciat. Non sanè, quia confestim illuc mi-
gratura fit, longam enim prius est emensura

viam,

viam, sed ut sine concepto, iuxta veræ philosophiæ pronunciatum, & recta gradiatur, & expectati boni magnitudine, ad percurrentiam viam fiat expeditior, nec aberrare finatur, quod verba proxima opportunè significant.

Ne vagari incipiam post greges
sodalium tuorum.

Vereor, ne postquam faustè cœpi, infæ liciter abs te seiungar, & qui pastorem ementiuntur, cum lupisint, me ad suos greges abducant, atque discerpant.

SAtius profectò erit, te facem præferente, o sponse, nosse viam, qua gradiendum est, quam per anfractus, diuerticulaque aberrantem seduci, in aliorumque pastorum caulas incurrere, dæmonum, scilicet, ac scelestorum hominum, qui cum coetus gregesuè perditariuin pascant animarum, sodales tui nuncupantur, quadam officij similitudine, non suo quidem ingenio, ad perdendum, profligandumque comparato. Pro his verbis: Ne vagari incipiam post greges sodalium tuorum, aliqui ex Hebraico sic vertunt (Quia, ut quidero, veluti operiens se super greges sodalium tuorum?) Illa verò verba (operiens se) nomine conficto, licet ad sensum eundem

dein opportuno, exprimunt quidam, aientes,
 (Ne oberrans per greges confortium tuorū,
 videar palliolata.) Scorta nimirunt olim in
 trinijs apparebant, & hac illacvè excurrebat
 pallio obnupta , vt patet ex historia Tha-
 mar , quam , cùm Iudas, suos greges petens,
 pallio vidisset opertam , velut scortum allo-
 quatus est, & pastor ab eo missus , de scorto
 an comparuisset , interrogabat. Precatur er-
 go sponsa Deum, ac sponsum suum, ne patia-
 tur illam aberrare, & peccatorum pascua co-
 lere, quia si exerret, erit vt scortum, suum ve-
 rum sponsum , violata fide coniugij, relin-
 quens, & aliorum, qui sponsum simulant, ad-
 hæredit amori. Et hanc emphasin habent illi
 verba. (Quia vt quid ero , veluti operiens se
 super greges sodalium tuorum?) Quod vero
 sodales hi nomine duntaxat tales sint , patet
 ex paraphraste Chaldaico , qui interpretans
 hunc locum de filiis Ismaelis, & Esau, qui re-
 licto vero Deo, alienos Deos colebant , ac si
 verè essent socij diuinitatis Dei veri , sic ait,
 (Qui applicant tibi idola sua pro so-
 cijs.) Preces sponsæ sponsus
 exaudit, quapropter sic
 eam affatur.
 (.?.)

SPON.

S P O N S V S .

Si ignoras te o pulcherrima inter mulieres, egredere.

Si te ipsam non calles, qua ex ignorantione meridiem nosse nequis, egredere ex temetipsa. Exue veterem hominem. Sic quippe egressa, viam carpes, expeditiusq; percurses.

Fieri nequit, ut Sponsæ ardētius amare cipientis clamore non percellatur spōsus, qui amoris paret imperio. Euestigio adeſt, quam cupiebat sponsa viam, ad ipiuin in ulteriore charitate perueſtigandum, monstraturus. Pulcherrima (inquit ille) inter mulieres, hoc est, recentes ac imbecilles foetus, mulierum natura imbecillum translatione graphicè pictos, quibus tu, maior effecta, facilè antecellis. Si ignoras te, cuius ignorantinis ergo, & meridiem, vbi conquiesco, nosse & allequi nequis; egredere. Temetipsam fuge, lares proprios, domumque antiquam relinque. Exue veterem hominem, in quo sepulta iaces, actusq; illius auersare. Hæc prima lex, si ad meridiem ferri satagis, vt foras prodeat, nec te domus antiquæ remoretur amor, qui retar-

retardare nequivuit apud Chaldæos Abramum, exire ad ornantem, arcani huius exitus typum præferentem. (Si ignoras te.) Latet porrò mira in his verbis energia, minime silentio tumulanda. Enim vero sponsa petierat meridianam sponsi lucem, aitens, (Indica ubi cubes in meridie?) Cui profecto interrogationi, (quantum coniectari licet) disertè respondendum erat, ostensa via, qua in meridiem tenderetur, nisi altius quiddam, arcانque magis hac responsione celaretur. Nimirum splendidissimam sponsi lucem appetenti sponsæ, idoneè admodum imbecillitatis propriæ circumspæctio præcepta est, qua in penitissimam Dei cognitionem via sternitur, quasi planius in hunc morem spōsus eam commoneret. Si sapientiæ, ac diuinæ charitatis amore flagras, à tui ipsius cognitione auspicare, hæc enim te ducet, ac vna tuebitur. Modum vero secretiorem sponsus edocet, quo semetipsam sponsa callere perdiscat, unico rem totam verbo complectens, dum ait. Egressere, tanquam si expressius diceret. Temetipsam interfeca, mediamque concide, ita ut mentem ab appetitu disternes, ac duo quasi agmina constituas. Altero quidem in agmine appetitum sentientem, effra nesque ipsius motus recensebis. Ab hoc vero agmine, mentein, voluntatemque segregabis, alte-

rum

rumque numerabis agmen, in quo te ipsam
repones, & indicto bello, agminis primi col-
loquia, commerciumque vitabis. Sic viam ar-
ripies, luceque frueris. Profecto, si oculus co-
lore tintitus esset, & imbutus, colores nequi-
ret cernere, ut apud naturæ inspectores com-
pertum est. Quin quamvis purus esset oculus
ab omni nebula, humorisque affluxu repur-
gatus, si hærerent illi externè dumtaxat res
colore infectæ, percipere illas non valeret,
ita sanè, ut omnino spatium interiacere de-
beat, quo colorum imago purior reddita in
oculum perferatur, & cernatur exactè. Hoc
planè modo, à temetipsa exiliens, & velut ab
excelsò loco, mentis intuitu repurgato, tuam
despiciens humilitatem, illius affectus inter-
notcere ac explorare valebis. Nam si mentis
acies, appetitus concretione, ac sanie fuerit
imbuta, vel ipsi nimium propinquā, vi cer-
nendi, qua prædicta est, nequaquam fungi
sinetur. At postquam egressa fueris, o
sponsa, nè cunctoris, desidiaue
torpescas, sed viam ar-
ripe. Et.

Abi

Abi post vestigia gregum tuorum.

Post greges gradere, non ut à motibus appetitus effrænis traharis, sed ut quasi verbere inflicto vrgeas, & quò mens vocat, recta ire compellas.

NE præas; non enim greges hœdorum, id est, sensuum & affectuum petulantes ac lasciuentes, te sequentur ; sed aberrabunt. Sunt quippe greges non ouium , quæ vltro ducuntur ad occisionem , nec agnorum, qui rontenti non reluctantur, sed hœdorum, qui si creuerint , euadent hirci , qui reproborum mores significant, ac ideò in iudicio statuntur à sinistris. Hos igitur, vt salui fiant, & ad dexteram reducantur , verbere vrgebis. Co- ges ergo illos præire, tuque ipsorum post ve- stigia gradieris, more pastorum , qui suorum gregum vestigia sequuntur, non quò hœdor- rum lasciuiam à militari via exerrantem se- quantur, aut ferant, sed quò greges in prospe- ctu habentes, cùm à via deflectunt, funda, pe- doque vtantur, rectaque illos ingredi cogant, & impunè vagantem coerceant petulantiam. Cum verò inflicto verbere, incussoque timo- re, appetitus sentientis agmen more pastoris egeris, disce oraculo , quidnam tibi sit agen- dum. Et.

Pasce-

Pasce hœdos tuos iuxta tabernacula pastorum.

Affectus appetitus edomiti in officio contine, & fac, ut spiritalis palæstra consultorum monitis obtemperent.

Sensus rebelles, hœdorum more, dum recens sanguis efferuet, exultantes cum domueris, dictoque iam feceris audientes; ne patiaris otio se tradere, aut tam citò deseritas, ac si rebellare nequeant, neque soleant. Sanè si eos impunè agere permiseris, fœdus rescindent, ac in te uno connisu irrumperent. Præside igitur illis, acriterque cede, ac simul pasce iuxta casas, mapaliaue pastorum, qui sunt viri rerum diuinarum consultissimi, Apostolorumque posteri ac hæredes, qui saluberrimas spiritalium dogmatum herbas, sibi credito gregi carpendas porrigit. Quorum si dogmata toto pectore hauseris, ad meridiem ipsorum ducatu oxyssimè properabis. Præcipit sponsus, ut sensus rationi rebelles sponsa coercent, & iustitię seruire cogat. Quod prudubio fit, cū sensus siue internos, siue externos, culpæ licentia exultantes, ita comprimitur, ac moderamur, ut nec cogitare,

nec recordari, nec audire, nec cernere turpe quippiam sinamus, sed suas ad rationis lineam functiones cogamus obire, quod sponsa præstitisse credenda est, ut mox apposita laus ei congruere possit. Sponsus quippe illi tanquam equo domito insidere voluit, quod sanè noluisset, si sensus nondum, magna saltem ex parte repressisset. Est autem accurate animaduertendum, generosi equi illustre signū esse, Domino insidenti se facilem ac lenē exhibere; alijs verò, præsertim inimicis, esse intratabilem, & in eos calcium illis, & hinnitu ferocire, quale quiddam de Bucephalo Alexandri Magni dictitari solet. Quod generosi animi discrimen in sponsa reperiri, subiecta sponsus similitudine propalat.

Equitatui meo in curribus Pharaonis assimilaui te amica mea.

*Angelo, quo tanquam equo meo vehebar olim,
dum in sinu Arabico currus Pharaonis euerteret,
tesimilem feci.*

Belli consultissimus sponsus est, Sabaoth Deus ob id appellatus, quapropter bellicum sibi iure comparat apparatus, in dæmonem, Pharaonc significatum, præliaurus,

turus. Armat equitatum, quo apparatus belli
notatur vniuersus, propter nobilissimā equi
naturam, firmissimum in prælijs robur. Nam
ingenuè hoc animal sese periculis obijcit; ir-
rumpentium gaudens clamore copiarū; tu-
barum exultat clangore; hastarum ictus, cly-
peorum collisionē minimē perhorreſeit, ſed
fidentius ingreditur, & in confertiffimos ho-
ſtes, adactis leuiter calcaribus irrumpit. Equi
verò, quibus ſpōsus vehitur, Angeli ſunt, qui-
bus, quaſi vectus & inſidens, ſua ducit agmi-
na, aduersamq; potentia tyrannidemq; coer-
cet. Quod, præterquā quod eſt diuinæ Theo-
logiæ oraculū, quo docemur, dæmonum im-
petum, quo in nos debaechari moliuntur, à
Deo per Angelos elidi & frāgi, ſacrarū etiā-
num historiarum veritate fancitur. Cū enim
Iſraēlis Pharaonem fugientis caſtra duceret
Angelus, qui ſelectum illum populū colūna,
& nube præibat, & tuebatur; iāque præcepſ
Pharaon rubri maris altuum ingredereſetur, reſ-
pexiſſe dicitur Dominus per columnam in
AEGyptiorum caſtra; non quia duxor Ange-
lus non eſſet, ſed quia, velut equo generofl-
fimo, Deus illi infederat, ut gentem, quam ſi-
bi cooptarat, propugnaret, hōſtēque dirue-
ret. Huiuscemodi ergo equos ſponsus conſe-
dit, ſicut scriptum eſt, (Qui ascendis ſuper
equos tuos) & his ait eſſe ſimilem ſponsam,

dum sic eam affatur. Equitatu meo, & ex Hebræo, Equæ meæ, ex Septuaginta verò Interpretum versione, Equo meo, assimilauit te, quæ omnia sensum eundem reddunt. Porro ex anima charitate prouecta (quo quidem in genere eadem est Angeli, hominisque mensura) tanquam ex equo nobilissimo, quo vehitur sponsus, tela suæ potentiae euibrat, hostisque animam inuidentis arcet improbitatem, non aliter, quam olim per Angelum dicens, respiciens per ignis colunā in AEgyptiorum currus, Pharaonis temerè insanientis repressit audaciam. Fecit ergò sponsus Angelicæ sublimitati sponsam persimilem, in Pharaonis curribus euertendis, ac dissipandis. Hæc prima est interpretatio.

Secunda eruitur ex scriptore huius cantici, eiusque historia. Porro Salomon, qui nomine afflatus hoc carmen scripsit, loquitur Dei personam agens, sicut Angelus in veteri testamento, nomine Dei plerumque loquebatur, præcipiebat, hortabatur. Constat autem, Salomoni, ex AEgypto, seu Pharaonis regno, equos duci solitos fuisse, & currus, ut tertij Regum narrat historia. Sic enim habet inter alia, cap. 10. Et educebantur equi Salomoni de AEgypto, & de Coa, & paulò post. Egrediebatur autem quadriga ex AEgypto sexcentis siclis argenti. Habebat ergo Salomon

mon equitatum in curribus , seu quadrigis Pharaonis,hoc est,ab AEgypto,seu Pharaonis regno missis. His verò vtebatur Salomon ad regni præsidium,sicut scriptum est. Congregauitque Salomon currus & equites , & facti sunt ei mille quadringenti currus,& duo decim millia equitum,& disposuit eos per ciuitates munitas , & cum Rege in Hierusalem . Sponsus ergo loquens per Salomonem , aut Salomon , velut in comedia sponsi personam agens , ait , se sponsam equitatui suo in AEgyptijs curribus comparasse. Quæ similitudo sic accipienda est , vt sponsa,quæ ante in regno Pharaonis,hoc est, dæmonis seruiebat,& AEgyptios,hoc est,dæ mones vehiebat sessores, à Salomone,hoc est, sponso,magno pretio empta, in eius equitatum sit ex liberalitate vocata & ad Ecclesiæ, cuius rex sponsus est , robur præsidiumque pertineat. Sic ergo sponsus loqui credendus est. Eras,o sponsa, equus AEgyptius effrænis, sed ego redemi te , & redemptam assimilavi equitatui meo , quo ego in curribus à Pharaone redemptis vtor in regno meo. Habet sponsus equitatum,& currus,hoc est, animas plurimas, e dæmonis seruitute,in Hierusalem libertatem assertas,vt Mosen,Paulum, Augustinum, quibus ipse vectus,regnū Ecclesiæ obequitat,& tuetur,& his similem spon-

Sām fecit, quā magna profectō illius laus est:
Quamobrem iure pergit eam exēlsam di-
gnitatem, ac meritorum magnitudinem com-
mendare.

Pulchræ sunt genæ tuæ sicut
turturis.

*Quemadmodum extincō alterutro sexu, vene-
rē turtur execratur sponte sua, ita tu, cū quasi ex-
tinguor, me celans, amorem execraris externum,
& genarum exortus rubor, te indicat, me tametsi
absentem vereri, adeò vt rubor ipse sit quasi frā-
num, quo genæ suauiter premuntur, chamo, frāno-
que duriore minimè indigentes.*

NE nomē equi, quo adulterij rabies à Hie-
remia significata est, sponsæ aliquam
violati tori labis notam inureret: Neue quis
suspicaretur sponsam chamo, frānoqué tan-
quam hinnientem præ lasciuia equum indi-
gere, subiecit sponsus arcānam turturis simi-
litudinem, ut huius animantis ingenio, spon-
sam à calumnia vindicaret. Inquit ergo (Pul-
chræ sunt genæ tuæ sicut turturis.) Rubore,
qui, pra **v**erēcūdia, tuas genas obducit, illasq;
venustat, mirifice delector, quia turturis
rubor

rubor est. Quemadmodum enim turtur, alterutro coniuge extincto, nequaquam induci valet, ut veneri vltre indulgeat, in primū amatorē ac coniugem vim amoris effundens; sic tu, rubore genas perfundente, erubescis, nec induci potes, extraneū vt admittas amore, si quādo ego videor extintus, dum consultō me celans, voluptatemque mē præsentia subducens festinus abscedo. Sic igitur, ne quid turpe committas, opus non est te reprimere, vimque inferre, chamo & fræno genas constringente. Pudor enim ipse, ex amore profectus, te in officio continet, actusq; omnes ad amissim legis coniugalis facit effingere. Hæc prima est explanatio.

Secunda verò maximè arcana eruitur ex Hebræo textu, qui sic latinè redditur: (Decora sunt maxillæ tuæ in murænulis, vel propter margaritas) vbi cernimus pulchritudinem genarum sponsæ, ab ornamentis murænularum, vel vittarum, in quibus margaritæ lucent, cōmēdari, sumpta metaphora ex pueris, ex quarum auribus inaures, ut catenulæ, vel aliàs margaritis consertæ pendere, ac ita genas ornare solent. Qua quidem imagine sponsus declarat, sponsam non egere lupato, seu asperiore fræno, equorum indomitorum more; sed eam aure duci. Nam verbis sponsi aure perceptis, tanquam aureis

inauribus totam faciem honestat, & illis suauiter trahitur, non indigens alia vi ad Deo obtemperandum. Quod profectò mysterium Chaldæus paraphrastes eleganter expressit, verba hæc de populo Israel, in quo plures erant sponsæ similes, interpretans, & sic aiēs. (Quando egressi sunt ad desertum, dixit Dominus ad Mosen: Quàm pulcher est populus hic, vt dentur eis verba legis, & sint sicut inauris in maxillis eorum, vt non recedat à via bona, sicut nō recedit equus, in cuius maxilla est frænū.) Qua ex re planè perspicitur, spōsam non equum ferocienteim, ac petulantem, sed ingenuum, equitique parentem imitari, non verbere, & calcaribus, sed phaleris indigere. Quod sponsus per pulchra colli figura commonitat, nam sic ait.

Collum tuum sicut monilia.

*Collum habes in seipsum recuruum, sicut orbicu
lata monilia, & sic oculos ad tuum gressum mode
randum semper conuertis.*

MOnile Græcè hormiscos appellatur, si militudine locorum maritimorū, quorum littora in lunæ sunt cauata figuram. His nimirum locis, quæ hormi vocantur, moniliū figura,

figura, in seipsum reflexa respondet. Cœpit autem sponsus commendare sponsam, sub equi pereleganti similitudine, cuius genis ruborem pudoris indicem, tamquam elaboratum, suaueque attribuit frænum. Qua in translatione persistens, colli laudat elegantiam à figura circulari in seipsum recurrente. Sic quippe inter notas equi generosi colli curuitas follet commendari, ut, cum graditur, crura ipse met sua, vngularumque positum inspectare videatur. Sic & sponsa, equus videlicet generosus, quo sponsus vehitur, collum habet elegans in se recuruum, ut subinde suum incesum, cursumque prospectet, nec inopina in lapidem impingat, in salebras incidat, vel dæmonis tendiculas oscitanter incurrat. Collum hoc recuruum, quod sponsa ad semetipsam torquet inspectandam, ea est virtus, quæ à sanctis Patribus Oratio mentalis nuncupatur, quæ instar colli porrectam à sponso escā potumque excipit, & in spiritalem ventriculum traiicit. Vere enim tunc sponsus anima pascit, & per id collum dapes cælestes animæ ingerit. Huius ergo arcani colli laus eximia est, ut sit sicut monilia, hoc est, ut sit in propriam cognitionem reflexum. Sunt enim plerique, qui vix orationis primordia summis labijs degustarūt, & inani quadam elatione delusi, collum nimis erectum habent; hiāt enim

ad superna præmaturè, suique immemores id
collum ad se non retorquent, quia de semeti-
psis purgandis, ac edomandis minime cogi-
tant. Propter hoc ergo sponsus commendat
sponsam à colli curuitate, quasi hæc figura
illi potissimum placuerit; quod alia ex He-
bræo versio apertius indicat, in qua post illa
verba (Decoræ sunt maxillæ tuæ in murænu-
lis) additur, Collum tuum in torquibus, quasi
sponsus diceret. Colli tui arcani elegantia, &
decor in torquibus, seu monilibus, hoc est,
in figura ad seipsam reflexa eximie lucet. Po-
terat nimirum, ob alias dotes, orationis collū
Symbolicum laudare, verum illam tamquam
sponsæ utilissimam, Deoque gratissimam,
quam laudaret, aspexit, quod orationem ad
propriam cognitionē, instar equini colli re-
torqueret. Cum igitur sponsa sit adeo sedula,
in proprio incessu moderando, & ad equitis
nutum componendo, non est sane adductis
habenis reprimenda, nec domitori tradenda;
nec vero eques de habenis ex firmiore co-
rio injiciendis, sed de catenulis mi-
rifice elaboratis, habenarum
loco sufficiendis cogi-
tat, ideoque
ait.

Muræ-

Murænulas aureas faciemus tibi,

*In iijciam tibi catenulas murænam referentes,
tenues eas, & ad ornandum, non trahendum, cogen-
dumq[ue], fabrefactas, quod est, tuæ symbolum obedie-
tiæ, que libens ducitur, quo impero, nec habenis
eget violentis.*

VLtro mihi obtemperas, o sponsa, & cum
præsagis, quid malim, tempus anteuer-
tis. Non ergo mihi ad te flectendam, & edo-
mandam, nitendum est; nec vero habenis
eges ad coactionem, sed ad venustatem, &
ornatum, ut phalerata incedas. Decreui ergo,
catenulas tenues, murænarum imaginem
aspectui gratam referentes, ex auro consere-
re, illasque tibi ad ornamentum inijcere. Non
te inuitam traham, sed volentem ducam, nec
enim pertenues catenulæ ad inferendam vim
quidquam profundit. Insignis sponsæ in obe-
dientia progressio, nouo isto, planeque mi-
ro habenarum opere notatur. Adeo enim
promptè ac suauiter obaudit, ut, quod vul-
go iactari solet, laneo filo ducatur. Quo
quidem prouerbio, voluntatis ad paren-
dum significatur expeditio, & spiritus perni-
citas. Quod vt exacte intelligatur, concipien-
dus est sponsus sub imagine corpore a sua-

ue quoddam frenum , habensque ex aureis
catenulis consertas sponsæ, velut equo gene-
roso injiciens. Hæc igitur habenæ mysticæ vir-
tutem obedientiæ notant, per quæ, velut per
illas tenues catenulas, sine vi vlla, immò exi-
mia cum suavitate sponsam ducit, quò vult.
Materia verò catenarum, arcanum quiddam
suggerit; est enim aurea, ut diuinæ charitatis
auro notatæ naturæ, in cuius finem vniuersa
obedientiæ opera, ex ipsius charitatis inge-
nio, ac imperio sunt destinanda, ista saltē adū
bretur imagine. Hæc prima est interpretatio.

Iuxta Septuaginta Interpretum versionē,
quæ pro muræ nulis aureis (simulacra auri)
habet, secunda huius textus interpretatio
educi potest, in hunc modum : Porrò auro
maiestas regia notatur, quod & sacris, & pro-
fanis scriptoribus compertissimum est. Cum
verò de regia maiestate agitur, per antono-
masiam sponsi maiestas intelligitur. Vnde &
per aurum hic, sponsi notatur maiestas. Cum
verò maiestatem spōsi, vel habere, vel æqua-
re nemo possit, excelsa certè dignitas est, si
quis eius maiestatis similitudinem gerat. Et
hoc ad eximiam sponsæ laudē spectat, quod
sponsus, auri, hoc est, sui ipsius similitudinem
sponsæ faciat. Hæc autem similitudo in hoc
sitæ est, ut quemadmodum sponsi maiestas le-
ge non cogitur, sed ipse eius directione vi-
tur,

tur, ita sponsæ, ut pote iustæ, lex posita non sit, qua illam cogat, nec enim eget, sed ipsa legis vi dirigente utatur, & in hoc regiæ maiestatis similitudinem gerat, quod Regis, seu principis more lege non cogatur, sed dirigitur. Postquam autem aureas sponsus fabrefecit sponsæ catenulas, aurivè similitudines, quibus, ad parendum legi, insignis animi promptitudo, obedientiaque signatur, tuto illi doctrinæ suæ sponsus dogmata, argento significata obseruanda committit; ideoque ait.

Vermiculatas argento.

Habenas istas, quibus obedientiæ tuae exprimitur perfectio, argento liniemus, ita ut arte illis argentum inhærescat. Quod arcane fiet, cū mea doctrina, argenti puritate & candore signata, animo tuo obtemperanti imprimetur, & arte inhæredit.

Vermiculatum opus dicitur, quod tessellis insititijs, vermiculos referentibus, concinnatum est, quod in terrasili opere, in ligno, osse, iaspide, vel marmore scalpto passim fieri solet. Fit vero etiam ab inauratoriis, absque vlla sculptura, cum aurum induitis argentilineis, punctilve vermes imitati-
bus

bus ornant, & variant, vt pallor ille auri natius, inter albantes argenti guttas, & puncta, speciosa se prodat varietate, quod Hebræa tatis clare notant, cum Latine reddita sic habent (Murænulas auri faciemus tibi, cum punctis argenti.) In hunc ergo morem aureis murænulis argentum sponsus decreuit inducere. Vulgatum est, argenti candore ac tinnitu sponsi doctrinam puritate, ac sono insignem præferri. Quid ergo innuit hæc pūctorum, gutterumve argentearum auro inducta pulchritudo, nisi sponsi doctrinam ab audentis sponsæ animo diuino hærentem artificio? Quot enim dogmata illius animo à sponso imprimuntur, tot puncta dicuntur auro induci. Porrò postquam obedientiæ accessione sponsa cumulata fuerat (quod in aureis catenulis symbolū latebat) opportune ad modū sponsi doctrina, & vox clare sonans, ceu argentum igne examinatum, obtemperanti animo, ad gloriam, & venustatē debebat hærere. Recenseri autem par est, hanc eximiā inter laudes sponsæ vniuersas. Si enim sponsi monita illius cordi alte adeo inhærescunt, emetietur profecto actus omnes suos ad sponsi nutum, quo nihil ad veræ virtutis absolutionē accommodatius poterat excogitari. Post quam vero sponsus nonnullas recensuit sponsæ laudes, quibus internam, externamq; ilius

Ius extulit pulchritudinem, sponsa grātē cōmemorat, quemadmodum ex sponsi commer-
cio hæc bona receperit.

S P O N S A:

Dum esset Rex in accubitu suo,
nardus mea dedit odo-
rem suum.

Dum Rex sponsus, postquam lectum volunta-
tis meæ stratum vidit, ibi accuberet, charitas erga
ipsum mea, nardi expressa symbolo, effudit odorem
suum, qui ei peculiaris, & quam suauissimus est.
Ipse præterea sponsus, nardus mea est, me calefa-
tiens, ac odore suo imbuens.

SPONSÆ voluntas velut arescens, ac humo-
re destituta, ob sponsi amicitiam, more
terræ, Solis ardore perustæ dehiscens, iden-
tidē implorabat ipsum, cum vox illa deside-
rij interpres erumpebat (Indica mihi, vbi pas-
cas, vbi cubes) quam ipse libenter exaudiuit,
& affuit, explicatasque proximè sponsæ lau-
des recensuit. Subtrahit enim se, at citò stu-
det reperiri moræ impaciens. Oportet autē
hanc vicissitudinem, inter serio amantes esse
crebram, quo sitienter bonis creptis in-
hient, & suauiore postmodum voluptate,

cum

cum redduntur, tamquam ingenti aquarum affluxu perfundantur. Observans vero, quasi ex insidijs sponsus humanissimus sponsæ voluntatem hantem, lateque patentem, in ipsam irrepit, qui est proprius, ac optatus illius accubitus, in quo cum coniuge conquiescit, & miris charitatem auget incrementis. Quauis enim in sponsæ voluntate ante proculdubio fuisse, verum se abesse simulabat, & se consulto non prodebat. Nunc vero cum se manifestat ipsum, voluntatemque adurit, noua & potiore quidem ratione in accubitu dicitur esse. Pro accubitu aliqui ex Hebræo vertunt (circuitum) quod in præsentem sensum apprimè quadrat. Est enim sponsæ voluntas sphæra quedam, ambitus, seu circuitus, sponsum vndique complectens, & vallans; & haec propria est sponsi sphæra, sicut igni, cæterisq; elementis, à natura, sua sphæra propria definita est, ad quam elementum, cum inde abest, semper tendit; ac exinde, cum in illa est, velut in nativo loco conquiescit. Reète igitur expensa metaphora, sponsus dicitur in accubitu, circuituè voluntatis sponsæ cubare, hoc est, conquiescere. In hoc autem accubitu, nardus dicitur odorem fudisse suum. Sicut enim odorati pastilli admoto igne colliquescunt, odoremque fundunt, ita nardus, quæ est sponsæ charitas, admoto sponsi se pro-

propalantis igne lentescens, in voluntatis fornace succensa, odorem suum exhalauit, cuius olfactu mirificè sponsus delectatur. Odorem, inquit, suum, hoc est, proprium ac peculiarem, quo à cæteris rebus odoratis facile discernitur. Hic est sponsi Christi odor, quo fragrant, qui cum ipso iniere commercium, habentque consuetudinem, quemadmodū qui pastillos contrectant, manibusque versant, odorem ipsorum contrahunt. Nimirum cum ipsamet charitas, nardi symbolo, ut proxime explicauimus, expressa, sit manus, aut brachium, quo sponsum contrectat, & amplectitur sponsa (charitate quippe constat arctissimus ille voluntatis cum sponso ibi cubante complexus) efficitur, omnino sponsam diuino sponsi odore imbui, dum agit in accubitu. Nardo charitatem exprimi, quæ tota ignea, & feruens est, facile perspiciet, qui plætæ huius descriptionem contemplatus fuerit.

Enimuero si nardum, cuius est usus in medicina, expendamus, comperiemus nardum radicem tantum esse, & non aliâ plantæ partem; eiusque radicis partes, ut conferti glo-
mi, toruliue compacti, quod spicarum formâ referant, à peritissimis Medicis spicæ nardi appellantur, quibus excalaciendi vis ordine primo tribuitur. Si nardi folium cotueamur, expetitum maxime ad vnguenta cernemus.

G Erat

Erat enim mos olim , non Palæstinis modò, verum & Romanis, vnguentis pretiosissimis ex nardo confectis capillos delibutos gestare. Si odorem optemus,nardus (quod vulgarissimum est) odore præstantissimo commendatur. Calor autem spicæ latentis, ordine primo à Medicis laudatus , charitatis suopte ingenio calore æstuantis, corde cōceptæ symbolum existit. Vnguentum vero ex folio,& odoris fragrantia externi sunt amoris latentes indices, quales apud amantes passim conspicimus, quibus mos est eiusmodi & vnguentis pretiosis se delibuere, & odores comparare. Plura sunt alia, quæ, si exacte trutinentur, diuini amoris vim plane cælestem apprimè significant , quæ tamquam peruria prætermittimus.

Subit autem mentem secunda huius loci non inepta interpretatio, quæ sub nardi symbole sponsum intelligit; cui nativa competit animos glaciatos calcaciendi , cælestemque odorem fundendi proprietas. Quasi sponsa diceret. Dū esset Rex in me cubans, ipsem, qui est nardus mea, me excalfaciēs, obungēs, ac odore imbuens , exhalauit odorem suum. Quemadmodum enim sponsus habet nomen suum, quod est super omne nomen, quo ab vniuersis internoscitur rebus; ita & odorem, quo à cunctis alijs rebus odoratis facile

cile discernitur; cuius efficitur consors, qui-
cumque ipsi arctissimo amoris foedere socia-
tur. Quia vero huius odoris haustu recrea-
ta, quodam voluptatis amne velut obruta
fuerat sponsa, ne quis forte suspicetur eam
semper à sponso voluptate mulceri, quod
huius exilij lex minime patitur, hæc verba
iubtexit,

Fasciculus myrrhæ Dilectus meus mihi.

*Cum acriora præcipit sponsus, fit mihi myrrhæ
amaræ tactuq; asperiorerigentis fasciculus.*

Non mihi nardus dumtaxat, verum &
myrrhæ fasciculus sponsus est, nam ve-
lut alternis poculis, dulcore ac amaritudine
me potat. Dum accubabat mihi, tamquam
nardi odoratus fascis, meo pectori ad con-
ciliandum hærebat odorem, meque suau-
itate capiebat. Non tamen absuit omni-
no ab accubitu illo myrrhæ selectæ surcu-
lis concinnatus fasciculus, tunc sane præ-
libatus, postmodumque depascendus; fu-
turæ quippe ariditatis, laborisque acerbi,
quem perlatura eram imperante sponso, meis
oculis fuit imago repente obiecta, ut risum

præsentem venturi luctus imago temperaret. Arcanum quiddam sponsa retexit, quod neutquam oscitanter præteriri debet. Sapientis consilium est perquam opportunum, felicitate non efferri, sed instatatis calamitatis meminisse; sicut enim humanus animus moderationis admonitus, prosperitate parcè vtens ad calamitatem ferendam & quanimitate se comparat. Prosperitate vires concipit & armatur animus, futuri memor, ac proinde non succumbit irrumpenti aduersitati. Cuius sane dogmatis sponsus ipse fuit assertor, cum in Taboris montis vertice, quo nos erudiret, dum mortale corpus gloriæ quadam brevi exundatione absorberet, Moylen & Heliam accersit, non de præsenti effatus gloria, verum de excessu, quem (ut ait ficer textus) compleetur erat in Hierusalem, hoc est, de acerbissimo genere mortis myrrhæ symbolo notatae, qua erat interimendus. Monet igitur nos sponsa doginatis huius non ignara, se adhuc nardo arcana frumenta, ferendi laboris philosophiam (velut alterum Ioannem) ex sponsi pectore hausisse, ac tum deliberasse, quascumque inferendas sibi ærumnas, vel optandas vltro, generose subire, austeriorisque vitæ inire rationem; quæ quidem omnia laborum genera vnius arbusculæ myrrhæ significatione celantur. Nimirum arbuscula hæc in

in Arabia nascens, minor quam thuris arbor,
altitudine ad quinque fere cubita adolescit.
Conuenit autem inter auctores, qui hac de
re scripserunt, eam esse scabram, spinosam,
folijs aculeatis, caudice duro & intorto, è cu
ius vulnere defluit lachryma gustu acris, cum
amarore, quæ glutinandi, siccandi, & absterg
endi vim habet egregiam. Quæ quidem om
nia adeo sunt apta ad vitæ austeritatem pin
gendar, ut ne voto quidem aptiora possent
excogitari. Vitæ videlicet austeritas est he
rinaceus quidam contractus, ac in se conuo
lutus, cuius hæc arbor elegans imago est, quā
si velis attrectare, scabro cortice, aculeisque
foliorum lædaris, aut pungaris oportet. Si
eius lachrymam vel primoribus labijs degu
stes, acrimonia, & amaritudine infesteris
opus est. Et hanc viam salebrosam, rupibus
que rigentem prius debet carpere, quam in
paradisi conuoleat amœnitatem, qui ad chari
tatis fastigium peruenire contendit; sic enim
tamquam myrræ pharmaco resolutus luxu
glutinatur, ac constipatur animus, arente hu
more noxio, qui ante in sinus eius permearat,
& acrimonia vitæ affectum scalpente deter
gitur. Quæ omnia penitus sponsa contē
plans, velut in montis vertice consistens, dū
nardi voluptate delinitur, agit cum sponso de
excessu, hoc est, de semetipla yexanda, & au
steritate

steritate crucianda ob ipsius sponsi amorem
ardentissimum, qui propterea myrrhæ fasci-
culus appellatur. Nempe dum mulcet ac de-
lecat, nardus; dum labores immittit aut præ-
cipit, myrrha, pulchra translatione vocatur.
Ut vero liquido perspiciatur, quam audie
sponsa charitate fauia, labore ab sponso
impositum subire constituat, subiuncta ver-
ba plurimum conferunt.

Inter vbera mea commorabitur.

*At vero inter uber utrumque reponam illum,
cum labore amarum utroque septum amore com-
plectar, & perferam.*

Non ægre feram myrrhæ puncturas, &
amaritudinē, nec ad inhonestā loca rei
ciam fascem ab sponso mihi porrectum; ve-
rum in loco omnium potissimo, ac maxime
conspicuo reponam; inter vbera videlicet,
ut inhæreat pectori, ac vberibus sepiatur,
more amantium puellarum. Notissimum
est vbere amorem notari; est enim amor
suopte ingenio tener, ac dulcoris effector,
& suo quasi pondere in rem dilectam fer-
tur; sicut vber constitutione sua est molle, la-
etis, quod facile reddit, plenum, & corpo-
ris angustiam non ferens extumescit, ac
pon-

pondere suo in foetum procumbit. Myrrhae
igitur manipulum inter vbera sponsa collo-
cat, cum amore gemino, Dei scilicet, ac pro-
ximi, & laborum acerbitatem & austera-
tem vitae velut brachio amplectitur utro-
que. Profecto insignis est in huius verbis
textus energia. Fasiculus quippe myrrhae
locatur inter vbera, loco videlicet cordi pro-
ximo, & quod mirum est, non breui manet
ibi, quasi confestim elidatur, sed commora-
tur. Pugnat nimirum aperto Marte haec lex
spiritus, cum lege membrorum, quam gene-
ris nostri maxima pars amplectitur. Cum
enim sponsus se quasi resurgentem, gloriaq;
coronatum, laeta nunciantem exhibet, passim
locatur inter vbera; cum vero fit myrrhae fa-
sciculus, & amaritudinem ingerit, vix inue-
nit locum cordi propinquum, sed ægre reci-
pitur collo impositus grauis iugi modo sta-
tim detrectandus. Si vero forte à quopiā spi-
ritu vehementi flante ponitur inter vbera,
non sinitur ibi commorari, sed euestigio re-
pellitur, raroq; à quopiam hic myrrhae fasci-
culus cordi insculpitur. Ex quo patet, spon-
sam iure laudari debere, quæ illum inter vbe-
ra reposuit, & ibi cōmoraturum pollicetur.
Haec sane laus eximia est, quæ in sponsæ lu-
cet ornatu, quæ ad absolutam magnopere
cōfert venustatem. Anxietatem quippe, siue

aliunde illatam, siue vltro quæsitam, nō coacte, non moleste ferre, sed amore impellente complecti, egregium facinus est, quo Deus capitur quam facillime. Est autem clementissimi sponsi adeo liberalis natura, ut, cum voluntatis expeditionem tamquam è specula prospexerit, accurrat ipse, & ipsam voluntatem non modo afflet, verum præ immissa voluptate sensum doloris eleuet, quod sponsa fatetur aiens.

Botrus Cypri Dilectus meus mihi
in vincis Engaddi.

Humanè mecum agit sponsus, nam vino generoso, quod botrus notat, propinato, me tamquam sensu alienat, ne admodum myrrhæ amaritudinem formidem, aut sentiam.

A蒲 nationes aliquas mos olim inuauit, ut morte plectēdis, commiserationis affectu, vinum generosissimum propinarent, ut illius haustu præuenti, ac sensu usu non parū alienati, inferendi supplicij acerbitatē minime sentirent. Ad morem hunc satis humanum ac lenem, sponsa videtur alludere, cum sponsum, qui myrrham interdum porrigere, hoc est, inflicto laboris verbere, ac


exa-

examine ipsam solet acriter cädere , ac velut patibulo affigēdam tradere , fatetur adeo esse humanum , & ad commiserationem propensum , ut cum ipsam immissa calamitate , & ariditate , tāquam myrrhæ liquato poculo vult experiri , laboribusque obruere , vel certe , cū vltro ipsa se torquere parat ; tunc ille vino propinato , quod Cypri insulæ generosi vini feracissimæ botro notauit , sponsam ipsam consopiat , dolorisque sensum miro modo eleuet . In hunc ergo modum effatur sponsa ; Etsi sponsus ceu myrrhæ gustatus flos me interdum amarore diuexat , est tamen ipse humanissimus , cum quo ab infantia creuit miserationio , ac proinde velut expresso botro vinum offert , cum me voluptatis influxu demulcet , sensibusque quodammodo præ suavitate alienat , vt parum formidem ac sentiam permixtam dulcori myrrhæ amaritudinem . Quod autem subtexit , in vineis Engaddi , qui locus est in Iudæa vitium satu nobilis , ad eamdem facit explanationem . Est autē phrasis poetica , botrum in Engaddi nascentem , nuncupare Cypri botrum , ad eius generis perfectionem explicandam , quemadmodum Leones Poenos , Tigresque Armenias , quamuis nec in Aphrica , nec in Armenia nascentes , figuratè vocamus . Interpretatio hæc nomine Cypri insulam intelligēs , huic loco satis est oppor-

tuna; quam profecto non debuisset licenter
a deo quidam recens huius libri interpres ex-
puere, ac nimiam illi imperitiam adscribere,
cum sit clarissimorum Cantici huius expla-
natorum consensio, Cyprum hic insulam
esse vuarum prouentu laudatissimam. Sic exi-
stimarunt S. Gregorius Papa, S. Bernardus,
Venerabilis Beda, S. Anselmus, Rupertus
Abbas Tuitiensis, S. Thomas, Dionysius Car-
thusianus, & alij. Nec mirum aut nouum cen-
seri debet nomen Cypri, quod infra cap. 4.
aromatici genus significat, ac eisdem, quibus
hic characteribus scribitur, (est enim utro-
bique Hebraice כַּפֵּר Copher) varios sensus
reddere; nam ex quo quis etiam vulgari idio-
mate promi possunt voces eiusmodi varia sen-
sa claudentes. Et quidem si auctor ille ideo
Copher, vel Cyprum ait insulam non signi-
ficare, quia illud aroma significat, necesse
erit, ceteras omnes interpretationes, praeter
vnam illam suam, ineptas esse, ac propterea
nobilissimos quosque explanatores, non La-
tinorum tantum, verum & Græcos explodere.
Porro Origenes iuxta S. Hieronymi versio-
nen, botrū floritionis pro botro Cypri tran-
stulit, cui Theoderetus, Psellus, alijq; Græci
botrū florentem exponentes astipulantur.
Gregorius Nyssenus Cyprū florē vitis asse-
ruit. Rabbi Abr. in Epitome thesauri linguaꝝ
sanctꝝ

sanctæ allegatus, putat esse nomen loci, vbi
botrus prouenit, vel genus palinæ gignentis
dactylos, Chaldæus paraphrastes botrum
vuarum vertit. Lyra censuit esse aromaticam,
nomine Cyprum, nec qualis esset satis expo-
suit. Alij demum censuerunt esse medicamē-
tum quoddam, quod Arabibus Capur, seu
Cafur appellatur, veteribns Græcis ignotū,
recentioribus autem καρφευπαν appellatum,
Latini Caphuram, officinæ Camphoram vo-
cant, & sic Isidorus Clarius, Brixianus, bo-
trus camphoræ transtulit. Hæc paulo fusius
præter consuetudinem scripsimus, vt sanctis
Patribus deferatur honor; est quippe liberū
cuique, quam maluerit interpretationem cō-
muni sanctorum Patrum sententiæ non re-
pugnantem, aut dissentaneam feligere; non
autem imperitiæ notam Sanctis inurere. Vbi
notandum est allatā de Cypri botro interpre-
tationem semper manere inconcussam; licet
enim nō omnes allati Patres per Cyprū, insu-
lam illā intellexerint, satis profecto est, com-
munem esse sanctorum Patrum Græcorum,
& Latinorum consensionem, botri nomine,
vuarum racemum intelligi debere, siue is ex
Cypro insula, siue aliunde sit. Interpretatio
quippe nostra, non insulæ Cypri, sed botri
significatione nititur.

Nunc demum Copher vltimam, quam
attuli,



attuli, significationē persequar, secundamque
huic loco interpretationē affigam. Qui accu-
rate de aromatibus Indicis scripserunt, tradūt
Copher, seu Caphuram esse arborem nuci iu-
glandi similem, cuius materia cinerei est co-
loris, faginæ assimilis, interdum nigrior, &
mediocriter solida. In huius arboris ligni me-
dium gummi quoddam excurrit, quod post-
modum extrahitur, aut per rimas exsudat,
quod cum concreuerit, facile in botri, aut cu-
iusvis alijs rei figuram compingi, & informa-
ri potest, non enim arbor illa fert botros.
Tria vero notatu maxime digna de hoc gum-
mi à probatis auctoribus excerpta, prætereū
da non erunt. Ajunt Caphuram in aqua fla-
grare: deinde tradunt eam humore madere, si
in recenti & calido pane condatur. Ajunt de-
nique, nisi sedulo afferuetur, ex operculatis
etiam thecis nonnunquam euanscere. Quæ
profecto tria sponso impendiò conueniunt,
vt non immerito botrus Copher sit appella-
tus. Etenim in hoc spiritali humani generis
cataclysmo, quo aquæ culpæ hyemales tum
origine permanentes, tum voluntate praua
erumpentes mundum obruerunt, & ignē cha-
ritatis extinxerunt, in medio ipse diluvio ex-
tans, & erectus fluctibus ipsis velut oleo pas-
citur, & more lampadis accensus flammā cha-
ritatis emittit, quam flumina nequeunt ob-
ruere.

ruere. Sic ergo in aqua spōsus flagrat. Iā autem, si postquam ille ventum emisit australē, qui aquas diluuij huius absumeret, & humore culpæ noxio demum excocto, anima spiritus flantis cælestem calorem conceperit, ut panis recens appellari queat, tunc sponsus arcāno quodam illapsu animam ipsam cælestis gratiæ, ac voluptatis rore conspergit, aquamque diluuij infectam hoc rore permutat: ac proinde verum est, spiritalem caphurā recenti pane conclusam humore madere. At tunc, nisi cōdita semel, perquām sedulo assertetur, elabitur quidem & euanescit, quod altè memoriæ sculpendum est; nam si sponsus (qui hac proprietate Caphuræ velut effigiatur) semel fit à sponsa digne exceptus, & tāquam operto vase inclusus, non continuo tanti Regis magnitudini satisfactum est, nec est vñquam ab eius cultu, & veneratione cessandum, alijs irritatus ausfigiet. Nunc igitur Spiritus sanctus hæc & alia plurima Cypri botro complexus, sponsam introducit sic alienem. Botrus Cypri dilectus meus mihi, hoc est, sponsus tamquam racemus Caphuræ compactilis fuit, mihi lampas quædam, dum ego olim scelerum aquis fluctuabam, quibus ipse velut oleo vtebatur. Postquam vero præuauit lampadis flamma, & absumpit aquas, ipius ego calorem concepi, ac recens quidam

panis

110 CANTICI CANT.

panis euasi, ipsius humore respersus. At modo multo mihi vigilantissime enitendum est, ne vlla noxa lacessitus effugiat; omnes pori sunt obturandi, omnes meatus obstruendi, habeo quippe thesaurum in vase fictili, quod est multis casibus obnoxium. Haec tenus de secunda expositione dictum sit, quæ primæ minime reluctatur. Vtraque vero confert, ut clare cernamus, sponsus quām sit erga sponsam humanus, & quām curet sedulo myrrhæ amaritudinē cum suavitate miscere. Iam autem longum iter emensi, sponsum audiamus laudes sponsæ dependentem.

S P O N S V S.

Ecce tu pulchra es amica mea.

Ecce tu pulchra es.

Bis pulchra es, ò sponsa, & ideo pulchra, quia per charitatem, veram nempe animæ pulchritudinem, es effecta amica mea. Interna tua pulchritudo partium animæ concordia, & proportione cum splendore constat. Externa verò exteriorum actionum moderatione concinna cū splendore conflatur.

Bis pulchram appellat. Est autem pulchritudo debita membrorum proportio cū quadā suavitate coloris. Oportet ergo duplum

cem

cem esse proportionem, duplicem etiam coloris temperiem, vbi gemina elucet pulchritudo. Quod profecto ita est accipiendum, ut altera interna sit, & externa altera, vtraque tamen longo dissita interuallo à corporis ea pulchritudine, qua scelesti etiam homines persæpe sunt præditi. Prima verò ac princeps pulchritudo, qua sponsa præstare cernitur, ex debita potentiarum animæ proportione conflatur. Potentia quippe translatè membra dicuntur animæ, quæ si officio fungantur velut harmonicè dispositæ, sibi mutuo conexæ absq; ordinis perturbatione, obtéperante rationi appetitu, ac eius partibus, mira tunc existit concinnitas, quæ quamdiu perstitit, Adæ anima pulcherrima fuit, Et huius harmoniæ solutio, propria est & nativa deformitas, quam & origine contrahimus, & peccatis augemus. Ex hac denique harmonia partium animæ, quidam spiritalis splendor elucet, quallem armis obsepta splendentibus emittit castorum acies ordinata, & hic est internus color, quem sponsus auidè intuetur. Est autem animaduertendum, & proportionem, & colorē hūc, non animæ partibus ipsis sua hærente natura, sed esse cælitus elapsum infusis virtutibus ad internam sponsæ faciem honestandam. Hæc prima pulchritudo, & origo secundæ. Porro qui primam illam
& prin-

& principem venustatem adepti sunt , cùm
externas obeunt functiones, in exemplar si-
bi ostensum mentis aciem intendentem, mo-
tus sic moderantur vniuersos , vt in ipsis ex-
ternis actionibus mira sit concinnitas, & har-
monia ; nihilque in eis perspici possit , quod
non præferat honestatem. Tempus, modum-
que obseruant, nihilque aggrediuntur , nisi
tempestiuè ac prudenter. Hæc ergo actionū
concordia proportio est , ex qua etiamnūm
splendor enitet spirituali solum intuitu perce-
ptus, quem colorem metaphorice nuncupam-
mus. Videtur autem hic splendor ex sponsi
aspectu, in quo sponsa conficit, acceptus , ac
in spiritales intuentium oculos velut à tergo
quopiam corpore reflexus : adhuc enim in
externos actus se promit sponsi lux. Ab hac
igitur dupli pulchritudine sponsa merito
commendatur. Inquit sponsus : Ecce tu pul-
chra es amica mea, quasi planiūs dixisset, Ideo
tu pulchra , quia amica : pulchritudo enim
hæc sponsi est amicitia, charitatis fœdere so-
ciata. At quia longum esset sponsæ laudes,
vel cursum percensere, cæteras formæ
partes omittens, in vnos ocu-
los vim laudis effun-
dit. aiens.

Oculi

Oculi tui columbarum.

*Habes simplicem intuitum nil mali cogitantē,
sed in bonum finem cuncta dirigentem, vnde tota
pulchra es.*

VIlgatum satis est, quam intentionem Philosophi vocant, oculorum scopum intuentium symbolo notari. Columbam etiā esse animal simplex, ac intentionis proinde synceritatem ac rectitudinem prae se ferre, nemo est quem praetereat. Felle caret, & quamvis pullis orbetur, ad eosdem dominos, easdemque reuertitur ædes; nihil enim mali suspicatur, aut refugit: quod synceritatē cordis sponsæ satis aptè delineat. Habet etiam hoc, ut aucupem retia tendentem videre, aut vitare non magnopere curet, quemadmodū alia vasfricie prædita animalia, quod ad simplicitatem astruendum plurimum conducit. Est praeterea in columbarum oculis laude dignum, quod toti quasi figuntur in re, quam aspiciunt, ut aperte pateat, quorsum aciem dirigant, non ut vasorum animalculorum, ut vulpium oculi, qui simulati, ac duplices, dum huc videntur aspicere, illuc aciem dirigunt, captantes prædam, vel fugam, ex quo etiam

H oculi

oculi sponsæ satis commendari debent, qui toti sunt in sposo defixi, nec nutat, nec alio se vertunt, cum ibi collocatum habeant omnem bonum. Vnos igitur sponsus, quos efferrat, elegit oculos columbæ, quia per hos, emphasi satis idonea, totius corporis, & sub typo corporis, animi totius pulchritudo notatur; Sicut scriptum est, Si oculus tuus simplex fuerit, totum corpus tuum lucidum erit. Cernens nunc sponsa se à sposo laudari, non patitur cunctationem, ac propterea, oxyssime accurrens, laudem non sibi, sed spōso iure suo deberi testatur; propalatque suæ pulchritudinis, ac venustatis originem, aiens.

S P O N S A.

Ecce tu pulcher es dilecte mi
& decorus.

*Duplex mea pulchritudo à te duxit originem,
qui bis pulcher, & effector pulchritudinis es.*

Quod ais, o sponsa, me bis pulchram, tibi acceptum refero, qui, quæ Deus, es ipsamet pulchritudo, & quæ homo, intus es pulcher, extraque decorus. Cum autem sis ipsamet pulchritudo, me inter creaturas alias ipsius efficis participem. Non enim ego

ego pulchra erā, vt te mea venustate ad amandum permulcerem, sed ex amore antiquam meam delesti deformitatem, tuamque mihi similitudinem impressisti, vnde pulchra tuo munere euasi. Sanè tuus decreuit pater eleatos omnes conformes fieri imagini filij sui, quamobrem velut prototypum te cōstituit, nosque ad exemplaris formam expressit. Nunc postquam sponsa se vndecumque similem sponso animaduertit, quoniam similes animi, sicut etiam corpora facillimē ac arctissimē conciliantur, ipsa id similitudine suo iure poscente; Sic eloquitur,

Lectulus noster floridus.

Voluntas velut lectus virtutibus, quasi odoratissimis floribus stratus, nos manet per omnia similes; cubemus ergo ibi, ac mutuis amplexibus frnamur.

Si ergo ità se res habet, vt coniux vterque sit insignis pulchritudine, cùm præter cōjugij fœdus, ipsa per se similitudo sit efficacissima, ad similes inter se arctius sociandos, & quum omnino est, o sponse diuine, spiritalis ac interni tori arcana petamus. Est nimirum torus floribus odoratissimis sparsus, qui

sponsorum mos est ad voluptatem augendā. Projecto lectulus, aut torus, in quo sponsus libentissimē cubat, & cum sponsa mutuis amplexibus quām castissimis fruitur, spiritale cor, seu voluntas est, in qua vis est amandi, in qua totius rei cardo vertitur, cuius affectum, cœu stratum lectum identidem sponsus ab spōsa reposcit, crebrò repetens illud, præbe mihi cor tuum. Hoc in lectulo, ex vniuersorum Theologorum assertione virtutū principes tum theologicarum, tum moralium reponuntur; Ibi charitas cum comitatu affectuum, nomine quidem similiūm ijs, qui in appetitu sentiente excitantur, genere verò multò excellentiorum. Ibi Iustitia virtutū ad mores spectantium princeps cum prole numerosa, sub qua religio, quæ ceterarum principatum obtinet, ac sponso cultū, cæremoniāmq; affert. Hi sunt flores odorem diuinum latè fundentes, quem quidem odorem ex ipsius sponsi commercio hauserunt. Cum enim charitate, ac religione velut quibusdam brachijs Sponsum amplectatur sponsa, non potest odorem Christi suauissimum non cōtrahere, ac semel contractum, quia hæret arctissimē, diu conservare. Cupit sponsa non perfunctoriè sponsō conciliari, ac hærere, quemadmodum solent ij, qui inter se non syncerè amant, sed arrepta opportunitate cum alienis cōiugibus in

in conductis lectis obsoœnè cubant, sed in æde ad hoc extructa vitam cum sponso degere, definitis diuino cōfilio temporibus iure matrimonij torum petitura. Quod proxima verba declarant.

Tigna domorum nostrarum
cedrina; laquearia cy-
pressina.

*Ingrediamur domum tignis & laquearibus af-
fabrè constructam. Tigna, quibus anima mea, quæ
domus est nostra, multis potentiarum discreta cel-
lis, fulcitur, virtutes sunt cedro incorruptione
persimiles. Laquearia verò una efficit charitas
toti contignationi ac domui decorum veræ virtutis
impertiens, quæ cypresi & firmitate, & fœcundi-
tate notatur.*

Domos plures figuratè vocat vnius domus plures recessus, vel cubicula. In hunc ergo modum spōsum affatur; tutò possumus (o sponsa) cubare, simulque quiescere. Habemus enim domum bene constructam, sartam & tectam, & quod ad voluptatem facit, etiam ornatam. Tigna, quæ structuram fulciunt, & sustinent, firmissima sunt, corruptæ minimè obnoxia, qualem esse constat

H 3 cedri

cedri materiam. Laquearia, quæ tectū tignis
cedri subnixum exornant, è cupresso arbore
odorata, & fœcunda fabrefacta iunt, vt ob ce-
drum tuti, & ob cypressum odore recreati, ac
prolis spe non simus destituti. Porrò si tigno-
rum specelemus obsequium, liquido peripcie-
mus, ijs saltem adumbrari virtutes potentij
(vt philosophi aiunt) hærentes, earumq; vim
fulcientes. Collaberetur enim domus hæc
animæ ruinam vitiatae naturæ minantis, nisi
sapiens architectus sponsus hæc tigna suppo-
suisset, potentiasque ijs fultas sua ope firmas-
set. Ut verò hæc firmitas luculenter exprime-
retur, nihil aptius, quam cedrinæ materiæ in-
corruptio, potuit excogitari. At si laquearia
perpendamus, quæ tecti sunt ornamenta, do-
mumque totam honestant, & materiam cu-
pressi contemblemur, veram quandam chari-
tatis comperiemus effigiem, ad domum spon-
sæ perficiendam opportunissimam, & velut
tecti fastigio toti structuræ præsidentem.
Constat procul dubio, si de spiritali genera-
tione sermo fiat, miram vim generandi inesse
in ipsamet charitate, cuius vi à viris perfe-
ctis proles quotidiè crescit numerosa, quam
amore primum Deo concipiunt, deinde
alunt, & ad incrementa perducunt. Quam
sanc̄e charitatis excellentiam, et si sponsa
non sit hactenus assecuta, ex incredibili
tamen

tamen sponsi humanitate , qua se demulceri
conspicit , non temerè præsagit ex se spon-
sum prolem suscipere parare; cuius certè præ-
sagij non est exiguis fomes, iam lectum ap-
paratum esse , in quo sit cum sponso cubitu-
ra,& amplexu castissimo fruitura. Hoc ergò
ex præsagio introducit Spiritus sanctus spō-
sam de lacunari cupressi sponsum monentē,
quo notatur charitatis ingenium. Est quippe
in hac arbore sexus duplex , cupressus nem-
pè mas,& in latum ramos spargens;& fœmi-
na,cuius meta in fastigium conuoluitur. Non
nisi in locis calidis sponte prouenit. Est præ-
terea arbor hæc trifera , ter scilicet fructum
quotannis ferens , eiusque baccæ Ianuario,
Maio , Septembriique colliguntur. Cariem
denique non sentit. Omnia nimirūm hæc ca-
ustum sponsi vtriusq; congressum, media cha-
ritate factum satis aptè commonstrant. Spon-
sum ac Sponsam vna charitas , sicut vna hu-
ijs arboris natura sexum amplectitur vtrum-
que. Quòd locis tantum calidis sponte na-
scatur , nota est incendij , quod charitas in
mutuò amantibus optat. Quòd ter fructum
edat, symbolum charitatis foecundissimæ sub-
ternarij numeri perfectione existit. Quòd
verò cariem non admittat , nunquam ex-
cidentem charitatē ostendit. Cum ergò cu-
pressi arbor, ex tot capitibus, charitatis ex-

primat naturam, quid sibi vult hæc ingeniosa
 laquearium ex cupresso structura, quæ tigna
 ipsa, totamque domū velut emblemate quo-
 dam exornat, nisi aperte notare, cæteris om-
 nibus virtutibus per tigna significatis, ex una
 charitate ornatum ac decorem verum eman-
 are? Enim uero, quantumcumque vim arca-
 na virtutum tigna potentij, in quibus repon-
 nuntur impertiant, decorem tamen verum
 impertire nequeunt, cum & ipsæ illo careat,
 nisi ex charitatis imperio ac motu ad eas ille
 deriuetur. Non enim modò morales, verum
 & theologicæ virtutes reliquæ, si charitatis
 lacunar absit, tametsi potentias utcumq; suf-
 fulciunt, veræ virtutis pulchritudine (ut est
 apud Theologos vulgatum) proculdubio ca-
 rent. Compendio igitur agentes, spōsam au-
 diamus aientem: Tigna domus nostræ cedri-
 na, laquearia cypressina, hoc est: Cubitū ea-
 mus (o sponsæ) domusque nostræ structura
 gaudeamus, quæ tignis virtutū incorruptio-
 ne præditarum, & laqueari charitatis constat
 elegantissimo. Iuxta textum Hebraicū, pro
 verbis modò explanatis, aliqui sic vertunt
 (Tigna domorum nostrarū larices, laquearia
 nostra abietes) laricis autem, & abietis sensus
 arcanus idem est cum sensu cedri & cupressi.
 Larix enim, quia vim habet incorruptā, igni
 non cedentem, pondusque valide sustinentē,
 optimè

optimè conuenit virtutibus , quæ tignorum
instar animæ ædificium sustinent , iuxta sen-
sum cedro accommodatum. Abies autē , quæ
(aiente Plinio) ad tectum firmissima est , aptè
congruit laquearibus , quæ pro tota cōcame-
ratione , seu contignatione elaborata ponun-
tur. Arcanè verò abies , & quia procerissima
est , & non in latera pronos , sed in altum ten-
dentes ramos habet , quorum si cacumina de-
cidantur , emoritur , non verò si toti rami trū-
centur , diuinam prodit charitatem inter vir-
tutes altissimam , non pronam vel languidā ,
sed in altum semper elatam , cui si caput , hoc
est Christus , cui hæret , præcidatur , emori-
tur , non verò si aliàs tota lanietur , hoc est ,
torqueatur. Hæc toti præsidet structuræ , to-
tamque domum sponsæ honestat , vt meritò
ad illam sponsus inuitari possit . Nunc verò
ad sermonis concinnitatem expendendū est ,
sponsum , non ad quemuis domus sponsæ re-
cessum , sed ad intimum potissimum , vbi
lectulus floribus sparsus apparatus est ,
inuitari , ac proinde secundo
capite sic sponsus elo-
quitur.

CAPVT SECUNDVM

S P O N S V S .

Ego flos campi , & lilyum
conuallium.

*Aequum est torum floridum adeamus: nam Ego
(Sponsa mea) flos sum ex Iesse radice in anima, que
curarum sacerularium vomere non finditur, campo
significata proueniens. Et tamquam lilyum, quod
intra florem candidum, luteum habet flosculum,
ego intra candidissimam humanam naturam, au-
ream continens diuinitatem, tāquam hoc (inquā)
lilyum conualles humilium amo.*

Minime mirū est, si torum floribus spō-
sa dicat sparsum, cùm in eo ille con-
quiescat, qui iuxta priscum vaticinium, de
radice Iesse flos est, & qui modo inquit, Ego
flos campi. Arcanum autem quiddam indi-
cat adiunctū campi nomen. Sponsus quippe
non est flos agri, in quo quid scinditur, arui
vel ruris, quod vomere in sarculumque per-
petitur; sed campi prorsus intacti, cæli verò
solius clementia fœcundi, floribusque ver-
nantis. Animæ videlicet, quæ sarculi curas
vomeris instar terram cordis proscindentes
ad

ad scelerū sementē excipiendam minimē pa-
tiūtur, vel admittūt, quibus intacti cāpi pro-
priè quadrat appellatio, florem hunc planè
diuinum gremio, in quo tanquam in solo pin-
gui oxyssimè coalescit, excipiunt. Editio no-
stra florem sine discrimine spōnsum appellā-
uit. Ex Hebræo tamen aliqui pro flore cam-
pi, Rosam Saron transtulerunt. Saron regio
est inter Tabirinum montem, & lacum Ty-
beriadis, & à Cæsarea usque Ioppen proten-
sa, pinguis ac fertilis. Huius ergò regionis,
quæ ob fertilitatem significat animam iustā,
se sponsus rosam nuncupauit. Tale nimis rūm
in hac nostra regione, quam ipse coluit, ac fer-
tilem reddidit, se exhibuit, qualem se rosa ger-
minans exhibere solet. Germinat enim illa
granoso inclusa cortice, quo mox aperto, ro-
sa rubens se prodit, & suam pulchritudinem
ostendit, ac fundit odorem. Sic quippe spon-
sus cortice corporis inclusus, ibi germina-
uit, dum in corpore actus meriti, ac satisfa-
ctionis exercuit. Latuit tamen tunc. Postea
vero, cortice rupto, se prodidit diuinitas, vim
quæ suam tum in orbe nostro, tum in infero
propalauit, odoremq; suum mūdo toto pro-
fundit. Hæc tamen arcana rosa non cuiusvis
est loci, sed Saron, quod interpretatur, plani-
ties, quia videlicet, non confert suam pul-
chritudinem, ac odorem animabus elatis,

scd

sed planis, hoc est, humilibus, quæ conuallium etiam nomine notantur. Hæ quippe animæ sunt conualles illæ, quæ mudi ambitu fastuue non elatæ, in humillima imbecillitatis propriæ cognitione subsidunt, ac cælestium donorum imbræ, hinc inde, velut è montiū verticibus ad conualem excurrentes loco in humiliore concipiunt. Cum enim animi, montium instar elati, delapsum diuinæ largitatis rorem sua conuexitate sinus experte re repellant, ordine prouidentiæ mirando, ad humilium conuallē decurrit, & sic non habenti in semetipso, quod in diuina largitate habebat, aufertur, ac datur habenti. His igitur in vallis sponsus lilij significatus imagine, suauia quadam enascitur cultura, quæ nec vomerem experta est, nec ligonem. Expendenda verò est lilij ad sponsum per pulchra translatio. Sanè præterquam quod lily inter flores est maximè excelsum, quo sponsi notat celsitudinem, ipse lilij candor in flore striato, primū commissio, mox aperto atque repando, purissimam, & candidissimam indicat sponsi humanitatem, nulla culpæ vel umbra obtenebratam; ita ut quod de ipso, quæ Deus est, spiritus Sanctus effatur aiens, Candor est lucis æternæ, seruata mensura, ac proportione, de ipso, quæ est homo, possit sapienter enunciari. Iam autem luteus & aureus ille flosculus

intus

intus enascens in lilio, Diuinitatis, quam humana celat natura, symbolum præfert. Aperi-
tissimum est quippe auro regiam significari
maiestatem, sub qua antonomastice sponsi
diuina maiestas iure suo debet intelligi. Hæc
sponsi est laus, qua semetipsum commendau-
it, quasi viam sternens ad sponsam ex eodē
capite commendandam. Nullo enim pacto
eam verius valebat extollere, quām seipsum
prius efferens, suamque imaginem sponsam
esse declarans, ac propterea cum se lilyum
asseruerit, sponsam etiam lilyum esse testatur,
aiens.

Sicut lilyum inter spinas, sic
amicam mea inter filias.

Tu etiam, sponsa mea, ceu lilyum candens, me
intus ut aurum contines splendentem, ut in medio
tui cordis satum florem luteum, qui ex medio albo
lily flore consurgit. Et tua magis splendet pulchri-
tudo, quod inter horrentes sæculi filias spinis simi-
les creueris, nec ab eis ullo modo læsa fueris.

A ptè ratiocinans mea intulerat sponsa,
nos cubitum simul ire debere, mutua
pulchritudine fruituros, quos similis venu-
stas conciliabat. Porro sicut ego sum lilyum,
ita

ita & ipsa lilium est. Candida quippe est ipsa, ceu lilij flos latior, è cuius ego medio ut aureus flosculus exsurgo ; ipsa puritate albet, ego maiestate regia, decore aureo splendeo. Creuit valde sponsa inter filias saceruli, ex quarum ipsa numero fuerat eodem generre sanguineque concreta. Nunc autem, mutata forma, mira eius elucet pulchritudo inter spinarum horrorem, quo enim hic incultior, illa comptior appetit. Et quod admirationem auget, ipsius est inter tot hostes immunitas, inter spineta quippe non laeditur, sed crescit, clypeo virtutis obsepta. Profecto filiae, hoc in loco, saceruli huius, non sponsi sunt intelligendæ, ut spinarum illis congruat similitudo. Animæ nimirum, quæ satæ sunt in arente mundi terra, quæ spinas tantum ac tribulos proferre nouit, aculeis horrentes enascuntur ; quas si vel leuissime attrectaueris, à punctura non eris immunis, eò præser-tim quod ipsæ malignitatis natiuæ aculeos, tanquam infestas hastas, in iustorum synceritatem, & candorem intendunt. Inter has autem spinas versari, ac more lilij caput erigeret, puncturis non modo non interire, sed ne laedi quidem, & languere, eximia sponsa laus censeri debet, ac multò sanè maior, quam si inter flores alios, in viridario consita, & sponsi cultura compta felicius creuisset.

Candor

Candor videlicet animi, inter homines scelestos non obnubilatus, virtutis solidæ, ac constantis argumentum est, quale in viro illo inuictissimo Iob inter ethnicos agente perspici potest. Mutuis laudibus certatur; nunc ordine obseruato sponsa in scenam ingreditur, aiens.

S P O N S A.

Sicut Malus inter ligna sylvarum, sic Dilectus meus
inter filios.

Sicut Malus colore, odore, sapore, feras arbores superat, sic sponsus filios sæculi, qui sylvestres mores didicerunt, inter quos satus est ille, ut hi in ipsum inserantur, & fructum queant legis afferre.

P Orrò Malum arborum esse principem, agrestibusque seu feris arboribus longè antecellere, planissimum est. Filij verò (quē admodūm de filiabus proximè afferuimus) huius sæculi veniunt intelligendi, ut sylvarum inculta, & austeros partus promentia ligna eis comparata docent. Inter hos ergo filios alienos, sata est hæc sponsi arbor nobilissima, cuius ponum, fructus est vitæ, quo

quò alimur, & fulcimur. Pomi certè gratia tribus sensibus idoneè distribuitur; Specie quippè aspectabili, ruboreque pallori admisso delestat oculos; Bono odore olfactum recreat; Sapore optimo gustum afficit. Quæ sanè tria sponso graphicè quadant. Oculos nimirùm aureo diuinæ Maiestatis colore seu pallore, concretæque sanguine carnis rubore mirifice oblectat, dum fidei visu perspicacissimo percipitur Deus & homo. Olfactum suauissimo solatur odore, cùm propinquius sponsa illum sentit, in charitatis progressu. Gustum denique sapore afficit dulcissimo, cùm in contemplationis arcano sponsam dulcore permulcat, quo nihil in hac vita suauius excogitari potest. Notatione autē hic opus est. Visus scilicet percipiuntur, quæ longissimè distant; odoratu quæ propinquiora sunt; gustu quæ coniuncta; ac eadem proportione, fide sponsum eminus exploramus, charitate propinquius fentimus, vel olfacimus, contemplatione, in qua charitatis est perfectio, illum experimur, atque gustamus. Mysterio autē non vacat, Malum arborem mitem, in sylua inter feras arbores Deum posuisse, ac confusisse. Omne quippè genus hominum, ferarū & incultarum arborum sylua quædam est, & inter has sponsus diuini spiritus arte satus est, vt feræ arbores mitescant, & explosis fructi-

fructibus austoris, nouos fructus edant, & eos
quam dulcissimos. Quod quia sine insitione
fieri nequit, Pater æternus huius arboris cul-
tor, sauciauit illam iustitiae falce, vt in illius
vulnera præcisi ferarum arborum surculi in-
serantur, & hac arte mira Mali sauciatae vim
hauriant, & supra naturam in mitem arborē
inserti fructum possint legis afferre. Arboris
certè huius sponsa vim nouit, ac sub eius um-
bra recreatur, eiusque fructu planè diuino ali-
tur, quod modo fatetur inquiens.

Sub umbra illius, quem deside-
raueram, sedi.

*Sub umbra protectionis sponsi, quæ est saluber-
rima, confedi, non pertransij citò, sed quieti, vt
optaram; ac proinde ab æstu vitæ huius grassante
recreata sum, & in spem nouam erecta.*

Vetus Hispanorum parœmia est, (Quien
a buen arbol se arrima, buena sombra le
cobija) quæ sanè cùm alibi, tūm maximè hoc
in loco verissima est. Profectò veteres obser-
uauere umbrarum discrimina. Quasdam um-
bras dixerunt ut alni, platani, & aliarum
arborum; quasdam noxias, ut iuglandium, pi-
norū, picearū, abietis, & quibusq; satis (aiente
I Plinio)

Plinio) umbra aut nutrix, aut nouerca est; quamobrem ait non fastidiendam, nec in vltimis ponendam hanc scientiam umbrarum. Ex quo patet sponsam prudenter egisse, cum arboris huius mysticæ umbram obseruauit, qua tueretur. Desiderauit in ea sedere, quia nouit inde se posse haurire salutem, & sic desideranti ea sessio diuinitus concessa est. Quod Septuaginta Interpretum versio videtur immuere, sic aiens. In umbra eius desiderauit, & sedi. Haec est umbra satorum nutrix. Cuius profectò umbræ saluberrimæ non debebat ullo pacto mentio præteriri, ad quam, qui cumque se recipit scelerum æstu fatigatus, diuino munere recreatur, & ad spem patriæ cœlestis erigitur. Et quidem, si prisorum Ecclesiæ primitiæ hominum cordibus de Petri virtute opinio insedit adeò magna, ut eo transeunte ægros exponerent, ut saltet illius umbra obumbraret quemquam illorum, & liberarentur ab infirmitatibus; quanto est æquius hoc de arboris huius umbra cogitare? Hoc ergo postquam sibi sponsa persuasit, non quæsivit umbram perfuntoriæ, velut alia cogitans, & ad maiora festinans, sed sub arbore consedit, quasi diu cunctatura, & umbræ salute fruitura; sic enim fieri oportebat, ad sedandum, quo diu flagrarat, desiderium. Ideò quippe significanter ait, sc sub umbra,

non

non cuiusvis obuiæ arboris , verum eius, quā
desiderauerat sedisse. Homines verò, quia nō
sedent, sed otyfsumē transiliunt , et si tantillū
recreantur ab umbra, mox tamen ad æstum
festinantes noxio calore torrentur. Est autē
mos sponsi regis munificentissimi , quos ad
se configere perspicit, regio excipere conui-
uio; quod fatis expressit in deserto, ac propte-
rè cum sponsam, velut ceruam canibus infe-
statam, ad ipsum cerneret accurrisse , symbo-
licæ arboris fructum carpi ab ea permisit;
quod ipsa notat, cum ait.

Fructus eius dulcis gutturi meo.

*Arbor scientiæ in paradiſo sata sponsus est , cu-
ius proinde fructus est sapientia, quem ego gutturi
voluntatis meæ dulcissimum experta sum.*

MAli huius proceræ , ramorumque am-
bitu perquam latè patētis umbra fessa
de via recreata sum , & fiducia erecta po-
num carpo cœlesti rore conspersum, ac mel-
le imbutum. Sponsus scilicet est arbor sci-
entiæ, sub qua sponsæ animus à peccatorū æstu
refocillatus , illuc se conspicit admitti , vn-
de primus generis humani parens est factus
extorris . Et profectò arborem scientiæ
fuisse Malum , & non arborem aliam , satis

conuincunt sacri textus verba, pomum à pulchritudine aspectabili, & suavitate gustus laudantia, quæ non adeò propriè alijs fructibus videntur congruere. Huius ergo arboris fructus, spōsi præ se typum ferebat, qui procul dubio ipsum gustantes veræ sapientiæ compotes efficit. Sapientiam igitur unum ex Spiritu sancti donis quæ simul intellectum illustrat, & inflammat affectum (quæ à quibusdā mystica Theologia nuncupatur) verum ac genuinum arboris huius fructum, par est intelligere. Qui quām sit ad vescendum suavis, non orthodoxi tantum, verū & ethnici nosse videntur, qui in sapientiæ actu felicitatem collocarunt, cui senserūt summam inesse dulcedinem à purissima veritatis notitia, tanquām à parēte prognatam. Verū isti hallucinantes de sua sapientia verba fecerunt; nos verò liquidò rem perspicimus, qui nouimus actu sapientiæ nostram fore beatitudinem, cuius quoddam specimen à veris sponsi contemplatoribus, adhuc in hoc exilio prælibatur. Siue igitur de Philosophorum sapientia, siue de nostra sermo fiat, compertum est, ab ea in affectum eximum permanare dulcorē, qui & sōpire sensus, & super se hominem efferre valeat. Et quidem sapiētia ipsa in intellectu, velut in propria sede reponitur; at organum, quo ab illa fluens percipitur suauitas,

tas, voluntas ipsa est, quæ arcane guttur hoc in loco nuncupatur. Benè ergò inquit sponsa, sub arbore scientiæ (quæ cū sit notitia rerum per altissimam causam sapientia est) con sedi. Scientiam hanc summam cōparaui, quæ est arboris fructus gutturi, hoc est, voluntati meæ notus exprimento quām suauissimo. Suauissimum se gustasse fructum Sapientiæ, quæ more generosi vini inflamat voluntatem per subiecta verba sponsa patefacit.

Introduxit me Rex in cellam
vinariam .

Vt fructu vescerer, potumque arcanum sapientiæ ipsius haurirem , in contemplationis cellam, quæ ab effectu vinaria nuncupatur, me sponsus introduxit.

CVm efferuescentem vitæ huius noxio calore percoctæ fugiebam æstum, sicut ceruus desiderans umbram, sub umbram spō si procurri, diù ibi morari decernens. Vbi me conspiciens urbanus & comis sponsus , non escam tantum mihi porrexit, verum & potū, quem ipse fœlicius bibit in regno patris sui. Hæc est vna sapiētia, quæ vna cūm sit, potus & esca, quia inebriat, & alit seu pascit , nomi-

natur. Quam ut toto pectore haurirem, in altam me introduxit contemplationem, ob inflammationis effectum, cellam vinariam eleganter appellatā. Est autem audiē audiendum, quod intrā cellam sibi euenisse sponsa commemorat.

Ordinavit in me charitatem.

Amorem in centrum, ordinemq; rededit, vt qui antè intensius voluptatem spiritalem, quam Deū amabat, et si Deum pluris aestimaret, nunc non solū Deum pluris faciat, verum & intensius amet. Amorem præterea affectuum omnium principem in ordinem reduxit, ex quo mira enascitur ceterorum affectuum in pace consensio.

Charitas siue amor in ordinem digestus multiplicem parit cogitādi ansam. Ordinare profectō, nihil est aliud, quam in ordinem redigere, quod extra ordinem, vel choru[m] aberrabat. Quamobrem si sponsæ amor ordinatus est, extrā ordinem antè vagatus fuerit, omnino consequitur. Quod fiet satis planum, si quæ superiore capite exposuimus, mēte repetamus. Meminisse igitur oportet, sponsam voluptate captam, & dulcore ad sponsum allectā præseit tim fuisse; nam Osculum, vnguenta, oleum, & id genus reliqua, quibus

quibus Deus illam deliniebat, suavitate mandebant omnia, & infantilem ætatem referebant. Quæ propterea omnia procul arcenda sunt, amore forti, ac syncero regnante, qui nec indiget voluptate, nec labori succubit. Præposterus erat ordo charitatis teneræ, nec adhuc neros adeptæ, ad sponsum pro voluptate hiare; licet enim prauus non esset affectus, non erat tamen ordinatus. Deus nimis à charitate forti tam quæritur ardenter cum cædit, & punit, quam cum lenit, ac blanditur. Introduxit igitur sponsam in cellam, ut affectum ingenuum veri amoris, Deum primùm propter ipsum, voluptatem mox ob eundem inquirentis, præponeret alteri voluptatis affectui; ut posthac non aestimatione tantum (hoc enim habet etiam amoris infantia) verum & intensione majore, sponsum, quam internam inuestiget suavitatem. Non ergo absque emphasi, sed significanter admodum sponsa eloquitur, inquiens, Ordinavit in me charitatem. Innuit præterea sub hac periodo, sponsum induxisse quandam affectuum omnium seriem, & confessionē ordine ipso mirandā, quā in utriusq; appetitus affectibus cernere licebit. Porro in appetitu sentiente, amor, qui primus ac princeps vniuersorum est affectuum, si reducatur in ordinem, ne quid turpe prosequa-

tur, ne a quopiam abhorreat bono , ac verè pulchro, motus omnes alij rectà gradientur, & amore ordinem deserente, belluarū more, motus cæteri ferociunt, ac in turpe feruntur. Sic etiam voluntatis actus sentientis appetitus actibus persimiles, et si passiones non appellantur, sed actus simplices, ab uno gubernantur auriga, qui est amor. Hic enim mox, ut ordinem à mente præscriptum ex bono & honesto, præceps violarit , actuum voluntatis vniuersorum perit harmonia. Si autem in officio persistiterit, mira est motuum consensio, & pacatissimus ordo. Quamobrem, sapienter dici solet, Ama , & fac quod libuerit : si enim ductor nauis clavum recte torqueat, nauis tota fœliciter nauigabit. Ait itaque sponsa, Ordinavit in me charitatem, vel amorem, quasi dicat, affectum vtriusque appetitus potissimum sponsus in ordinem redegit , vnde motuum partis vtriusque enata est concordia, cuius ergò in suauissimæ harmoniæ pacisque bono conquiesco. Ex Hebraico textu ubi sic habetur. (Introduxit me ad domum vini; & vexillum eius super me amor) eruitur altera satis arcana interpretatio . Porro contemplatio domus vini est, ubi vinum generosum, quo voluntas inebriatur , hauritur. Ibi enim efferuescit amor. In hanc ergo domum sponsus sponsam introduxit . Quod
verò

verò ait , & vexillum eius super me amor,
allusio est ad cellaria ; vbi vinum vñire so-
let, præ quorū foribus, hedera vel aliud signū
appenditur. In hunc enim morem , pro fori-
bus cōtemplationis amorem præfigit Deus,
vt hoc insigni introducātur in cellarium con-
templationis, qui amore ducuntur. Hoc vero
insigne ingredientes eam domū afficit , pro-
pterea super illos poni dicitur. Qua ex re pa-
tet, quām recte sponsa sic enunciet. Et vexil-
lum eius super me amor . Quod & ex re etiā
militari, vbi, vrbe capta, erigitur in mœnibus
vexillum ad victoriam significādam, exponi
potest , ac si sponsa dicat, Mecum pugnauit
sponsus vt me amore superaret; quando verò
me yicit, & bello fausto cœpit amorem super
me, vt victoriæ vexillum erexit; quod præ-
stít in cella vinaria contemplationis , in qua
licet ego amem, plus tamen ille me, & sic ve-
xillum eius super me est amor. Expendendū
est sponsam, ea, quæ sibi cum sposo accide-
re, referentem, recordatione fauciata, exci-
tato repētē absentis sponsi desiderio , precari
obnixē audientes , vt si qua ratione valeant,
illum sibi animo cadenti concilient. Quo in
voto miri, vt mox aperietur, amoris retegu-
tur effectus, quos omnino conuenit explora-
re; Dicit ergo.

Fulcite me floribus, stipate
me Malis.

*Sponso meo, qui est flos campi, & Malus inter
ligna syluarum, sustinete me, deliquium animæ, ob
ipsum, patientem.*

Concinnè quidē orationē contexit. Dū sponsi recordor pulchritudinē & huma-
nitatem, affectus vehemens, spōsa inquit, in-
cessit, & intercepit me. Ferte igitur opem, si
qua est herba, si quod pharmacum opportu-
nū, & præsens. A Egrotis florum fasces & po-
ma odoratissima offerri solent, ad sensus re-
creandos, & ægritudinem cleuandam. Flores
ego, & **M**ala posco, nec enim aliter fulciri
possum, Meminisse opus est, sponsum in su-
perioribus, florē campi, & inter ligna sylua-
rum Malū fuisse nuncupatum. Ex hoc igitur
flore ac Malo, pharmacum parari optat. Lan-
guentem videlicet præ amoris vehemētia &
magnitudine animam, solus ipse sponsus va-
let miris, & arcanis modis consolari. Minimē
cupit flammarum extingui, conceptumue amo-
ris remitti calorem, vnde omnis vitæ conser-
uandæ ratio proficiscitur. Quinimò disertè,
ac notāter non fulciri tantū, sed etiā stipari,

cir-

circumdariue sponso, velut igneo quodam
vallo poscit, vt circumpositæ flammæ in-
cendio sensim aduratur, donec tamquam
Phœnicem se morti deuouentem, totam illā
ignis expetitus absūmat. Malorum nomine
cum arborem, tūm pomum eius fructum
aptè possumus interpretari. Videtur sponsa
Phœnicem æmulari, cuius, cum moritura
est, hoc est ingenium, vt legat arborum
aromaticarum surculos, & florū cacumina,
vt nidum construat, in quo iacens excitato
amburitur igne. Carpit surculos cinnami,
amoīi, thuris, & arbuscularum similiūm,
nardi aristas, & flores assimiles. Sic sponsa
ex arbore Mali, & floribus campi iuxta sen-
sum expositum, concinnari sibi nidum pos-
cit, in quo iacens mortē præstoletur per ig-
nem sponsi transitura, moritura sibi, ac in spō
si vitam transferenda. Nec obstat, plurali nu-
mero, floribus, ac Malis usam fuisse sponsam,
hoc enim ad emphasis pertinet, vt sponsa
vis, qua sui similes plures & flores, & arbores
generat, innuatur, præterquam quod fami-
liare est scripturæ plurale pro singulari
figuratè reponere. Ut Exo. 32. Hi sunt Di-
tui Israel, qui eduxerunt te de terra AEGyp-
ti, & tamen vnum dumtaxat erat idolum,
quod conflauerant, & adorabant; vt pa-
tet ex ultimis verbis capitīs, vbi dicitur,

Per-

Percussit ergo Dominus populum , pro rea-
tu,vituli, quem fecerat Aaron. Deniq; (quod
ad rem magis conductus) cùm qua mulier nu-
psit viro,cui Campus,vel simile aliud nomen
est,dum vir abest , alludens ad viri optati no-
men, dictitare solet , se camporum amore te-
nere:campos sibi tantùm placere:vel certe de
absentia coniugis sui conquerens dicere con-
sueuit. Ducite me ad campos , quia langueo.
Ex quo liquet,quam vim habeant illa verba,
quæ ad sponsi nomina floris & mali alludēs,
sponsa enunciat aiens. Fulcite me floribus.
Stipate me malis . Non est autem silendum,
his verbis explanatis quandam amoris effe-
ctum exprimi,qui liquefactio à Philosophis
appellatur. Est autem liquefactio,amoris effe-
ctus,quo anima ipsa mulcetur,ac emolitur,vt
res,quam ardentiſſimè cupid,sibi per ample-
xum,& penetrationem quandam imprima-
tur. Quod vt fiat,tota dehiscit , & patet il-
la, vt quasi poris apertis hauriat rem ama-
tam , tanquam recens panis aquam haurire
solet.Hanc autem liquefactionem,qua in spō
sum hiat anima , consequitur effectus
amoris alter molestissimus sanè,
qui languor appellatur,
quem disertè notat
illa,dicens.
(.? .)

Quis

Quia amore langueo.

Ob sponsi absentia animo cado, præ amoris magnitudine.

Languor quidem accedit, cum res abest, quā quis cupit ardenter. Absentia quippe illa interarescit animus & emoritur, multoque mœrore tabescit, cui certe morbo res sola dilecta præsens mederi potest. Propterea sic audientes obtutatur sponsa, Ego mœrore conficio, ac velut terra rore destituta dehisco. Quia ergo amore langueo, atque marcesco, afferte mihi sponsum, fulcite ac sustinete me illo, qui florum, ac Malorum est facile princeps, qui solus morbo lento valet opitulari. Reddit ergo rationem à languore petitam, ob quam flores, Malaq; poscebat. Et presentiam sponsi brachia porrigere festinatis, more alterius Assueri de folio exilientis, & vlnis suis Esther reginam sustentantis, donec ad se rediret, sentiens, hæc verba contexit,

Læua

Læua eius sub capite meo, & dextera illius amplexabitur me.

*Cadentem me conspicatus accurrit, & utroque
brachio in signum perfecti amoris me ille comple-
xus est, circulo peracto læua etiam humanæ natu-
ræ assumptæ me erexit, diuinitatis dextera post mo-
dum coronabit.*

Facile quis ad id prece flectitur, quod cu-
pit impendiò. Quamobrem cum spon-
sus rex immortalis me, præ amoris sui magni-
tudine languentem, velut è folio conspicatus
esset, diu abesse non patiēs, sua primū pro-
pēsione, bonorum mox precibus accurrit, vt
me fulciret præsens, atq; stiparet. Stipat au-
tem & sustinet me, ambitu brachiorum cir-
culum peragens, quo ego velut arce tutissi-
ma circumdor. Non enim vulgaris custodia
hoc brachiorum vallo, sed excta, & vnde-
que perfecta notatur; vt ex circuli interfigu-
ras mathematicas perfectione perspicitur.
At non debet profectò fileri, quid sibi velit
illà brachiorum mantuum in complexu di-
stinctio; quid inquam læua, quid dextera
innuat. Sanè dextera vulgatissimū est apud
sacros, profanosque authores fortitudinis
sym-

symbolum. Sinistra verò imbecillitatis est nota; vix enim sinistra ad aliquam functionē difficultem obeundam vti possumus, nisi leue aliquod adminiculum optemus. Porrò sponsus antequām naturae nostrae assumpsisset imbecillitatem, totus erat fortis, totus dextera. Postquām verò carne obiectus est, nostrae factus imbecillitatis consors, cœpit habere sinistrā. Hanc verò capiti nostro, hoc est Adæ supposuit, cū ille vitali spiritu priuatus clanguit, & cecidit, et si collisus non est, quia sponsus manū lœuam supposuit, & humanitatis assumptæ merito, ac satisfactione, velut è solio accurrens, naturam lapsam in spem salutis erexit. Et hoc ipsum, quod capiti nostro Adæ, lœua supposita, præstlit, toti & qui posteritati contulit, vt meritò quisq; Adæ filius dicere queat, lœua sponsi sub capite meo, ac perinde sub me, quemadmodum de se nunc sponsa fatetur. Quos autem sponsus manu lœua suffulcit, ac sui meriti efficit consortes, dextera deum, confessio cursu, complectitur, hoc est, coronat; cōplexus quippè perfecti, ac coronæ figura est eadem, in se recurrēs ac sphærica. Dextera verò sola complectitur, sicut enucleatè textus ait; quia videlicet soladiuinitas, cuius est dextera symbolum, est qua constat ille perfectus amplexus, ac præmium, quod in scholiis essentiale nuncupatur,

patur, quod respondet iustorum vitæ, ex sup-
posita ipsensi læua contractæ. Sapienter igi-
tur sponsa effatur in hunc modum, cum elan-
gui ego, siue ante iustitiam, ob scelera, siue
postquam reuixi è culpa, ob imbecillitatem
naturæ, læua sponsi me sustinuit, dextera
postmodum coronabit. Est præterea arcanū
quiddam, quod aliam suggestit interpretatio-
nem, in eadem læuæ, ac dexteræ distinctione
subnixam. Enim uero caput mulieris vir est,
sic sponsæ caput sponsus vtraque manu præ-
ditus. Contingit autem non raro post spiri-
tale coniugium, sponsam tepeſcere, degene-
remque se exhibere, quasi nequeat capitis
pondus, viri ſcilicet ac sponsi ſui præcepta, &
amoris legem sustinere. Sponsus vero tunc
(quæ ſua eſt in uxorem indulgentia) pondus
legis, ſequē ipſum, quem velut caput hume-
ris ſponsæ imposuerat, quasi læua ſupposita
fulcit, cùm illam vi ſua, diuina fortitudine cō-
ſtabilit, vt in sancto connubij fœdere valeat
permanere. Sic in ſponsa ſe fulcit ipſum, ac
peruigili custodia feruat, cū illius opera ipſe
læua ſubiecta promouet ac verè operatur, vt
viuere, ac mereri dicatur in ipſa. Sponsam de-
mum emeritam, agone confeſto, diuinitatis
dextera complectitur, & corona donat æuo
ſempiterno. Ex quo mira elucet diuinæ fa-
pientiæ, ac bonitatis ratio, vt læua ſponsi ſup-
ponatur

ponatur ad meritum , dextra cōpleteatur ad coronam . Hic iam nequit vltrā spōsa vocem edere , somno quodam absorpta . Concipientum enim est , sponsum sponsæ voces exaudiisse , ac vix expleto sermone , ad illius arctissimum accurrisse cōplexum , ex quo ecstasis sponsæ contigit , ad præsentis Dei illapsum excipiendum euectæ , ac pelago voluptatis absorptæ . A qua ne à quopiam temere extetur , interdicit sponsus in hunc modum .

S P O N S V S .

Adiuro vos filiæ Hierusalem per capreas , ceruosq; camporum , ne suscitetis , neque euigilare faciatis dilectam ; quoadusque ipsa velit .

Obtestor vos Ecclesiæ filiæ per memetipsum , qui caprearum , ac ceruorum similis sum , ne animam , quam ego ecstasi vel vitali quoquis somno ad me rapi , excitare audeatis ad aliorum salutem curandam , quoadusque iubente me ipsa velit .

O Btestor vos , o animæ , quæ sponsam studetis æmulari , Ecclesiæ filiæ , ne præma-

K turæ

turē illam mecum in ecstasi quiescentem, mihiq; soli vacantem interpellat. Ne præcipiti consilio illam à somno soluere festinetis, sub quouis virtutis obtentu, donec ipsa me velit annuente. Prius armanda ipsa est, ut sibi fortis, alios queat erigere, & ad palæstram erudire. Carpit hoc in loco Sponsus temerarios eorum insultus, qui ab vberibus ipsius sponsas non satis enutritas reuelare conantur, & in curas extraneas enituntur effundere; cum prius ex ordine diuinæ prouidentiæ, ab ipso Sponso debeat anima spiritum diuinum haurire (quod absque frequenti cum ipso commercio obtineri nequit) quam in externa prodire, & proximorum audeat curare salutem. Propterea inquit, Ne suscitatis dilectam. Pro Dilecta Septuaginta Interpretes Dilectionem verterunt; quæ vox energia pollet. Vocat enim sponsus sponsam dilectionem, sicut vulgo quis eum, quem amat, suum amorem dictitare solet. Inest autem in ipsa dilectionis significatione arcanum quiddam. Cum enim iubet sponsus ne filiat Hierusalem suscitent dilectionem à quiete, aperte significat, dilectionis naturam in ipso, ad quem fertur, tantum conquiescere, & ex dilectionis vi spōsam ad diuinam, in quibus solum quiescit, efferti. A diuinis autem quempian temere auocari, nefas est, ac proinde ausum

inter-

interpellandi sponsus damnat. Quod quām
fit necessarium, ex verborum emphasi venā-
dum est. Non enim monet tantū, sed adiu-
rat. Adiuratio, quæ nihil est aliud, quām per
sacram obtestationem, vel obsecrationem ad
quippam agendum induc̄tio, si ab eo, qui ius
habet imperandi fiat, obligationem inducit.
Perspicuum autem est sponsum imperādi ius
habere, ac proinde arcte obstringere ad con-
templationis arcanum augustissimum nō in-
tercidendum. Cunctandum est igitur, & san-
ctorum quieti cedendum, eos enim postquā
sponsus suo in gymnasio instruxerit, ac edu-
carit, quasi ē portu ad nauigationem nostræ
salutis promouendæ soluit. Maxima igitur
vis in adiuratione inest, si diuinam obtestan-
tis personam expendamus; at quia, vt præ-
missum est, adiuratio est obtestatio per sa-
cra, operæ pretium erit, quænām sint ea sa-
cra, per quæ sponsus adiurat, explorare. Per
capreas inquit, ceruofque camporum. Porrò
si verborum vim trutineamus, liquidò per-
spicietur, adiurationem hanc, non minus à
sacris, per quæ fit, quām ab adiurante vim
obligandi contrahere. Sacra ergo hæc, ca-
preæ ac cerui sunt. Quæ quidem animalia
munda sponsum significare, non extra-
neo, sed intrinsecus nato conuincimus argu-
mento. Paucis quippe interiectis, sponsa in-

ter cæteras sponsi laudes mox recensabit
hanc, sponsum videlicet similem esse capreæ
ac ceruorum hinnulo. Est enim planè verū,
animalcula hæc symbolicè & spōsum, & eius
in nostra salute curanda comites eleganter
exprimere. Nimirum caprea felle caret, cer-
ui verò halitus serpentes vrit, quemadmodū,
qui eorum animalium naturam scrutati sunt,
tradidere, ac ità sponsus, eiusq; comites ama-
rulento peccati felle prorsus immunes, &
aliorum salutis cupidissimi, serpentes, qui in
latibulis scelestorum hominum delitescunt,
halitu Spiritus sancti immisso, prorsus ambu-
runt. Discriumen autem non exiguū est, quia
sponsus natura, comites verò munere id ha-
bent, vt felle careant, & aura spiritus serpen-
tes adurant. Princeps ergò significatio ca-
preæ ac cerui in sponsum tendit, qua proin-
de ille usus est, ad confirmandam adiuratio-
nem. Quia enim nullum habuit maiorem, per
quem adiuraret, adiurauit per semetipsum
arcane significatum. Ex hoc patet, quid sibi
velit patrum Græcorum versio, quæ sic ait,
Adiuraui vos filiæ Hierusalem per potētias,
& fortitudines agri. Enim uero in agro huius
mundi, totum id, quod præter sponsum, eius-
que comites reperitur, est imbecille, ac pro-
inde apud sponsum tantum, eiusque sectato-
res potentia viget & fortitudo. Vnde cum

Septua-

Septuaginta Interpretes, quos iij patres secuti sunt, verterunt potentias & fortitudines ex Hebræo, sensum potius, quam verba expendisse videntur. Fuit autem satis mystica versio. Cum enim is, per quem quis adiurat, potentia & fortitudine pollere debeat, ut queat adiuratum coercere, consultò ad id innendum, pro sposo, eiusque comitibus, potentiae ac fortitudines positæ sunt, per quas adiurantur filiae Hierusalem, ne sponsam contemplantem interpellare, ac excitare audet. Cum ergo ab hominibus rerum diuinarum ignaris, cum sponsa Deo audissime vacat, excitanda non sit, sub obtestatione diuina conficitur plane, unius sponsi munus esse, illam excitare, elata voce somnum intercedere, quod sponsa nunc innuit, subdens.

S P O N S A.

Vox dilecti mei.

Vox Dilecti mei, quæ una id poterat, vi sua diuina sonuit, & expergefecit me.

A C si planius loqueretur. Sonuit vox Domini in virtute, quæ sola arctissimum somnum, qui me totam permearat, soluere

150 CANTICI CANT.

valebat, & cuius erat ad sensuum functiones
me reuocare. Cum oportuit, consopiuit, cum
fuit opus, exercefecit me. Cedamus ergo
illi fidissimo educatori. Animaduertendum
est vnicuique sicut lineamenta distincta, ita
esse vocem à quavis alia discretam, qua inter-
nosciri queat ab alijs. Quæ tametsi plerisque
soleat esse nota, est tamen amantibus notissi-
ma; quam ut primum sentiunt, lætitia perfun-
duntur. Id autem, quo sponsi vox à cæteris
vocibus secernitur, vis quædam est diuina,
qua intercidit flammarum ignis, concutit deser-
tum, & cætera patrat prodigia, quæ Vates re-
gius fuse prosecutus est. Inter quæ reponi-
iure debet hæc proprietas ecstasi absorptos
excitandi. At priusquam, quid sponsus hac vo-
ce eloquatur, exponat, aduentus quem obser-
uat modum delineare curat, qui ad augendum
amorem ipsum opportunissimus est. Depin-
git ergo illum (cum animam humanè vivere,
& affari dignatur, ut proximè fecit erga
sponsam ipsam) festuum, celerem,
ac meritorum mensuram me-
tientem, Propterea
inquit.

Ecce

Ecce iste venit saliens in montibus; transiliens colles.

In montibus versatur ab hoc in illum, velut saltu se librans, collesq; præterit, cū grandiores charitate visitans, non ita sublimes, simili non afficit voluptate.

Expendite modum, quem sponsus obseruat, cum ad Sponsæ accurrit amplexus. Per excelsa loca erectus graditur, pedesq; in montibus reponit; colles vero, qui montes altitudine non exæquant, transilit. Non erat ullo pacto suppressendum montium, collumque discrimen. Sanè colles, minores appellantur montes; sponsus autem, montes perambulare dicitur, colles vero transilire. Cum autem inter arduos ipsos montes, & colles intermicet à vallibus se surrigentes, montium tamen altitudinem non æquantes, necesse fit, ut sponsum concipiamus à monte in montem, quasi saltu se librantem. Hæc autem est per pulchra translatio, qua sponsi arcana via, quin animas solatus visitat, aperitur. Profectò, cum animas grandiores, charitatis prouectas celsitudine visitat, ex hac in illam commens, montes peragrare, ac in montibus salire apte

dicitur, alios verò amore diuino non ità pro-
iectos & excellos, priorum merita non exæ-
quantes, qui translatè colles appellātur, quos
simili non afficit ac visitat voluptate, transi-
lire dicitur, aut præterire. Delectatur impen-
se locis arduis sponsus, & gratior est illi sal-
tus, quām incēssus, quod ex subiecta patet
similitudine.

Similis est Dilectus meus capreæ,
hinnuloq; ceruorum.

*Sponsus meus dorades visu perspicacissimas,
hinnulos cursu perniciissimos imitatur : visu emi-
nūs conspicit laborem, cursu festinat ad opem.*

Porrò præter illa quæ de caprea, ceruoq;
superius aperuimus in expositione adiu-
rationis, ad enucleandam capreæ, ceruiq; si-
militudinem, animaduertendum est, capream
dorcademue visu acutissimo pollere; ceruis
autem hoc esse ingenium, vt suos hinnulos
salire doceant; quod qui eorum naturam &
mores explorarunt, tradidere. Quæ profe-
ctò omnia huic loco sunt satis idonea; nam
cùm paulò antè sponsa languisset, & ipsius
sponsi aduentum audiissimè flagitasset, ille
quasi è longinquο, more dorcadis, visu per-
spica-

spicacissimo anxietatem spōsæ conspicatus,
quasi moræ impatiens, saltu quodam, nedum
celerrimo cursu, ad illam properauit. Et hic
sponsi mos natuus, vt è cæli fastigio iustorū
anxietatem vt caprea prospiciat, & ad eam
eleuandam, velut hinnulus cursum saltumq;
doctus accurrat, quod et si pluribus confirma-
ri posset, vna tamen sequenti periodo satis
euincitur. Ait enim.

En ipse stat post parietem nostrū,
respiciens per fenestras,
prospiciens per can-
cellos.

*Vt tempus opitulandi captet, stat, postquam cœ
los petijt, post huius vitæ parietem obseruans. Ha-
betq; in aula sua fenestras non patentes, sed cancel-
lis prætextas, vt nos inde inspectet, nec mutuò cer-
natur, nisi parcè, & ab acutissimo contemplatore
aliquo. Cancelli temperant sponsi lumen, vt ad nos
modicè feratur, ne noster prestringatur intuitus.*

EXILium vitæ huius, quo arcemur à spōsi
conspictu, qui nostra erit fœlicitas, nihil
videtur esse aliud, quàm interiectus paries,
qui omnino diruendus sit, priusquàm ingre-
K 5 diamur

diamur in Sancta. At verò interea, dum illius nobis conspectus interdicitur, vnum, quod erat in hac orbitate solatium, nos quasi ex insidijs spectandi, qui mos amantium est, noluit amouere. Vnde sponsa venustè ipsum velut admoto pennicillo depingit post parietem quidem stantem, at fenestras, & cancellos, per quos nos intueatur habentem. Arcanum vero quiddam in fenestrarum structura pensari debet. Fenestræ quippe non pinguntur patentes & peruiæ, sed insertos cancellos, hoc est ligna cancellatum transuersa habentes, Hispanè gelosias, quæ videntur eò constructæ, ut iij, qui domi delitescunt, & à quopiam cerni nolunt, prætereuntes inspectare, nec ab ipsis mutuò perspici possint. Sic nimis rùm sponsus, postquam cœlos petijt reuehens triumphum, cancellos habet, seu fenestram cancellatum constructam, fenestram verò patentem ac peruiam consultò habere noluit, ne ipsis intuitu exilium in patriam verteretur. Cancellorum nempe constructio dum sponsi lumen obumbrat, prodest, ne ille nimio splendore nostros perstringat oculos, & ut nos attemperato lumine illustret, nec finit nos illum è fenestra prospicientē agnoscere, nisi quis fortè contemplator Dei gratia visum nactus fuerit acutissimum, non quo Diuinitatem intueatur ipsam, sed quo ad purissimam

rissimam quandam Dei cognitionem assur-
gat. At sane ipsi, qui arcanè caprea, dorcasuè
ob visus perspicacitatem appellatur, cancelli
nihil obsunt, verùm ex illis conspicatur nos
humi repentes. Sicut olim, quando ducebat
populum suum per desertum, cum esset
densa nubes inter ipsum, ac populum, fre-
quenti coruscatione, è nube erumpente, nu-
bes ipsa videbatur aperiri, & per scissuras nu-
bis videbatur ipse prospicere. Et cum peri-
culum impenderet, latens opem ut ceruus
accurrebat, quod & nunc cumulatissimè
præstat. Hæc prima loci interpretatio fe-
nestrām cancellatim prætextam in spōsi aula
constituit.

Exsistit verò secunda non parū idonea ex-
positio, si eam fenestram, non in sponsi, sed in
sponsæ aula contempleremus. Sanè mos aman-
tium est, condicto tempore, puellarum adire
domos, & per clathros, cancellosuè solo pro-
pinquiores obseruare, si qua intermicet ea-
rum, quibus placere student, imago; ac per
transennam saltem in amatæ pulchritudinis
scopū collimant. Hæc autem obseruatio, spi-
ritalis anatomiae peritia quædam est, quam é-
tis aperitur nativa constitutio. Porro, et si ob
carnis, cui animus nimium hæsit, concretio-
nem, inter mentem nostram, ac sponsum pa-
ries interstructus quidā sit, quo is à sponsi ar-
cetur,

cetur, & obcæcatur aspectu; non tamē usque
cō mentis oculi sunt obstruēti, vt quasi per cā
cellos saltem, et si non per patentem fenestrā,
sponsi diuini solis lux in animam penetrare ne
queat. Per has verò quasi rimas, & cancello-
rum interualla ~~θεοφανεias~~, seu diuinos radios
sponsus immittit, quibus tota domus spon-
ſæ in exilio lugentis illustratur. Iuxta hunc
igitur sensum sponsa sic loqui putanda est.
Quamuis pariete mortalitatis, ac humanæ
concretionis separemur ab sposo, at fenestrā
habemus cancellatim constructam, cuius forā
minibus sponsi post parietem agentis oculi
me interdum intuentur. Hi verò cancelli se-
cretiores sunt, sponsoq; foli ad arcana collo-
quia explorati, qui perquam sedulò excolen-
di, ac repurgandi sunt, ne aranearum telis pul-
uere conspersis prætexantur, ac luci liber nō
sinatur illapsus. Caueri præterea debet, ne Sa-
tan hos norit cācellos, & lucis angelum emē-
tiens, sponsam seducat ignaram; nouit enim
fucatæ lucis imagine sponsi honorem suffura-
ri. Iam autem, postquam visitationis modum
graphicè sponsa depinxit, exponere pergit,
quid sponsus ea voce, qua illa excitata est, mo-
nere velit. Quamobrē ab eo loco, ubi ait: Vox
dilecti mei, usque ad sequentem periodon, pa-
renthesis quædam protenditur. Sic ergo tex-
tus verborum consuendus est. Vox dilecti
mei

mei(totaque parenthesi praetermissa) En dilectus meus loquitur mihi , ac si planius dicaret.Dixi, Vox dilecti mei, altera idem phrasis enuncio, aiens , En dilectus meus loquitur mihi, ne intertexta verba longe à meo sensu letorem absterreant.Ait igitur.

En dilectus meus loquitur mihi.

S P O N S V S .

Surge, propera amica mea, columba mea, formosa mea,
& veni.

Surge, hoc est, attollere, more surgentis in altiora contendere, currens propera, & ut columba in nudum connula per charitatis incrementa. O sponsa verè formosa, cui & virtutum decor, & altuum expeditio venustatem conciliant. Gradere, & ad me veni, hoc est, specie tua, & pulchritudine tua prosperè procede.

Monet sponsus , vt in altiora festinet, aiēs, Surge. Non sanè quod hucusq, spōsa iacuerit. Semper enim attollebatur , &, vt superius patuit , ardua petebat . Sed surgere dici-

dicitur eleganter, cùm in altiora concendit; quemadmodum Solem surgere vulgò dicunt, cùm in altiora procedit, esto numquam iacuerit, vel à motu interquieuerit. Citiorē ergo motū, ac in charitate progressum poscit spōsus, quod subiuncto verbo declarat, inquiens, propera. Tanquam luculentius diceret, Surge, hoc est, propera, celerius curre. Ut verò efficacior sit adhortatio, interserit amicitiae recordationē, ac legem, dum ait, Amica mea. Amicorum quippe res, & mores fiunt necessitudine communes. Mos autem sponsi est ocyssimè currere, quod ex hinnuli, capreæq; patuit similitudine. Dum ergo ait, Amica mea, tantundem profectò agit, ac si aperte diceret. Ut surgas, & properes, & cursum potius, quām incessum ames, mea reposcit amicitia, quæ te mihi exactè similem præstare contendit, vt in charitatis progressionē capreas, ceroosque perniciissimos æmuleris, qui bus ego arcane significor. Hanc autem exhortationem mirifice auget subiecta mentio columbæ, quæ magis hic ad volatum commendandum, quām ad synceritatem prodendam videtur accita. Porrò columbæ volatus & ocyssimus, & constantissimus est; & ob id Noe illam ex arca videtur emisisse, vt si non tam citò locū quietis offenderet, lōgius posset conuolare, nec fessa mergeretur. In hunc

ergo

ergo modum sponsus sponsam hortatur, surgere moneo, ac properare; at non confessim amori satisfactum est, qui non ab re alatus effingitur. Adeò quippe festinandum est charitatis augmentis, ut ex cursu ad volatū transfeatur, & velut terrestri animantis natura, volucris ingenio permutetur. Volatum igitur arripe columba mea, cui ego pennas addidi, ut à terræ humilitate sublata, in me, velut in nidum conuolares. Quod verò subdit, aiēs, Formosa mea, arcana significatione non vacat. Porro pulchritudinis laus in sponsa, ex sponsi existit similitudine, cuius binæ sunt partes. Pars videlicet vna ex interna, animoque hærente virtutum concinnitate constat. Pars altera in actione consistit: quam sponsa germanè satis exprimit, dum surgit, properat, & vt columba volat, quæ functionum expeditionem vniuersa notant. Concinne igitur formosam appellat sponsus eam, cui & virtutum, & actuum absolutio exactam cōciliat venustatem. Quod verò subdit, & veni, tantundem est, ac si hoc modo exhortaretur; gradere, specie, ac pulchritudine crescens, prosperè procede. Non enim, ut è corpore migret, sed vt fœlicius progrediatur monet; ad quam profectò adhortationem subtexta verba mirificè conducunt.

Iam enim hyems transiit, imber
abijt, & recessit.

*Gradere velox, quia frigus culpæ, qua hyems
est, qua pedes congelarant, nec ad iter expediri
poterant, cessauit, flante Spiritus austro, qui ca-
lorem vitalem aduexit. Cessauit & imber præcepit
diabolicæ incursionis, agri fœcunditatem deua-
stantis.*

Frigore grassante, membra quasi glaciata
loco vix mouere possumus. Et quidem, si
necessitas vrget, ægrè incipimus, donec sen-
sim calore motu concepto, pedes ad iter ex-
pediuntur. Sicut autem calor diuini amoris,
ita frigus culpæ symbolum est. Sublatum er-
go sponsus monet impedimentum, pulsum
que culpæ frigus, quo sponsa olim conge-
rat, & apertè docet te inducto calore, porisq;
à contractione laxatis sponsæ, quasi ceruorū
poluisse pedes. Enim uero poros etiam suos
in anima sponsus condidit, qui petita è cor-
pore metaphora, culpæ gelu constipantur,
atque premuntur, calore verò diuino soluun-
tur, & patent. Premuntur sanè, cùm frigus
cogit artus, cùm obrigescit mens spiritus di-
uini calore destituta, & peccati glacie con-
creta:

ereta: soluuntur autem, cùm flat genialis au-
ster, hoc est, cùm spiritus ardor sponsam per-
meat, arcans tāquam poris exceptus, & attra-
ctus. Cuius profectò mysterij, natura sym-
bolum adumbravit in accipitre, qui flante au-
stro se attollit in aërem, ac vento illi calido,
& salubri expansis se alis opponit, & dū per-
flatur, totum rarescit corpus, poriq; patefiūt.
mox vetustæ pennæ loco excidunt, nouæq;
succrescunt. Quæ quidem omnia in sponsam
harmonicè conueniunt, quæ cum olim fri-
gore congelasset, nec gradi, nec ad volatum
nouas virtutū, quibus ferretur, pennas pro-
mere valebat, sed postquam meridionali aura
perflata est, promit noua ad celerem progres-
sum munimenta, vt rite in eam quadret illud
effatum. Et placebit sponso super vitulam
nouellam, cornua producentem, & vngulas.
Cornua quippe ac vngulæ, hoc est, ad pu-
gnam, & gressum instrumenta quædam sunt,
ea, quæ mox apparuisse dicemus. Consultis-
simè autem sponsus, ante quām sponsæ, qui
apparuere, fructus recenseat, vt latior fiat
commemoratio, ait, imbre, hoc est, præci-
pittem dæmonum incursionem, qua fe-
lix animæ vastatur ager, abijs-
se, ac ver redijsse tran-
quillum.

Flores apparuerunt in terra nostra.


*Ex virtutum animo consitarum plātarijs, aētus
cen flores odorati, & aspectu pulchri, in anima tua,
quæ terra ferax nostra est, enati sunt, o sponsa cha-
rissima.*

Virtutum habitus plantæ sunt, in anima satæ, ex quibus apparere, hoc est, enasci aētus tanquam flores asseruntur, quæ verni temporis significatio est. Etenim flos quasi latebat in caule, cum frigus grassabatur, apparet autem asperitate frigoris cedente, mitio- reque tempore subintrante. Quod verò sponsus ait, in terra nostra, satis aperte notat, sibi cum sponsa terram esse communem, animam videlicet sponsæ ipsius ab utroque coniuge curandam, & excolendam. Longè quippe se- iuncta est terra hæc, ab ea, quam dedit filijs hominum. Flores ergo, inquit sponsus, apparuerunt in terra nostra; quasi amoto symbo- lo planè dixisset; ex virtutibus in anima tua satis, o sponsa, velut è plantis, aētuum, & aspectu, & odore gratissimorum flores emer- terunt; sed quæ sequuntur emphasim habent.

Tem-

Tempus putationis aduenit.

*Accessit tempus amputandi vetustos mores, falso
te virtutis succrescentis.*



PRæposterus videtur ordo, vt flores pri-
mum apparuisse dicantur, deinde puta-
tionis tempus aduenisse. Prius quippe, vt sub
vno dumtaxat exemplo vniuersim de agri-
cultura loquamur, è vite sarmientum amputa-
tur, postmodū concrescit gemma, flores dein
de vuarum erumpunt. At contra in agro vsu
venit interno. Ipsarum nempe virtutum di-
uinitùs infusarum flores primùm enascuntur,
cùm suos promunt aëtus; ex indeque vetustas
amputatur; ita sanè, vt virtus ipsa succrescēs,
acumenque proferēs, sit ea falx, qua vetustas
est recidenda. Postquam enim vitia radices
egerunt, si quis ad iustitiam exemplò euo-
cetur, ex virtute recens infusa crebros debet
aëtus multa nauitate progignere, per quos
velut scalpro quodam, vitiorum callos exse-
cet. Hoc ergo mysterium latet in ordi-
ne arbores putandi, post florū
exortum. At turturis
vocem expen-
damus.

Vox turturis audita est in
terra nostra.

Vox turturis, quæ arcane vox à casto tuo prompta corpore dicitur, in animæ terra feraci sonans ad me perlata est.

NOtissimum est turturem auem esse castissimam, secundæ veneris insciam. Notissimum est etiam, castitatem ad clariorem vocis sonum, & quendam tinnitus, velut argenteum, valde conducere. Qui enim Venerem adhuc experti non sunt, vocem edunt suauorem multò & clariorem. Contra vero, qui vel primoribus labijs Venerem gustarunt, vocem quandam obtusam, & iniucundā reddunt. Turtur autem hoc loco sponsa symbolice nuncupatur; cuius vocem clarè sonantem, verè argenteam, qua sponsum precabatur, auditam esse, sponsus ipse testatur, in ea terræ forte, quæ illi hæreditate obtigit: quæ profectò terra anima ipsa est, quam sponsus, ceu proprius hæres possedit. In hac terra feraciissima castas exaudit voces, intus dūtaxat prolatas, quæ quanto puriores, & ab omni Venere remotiores sunt, tanto altius efferuntur, & in aurem diuinam extolluntur. Constat

stat nempe (ut in translatione persistamus) à castis corporibus subtiliores edi voces, aërem facilius intersecantes, & longius, quam obtusas, peruvagantes. Potest præterea turturis nomine spiritus diuinus intelligi, sicut & sub columbae symbolo nonnunquam solet, cuius vocem, internum sibilum, vel inspirationem, vel petitionem auditam sponsus ait. Vox autem turturis gemitus est, ut quidam dixit. Nec gemere aeria cessavit turtur ab ulmo; Spiritus autem pro nobis postulat gemibus inenarrabilibus. Cum ergo sponsa diuino Spiritu afflata frequens geniebat, & præsentis sponsi desiderio æstuabat, postulabat certe per illam Spiritus, gemitum pro cantu edens, turturis more. Quem porro gemitum quia sponsus audivit, & hyeme pulla, ver adesse imperauit, vocem turturis auditam, recte fatetur. Verum, quæ sequuntur exploremus; pertinent enim ea ad abolitionem, iutam quandam vetis effigiem.

E 3 Ficus

Ficus protulit grossos suos.

*Sicut ficus grossis emissis fructum perfectiore
pollicetur, sic tu artibus, cum essem infans, rudibus,
tanquam grossis quibusdam editis, dulciorum vir-
tutis fructum, velut ficus melle imbutas, sperare
fecisti.*

Ficus, ob calorem, prædita est vi ad humo-
rem terræ exfugendum, & attrahendum in-
signi. Et quasi moræ impatiens, ante fructum
dulcem ac perfectum, fructum quendam imper-
fectum, qui grossus appellatur, & interdum est
esculētus, emittit; qui præmonstrat fructum
syncerum ac mitem. Sponsa symbolicè ficus
nuncupatur, quæ in sponsō fata, per recen-
tem charitatem, vitalem terræ illius feracissi-
mæ, humanæ scilicet naturæ assumptæ, hu-
morem toto pectore hauriebat, cum in chari-
tatis infantia, velut lac ab ea fugebat, vim me-
riti, & satisfactionis eliciens. At quia paruula
erat, & sermonis iustitiæ expers, nequiuit
uestigio perfectum ferre fructum, qualem
ficus melle imbuta notat; protulit tamen,
velut moræ impatiens, grossos, actus videli-
cet insuaues, quales animus promit virtuti nō
assuetus; qui tamen spem fructus perfecti
excitarunt, & animum, ne caderet, erexe-
runt.

runt. Animaduertendum fuerit non oscitanter , in hac tota veris descriptione , præteritis sponsum vti vocibus ; ait enim , flores apparuisse , vocem turturis auditam , sicut pro tulisse grossos , & similia , quia videlicet , hæc iam inde ab exordio charitatis sponsæ contigerunt , ex quibus ad progressum sponsam exhortatur . Sed sponsum audiamus per gentem .

Vineæ florentes dederunt odo rem suum.

Ego, qui vitiis sum, è cuius propaginibus vineæ seruntur, florui, ac odorem fudi per te, cœu palmitem, ô sponsa mea.

EX sponsi ipsius accepimus oraculo ipsum vitem esse, eos verò, qui arcana infestatione ipsi hærent, palmites dici. Constat autem experimento, vitem suam vim in palmitem corriuare, qui humorem vitis exsugens florem promit. Unus itaque ac idem est vitis, ac palmitis flos. Vitis ergo sponsi, per insitū sibi, & ab ipso porrectum sponsæ palmitem floruit, & odorem cœlestē effudit. Quod autem vineas, & nō vitem Salomon dixerit, metonymia est. Numerus verò pluralis pro singulari figuratè reponitur. Post pauca enim

in eandem sententiam singulari numero dicaturus est. Nam vinea nostra floruit. Præterquam quod vinearum omnium , quotquot ab æterno Patre , tanquam agricola coluntur, series ab una sponsi vite propagata est , quod innuitur, cum sponsus ipse plurium vinearum significacione notatur. Et quidem , quemadmodum per sponsam florere , sic ad fructum peruenire censendus est. In ijs enim , qui mira cultoris Patris sui sapientia inferuntur ipsis , ut palmites fiant , diuerse proficit sapiëtia , ætate , & gratia ; & iuxta palmitum mensuram , aut infans incipiens , aut adolescens proficiens , aut vir perfectus apparet ; quemadmodum & vitis fructus diuersa metamorphosi mutatus , florens , omphacium , maturaque vua conspicitur ; quæ omnia sunt amoris quadam velut emblemata. Principiò ergo sponsus , per sponsæ palmitem floruit , ac odorem suauissimum exhalauit , quo velut apice veris descriptione absoluit ; & argumentum paræneticum construit , quasi in hunc modum effaretut . Spes magna tui profectus ab ipso charitatis primordio excitata fuit , o sponsa , quam augebat veris modo descripti fœlicitas , quæ tunc oborta est ; nunc igitur spei responsura nervos intende , ac ascensiones in tuo corde dispone. Propterea dicit .

Surge

Surge amica mea, speciosa
mea, & veni.

Horum verborū interpretatio paulò ante
ā nobis adducta est, quam enim hic specio-
sam, nuper formosam nuncupauit. Columbæ
autem nomen, quod ibi sponsus intexuit, hic
in proximam periodum transtulit, vt nouum
mysterium propalaret.

Columba mea in foraminibus pe-
træ, in cauerna macerix.

Sponsa mea, vt columba vola ad me immor-
talem petræ soliditate signatum, & requiesces in
relictis vulnerum foraminibus, quæ vt nidum tibi
comparauit amor. Conuola etiam in cauernam
lateris mei, vulnere lato patentis, vt ibigemas, &
cum quadam sympathia, mortis pro te perlate acer-
bitatem mediteris.

Hortatur sponsam columbæ nomine ob
coniugij fidem insignitam, vt tanquam
celeri quodam volatu, in ipsum conuolet, in
quo velut in nido molli conquiescat. Amant
columbæ petrarum receptacula cætarum,
parietum etiam, seu maceriarum cauitates,

L 5 qui-

quibus receptæ, naturæ seruire queant. Vul-
gatum est autem petra olim in deserto percus-
sa, & aquam euergente sponsum fuisse nota-
tum, sicut scriptum est, Petra autem erat Chri-
stus. Maceria etiam idoneè satis significatur
ipse. At petram à maceria secernere, ad spon-
si sensum concipiendum, oportebit, quemad-
modum ex sanctorum obseruatione accepi-
mus. Maceria quippe, quæ nihil est aliud, quæ
structura, & series lapidum calce carentium,
quæ proinde facile soluitur, ac diruitur, mor-
talem adhuc sponsum notat, tunc maximè,
cum impendente morte, vitali humore desti-
tutus, carneque verberibus absumpta, sola
costarū crata, ossiumq; serie videbatur exstru-
ctus. Petra vero, quæ suapte natura bene cō-
pacta, & solida est, difficileque teritur, præ-
sertim si ea filex sit, qualem deserti fuisse pe-
tram, Christi præferentem typum, scripture
docet, immortalem significat sponsum, quod
emphasim habet valde miram. Quod enim in
eo, dum adhuc maceria esset, morte diruenda,
latè pateret lateris vulnus, ceu cauerna quæ-
dam, in quam, velut in nidum sponsa conuola-
ret, repetito illic gemitu, columbae more spō-
si passionem meditatura, nō adeò videtur mi-
rum; hoc enim mortalis natura ferebat. Ve-
rū, postquam resurgens ex mortuis, iam nō
moritur, cum mortis, passionisque vestigia de-
lenda

lenda essent, ut mystica filex, immortalis appareret, præ amoris magnitudine in immorali petra foramina reliquerit, in quibus per sympathiam quandā, sponsæ animus, ex morte ad immortalitatem libandam resurgens cōquiesceret, impensè mirandum est. Monet igitur ille sponsam, ut ad ipsius imitationem assurgat, alternisq; poculis doloris, & gaudij deinceps vtatur. Ac si luculētius diceret. Afsurge, & aduola in nidum à me tibi comparatum, o sponsa columbas æmulata. Aduola in vulnus lateris hiantis, & in corpore mortali maceria significato patentis. Hic, ut columba, meditare mortis pro te latæ acerbitatem, geme, & è corde meo viim elice diuinam. Hic nidus esto, in quem ab accipitre infestata confugias. Sed caput interdum effer, & me solidam, morti non vltrà obnoxiam petram cōtemplare, in quam & conuolabis, & in paten tibus foraminibus quiesces, vt, immortalitate prælibata, fias in bello fortior, & constanter. Expedit autem, quod ad ordinem attinet, prius adire foramina petræ, vt inde fias animosior, ad frequentandam cauernam materiæ, quemadmodum & ego proposito gaudio sustinui crucem, confusione contempta. Ad hoc eximium opus assensum poscit spousus in hæc verba.

Ostende

Ostende mihi faciem tuam.

*Faciem vtramq; internam, scilicet, ac exter-
nam mihi ad ardua te excitanti ostende, hoc est,
hilarem exhibe. Ut illam auertas, more illorum,
qui deformè quippiā, vel sibi exosum visum exe-
crantur.*

CVm quippiam exosum, aut deformè cō-
spicimus, faciē solemus auertere, ac ita
eius contactum, commerciumve detrectare.
Contrà verò, si quid gratum, vel ex se pul-
chrum occurrit, faciem illi solemus admoue-
re, & attentiū inspectare. Hoc ergo arcane
sponsus postulat, vt, cùm ad maiorem profe-
ctum sponsa euocata sit, libens rem aggredia-
tur, nec difficultate deterrita, nec mœrore cō-
fœcta ; hilarem enim datorem diligit Deus.
Ostende igitur mihi faciem tuam, inquit ille,
faciem scilicet lætam, ablutam, oleoque læti-
tiae delibutam, ne mœror, & pallor, qui olim
hypocritis obiectus est, tibi possit expro-
brari. Profectò, tametsi facies hæc ab sponso
expedita, sit mens ipsa, internusque assensus
expeditus ac hilaris; opportunè nihilominus
intelligitur externa hæc & aspectabilis fa-
cies, quæ animi signa exterius exhibet. Ab
hæc

hac enim, non aliter, quam ab interna, mœstria omnis arceri debet, quoties grauia nobis imponuntur onera, ex diuino imperio, fera da. Quod autem hic de facie assertum est, idē prorsus de voce est accipiendum. Quamobrē subditur.

Sonet vox tua in auribus meis.

*Interna, & externa affensum prodente voce
michi responde, & concine. Utique enim humano
more mihi agenti eximiè placet.*

Non posco, ut alienis vtaris vocibus quantumuis suauibus, & ad modos musicos inflexis. Tuam cupio audire vocem, clam, argenteam, elatam, qua mihi vocati responderas, quam mente primum concipe, externe post enuncia. Duplici voce, interna sci licet, & externa, sibi ad altiora excitanti responderi sponsus optat; quam mentalem, & vocalem orationem appellamus; sibi eximiè placere, hoc loquendi modo humanis moribus attemperato saltem adumbrans. Enimvero, vocem eam, quæ profertur externe, nedū internè cōceptā, spōsi auribus iucūdē insonare, omnino verum est; et si enim desideriū pau perum,

perum, & præparationem cordis, antè vocis
externæ sonum sponsus percipiat; nè tamen
externa verborum enunciatio, quæ vni ho-
mini inter animantes omnes, ad sua sensa pro-
menda tributa est, sua potissima functione,
quæ diuina laude constat, ullo paecto careret,
diuinæ fuit sapientiæ, laudis externæ ius ab
hominibus expetere. Quam sanè laudis ra-
tionem, in patria cœlesti, vbi tamen minus
fore credi posset, censemus non defuturam.
Rationem autem, ob quam, & faciem, & vo-
cem expetat, palam reddit, aiens.

Vox enim tua dulcis, & facies
tua decora.

*Vox assensum exprimens, quæ tua (non aliena,
per vim, aut necessitatem extorta) est, harmoniam
dulcissimā mihi excitat. Facies item ad obsequium
læta, quæ tua, hoc est, non simulata, vel coacta, sed
spontanea, & nativa est, mira me allicit pulchri-
dine.*

AC si planius diceret, tuam opto audire
vocem, faciem tuam spectare audire co-
nor. Sic enim vox tua est, hoc est, sponte
ab te edita, non coacta, non extorta, non ex-
tristi-

tristitia vel necessitate profecta, suauissimam
efficit harmoniam, qua nihil à te mihi iu-
cundius præstari potest. Si facies tua est,
hoc est, spontanea, intùs enata, non aliun-
de inducta (qualem deformes inducto fuco,
ac cerussa foeminæ conquerirunt) decore, ac
venustate nitet incredibili, ità vt minimè
mirandum accidat, si Rex speciem tuam
concupiscat. Emphasis ergo inest in ijs ver-
bis, Vox tua, facies tua; qua sponsus ob-
temperantem animam, læto vultu, obuijs
vlnis ipsi occurrentem, valde commendat;
magis enim operis modum, quam ipsum
opus expendit. Hic existimandum est, spon-
sam læto ac expedito ad opus animo se im-
molasse totam; & sponsum modò fausta illi
acclamare, ac de illius tuitione vigilantissimè

cogitare. Quamobrem per apostrophen

quandam, ad vinearum custodes con-

uersus, ab sponsa insidiosos

hostium incursus

procul arcere

iubet.

Capite

Capite nobis vulpes paruulas, quæ
demoliuntur vineas.

Doctores ac Duces animarum, fraudulentos dæmones, qui vulpes imitantur paruulas, cum leues culpas astu miro animabus persuadent, & sic sensim vineas à me cultas deuastant, capite, hoc est, in astu suo deprehendite, ac procul arcete.

VIpium symbolo notari dæmones prodidit diuinus Psaltes, cū hostes suos tradendos in manus gladij, & partes, hoc est, sortem, vel prædam vulpium futuros cecinit. At humani generis hostis, vulpis nomenclaturam non est sortitus ex aperto marte, cū debacchatur in hominem, & teterima illi scelera palam persuadet, sed ex argutie, ac simulatione (quæ in vulpe notissima est) qualitur; cum per arduam virtutis viam fœliciter gradientes, obiecto virtutis, puta charitas, aut prudentiæ colore, pertrahit in anfractus, & diuerticula. Hac enim calliditate, sperat ille, vineas animarum, ex sponsi vite propagatas à se vastandas, porrectosq; inde virtutum palmites concerpendos. Si enim animis toto conatu ad Deum hiantibus turpia sine integumento persuadere tentaret, probè nouit

nouit sibi ostia oppilanda. Hæ sanè vulpes
plùs vafritie nocent , quām cum in piacula
grauiora viros perfectos præcipites agunt.
In ijs quippè diù morari animus horret , ac
inde resilit quantocyūs : at leuiora non adeò
formidat, sed callum in illis contrahit, semper
ad peiora proclivis . Benè ergo sponsus ait
has vulpeculas , non apros , aut alia efferata
animantia , suas vineas demoliri. Propterea
studet per suorum ministrorum vigilantiam ,
& sedulitatem , à sponsa sua hanc pestem auer-
tere. Ait igitur, Doctores Ecclesiæ alloquēs ,
Vos, quibus hostium technas , ac decipulas
explorare commissum est, ne in eas , qui per
charitatis iter gradiuntur incurvant , accura-
tiūs inspicite , ne vulpes paruulæ , hoc est ,
dæmones, paruulas, leuesque culpas persua-
dentes , se in vineas à me propagatas clàm
insinuent , illasq[ue] deuastent. Huius

autem præcepti imponendi ,
vrgentein fatis ratio-
nem procudit ,
aiens.

M Nam

Nam vinea nostra floruit.

Ipsa opportunitas monet, ut vulpeculas capiat,
quia sponsa, quæ à me ac à vobis tanquam vi-
nea communis excolitur, per me, qui cœn vitis
in eius corde satus sum, floret. Animamq; ipsius
ut palmitem mihi insitum longius porrigo. Ne
igitur vulpes hanc vitem lacerent, eas procul
pellite.

Si naturam spectemus, plantæ à terra hu-
morem hauriunt, quo aluntur, & crescūt.
Si suprà naturam caput efferamus, plantas
in subacto, & diuinitus culto animæ solo de-
fixas, non à solo vim altricem elicere, sed
contrà, vim illi cernemus impertire. Et ta-
met si hoc verum experiamur in vniuerso
virtutum genere, quibus natura nostra suf-
fulcitur; multò tamen est verius, si virtutum
authorem sponsum, in medio sponsæ cor-
de consitum, & tanquam vitem virtutum
flores, per sponsæ animam tnaquam pal-
mitem promittentem contemplemur. Fit
nimirūm arte mira, vt idem sit flos vineæ,
ac vitis, sponsæ, ac sponsi, ita tamen, vt vim
sponsæ terra fugat à vite. Quia ergo vinca
nostra, hoc est, quæ mihi & vobis (ò Docto-
res

res Ecclesiæ, ac animarum duces) colenda
est, florem prompsit, modo (vt audistis)
planè mirando, vulpeculas fraudulentas ar-
cete. Nunc, quia amoris ingenium semper
fertur in orbem, quam curam ab sposo sibi
eernit impendi, quasi circulum peragens, spō
sa rependit.

S P O N S A.

Dilectus meus mihi, & ego illi.

Sponsus se totum mihi tradit, & ego illi audiē
me tradam. Illi vni vacabo, soliq; ipsi subseruiā,
quemadmodum calicis capsula soli seruit exci-
piendo calici, ad cuius figuram & mensuram effe-
cta est.

A Equum est omnino, si excelsa spōsi Ma-
iestas tam sedulò sponsæ curat incolu-
mitatem, vt nihil aliud vel cogitare, vel opta-
re videatur, cum tamen vniuersa ipse mode-
retur & compleat, vt sponsa humili loco nata
se totam illi tradat, nihilq; aliud interea mo-
liatur, & se cæteris rebus vniuersis subtra-
hat, hanc vnam functionem obitura. Inest
ergo in verbis energia, dum ait, Dilectus
meus mihi, ex quo quasi subinfert, & ego illi;
tanquam si expreſſius diceret; & ego illi;

adeo addicta & medullitūs hærēs futura sum,
vt cætera omnia præter vnum illum mihi sor-
deant, & cordis cauitatem explere nequeāt.
Quam quidem sponsæ sententiam, accita
calicis, aut ensis similitudine possumus ex-
planare. Sunt, & vaneunt passim, capsulae
quædam ad calices sacros condendos effi-
ctæ, calicibus ipsis & figura & mensura om-
ninò quadrantes, huic tantum usui destina-
tæ, quarum intercapelinem res aliae explere
nequeunt, calix dumtaxat ipse cōplet. Quod
peraq̄ue de vagina & ense asseri potest. Spō
sus ipse calix est sacer (qui metonymicè di-
ctus, quotidie hauritur in Ecclesia) capsula,
qua ille conditur, illi figura apprimè qua-
drans, sponsa est, cuius cauitatem incassum
quis tentet explere, nisi sponsum condat in
ipsa. Sicut enim ille sponsam ad suam effinxit
imaginem, ita & solus ille valet eam explere.
Cætera quidem omnia, quæcumq; cauitate
hac includi possunt, partem quidem occupa-
bunt, at omnino habilia esse nequibunt. Hoc
ergò sensu verba illa interpretanda sunt, Et
ego illi. Quibus profectò verbis coniunctio
inhæsioq; cū sponso arctissima notatur; qua
ex inhæsione, arcanove tactu mens defæca-
tissimā contrahit puritatem, quam Agnes
experiebatur, cū aiebat: **Q**uē cum tetigero,
munda sum. Hæc verò eximia puritas, & in-
terna,

terna, nedum externa castitas mirificè delestat, & quasi alit sponsum, qui propterea canitur septus choreis virginum, inter quas versatur festiuus & hilaris, tamquam agnus in pascuis uberrimis, quod subiecta verba demonstrant.

Qui pascitur inter lilia.

Qui voluptatem percipit, dum versatur inter animas ob castimoniam, & puritatem lilijs comparatas.

M Irum est profectò, sponsum, qui pastorum est princeps & nomine & functione, non pascere, sed pasci inter lilia. Quamobrem meminisse oportebit, eundem non minus agni, quam pastoris symbolo significari. Introducit autem illum Spiritus sanctus in scenam, velut agnum candidissimum, in campo, pratòve lilijs referto agentem, ac pascentem, ut innuat, animas castimonia insigne, quæ symbolicè lilia nuncupantur, ea esse pascua, quæ ipse libentiùs frequentat, & colit, ex quibusque eximiam percipit voluptate; hoc est enim pasci, quasi planiùs dicas, gustare. Quòd verò lilijs consita dicantur spōsi agni pascua, non violis, cæterisque id genus floribus, efficit exacta cum ipso similitudo,

quæ non adeò in alijs virtutibus elucere videtur. Siue enim , quæ homo est, illum contueamur, virgo ex virginе exortus est, matris illæsa, & obsignata puritate. Siue illum , quæ Deus est , speculemur, candor est lucis æternæ, & speculum sine macula. Iam verò, quia hoc liliorum pabulum dulcissimum sponsus expertus est, difficileque quis ab eo loco recedit, ex quo & requiem & voluptatem elicet; sponsa rei non ignara prodit sponsum decreuisse, quandiu immortalis iam ipse cum hominibus agit mortalibus, in ijs lilioru m pascuis, velut in proprio ac nativo solo se præsertim versaturum , quo usque immortalitas appareat. Videtur enim loton gustasse. Propterea dicit.

Donec aspiret dies, inclinetur vmbrae.

In ijs pascuis liliorum agnus Dei candidissimus pascitur: donec dies virtutis suæ (quæ glorie claritas est) iustis affulgeat: & peccatorum vmbrae, quæ mundum obtenebrant, in tartarum detrundantur.

QVASI expressius loqueretur. Donec dies ille virtutis suæ , quæ illustrissima est

est gloriæ claritas, aspiret, hoc est, affulgeat;
& vmbra mortis peccati, sub quibus mūdus
sepultus iacet, inclinentur, hoc est, in tartarū
delabantur; ibi enim vmbra mortis tota, ex
eo die, conclusa, & horror sempiternus habi-
tabit. Pulchra certè translatio à diei ortu, &
vmbrarum delapsu petita. Ex oriente quippe
sole, & summo mane montium vertices pri-
mū illustrante, vmbrae inclinari, hoc est, à
culminibus, ad imas valles delabi, & Solem
ipsum quasi fugere cernūtur. Sic cū in aduen-
tu secūdo spōlus, verus iustitiæ Sol, inclarue-
rit, omnis mundi caligo ipsum formidans in
tartarum detrudetur, diesq; lucebit æter-
nus. Nunc verò expendenda est di-

uinæ prouidentiæ ratio,

quæ verbis pro-

ximis ape-

ritur.

M 4

Reuer-

Reuertere (similis esto, Dilecte mi,
capreæ; hinnuloq; ceruorum)
super montes Bether.

Dilecte mi, qui à lilijs recedere soles, ad desiderium augendum ne moreris absens, sed ocyssimè reuertere, super animas montibus Bether, ubi te manifestasti, notatas; quæ sicut lilia dicuntur ob puritatem, ita montes Bether ob contemplationem, cui puritas reddit eas aptissimas. Reuersionis autem modus hic esto, precor, ut velut caprea, seu dorcas, eminus acutissimè cernas hos montes arcanos, quibus, inter alias, ego notor, & cum opus fuerit, tanquam hinnulus, qui est ad cursum pernicissimus, ad nos reuertaris, ut sis adiutor in opportunitatibus,

Libenter sanè inter mystica lilia sponsus versatur; & figuratè dicitur ab eis nunquam recedere, quia crebriùs per familiare colloquium adest; quemadmodum à theatro nunquam eum abesse dicimus, qui frequentat illud. Et quidein, quoties sponsus lilia inuisit, sponte accedit. Pertinet autem ad diuinæ ordinem & harmoniam sapientiæ, ut quod ipse sponsus præstare decreuit, ab ipso nihilò segniùs petatur, quam si parùm ille liben-

libenter annueret. Quantò enim acriùs vrge
mus, tanto petitio ad impetrandum fit neruo
sior, & qui flagitat dignior. Propterea Salo-
mon introducit sponsam anxie postulanteim,
& sponsum quasi auersum, ad seipsam prece
conuertere, & exorare satagentem. Reuerte
re igitur (inquit illa) hoc est, Qui abire, & cre-
bro ad lilia redire soles, ne absentiae tempus
protrahas, sed ocyus reuertere. Noui te ad re-
ditum promptissimum, sed orari vis, & repe-
tita prece pulsari; ob id precor te, sponse lu-
uissime, ad lilia, inter quæ consita sum ego, re-
uertere. Opto ardentissimè, te, dum recedis,
capreæ, dum reuertaris, ceruorum himulo
persimilem esse; vt dum abes, capream, cuius
est visus acutissimus, imiteris, eminus me, an-
xietatemque meam explorans visu perspica-
cissimo; ceruum autem, qui est cursu perni-
cissimus, dum reuertaris, æmuleris, accurres
occyssimè ad opem anxietati ferendam, & me
voluptate perfundēdam. Sic ergo textus hic
interpretari debet, vt sponsus reuerti ponan-
tur, ac proinde illum abire opus sit, vt hāc vi-
cissitudine, dum abest, augeat desiderium, dū
reuertitur, cumulet voluptatem; dum lon-
gius recessisse putatur, vt caprea, visu fit præ-
lens, dum redit, vt hinnulus exultans, currat
in amplexus. Cur autem reuerti super mon-
tes Bether dicatur, enucleandum est. Non-

nullis placet Bether hic montem Sinai , vbi cum Deo Moses agebat , significare . Chal-dæus autem paraphrastes montem Moriah , vbi Abraham filium immolare parabat , intellexit . Siue autem Sina , siue Moriah intelligatur , satis ad rem sponsa loquitur . Sponsus enim in utroque monte , ut caprea suos dilectos respiciebat ; ut hinnulus accurrebat ad opem . An non ad Mosen saepe redibat in Sina , & populi bonis familiarissime prospiciebat , acsi paterfamiliâs domus tantum fuisset illius ? An non in Moriah & se clarius manifestauit , & hinnulo velocior accurrit , ad Abraham gladium retardandum ? Benè quidem ista congruunt , at arcanū quidam succurrit , quod ex utriusq; montis historia in sponsa traducatur . In utroq; quippe monte Moyssi , & Abraham Deus præsentissimus affuit , suæque cognitionis lumine (pro ænigmati statu) eximio illos cumulauit ; ita quidem , ut duos eos montes ad diuinum splendorem excipiendum , à cæteris consultò videatur secreuisse ; ut meritò Bether , domus separationis interpreetur . His proinde montibus visioni destinatis , animæ translatè significantur , quæ ob castitatis candorem lilijs comparatae sunt , & ob angelicam vitæ rationem , humana concretione ceu valle multò excelsiorem , quasi in montium vertices visioni opportunos se exercunt .

xerunt. Constat enim animas puritate insig-
nies luminī diuino concipiendo cæteris esse
multò aptiores; sicut de Carpo, quem offendit in Creta, Dionysius Areopagita ad Demophilum Monachum scribit in hæc verba.
Cum aliquando in Cretam venissem, me Carpus hospitio excepit, vir, si quis aliis, propter magnam mentis puritatem ad cernendū Deum aptissimus. Quibus rectè perpensis efficitur, ut easdem animas, quas appellauit lilia, nunc sponsa montes Bether appelleat, quasi disertius diceret, eas ob puritatem velut in altiore in naturam eueetas, esse eos motes, in quibus luculentius se sponsus manifestat. Sic igitur interpretamur verba; ut sponsa precetur. Dilecte sponsæ, qui soles abire, identidemque animas puras Bether montibus notatas reuifere, reuertere quantocyùs super illas: In recessu autem, ac redditu similis esto capreæ è longinquo prospiciens, ac erga illas vigilans; ubi vero eas vel ope, vel solatio egere confpexeris, hinnuli more, quam cœlerrimè accurre. Verba sic contexenda sun-

Reuertere Dilecte mi super montes Bether, similis esto capreæ, hinnuloque ceruorum.

CAPVT TERTIVM.

In lectulo meo, per noctes quæsui
quem diligit anima mea, quæ-
sui illum, & non
inueni.

*In requie, qua sponsus me teneram permulce-
bat, lectulo, ac noctis tempore notata, sponsum ip-
sum quæsui, at non ibi cunctandum erat, & quia
nimis ibi voluptati hærebam, illum non inueni.*

Postquam ea verba disertè prompsit spon-
sa, quibus eam sponsus in arcano alloquio
adhortabatur, aiens: Surge, propera, & id ge-
nus cætera; vt hortationis causam, & oppor-
tunitatem aperiat, hæc verba producit; quo-
rum sensum vt assequamur, animaduertendū
est, sponsam non admodum prouectā depin-
gi ante illam exhortationem; quippe quæ te-
nerum, quam fortem amorem magis experie-
batur. Quod vt nobis edisserat, accita lectuli
trāslatione opportunè vtitur. Porrò neminē
latet, lectos ad requiem comparari, noctisque
tempus humanis cōmercijs ineptum ad som-
num homines pellicere; omniaq; tum homi-
num

num ingenia quasi sepulta iacere. Symbolicè igitur lectus, & nox, nō arduū quippiā, quod natura formidet; non virtutis experimentū; sed eam requiem, quam partibus recenter ad iustitiam editis Deus immittit, cū eos, & late voluptatis alit, & indulgētissimè solatur, apertè notāt. Et quidem tametsi, dū eiusmodi voluptatē spōsus efficit, adsit ipse; afferitur tamen nō inueniri, cū non propter se, sed propter voluptatem inquiritur. Est enim cōfenta neū, instillatū ab ipso dulcorē excipere; at nō expedit in illo, sed per illū spōsum inuestigare. Quamobrē, cū spōsa in illo lectulo, & nocte arcana, spōsum quæsiuisset, idoneè satis factetur incassum se laborasse, aiens: Quæsiui illum, & nō inueni. Parcè igitur voluptate fruēdū, & ad voluptatis effectorē oxyssimè properandum est. Propterea sic effatur.

Surgam, & circuibo ciuitatem.

*Ad amoris examen, è lecto voluptatis surgam,
& in laboribus, ac œruminis Ecclesiæ urbem perābulabo, sedulò me bonis operibus exercens. Sic enim
voluptate non delinita, sed amore forti calamitates
perferens, ad sponsum perueniam.*

I Acebam in molli voluptatis lecto. Petrum imitata, voluptatis auida, perfectæ charitatis

tatis immemor, aiebam: Bonum est nos hic esse. At quia didici pueriles mores, ac delicias exuere, excutiam me ipsam, & lacte relicto, ad cibum solidiorem assurgam. Hæc enim ascensio amoris est, in valle constructa lachrymarum. Sic ergo sponsa effatur, & aperte docet; Surgere, nihil esse aliud, quam in perfectiorem charitatem ascendere. Hic vero ascensus, non voluptate, sed cordis pressura, & labore constat, quod Sanctorum res gestæ facile declarant. Tunc enim illi felicius creuerunt, cum à Deo velut repulsi, omni prorsus voluptate orbati, ærumnis conficiebantur, & cruciatibus, per quos sponsum sollicitius quam antea quærebant. Hos inquit Paulus, circuisse in melotis, & pellibus caprinis, egentes, angustiatos, afflictos. Eleganter autem circuitus nomine usus est. Circuire quippe ibi, errare, vagari significat, ut notet animi anxietatem, qua cum quis premitur, velut inops consilij, facile hoc illucve impellitur, si vel exigua spes euadendi supersit, quemadmodum de Duce nostro Helia memoriae proditum est. Sponsa igitur, cum deprehendisset, se Sanctorum circumcantium debere vestigijs insistere, opportunè fatis attexuit, & circuibo ciuitatem, non externè, more illorum, qui urbē obsident, & eam circumeunt, sed intra ciuitatem sedulò excurram, hac & illac obambulabo.

Iabo. Certè hoc aptè Septuaginta notarunt,
qui significantius verterunt, Circuibo in ci-
uitate, hoc est, intra Ecclesiæ fines omnes an-
gulos circumiens, sponsum perquiram, ut per
hoc in hac sola ciuitate salus esse notetur.
Porrò ciuitas hæc, est Hierusalem noua cælo
delapsa, præsens, inquā, Ecclesia, quæ ad cha-
ritatis examen circumeunda est, donec spon-
sum peruestigemus; sicut terrestrem Hieru-
salem trium dierū periodo Maria & Ioseph
exerrantes perambularunt incredibili cordis
anxietate, donec illum in templo repererūt.
Sic igitur sponsa eloqui putanda est: Surgam
è voluptate, & tanquam à sponso derelicta,
laboribusque tradita, perambulabo Ecclesiā;
si fortè hac mea sedulitate, dum thalami fidē
seruo absens, nec circuitu fessa, nec anxietä-
te fracta, in amoris experimento crescam, &
effecta grandior sponsum queam inueni-
re. Quod autem mox apposuit, ad
candem rem declarandam
primum conduit.

Ait enim,

Per

Per vicos,& plateas quēram, quem
diligit anima mea.

*Homines arctam salutis viam ingressos vici
adumbratos, & eos, qui lata via gradiuntur, quos
plateæ notant, adibo, & utrosque penitus explo-
rans, ac quidquid boni in eis elucer, excerpens, ad
eum, quem diligit anima mea, contento itinere fe-
stinabo.*

MUltiplici periodo vrbē peruersura spon-
sa, vt sponsum in veræ charitatis exami-
ne queat demereri, periphrasi quadā, ad descri-
bendos in ciuitate circuitus satis idonea vti-
tur, cū nihil se prætermissurā in vrbe pollice-
tur, quod non obeat, atque percurrat. Sanè
vrbē in duas partes, vicos scilicet, ac plateas
aptè distribuit, quibus vrbis totius mensura
cōstat. Vici sunt angustæ viæ, ædificijs vtrin-
que septæ, plateæ verò, areæ sunt latiores ac
planiores, in quas populus cōfluit à labore fe-
riatus. His autem duabus partibus, duo Eccle-
siæ status exprimuntur: viciis angustioribus
ij adumbrantur, qui per arctam virtutis viā
vtrinque legis structura septi gradiuntur; pla-
teis verò ij, quibus latū placet iter, cuius exi-
tus est præceps. Circuire autem huiusmodi vi-
cos

eos ac plateas, arcanè nihil est aliud, quā vtrū
que hominum genus ijs symbolis expressum
explorare, crebroque mente adire, vt impres-
sa illis sponsi vestigia sponsa dignoscat, aude-
que sequatur, donec longum iter emensa,
post agonem valeat quē diligit inuenire. Ve-
rū mirabile videtur, sponsam frequentare pla-
teas. Etsi enim bene habeat, eam viros arctam
salutis viam carpentes, vicorum angustijs no-
tatos, imitari, ac austerioris vitæ rationē ini-
re, ad amoris experimentum; at certè non vi-
detur usque quaque cōsentaneum, hominum
licenter agentium eam mores addiscere. Hæc
verò admiratio procul arcebitur, si memine-
rimus (quod obseruatione deprehenditur) ple-
rosque, nō orthodoxos tantum, verū ethni-
cos etiam, tametsi lata via gradiantur, nonni-
hil præ se ferre, quod etiā studiosi debeant
æmulari, non enim natura extincta, sed vitia-
ta est, vnde vix inuenire queas hominē, in quo
nō boni quippiā eluceat. Sic homines Vene-
re demētatos, valde ad cōmiserationē propē-
tos; sic iracūdiæ addictos, orationis frequen-
tē gymnasia cernas. Est autem mos eorū, qui
synceros habent oculos, turpes aliorū actus
minimè internoscere, honestos verò quantū-
uis exiles attentius contéplari, vnde cæteros
omnes tanquam virtutis præceptores suspi-
ciūt, ac æmulantur, cùm id in eis tantum aspi-

ciant, quod æquum sit, & honestū. Et hoc modo plateas perambulare, ad perfectionis augmentum mirificè conductit. Rectè igitur spōsa non vicos modò, sed & plateas peruidit, ut quidquid honesti in alijs conspicit, sedulò ex cerpat, ac ita bonis actibus effecta locuple-tior, in prouectiore statu sponsum peruesti-get. Verùm quod apponit audiamus.

Quæsiui illum, & non inueni.

*Exercui me inquirens sponsum, per anxietates,
ac labores, non tamen voluit apparere, sed spem,
ad majora charitatis incrementa prorogauit.*

DIuinæ prouidentiæ harmonia est, spem plenumque in vleriora protelari, & ad fidem explorandam, & ad charitatem augen-dam. Euenire nimirum solet, animam sponsō gratissimam, dum illum quærit ardentius, nō innenire adeò confestim, quod ex Prophetaruum oraculis passim fit exploratum. Est autē animaduersione dignissimum, eosdem, qui de sponsi conqueruntur absentia, dum sedato interquiescunt animo, apertè fateri, id sibi esse utilissimum, & ad amorem Dei ob id acrius incendi. Sanè Regius vates amanter conque-rebatur, aiens: *Visquequò Domine obliuisceris me in finem, visquequò auertis faciem tuā
a me,*

à me,& alijs id genus querimonijs vtebatur.
Idem autem repulsæ huius à diuino amore
profectæ,ad vitæ correctionem vim exper-
tus,aiebat:Deus meus clamabo per diem , &
non exaudies,& nocte,& non ad insipientiā
mihi.Ac si planius ita dixisset. Tametsi dies
ac noctes precationi incumbam , & à te ve-
lut repulsus moerore conficiar , non est labor
inanis,non mihi insipientiæ vertendum est;
eo enim ipso,quòd me quasi deseris, me fidei
inconclusæ maiore laude cumulas.In hunc er-
go sensum interpretari oportet, quod sponsa
enunciat. Quæsiuī illum, & non inueni.Ideo
quippe non inuenit , quia utilius erat spem
prorogari,& firma in labore permansione,ad
felicius inueniendum per ardua procurrere.
Est autem sponsi mos , cùm quampiam cer-
nit sponsam prosperè procedere , obuios illi
nuncios,Ecclesiæ Doctores mittere , qui salu-
taribus monitis,& secretiore philosophia il-
lam erudierant , & ad optata præsentioris Dei
vota perducant,vt & propria nauitate,& Do-
ctorum ope,velis (vt aiunt) & remis na-
vigare possit . Propterea
subiungit.

N a Inue-

Inuenerunt me vigiles, qui custodiunt ciuitatem.

Cernens autem sponsus meam in quaerendo natiuitatem, obuios misit Doctores, qui Ecclesiam custodiunt, qui conquisitam inuenerunt, ac illuminarunt me.

VIgiles, qui custodiunt ciuitatē, ipsi sunt Ecclesiæ præsides, ac Doctores, qui ad tuendam gentem sibi creditam semper inuigilant. Quia verò excelsior est ipsorum status, id præstant in spiritali militia singuli, quod in externo bello pluribus committi solet. Cum enim vrbs aliqua obsidetur, quosdam cernimus è mœnibus, ac speculis hostium externos impetus explorantes, qui decreto ex loco sub capitis reatu non recedunt; quosdam verò intra urbem agentes, vias singulas obeūtes, hominum animos acuentes, & si qua excitatur seditio, pacates, ne intestino vrbs excindatur bello, dum cura in externos tota conuertitur. Hæc autem duo munia Doctoribus simul commissa sunt, ut & externos dæmonū, ac fidei hostium arceant incursus; & vrbis pacem, ac fœlicitatem intus alant. Quā obrem non uno in loco consistere, sed orthodoxorum cœtus frequenter inuisere, segnes

nes hortari, acres promouere, vniuersosque opportuna instruere debent armatura. Non domi pigritari, verum aliorum domos adire, & ad colendam pietatem acriter incitare, tametsi ex hoc animæ salutis auidæ, in exquicenda Doctorum vigilantia, nihilò segniores effici debeant. Rectè igitur sponsa, postquam festina surrexit, se dicit nauiter quæsiuisse, cui non temerè contigit ab excubitoribus inueniri. At illa tempus anteuertere curauit, & cum nosset Doctores, qui angelico ministerio mentes populi purgant, illuminat, & perficiunt, probè nosse viam, quà insponsum illa gradi deberet, sic interrogat.

Num quem diligit anima mea
vidistis?

Quos ego ubi conflexi, rogaui, an vidissent sponsum, & rectè considerasset, qui possem inuenire quem anima (non caro) diligit. Labores enim constans animus ex charitate tolerat, sed sensus horret, ac expauescit.

Non dubitat, sed more vulgato rogat, an viderint sponsum, hoc est, an rectè animaduenterint, ubi sit inueniendus, ideo quippe utitur eo verbo, vidistis, hoc est, exploratis, perspexistis cum, quem diligit anima

N 3 mea?

mea? Porro breuius dicere potuisset, Nū quē diligo vidistis? at in modo loquendi mira proditur energia. Enim uero anima, quæ pro principe ipsius parte hic usurpatur, sponsum dilit, cuius amore absentiam, ærumnas, ac repulas perfert, at caro hæc odit omnia, laguet, ac inceret cum ex imperio mentis ad labore impellitur. Nec mirum accidere debet, sponsam voluptate nunc orbatam, & laboribus traditam in amoris examine animam à carne secernere, quod & Paulus charitate prouectus de se ipso ingenuè fatebatur, aiens, se mente seruire legi Dei, carnè autem legi peccati. Sed nūc boni, ac fausti nūcij verba libremus.

Paululum cùm pertransisse eos,
inueni quem diligit anima mea.

Mox ut Doctorum iussis acceptis, ad opus ex obedientia commissum pertransij, breui ad spōsum perueni, ut optaram. Fœlicius cucurri, breui Doctorum educatione hausta, propter obedientiæ vim, quam longo tot laborum excursu sponsum proprio marte quærrens cucurreram.

DIuinum est oraculum, quotidiano experiento comprobatum, nullam esse viam rectio-

rectiorem, planiorem, ac breuiorem, ad sponsum peruestigandum, quām Ducum spiritatū, quibus ex diuino præcepto obtemperādum est, monitis parere. Hinc euenisce credimus, eos, qui obedientiam colunt, & eiūsmodi Ducibus se tradūt educandos, fœlicius crescere, ac citius ad charitatis proceritatē peruenire, quām alios austriorem vitam proprio arbitrio feligentes, ac se laboribus confientes. Propterea sponsa, quæ nunc asseritur Duces hos erudienda petiisse, cùm ante per ambages ac circuitus, vicos, ac plateas per errasset, laudabili quidem, at non adeò perfetta vitæ norma, plus breui Doctorum eruditione, ac obedientia, quām longo tot laborū excursu profecit. Quamobrem appositi satis, Paululūm cum pertransissem eos, inueni quem diligit anima mea. Quasi planius ita loqueretur. Sponsum proprio marte quæsierā, at parūm profeci; ex quo autem scholam Doctorum, quibus obaudiui, salutauī, mirum dīctu est, quām fœliciter creuerim; cum enim acceptis eorum præceptionibus pertransire, hoc est, cœptum iter persequerer, paulò post sponsum inueni. Hoc mihi vis præsttit obedientiæ, ac patrum educatio. Nunc autem quām arcte sponsum complexa fuerit, iucundissimè refect.

Tenui eum.

*Apprehendi illum inuentum, & velut eum ex
luctatura, illum fortiter tenui, ut Iacob olim fe-
cit. Ex quo forti complexu sensus emarcuit, ut se-
lo iam spiritu nitar, & vinam.*

A Deò, inquit, ante illum apprehendi, ac si
cum visceribus meis intimè essem inscul-
ptura. Certè, cum quis diù pulchrum quip-
piam concupiuit, ac spe protensa desiderium
excreuit, incredibili quodam præsens bonum
amplectitur affectu. Ut ergo verborum vim
perspectam habeamus, in ea, quæ dicta sunt,
oculos referre operæ pretium est. Satis autē
patere potest, sponsam diù caruisse sponsi af-
fatu ac præsentia, & longum iter confecisse.
Nunc vero ipsa loquendi forma notat, se, ubi
primum sponsum conspexit, postquam Do-
ctores paululū prætergressa est, in præsentē
insiluisse, ac velut manibus tenuisse, qui est lu-
ctorum mos, cum in palestra versantur. Te-
nuit ergo illa sponsum, cum ipso animosè lu-
ctatura, ac ut alter Iacob propè vadū Iaboch
cælestē benedictionem, pro lucta, relatura.
Et quia nouit, quid sponsus cū Iacob egerit,
cum tetigit neruum femoris, qui statim emar-
cuit, sperans sibi simile quippiam euenire pos-

sc.

se , tenet eum . Porrò sponsus se teneri gaudet , ac vinci , hoc est , exorari . Ex quo fit , vt clementissimus Deus , verè philanthropos , neruum femoris sponsæ tangat , qui extēplò marcescit , illaq; claudicat altero pede . Vulgatissimum est , femore sensum notari , carnisque libidinem , quæ in ea corporis parte vigeat . Vnde & generandi vis ipsa libidini semper admista , crebrò femore innuitur , ex quo illa scripturæ phrasis emanauit , Hæ , vel illæ sunt animæ de femore huius , vel illius egressæ . Neruum ergo femoris cum ipso luctantis , ipsumque tenentis sponsæ sponsus tangit , ac emarcescere facit , cum illius carnem edomat , motusque effrænes sedat , & loco excedere iubet . Ac ita sponsa , quæ antè geminis incedebat desiderijs , carnalia quidem sentiens , sed spiritualibus consentiens , nunc vno dumtaxat pede graditur , spiritualia complectens , altero carnis pede claudicare demum edocta . Iam verò ut perspicere possimus , quam arte sponsa sponsum tenuerit , Iacob ad vnguem æmulata , quæ sequuntur expendainus .

Ait enim illa .

Nec dimittam.

Affectu ardentissimo sponsum amplexa, luctabor cum illo (vt Jacob olim fecit) nec dimittam illum, nisi me largo benedictionis imbre perfuderit, hoc est, charitate cumulauerit.

IN prætacta Jacob historia , scriptura tradit, virum quendam luctantem cum Jacob ipso, precatum fuisse in hūc modum, Dimitte me, respondisse verò Jacob, non dimittam te, nisi benedixeris mihi. Hoc ergo idem arcane sponsa docet, sibi cum viro illo (qui proculdubio sponsus est) contigisse . Enim verò plerumq; accidit, animam diu à sponso repul fam, laboribusq; ferendis traditā, velut ē medio mari, fluctibus ad portū iactatā, ad optatissimū Deū audiissimè confugere, eūq; adeo fortiter apprehendere , vt nisi largo benedictionis imbre perfundatur, amorisq; accessibus ditetur ab eo, non deferueat spiritus incēdio. Sic igitur effari spōsa existimāda est. Diu sponsi carui cōmercio, hac & illac ipsum inuestigans: postquā verò à Doctoribus erudita illum comperi, cum eo cœpi luctari, vnde sensus emarcuit. At non continuò mihi satisfactum fuit. Non enim aliter , quam Jacob olim,

olim , post nerui etiam tactum , illum fortiter tenebo , nec dimittam , quo ad usque optatam benedictionem impertiat . Si verò curiosus inquiramus , quo usque sponsa decreuerit cum spōso pro benedictione luctari : Respondebit .

Donec introducam illum in domum matris meæ , & in cubiculum genitricis meæ .

Tenebo illum fortiter mihi ad strictum , nec recedere sinam , quousque ego , quæ illius vehiculum effecta sum , è corpore migrans introducam eum in me manentem , in aulam supernæ Hierusalem , quæ est mater nostra , & in sedem mihi in patria decretam , quæ est symbolicum cubiculum genitricis meæ prædictæ opera comparatum , ut ibi sponsa fruar .

Non diu illar ab spōso suauissimo , dū viuam . Sed illum arctissimè mihi adstrin gam , donec peracto vitæ huius ær um nosæ curriculo , vt ferculum quoddam veham illū , & introducam in aulam supernæ Hierusalem , quæ est mater nostra . Profectò vt arca ne dicamus , Deus tunc ab anima concipitur , cum

cum primū ea ad gratiam euocata, sponsum
gremio voluntatis excipit. Crescit autem in
anima sponsus per charitatis incrementa. De-
nique anima in cælum sublata, cum ferculum
Dei sit, inuehit illuc, ac introducit sponsum īā
statura procerum. Quousque igitur ē corpo-
ris liberata custodijs, migret in sanctam ciui-
tatem, quæ à Paulo dicta est mater nostra, se
inquit arctissimè sponsum amplexaturam, ut
sic plenissimam sortiatur benedictionem, qua
lis electis vniuersis, velut hæreditario iure
obuentura est, cum ex ore sponsi, verba illa
immensa voluptatis plena excipient: Veni-
te benedicti Patris mei. At quod adiungit
sponsa, dum ait, Et in cubiculum genitricis
meæ, eundem habet sensum, paulò tamen di-
stinctiorem. Notat enim, in ciuitate illa su-
perna, quæ Regis ac electorum aula est, esse
discreta cubicula, hoc est, sedes beatorum di-
scertas vnicuiq; assignatas. Et cū exanthlato
agone anima repetit aulam cælestem, suum
discretum est habitura cubiculum, quasi à ge-
nitrice, ad nuptias cum sponso celebrandas,
dedicatum. Profectò cum mater filiā nuptui
tradit, cubiculum mirificè exornatum, vbi cū
sponso iure fruatur coniugali, perquam sedu-
lo comparat. Quam sanè curam matri illi su-
perna erga filias, ad latissimum epithalamiū
in patria canendum, minimè deesse, sponsa
innuit

innuit per ea verba; Et in cubiculum genitricis meæ supernæ prouidentia , mihi , sponso in mea fede fruituræ , apparatus est . Sic ergo domus , & cubiculum arcanè accipi , consentaneum est.

Minimè autem fileri debet energia , quæ se prodit in verbis modò explanatis , Tenui eū , nec dimittam , donec introducam , &c. Hoc nimirum arctissimo , & constantissimo complexu , à sponsa se teneri vult humanissimus sponsus ; ut per hoc pateat , nobis ita esse nitendum , ad ipsius benedictionem faustissimā impetrandam , ac si ab eo esset extorquenda , non vltò impertienda . Quantò enim fortius enitimus , tantò erit largior benedictionis imber . Hic annotare oportet , ex hoc arctissimo sponsi complexu , in sponsæ animam incredibilem permanare voluptatem , quæ proinde illam ad se rapit , ac sensuum functione priuat . Quamobrem opportunè satis

hic attexitur sponsi consueta adiutorio , qua prohibet sponsam ,
vlo prætextu , à somno
saluberrimo ex-
citari .

S P O N-

S P O N S V S .

Adiuro vos, filiæ Hierusalem, per
capreas, ceruosque cæmporum;
ne suscitetis, neque euigilare
faciatis dilectam, do-
nec ipsa ve-
lit.

VErba hæc in secundo capite sunt expla-
nata, quamobrem non oportebit eorum
repetere interpretationem. Prætereundum
verò non videtur, hunc arcanum in ecclasi
complexum tātō esse illo primo suauorem,
donisque cælestibus pleniorem, quantò post
illam primam ecclasiam sponsa fœlicius cre-
uit, ac strenuius laborauit. Nūc verò Docto-
rum, qui sponsam erudierant, ac viam, qua
incederet, commōstrarant, chorum
in scenam à Salomone intro-
ductum audia-
mus.

D O-

D O C T O R E S .

Quæ est ista, quæ ascendit.

*Quænam est ista, quam strenua, quam fortis,
quæ cum descendere deberet, eò quòd ex Adæ terra
compacta est, originisque pondere per imam scelerum
præcipitem se dedit, nunc vi noua planeq; mira in
virtutis ardua conscendit?*

Mvtuò se rogam ipsos Ecclesiæ Doctores, admiratione quadam emphasis ac energiæ plena. Cum enim animarum educatores sponsam quampiam, deposita curarum fluxarum mole, imperio parentem, fœliciterque properantem conspicunt, quam corporis concretio non prægrauat, cursum vè retardat, ab admiratione sibi nequeunt temperare. Cursus autem celeritatem ascensus verbo notarunt, est enim cursus, non per plana, sed per ardua, & rigidia saxa, quæ nisi ascensi nequeunt superari. Ideo ergo mirantur, quia sponsa, quæ carne compacta est suopte ingenio graui, per arduum virtutis iter festina conscendit, quemadmodum iure nos miraremur, si prægrandem lapidem, non in imam ferri, sed in montium vertices noua vi moueri

moueri cerneremus. Sic igitur loqui Doctores putandi sunt. Quænam est ista, quæ ascēdit? Nonne ex Adæ genere, quod carnis peccatiq[ue] pondere in ima deprimitur, profecta est, ac proinde iacere deberet, quomodo ergo surgit? quomodo ascendit? Mirum est plane, sponsam terrena stirpe prognatam ascendere. At si loca, per quæ ascendit, oculis percurramus iuxta arcanæ geographiæ præceptio-nes, augebitur admiratio. Aiunt enim illi.

Per desertum.

*Vere mirandum accidit, eam natura ægram, nō per plana incedere, sed quod longè difficilius est, per extuberantia loca, non aliorum hominum bra-
chijs fultam: graditur enim per desertum mundi, in quo non est charitatis habitatio, vnde nemo illi ma-
num porrigit in hac solitudine, per quam pernici-
ter graditur.*

VIx homines ægri per plana queunt in-
cedere sine aliorum adminiculo. Nam si
locus extuberet, scalâve cōscēda sit, alienis
proculdubio sunt manibus fulciendi. Hæc
igitur noua est admirationis ratio, quam pe-
nitissimè conuenit explorare. Porro desertū
est locus hominum habitatione destitutus,
tametsi

tametsi plantæ , animantiaq; frequentissima ibi sint, cum quibus homo societatem habere non valet ob naturæ inferioris humilitatem. Vnde quātumuis homo inter leones, elephātosvè cicures versaretur in regione quapiam, semper ageret in deserto, si inutuo aliorū hominum cōmercio, habitatione eq; careret. Sic Theologi aiunt, si personæ diuinæ plures nō essent, Deū fore solū, vel solitariū, quasi dicas in deserto versantem, etiam si Angeli, animæ-que beatæ, cū ipso vitā fœlicem ducerēt æuo sempiterno. Non enim solitudo tollitur, per societatem extraneæ naturæ dignitate poste rioris. Nunc ergo maxime expendendū est, animas ad diuinam quandam dignitatem per gratiam & charitatem euectas, diuinæ naturæ fieri confortes; quam obrem cæteris humano tantum sensu viuentibus effectæ longè excel fiores, tametsi inter peccatores hanc externā mortalem vitam agant; verè tamen, si nouā, eamque diuinam vitam, qua donatae sunt, con templemur, societate carent, cūm rarissima sit, in hoc mundo charitatis societas, & hab itatio; quapropter eleganter sponsa dicitur, & in deserto agere, & cum arumnas in eo perfert, illiusq; asperitate vtitur, ad charitatis incrementa, & cordis ascensiones graphicè as feritur per desertum ascendere. Poterunt sa nè cæteri homines charitatis experres leo-

nes, elephantic nuncupari, in quibus agnoscitur exigua quedam humanæ excellentiæ, prudentiæq; similitudo, si cum sponsa conseruantur; at cum non attingant naturæ diuinæ confortium, quo illa cumulata est, societatē, ac habitationem cum ea habere non valent, ac proinde solitudinem, seu desertum de medio tollere minimè possunt. Iam igitur viarū asperitas, & frequens montium, cliorumq; inæqualitas superatu difficillima, ab ægra natura ex Adæ sanguine propagata, nō sine admiratione transcenditur. Hunc itaq; Doctores sponsæ ascensum demirantur, ac si luculentius in hunc modum interrogarēt. Quænam est ista, quæ, cum sit ex eodem efficta lato, quo tota posteritas Adæ compacta est, tā insigniter super cæteros caput effert; & cum sit ex origine sua imbecillis, & ægra non per plana incedit, sed per cliuosa, & surrecta loca consernit, per desertum, ubi non est, qui porrigit illi manum? Modum verò ascensus istius admirandi Doctores huic admirationi appingunt, quod ad rem totam illustrandam plurimum conducit,

Sicut

Sicut virgula fumi ex aromatibus
myrrhæ & thuris.

Persimilis effecta est sponsa virgulæ fumi , ex myrrhæ, thurisq; aromate igne adusto , exurgenti. Nam mortificationis amarulentæ myrrha, & orationis thus, traditum diuini amoris incendio , sursum fertur, & ut virga quædam directionis ignea charitatis motu in Deum intenditur.

TAbula quædam spiritu diuino, velut spōsi digito eleganter picta , nobis proponitur, in qua modum, quo sponsa in hac valle deserta ascensiones in corde suo disposuit, contueamur. In qua debemus mente concipere pastillum ex lachryma Myrrhæ , Thurisque confectum, in ignem iniectum, ac demum ignis vi resolutum, ac sub fumi tenuis imagine, in altum elatum. Ex hac nimirūm aspectabili rerum corporearum similitudine, arcanus ascensus est eruendus. Porrò vulgatissimū est, myrrhæ amaritudinem, eam, quam sancti patres dixerē mortificationem , thure vero, quo in sacrosancto sacrificiorum ritu vtriusque legis sacerdotes vñ sunt, mentis eleuationem, quam patres orationem appellauere, notari. Planè verò perspicimus , has duas egre-

gias spōsæ virtutes id præstare, vt altera quā si auferat natuā grauitatem generis terreni; altera verò leuitatē ingerat, qua sursum anima vehatur. Enim verò mortificatio senſuū, qui mentem prægrauat, edomat, carnisq; pondus procul arcet; Oratio verò, cuius ingenij est ferri sursum, addit quā Philosophi appellant leuitatem, qua mens hiat in superna. Cenimus igitur, quām appositè ambo hæc aromata Doctores cōmemorarint, cū de ascensiō sponsæ in admirationem rapiuntur. At profecto magis arcanum est, quod aiunt, ex vtroq; aromate exilem fumum virgæ figuram referentem excitari debere, vt omnino constet pulchra hæc similitudo. Nisi autē aroma injiciatur in ignem, suscitari fumus nequit. Ignis verò diuinæ charitatis, suapte natura flagrantis, apertissimum symbolū existit. Innuunt ergo Doctores, vtramq; illam sponsæ virtutem, aromatibus illis adumbratam, et si ad ascensum mentis opportunam, non tamē ea vi præditam esse, vt tam fœlix hic sponsæ ascensus ei tribui deberet, nisi in charitatis ignem injiceretur. Ex hoc enim planè fit, vt ceteræ virtutes, quæ in excelsum charitatis finem ex sola sua nobilitate non possunt efferri, si illi permisceantur, & ab ea in suum finem dirigantur, quandam quasi leuitatem cōtrahant, quæ valeant charitatis motu cieri, igneāq; naturā imitari.

imitari. Sic igitur, cum mortificationis, orationis virtus, seu quæcunque alia à charitate in suum finem dirigitur, virgula quædam directionis sursum intenditur, quæ arcani sacrificij fumus est odoratissimus. Vbi apprimè animaduertendum est, aromata illa colliquefieri, ac resoluti, & in tenuiorem fumi evaporationem ab igne conuerti. Quia videlicet, ipsa mortificatio, ac oratio, si ex mortali tantum honestate perpendatur, crassum quiddam est, nec in cælos intimos penetrare valet, nisi charitatis igne liquefiat, & extenuetur, & quandam velut subtilitatis dotem adipiscatur, quæ in Dei pectus insinuet. Verum mysterio minimè vacat, quod de pulueribus pigmentarij subdit, sub symbolo pulueris vniuersi virtutes vniuersas eleganter innuens. Quod enim aromatibus, quæ conficit pigmentarius virtutes exprimantur, ex aromatum odore, ac pretio patere potest; at quid sibi vult aromatibus in puluerem tritis comparari virtutes? Profectò plurima in verbis inest energia, cum ait.

O 3 Et

Et vniuersi pulueris pigmentarij.

Non est sponsa similis virgæ ex aromatibus integris, sed ex contritis, ac in puluerem redactis excitatae. Deus enim peritissimus pigmentarius, eam ad experimentum amoris cædit, & virtutes examinis malleo conterit, quæ dum attritæ ab igne charitatis corripiuntur, & suauius olent, & restituunt in Deū instar virgæ fumi feruntur, penetrat enim eas tritus ignis facilius, ac in subtiliorem quandam naturam conuertit.

Sanè odorati pastilli priusquam acerris, seu thuribulis injiciantur, solent conteri, ac ita in puluerem redacti prunis insperguntur, vnde citius excitatur fumus, ocyusq; percipiatur suavis ille odor, qui non tam facile expistillo integro suscitaretur, ob morā, quā ignis traheret in eo absumento. Hoc igitur modo Deus sapientissimus, tanquam peritissimus pigmentarius, sponsam cædit, ærūnifq; quodammodo conterit, ut ita virtutes illius examinatae, & velut in puluerem redactæ, amoris prunis aspersæ, in cordis ara fument, ac recto illo amoris adscensu raptæ (quæ arcana fumi virga est) in puriorē, cœloq; similiore natura conuerſæ, ad Dei olfactum perferantur. Pluribus

ribus ex capitibus sponsam cōmendauit Do-
ctorum chorus, allatis myrrhæ, thurisq; meta-
phoris; at hoc pulueris hieroglyphicum, om-
nium laus potissima est; qua perspicuè decla-
ratur, nec virtutes quidem ipsas Deo immo-
lari posse perfecto illo sacrificij ritu, quod ho-
locaustum appellamus, nisi examine conterā-
tur, ac ità demūm igni amoris absumēdæ tra-
dantur. Porrò cum vitulus, seu quoduis aliud
animal sacrificabatur olim, cædebatur pri-
mūm, mox verò cæsa animalis frusta igni tra-
debantur amburenda; sic virtutes interno sa-
crificio immolandæ, exterendæ, ac velut in
frusta cædendæ primūm sunt ex amoris im-
perio, deinde amoris ipsius flammis exuren-
dæ, ac in Deum, qui amoris est scopus, rectā
dirigendæ sunt; quo quidem sacrificandi ritu,
virtutes ipsæ, suprà naturam propriā, in Deū
efferuntur, & in Deum intentam charitatis
virgam impresso amoris motu æmulantur.
Nunc autem audire delectat nouam quan-
dam similitudinem, ad egregiam spon-
sæ progressionem exprimendam
opportunissimam. Sic
quippè Doctores
effantur.

En lectulum Salomonis sexaginta fortis ambiunt.

Sponsa lectus est Salomonis nostri pacifici, qui in corde sponsæ, velut in molli lecto conquiescit. Ille quippe locus abditissimus est, ab omni perturbatione semotus, qui ad quietem instar lecti videatur destinatus. Ne autem tranquillitas ea laedatur ab hoste, senarium Custodum numerum sponsus illi lecto præfecit decies repetitum, decade perfectionem, scenario vero laborem custodum delineans.

QUAM fumi virgulam nuncuparant, nūc lectulum Salomonis. Doctores appellat, in quo plura sunt arcana nō oscitantur præterea ūda. Notū est, Salomonē & ex regia dignitate, sacraque vñctione, & ex cumulatiſima sapientia, & ex ipso nominis interpretamento sponsum significare, qui pacis author extitit. Etsi vero Rex hic immortalis requie nō egeat, ob humanissimā tamē in nos propensionē, corda hominum, velut ostia pulsat, in quæ cupid introire, ibique velut in lecto molli conquiescere. Nonnulli autem pulsantem ipsum spē procrastinantes eludunt. Alij ostia referant, vix tamē alterum pedem inferre sinnunt. Alij vltérius admitiunt, sed inurbanè agunt,

agunt, nec lectum sternunt, ipsumq; stare co-
gunt, tamquam citò recessurum. Alij verò vr-
banitatem edocti, admisum colunt, cordisq;
lectum studiose comparant in penitissimo re-
cessu, ab omni auxietate lögē semoto, in quo
sponsus ab alijs repulsus, tanquam fessus de
via quiescit. Locus hic augustinus est, in
quem solus Salomon noster ingreditur; recte
que Salomonis, hoc est pacifici lectus appelle-
latur. Est enim ibi pax iucundissima, motibus
aduersis immunis, qua nihil tranquillus inter
mortales possit esse. Ut verò pax hæc diutur
na esse queat, id agit sponsus, quod urbium pa-
ce gaudetum principes factitare solent. Præ-
ficiunt mœnibus exploratores, portisque cu-
stodes pacis cupidissimos, & ad arcendos ho-
stium pacem rescindere satagentium impetus
instructissimos. In hūc enim modum sponsus
angelorum, Doctorumque præsidio ipsa
cor sepsit, & pro foribus stare iussit, ne quis
motus ab hoste excitatus pacem obturbet, le-
ctumque commoueat, in quo cum sponsa ille
cubat. Hos autem lecti custodes, & sexaginta
esse Doctores aiunt, & fortis appellant. For-
tium verò nomenclaturam mox aperiemus;
sexagenarij numeri modo rationēm aucupe-
mur. Porro sexagenarius numerus, nihil est
aliud, quam senarius decies repetitus. Decadis
autem perfectio exploratissima est, cum eò

O 5 vique

vsque numeri procurrāt, & quasi apicē attin-
gentes, nec vltrā procedere valentes ad mo-
nadē inde descendant. Senarij verò numeri ra-
tio, ex rerū creatione deprompta, tēpus labo-
ris, nauitatisq; notat; sex quippe diebus spon-
sus mundum condidit, septima requieuit. Se-
xaginta igitur custodes custodiæ sui lectuli
Salomon noster dicitur præfecisse, quādo nu-
merū custodum perfectum decade notatum,
ad nauitatem & laborem sex dierum opere
significatum, accinxit, ac disciplina militari
erudiuit. Hoc ergò est agmen, quod excubat
ad sponsæ custodiam, cuius officium, quod la-
bore ac nauitate constat, partim Doctores
adumbrarunt sexagenarij numeri mysterio,
partim modò notant, sic aientes.

Exfortissimis Israel.

*Fortes hi, qui præ fortitudine pericula non for-
midant, non ex quocumque peruio agmine, sed ex
fortissimis Jacob, qui pro fortitudine dictus est
Israel, æmulatoribus ac sectatoribus selecti sunt;
tales enim oportet esse lecti Salomonis custodes.*

Satis profectò videri posset, excubitores
fortes appellasse, ne oportuisset addere
ex fortissimis Israel. Fortes quippè sunt, qui
peri-

pericula, cum expedit, non timent, sed experientur, & honesti causa morte oppetut, quae vera est proprietas Doctorum sponsam ex spacio si precepto tuentiū. At sanè hoc ipsum fortitudinis ingenium expressius pingitur, cū Doctores addunt, ex fortissimis Israel. Est enim Israel nomen propriū fortissimi illius athletæ, qui manum cum viro illo iuxta amnem conseruit, ac præualuit, & præfigio oraculum accepit, fore, ut contra homines præualeret, quia contra Deum fortis fuerat. Vbi nomen Israel, deposita Iacob nomenclatione, recepit, ad fortitudinis significationē luctuētissimam. Sic enim dixit ille vir. Nequam Iacob appellabitur nomen tuum, sed Israel, (& causam attexuit) quoniam si cōtra Deum fortis fuisti, quanto magis contra homines præualebis? Qua in re mirum accidit, cur Deus illi iubeat deponere nomen Iacob, quod supplantatorem, ac perinde robore, ac fortitudine præditum significat, & nomen Israel accipere, quod Deum cernentem notat, si ostensam in lucta fortitudinem tanquam causam nominis adducit. Profectò Iacob, quam Israel aptius nomen videtur, ad neruos, & ad fortitudinem propalandom. Abstrusa est hæc philosophia, quā sponso auspice conemur explorare. Profectò robur hoc corporeis nervis innixū, & ad mūdi præfectu-

fecturam, qua Esau prælatus est Iacob , spe-
ctans, egregiè signabatur supplantatoris no-
mine, quod probè animaduertit Esau ipse, cū
de primogenitura conquerebatur erepta. At
vis illa diuina, & cælestis fortitudo , qua quis
cum Deo certat, & nunquam quiescit , quo-
adusque illum flectit , & quasi auersum con-
uertit, & , vt se clariùs manifestet , oratione
peruincit, illa inquam fortitudo , luculentius
Israel, quam Iacob appellatione notatur. Est
enim cognomentum à victoria petitum, quē
admodum Imperatorem quempiam , puta
Iustinianum, Germanicum, Gothicumve di-
cimus, ad triumphum ex ijs gentibus repor-
tatum innuendum. Quibus tamen cognomen
tis, non robur, non industria literatè significa-
tur; at ex vniuersorum hominum sensu, ijs ap-
pellationibus auditis , victoriæ fortitudine
partæ succurrit imago. Sic prorsus , cū Israel
audimus, non robur, non neruos audimus, sed
victoram de Deo reportatam , diuina quadā
fortitudine partam intelligimus. Propter hāc
ergo eximiam fortitudinem , & cognomenti
notam constitutus est à Deo Iacob, dictus Is-
rael, caput & dux virorum omnium fortis-
simorum, qui illius fortitudinē æmulati sunt,
sicut Abraham pater credentium nuncupat-
us est. Ex quo fit , vt fortissimi Israelis sint
cius posteri, ac in fortitudine imitatores , ex
quo

quorum selectissimo numero esse debent iij, quibus sponsæ cura credita est; ut qui iā Deū ad sua vota flexerint, & pia lucta, vt secum familiariū agat, clariusque affulgeat obtinuerint, tutò aliorum curam gerere, & custodes esse possint. Porrò fortissimos Israeliſ ea phrasī nuncupamus, qua milites huius, aut illius ducis dictitare solemus. Sapienter igitur Doctorum chorus diuinam in spōsum protectionē explicuit, cum eā à pugnatoribus, non triuialibus, non vulgari fortitudine munitis, sed cū emphasi, à fortissimis Israeļ dixit ambiri. Hucusque vero, & numerū, & fortitudinē pugnatorū expressit, nūc, quo vtantur armorum genere, pergit explicare.

Omnes tenentes gladios.

Habent arma, non lanceas, aliasue machinas ad sectionē parum opportunas, sed gladios ancipites, quae sunt munimenta, & sermonis Dei symbola, qui velut gladius anceps penetrat, & pertingit usque ad diuisionem animæ, ac spiritus. Hoc quippe gladio partem animæ, quæ spiritus appellatur, ab ea, que dicitur anima, exsecant, & dividunt lecti custodes, & quia bellum semper urget, non vaginis inclusos, sed districtos manibus gladios tenet, quasi ad hostem inuadendum.

Non tradidit eis spōsus custodiæ præfetus lanceas, quas euibrarent, aut bellicas

cas machinas , quas intorquerent , nec de-
nique aliud quodpiam armorum genus , ad
cædendum , ac excædandum minus idoneum ,
sed gladios exæctos , & hos non vaginis in-
cluios , sed exemptos , manibus apprehensos ,
& ad cædem admotos . Profectò , cum symbo
licè hic agatur , spiritales gladios interpretari
oportet , quos tenent custodes . Gladium verò
spiritus esse verbū Dei scriptura prodit . Ver-
bum autem Dei , sermo Dei est , quem Paulus
tradit (licet cum excessu , comparatione tamē
vtens) esse penetrabiliorē omni gladio anci-
piti , vsq; ad diuisionem animæ ac spiritus per-
tingentem . Eadem sanè res , anima & spiritus ,
at functione discreta . Quà enim corpus mo-
uet , ac fouet , anima dicitur , quà verò superna
concipit , spiritus appellatur . Fit autem mira
verbi Dei energia , & acumine , vt anima fun-
ctionis animalis velut oblita , soli superno in-
fluxui tota pateat , vi verbi diuini , & tunc
elegantissimè dicitur spiritus ab anima diu-
di . Hunc ergo gladium , spiritū ab anima suo
acumine secantem , ac diuidentem vnuſquisq;
custodum sponsam propugnantium verfare
debet , vt omnes animæ , quà corpori affinis ,
& amica est , motus excidat , nec in lectum cor-
dis irrepere , quietemque perturbare patia-
tur . Si enim primos eius generis motus ani-
mæ educator quantocyus execuerit , docens

effix-

effrænem domare sensum, pacem illam internam illius descripti lectuli, in qua factus est sponsi locus, diutissimè conseruabit. Quia verò motus immoderati, sine inducijs, in lectulum conantur irruimpere, & cor sponsæ commouere, oportuit omnino custodes lectuli, districtum semperensem tenere, atque versare. Hic enim est habitus militum, non cum gradu composito incedunt armati, non cum castrametantur, non cum in statione persistunt, verùm cum tympano insonante, hominem inuadūt. In hunc ergo morem educatores animæ sermone Dei continentur, ut debent, hostes pacis sponsæ præcurrentes, ac inuidentes, ut diuini verbi efficacitate sensum cædant, nec rebellare finant, quoad fieri poterit. At insigni disciplinæ militaris peritia, ad hoc opus, quo spiritus diuiditur ab anima, opus est: propterea sponsa fœliciter gradiens non quibuscumque belli gestoribus, sed consultissimis, sed exprimento prouectissimis tradenda est. Propterea satis appositè Doctores addunt.

(. ? .)

Et

Et ad bella doctissimi.

Criberrima concertatione in scholis fiunt homines doctissimi, longo temporis excursu, non enim temporis longitudo tantum, sed pugna necessaria est. Sic leti custodes, longo tempore, frequentique conflictu cum hoste, ad bella euasere doctissimi, tales enim animæ decet esse Doctores.

IN bene constitutis vrbibus, non modo vbi bellum impendet, verum etiam vbi togati ciues incedunt, belli simulacra exerceri debent, quo, cum hostis irruperit, arcei, & ciuium animi fortitudine, ac constantia ex ijs progymnasmatis concepta erigi possint. Sicut cecinit Poeta. Ante urbem pueri, & primæuo flore iuuentus Exercentur equis; dormitantq; in puluere currus, Aut acres tendunt arcus; aut lenta lacertis Spicula contorquent, cursuque, iectuque laceſſunt.

Hoc planè modo, in vrbe Hierosolymita-
na, Ecclesia videlicet, ab imperatore militiæ
consultissimo condita, iuniores animæ educā-
tur in palæstra, & cum sæuissimo humani ge-
neris hoste colluctari debent, & incredibili
nauitate, ac strenuitate egent, propter hostis
calliditatem, ac impetum. Quia verò pruden-
tia

tia militaris exiguo tempore parari nequit, sed acceptis, & illatis vltro, citroq; vulneribus experimento diuturno ediscitur, ætate iā prouectos, ac veterans pugnatores oportet esse, qui doctissimorum laudem promerentur. Et ex horum numero selecti sunt ij, quibus sponsæ cura credita est. In quorum agmine minimè recenseri debent, qui doctissimi euadere conati sunt, non tamen ad bellum, & conflictum, sed ad iactantiam, & ignauiam. Pergamus tamen, & quod apponitur auditu iucundissimum expendamus.

Vniuscuiusque ensis super femur
suum, propter timores
nocturnos.

Ne dæmones carnis voluptatem suggestentes, ob mentis, quam inducunt, cæcitatem, appellati nocturni, custodes prælio capiant, armati sunt ita, ut unusquisque ensim districtionis super femur habeat, non ad ornatum, sed ad incisionem Veneris fe more notatae.

Mirabile videtur, postquam assertum est, fortis illos tenere gladios, describi eos modò ensim super femur habentes. Quorum enim duo gladij? Et tametsi duos gla-

P. dios

dios adinittamus (nec enim vnuis in hostem
& sponsæ tuitionem intendi simul, & femori
hærere posse videtur) at qua poterit manu
versari : vna enim dumtaxat dextra gladio
apta est. Verum hic mira latet rerum cōcina-
nitas, quam è verbis eruere nitamur. Et pri-
mū impensè animaduertendum est, ensem
in femore pictum, non appensum gestari, va-
gina conditum, quemadmodum fieri conspi-
cimus, cù m non pugnatur, sed exemptū ma-
nu teneri, ac admoueri ad femur cädendum,
hoc enim innuit ensis super femur . Per hoc
autem, quòd duos simul gladios ad cädendū
versant custodes lectuli , ambidextri planè
pinguntur, quales decet esse animæ educato-
res. Oportet quippe ea illos dexteritate pol-
lere, qua olim habitatores Gabaa , qui (vt ait
facer textus) erant septingenti viri fortissi-
mi, ita sinistra, vt dextra præliantes: & sic fun-
dis lapides ad certum iacentes , vt capillum
quoque possent percutere , & nequaquam in
alteram partem iectus lapidis deferretur . Sic
nimirūm educatores animæ ambidextri , ita
ad certum ensem vibrare debent, vt capillum
cognitionis vnius intersecet, & in eo, absque
vlo errore, ab eo, quod spiritale est, quidquid
est carnale recidant. Iam verò gladius hic fe-
mori admotus, arcanè significat propriam la-
sciuorum motuum exectionem : vulgatū est
quippe

quippe femore , Venerem (vt superius annotauimus) indicari . Huius autem effraues motus , ij , qui animam ceu Doctores illuminant , constantissimè debent excidere ; ne mens illis motibus obcæcata (propriū enim illorum est mentem obtenebrare) & sibi reproba , & alijs illustrandis , ac educandis redditatur inepta . Hoc autem planius fiet , si rationem , propter quam custodes sponsæ gladium femori intendant , expendamus : aiunt enim Doctores ; propter timores nocturnos . Profectò dæmones sensum , ad mentem obnubilandam , motibus turpissimis commouentes , quod secreta suggestione , ac obreptione fit , nocturni timores appellantur , quia cæcitatem nocte significatam inducunt . Tantumdem nimirūm significamus , cum timores nocturnos , ac cum dæmones nocturnos dicimus . Porrò sicut dæmones gloriam vanam fuggerentes , quia in lucem homines impellunt , meridiani nuncupantur , ita qui turpitudinem obscœnam suggerunt , quia in noctem , hoc est , cæcitatem mentis homines mergunt , nocturni dicuntur . Propter hos ergo prædicatores , ac educatores animarū , iugi quadam sectione debent femur incidere , ne , dum alijs prædicant , ipsi reprobi fiant , sicut scriptum est : Castigo corpus meum , & in seruitutem redigo , ne forte

cum alijs prædicauerim , ipse reprobus efficiar. Iucunda quidem fuit lectuli , custodiæq; descriptio; at quæ sequitur ferculi Salomonis structura, & elegantissima, & iucundissima est.

Ferculum fecit sibi Rex Salomon.

Sponsus Salomō verus , ita sponsam architectus est, ut eam, suum ferculum , seu lecticam fecerit, qua vehitur ad amoris opera exercenda . Fecit autem illam lecticam ipse, qui faber est , opus enim Rege dignum erat, nec alteri committendum.

VIdetur humanissimus spōsus, qui figura-
tē hic Salomon appellatur, nihil interea
aliud cogitare, quam sponsæ ornatum, & glo-
riam. In sponsa equitat , in ea cubat, illa vehi-
tur, quod ex allatis equi, lecti, ferculique me-
thaphoris clarè perspicitur . Cuius certè rei
Doctores non ignari , velut hieroglyphicis
notis sponsæ dignitatem , quam sub lecti simi-
litudine commendarant , sub ferculi symbo-
lo laudare pergunт. Ferculum verò hoc loco,
lecticam, vel gestatoriam sellam , qua nobiles
paßim vehi solent, oportet intelligere . Quæ
fatis accommodatè Regi nostro tribuitur. Si
cut enim gestatoriæ sellæ, vel lecticæ, quibus

Prin-

Principes gestantur, serico obtectæ, auratis fibulis, clavisque splendentes, dolaris lignis in columnarum effigiem fabrefactis, argentatisque constructæ, medium sedem bombycino obductam, ubi, qui vehitur, conquiescit, in quam gradu ferè uno vel etiam duplo, condescenditur, habentes, ad Regiæ maiestatis apparatum sunt opportunissimæ, ita & animæ spōso coniugali foedere sociatae, quibus pulchre quadrat arcana structuræ ferculi significatio, (quemadmodū de spōsa mox liquebit) si virtutum spectetur concinnitas & structura, ad sponsi regium apparatum, quo ille libentissime vtitur, maximè pertinere videntur. Nunc verò, quod ex verbis elici debet, minimè alienum erit. Sponsa nimirum ferculum appellatur, à ferendo translatum nomen sortita. Gestat enim sponsum, quem mente concepit, & huc, atque illuc vehit, quando ex eius imperio distinctas obit functiones, & ad varia diuinæ charitatis opera procedit, ad quæ cum sponsus ipse arcana illa sponsæ lectica vectus procedat, sponsam ad opus permouens, quin & ipsa opera exequens, facile perspicitur, quā eleganter spōsæ congruat ferculi appellatio. Potest & ad rem hanc accommodatius fercū lūhic intelligi, quod Hispanis custodia, Italī tabernaculum est, quo in supplicationibus Eucharistia gestatur, quod expolito ope

re, columnis quatuor, argēto, vel auro ductis,
mediaq; velut sede, ybi spōsus ipse sub Eucha-
ristico pane latēs reponitur, ac fertur, & ascē-
su, qui est ea pars tota, qua colūnæ nituntur,
quā vulgō pedem, rectius basim appellamus,
constare solet; cuius descriptio quā cōcinnē
sponsæ consentiat, ex dicendis nōx patebit.
Opus autem est huius ferculi figurā, & stru-
cturā memoria retinere, non materiā, quæ in
Salomonis nostri symbolico ferculo varia
est, & magis arcana, quā quæ vulgō cernit
in sacrarijs. Quod autē Rex ipse Salomō fer-
culū fecisse asseratur, nouū hominibus acci-
dere certum est. Nec enim Reges fabrile ar-
tem exercent Regia maiestate indignam, ob
materiæ ac instrumentorum humilitatē. Pi-
cturæ interdū deditos Reges conspicimus, &
alias id genus artes non vīque adeò illibera-
les exercere animi gratia, videmus. Sed dola-
bra, scalprum, & tabularum commissio, ac læ-
uigatio, non videntur Regias decere manus.
At fabrile opus internum, siue materiē (quæ
virtus est) contempleinur, siue instrumenta,
quibus opus construitur, quæ sponsi humana
natura, & sacramēta, & id genus alia sunt, ex-
pendamus, & animi celsitudinem, & sapien-
tiam, & manus Regis immortalis decet, ut
meritō dicatur ipsemē fecisse ferculum, non
cominiſſe faciendum. Quod ipse alta mente
cogi-

cogitasse videtur , quando & faber , & filius fabri esse , dum inter mortales ageret , dignatus est . Iam autem ferculi structuram contemplemur , atque materiam .

De lignis Libani .

Structura ferculi , seu lectica , ex virtutibus cedro similibus , in monte Libano excelso , qui Christus ipse est , crescentibus , effecta est .

Cedri sunt Libani ligna , quæ ex eo móte cedebantur olim , ad omne opus , ob firmitatem , odorem , proceritatem , & incorruptionem laudatissima . Quibus proinde virtutum firmitas , qua domus animæ fulcitur , odor Christi , quem exhalant , altitudo , qua mundo eminent , incorruptio , qua vitiorum contagia expuunt , satis germane notantur . Hæc sunt ligna , quæ Regis manus , & sapiētiam decent , si decor , & honestas eorum expendatur ; multoq; magis Rege digna apparebunt , si illorum inspiciatur origo . Nascuntur quippe ex Libano , monte excelsø , selectarū arborum feracissimo , qui typus sponsi est , ex quo omnis vera synceraq; virtus ducit originem , ob quam virtus ipsa nobilior fit , quam ob internam suam honestatem . Animaduer-

tendum est hoc loco, sub symbolo lignorum Libani, cœtum virtutum omnium vniuersim adumbratum esse. Nunc verò, ex parata virtutum sylua è Libano cæsa, potiora quædam feliguntur ad opus, quæ ad discrimen innendum, distincta argenti, & auri translatione significantur. Propterea Doctores addunt.

Columnas eius fecit argenteas.

Quatuor columnas argenteas i.e. hoc ferculo spōsus erexit, hoc est, quatuor Cardinales virtutes, argento dignitate similes, secundam post aurum dignitatem habentes.

Concipienda nobis hic est ferculi structura, quæ lignis Libani, quatuor columnis argenteis, reclinatorio aureo, ascensuq;, seu scala purpurea constat. De lignis Libani proxime dictum est, nunc verò columnarum elegantia perpendi debet. Porrò seu lecticæ, seu ferculi, quo gestatur Eucharistia, figuram describamus, quatuor ligna expolita, quibus quatuor latera finiuntur, quatuorque existūt anguli surriguntur, quæ in ferculo peruia sunt, quatuor in lateribus portas efficiencia, ne quid oculis obstatre possit. Petita hinc translatione, in hoc arcano sponsæ ferculo,

culo, quatuor sponsus columnas argenteas erexit, mirificeque cælavit, hoc est, quatuor Cardinales virtutes, quibus & rectitudo, & lauor columnarum, & argenti splendor, ac inter metalla dignitas conuenit quam aptissime. Profectò sicut argentum secundam, auroque proximam in metallis sortitur nobilitatem; sic Cardinales virtutes, cum cæteris moralibus, velut inferioribus, Theologicisq; ut supremis præsertimq; cū charitatis auro collatæ, medium ac proinde proximum auro locum sortiri cernuntur. Quæ sanè nobilitas, et si quatuor his virtutibus acquisitis apprimè conueniat, conuenit tamen potissimum alijs quatuor, quæ licet eisdem nuncupentur nominibus, sunt tamen infusæ, à diuinæ gratiæ comitatu nunquam recedentes, quibus & rectitudo columnarum, & argenti candor ger manior est. Cæteræ ferculi partes ex cedris

Libani extructæ sunt: columnas, ut nobiliores, decuit esse argenteas; subsellium autem inter columnas fabrefactum quale sit audiamus

Reclinatorium aurcum.

Sella ferculi aurea est, in qua sponsus sedet, quæ est diuina charitas, sponsum ceu gremio excipiens, & amplectens.

SVb sellium illud, in quo sedet, qui vehitur ferculo, reclinatoriū hic appellatur, quod aureum asseritur esse. Aureo verò subsellio charitas exprimitur. Constat enim aurū Regiae maiestatis præferre symbolum. Charitas autem regina virtutum est. Subsellio verò, qui locus quietis est, ipsiusmet charitatis gremium recte intelligitur, quo excipitur Regia sponsi maiestas, ut vehatur simul & quietificat. Profectò, et si columnæ ferculi essent argenteæ, inter eas sponsus minimè conquiesceret, nisi reclinatorium, subsellium rive esset aureum, quæ propria Regis sedes est. Porrò tametsi virtutes morales, quarum principes Cardinales appellantur, naturali sua honestate spōlo placeant, ille tamen diuinus in animā illapsus, quo in suam quasi sedē sponsus penetrat, neutiquā fieret, nisi charitatis reclinatorium intus esset, in quo ille conquiesceret. Hunc verò thronū planè Regiū, in quo excelsa sponsi maiestas sedet, qua ratione ille sibi compararit, modò patebit,

Ascen-

Ascensum purpureum.

In hoc ferculum, quæ sponsa sua est, per passionis, ac liuoris scalam consensu difficilem sponsus ascendit, ac proinde per purpureum ascensum, sine quo tamen ascendere potuerat.

Potuisse sponsus sapientissimus ferculum hoc sibi sine sanguinis effusione cōstruere, quis enim hoc ignorat? Verum charitatis suæ diuitias nō ita manifestasset, si absq; cruce id præstitusset. Tunc ergo ascensum in spōsam exstruxit, quando per cruciatus, ac mortem acerbissimā, tāquam per quosdam scalæ purpuratae consensu difficilis gradus, hāc in anima sedē nouo iure quæsiuit. Etenim ascensus ipse præ se fert laborem, non ita incessus per plānitiam; si autem labor cum sanguinis profusione toleratur, pulchra translatione, ascensus purpureus intelligitur.

Totius descriptæ ferculi structuræ, imago quædam fuit tabernaculi foederis apparatus, quem Moysi præscripsit Deus. Sic enim, pro ferculo, ex Hebræo papilionē quidā vertūt. Papilio verò tentoriū est, quale fuit tabernaculum, quod conniuēte Deo tēdebatur in deserto. Hoc verò tabernaculum lignis Libani impu-

imputribilibus instar peristylij defixis para-
batur, vbi castra consisteant. Intra taberna-
colum verò quatuor erant columnæ, quarum
erant bases argenteæ. Ex his velum pende-
bat, quo Sanctum discriminabatur à Sancto-
sanctorum, quod ascensus dicitur, quia per co-
lumnas sursum tendebatur. Reclinatorium
Dei, in quo sedebat, & reddebat oracula, erat
propitiatorium, hoc est, tabula illa ex auro
purissimo ducta, qua testamenti arca tegeba-
tur, è cuius lateribus duo Cherubim exurge-
bant, alis vltrò citroque porrectis, ita ut spe-
ciem quandam subsellij exhiberent, in quo
Deus sedens, in tabula aurea velut pedes re-
ponebat. Ex quo patere potest, quod est vlti-
mum, ac supremum ferculi nostri ornamen-
tum. Cum dicitur.

Media charitate constrauit.

*Media, seu medium ferculi locum, quod est re-
clinatorium, seipso, qui charitas est, ibi sedente exor-
nauit.*

PRiusquam ferculū, Ieūticamve princeps
quispiam descendat, apparata omnia, &
ornata esse decet, ac tunc princeps ascendit,
qui est potissimus ferculi ornatus. **Quamob-**
rem

rem sic accipienda sunt, quæ dicuntur. Media charitate cōstrauit, hoc est, interiora ferculi, vel medium locum ferculi, reclinatorium nēpe, charitate constrauit, hoc est, seipso, qui charitas est, exornauit, quando in eo confedit. Quod quām sit rationi, & diuinæ harmoniæ consētaneum, vel ex eo patēre potest (quod, et si de Ecclesia Ioannes enunciarit, de anima tamen iusta concinnè satis intelligitur.) Vidi Hierusalem nouam descendenter de cælo, à Deo paratā, sicut sponsam ornatam viro suo. Sponsus quippe nobilissimum, ac supremum sponsæ ornamentum est. Quia verò hunc elegantissimum ornatum celari nefas est, debet enim ut caput corpori eminere, (caput enim mulieris vir) ideo ad æmulationem in alijs sponsi studiosis acuendam, ferculū sine operculo depingitur. Hāc nimis habent emphasis in verba sequentia,

Propter filias Hierusalem.

Sedit ibi conspicuus sine operculo, propter animas sponsam æmulantes Ecclesiæ filias, ut ibi conspectus, ad similem dignitatem illas incitare posset.

A Nimis spōsæ perfectionem æmulantes, cum animaduertunt ei spōsum præsentis-

tissimum esse, illiq; velut caput corpori præsidere, diuinisq; motibus eam ciere, illius studiū, ac nauitatem curant imitari; ac propterea in hoc arcano ferculo, sine operculo colūnis innixo pingitur, ut cerni possit. Sedet ergo conspicuus in sponsæ reclinatorio, propter amulantes animas, quæ sunt Ecclesiæ filiæ. Quod cum Doctores cælesti lumine perfusi rectè norint, ad ferculum Regemq; sedentē, per urbem Ecclesiæ vectum contuendum filias exhortantur.

Egredimini & videte filiæ Sion
Regem Salomonem in diademate,
quo coronauit
illum mater
sua.

Ocys ex sensuum clauistro exite, & illustriorem visum nocte filiæ Ecclesiæ contemplationi va-
cantes cernite sponsum Salomonem verum, coro-
natum regio diademate charitatis sponsæ, qua ma-
ter etiam ipsius est.

DOCTORUM munus est, cum animam quā-
piam velis remisque nauigantem con-
spexerint, alias non ita strenuas, hoc propo-
rito

sito paradigmate , ad vltiorem nauitateim
incendere. Quapropter , perspecto hoc ef-
ficacissimo sponsæ exemplo , cæteras hor-
tantur in hunc modum. Egressimini,hoc est,
ex carcere sensus,quo mens obcæcatur, Exi-
te filiæ Sion,hoc est,animæ contemplationis
audæ. Exire opus est ad sublime hoc spe-
ctrum cernendum , quemadmodum ad pu-
blica spectacula, ex vicorum angustijs erum-
pentes in plateas , & latiores areas, homines
certatim confluunt. Intuemini Salomonem
Regem nostrum æternæ pacis authorem,
in gloria, & apparatu Regio ab sponsa ve-
ctum, ex qua, velut ex aperto ferculo,exhibi-
bet se conspiciendum . Et licet apparatus
ferculi totus sit pretiosissimus, non vos mo-
dò monemus , vt euestigio vniuersa perlus-
tretis: satis profectò æquū esset, vos hortari,
vt illum contueremini, in lignis Libani,in
colūnis argenteis,in ascensu purpureo; sed ad
potissimum inter eos, quos à sponsa recepit,
vos hortamur ornatum. Videte,cernite illum
in charitate, quod est diadema aureum, quo il-
lum sponsa cinxit, ac coronauit , quæ etiam
mater sua est. Porrò de Ioseph pulchritudine
memoriae proditum est elogiu recordatione
dignum. Aiunt enim propter insignē eius ve-
nustatem sæpè, identidemq; spectandam , cū
per vrbē incedebat , solitas fuisse Aegyptio-
rum

rum filias, quæ semel, aut pluries illum incedentem intuitæ fuerat, tempus anteuertere, ac præcurrere, ut in loco, per quem ille transiturus erat, consistentes, audiissimè illius pulchritudinem cōtemplarentur. Et sic nonnulli benedictionem à Iacob illi impensam, cùm dixit, (filius accrescens Ioseph, filius accrescens, & decorus aspectu, filiæ discurrerunt super murum) interpretantur in hunc modum. Quia Ioseph adeò fuit decorus aspectu, AEgyptiorum filiæ discurrerunt per mœnia vrbis, ut identidē transeuntem inspetarent. Si ergo æquum fuit AEgyptiorum filias, ad Ioseph pulchritudinem spectādam, claustris tam sæpè exire; quanto erit æquiū, Ecclesiæ filias foras erumpere, ad contundum sponsum multò sanè pulchriorem, charitate præsertim coronatum. Expendere oportet (tametsi virtutibus vniuersis, ex amoris imperio, id etiam competit) vni tamē charitati, ex proprio suo ingenio, coronæ quadrare symbolum. Si enim materiam seu metallum coronæ regiæ cogitemus, aurum est, quo insigniter charitas exprimitur. Si coronæ figuram exploremus, circulus quidam est, seu complexus capit is perfectus; circumdare autem ieu cōplete caput, hoc est, Christum, charitatis functio nativa est. Si locum vbi corona locatur, spectemus, caput est prin-

princeps corporis pars; nulla autem virtus tā
excelsa est , quām ipsā charitas , ac proinde
quacūque libretur ratione, diademati nostri
Salomonis opportunissima videtur . Quòd
vero sponsa mater etiam sponsi nuncupetur,
ex ipsius sponsi patet oraculo , Quicumque
fecerit voluntatem patris mei , qui in cœlis
est , ipse meus frater , & soror , & mater est.
Nec mirum videri debet , Regem tantum hu-
milis spōsæ charitate coronari. Qui enim ex
humanis parentibus genus ducere dignatus
est , ac ex eis nomen accipere , vt gloriosum
duceret , se Deum trium hominum , Abrahā,
Isaac , & Iacob , nuncupari , cur diuina sponsæ
charitate non coronetur? Profectò Reges plu-
ris genus & cognomina , quām diademata fa-
ciunt. Si ergo Rex Salomon noster ab homi-
nibus accepit & genus nouum , & nomen , cur
non & coronam ? Etenim siue quia charitas
opportuna diademati est , siue quia humanis-
simus Rex , propter nimiam charitatem suā ,
optat amore nostro ambiri , & coronari , pla-
num omnino est , ipsum eo diademate
libenter rediunitum incedere.

Vt apertum est eo , quod
sequitur.

In die desponsationis illius, &
in die lætitiae cor-
dis eius.

*Intuemini illum festiuum, die, quanuptias olim
cœptas perficit, & intima cordis lætitia, propter
diadema perfunditur. Nuptias init cum sponsa, vt
ille potestatem voluntatis sponsæ, illa ipsius è con-
trario habeant, sicut in externis nuptijs potestatem
corporis coniuges sibi mutuò tradunt. Hinc oritur
lætitia cordis.*

Neminem fugit, nuptiarum dies festiuos
esse, ac voluptatis plenos. Vocant er-
gò diem nuptialem Doctores, totum id tem-
poris, quo sponsus ferculo descripto vehitur,
& spōlx amore, vt perfecto complexu, redi-
mitur. Perfectò iam pridem sponsa in thala-
mūm fuerat admissa, ac proinde desponsata;
verum familiare est sacræ scripturæ, asserere,
tunc aliquid fieri, cùm ornatur, atque perfic-
itur. Sicut cœli lumina quarta die in primo
Geneseos capite dicuntur effecta, cùm tamen
die prima cum ipsis orbibus, quorum partes
sunt, condiderit illa Deus. Dictus ergo est
illa tunc facere, hoc est, ornare, ac perfic-
cere. In hunc ergo modum, dies desponsatio-
nis

nis appellatur tempus illud , quo spiritales
nuptiæ nouis charitatis augmentis perficiū-
tur. Et quidem si desponsationis rationem
expendamus , cōperiemus profecto potiore
iure, diem perfectioris charitatis, in quo nunc
agit sponsa , desponsationis diem appellari,
quām eum , quo primū anima in gratiam
admissa est. Hic quippè non est dies sponsa-
lium, vt iuxta vulgarem acceptiōnem à ma-
trimonio secernuntur , sed dies desponsatio-
nis præsentis , & contractus spiritualis matri-
monij. Patet enim ex huius contractus iure
(vt naturali ac diuino proditum est oraculo)
tam stricto nexu coniuges mutuo vinciri, vt
quamdiu viuunt, vir potestatem corporis sui
non habeat, sed eius vxor , pariterque è con-
trario. In hunc ergo modum , quando ar-
dissimo charitatis nexus sponsus animaque
ligantur , quamdiu perseverat is nexus (qui
sola culpæ morte dirumpitur) sponsa non
habet animæ ac volūtatis suæ potestatē , sed
sponsus, qui matrimonij iure vtitur ea volū-
tate, per quam sponsa illi debitum reddit. Si
vero admissa culpa sponsus repulsus fuerit, &
in anima proinde quasi mortuus, tūc potesta-
tem eam vinculi coniugalis amittit, nec enim
vtitur voluntate illa, quæ, contra ius, ad secū-
das nuptias auersa transiuit . Perdurante igit-
tur nexu, sicut de sponsa assertum est, ita sanè

mutuo de sponso afferendum. Eum nimis animæ voluntatisq; suæ potestatem non habere, propter nimiam charitatem suam, quæ dilexit nos, hoc est, adeò impotenter amare, ut omnino seruet iura matrimonij (ex quo se totum sponsæ tradidit) & voluntatem sponsæ compleat. Si enim voluntatem timetū se facit, ut Psaltes regius cecinit, quantò magis voluntatem amantium? Huius certè foederis coniugalls plura sunt illustria exempla. Illud verò est longè illustrissimum, quod inter Deum & Mosen scriptura commendauit, postquam fœdus matrimonij percusserunt. Cum enim rebellis ille populus Hebræorū vitulum conflasset, & illum Deus delere vellet, quasi qui voluntatis propriæ iure careret, petiit à Mose, cum quo spiritale matrimonium inierat, ut pateretur, ipsum tunc, ut ita dicimus, sui iuris esse, sic enim effatus est: Dimitte me, ut irascatur furor meus contra eos, & deleam eos. Moses autem, quasi iuri suo non cedens, cum nosset, se non annuente, non esse delendos, renuit, & adiecit tandem: Aut dimitte eis hanc noxiam, aut si non facis, dele me de libro tuo, quæ scripsisti: quasi diceret; aut dissoluatur matrimonium de leto contractus chirographo, aut reddes debitum coniugij, quod est inter nos, ex quo ego tuæ voluntatis potestatem habeo, ut fiat, quod mihi placet.

placet. Placet autem populum non deleri.
Quamobrem Deus nolens contractum sol-
uere, respondit. Qui peccauerit mihi , delebo
eum de libro meo, tu autem vade , & duc po-
pulum istum quo locutus sum tibi . Angelus
meus præcedet te. Ego autem in die ultionis
visitabo. Ac si planius cloqueretur. Non de-
letur scriptura contractus cōingalis , nisi quis
peccarit. Tu autem, cūm non peccaris, manes
in fide coniugij. Vt eter ergo iure tuo. Vade,
& duc populum. Et quia ex iure matrimonij
omnia mea, tua bona effecta sunt. Vt eter mini-
sterio angelico , & Angeli mei ducatum se-
quere. Quia verò tu non vis peccatorum im-
punitatem, protelabo vindictam , usque ad iu-
dicij diem, quando tibi placet , eos puniri. Ex
ijs patere potest, desponsationis diem, multò
proprius nuncupari diem adultæ , quam te-
neræ ac incipientis charitatis. Nec enim in-
fans charitas diuinæ sponsi voluntati tam
exactè consentit, quam absoluta huius con-
tractus arcani perfectio exposcit. In hoc des-
ponsationis die, charitate sponsæ procera cō-
tractæ , sponsus nouum ius suæ voluntatis
sponsæ tradit , quo maximè suam erga illam
charitatem propalat, & commendat. Hic ve-
rò desponsationis dies magna cum energia
dies lætitiae cordis nuncupatur , ad signifi-
candam intimam , cumulatissimamque læti-

246 CANTICI CANT.

tiam, non extrinsecus harentem, sed in imo
corde plantatam, qualem mundus expertus
non est, cuius gaudia cuti dumtaxat harent,
ac citò euaneantur. Postquam Doctorum
sponsæ progressionem admirantium chorus
in scenam à Spiritu Sancto introductus est,
sponsus siluit, & laude à Doctoribus sponsæ
impensa mirificè delectatus est. Quamobrem
vbi Doctores loqui cessarunt, festinus ip-
se ingreditur, & ex vera, quam pro-
bat, sponsæ laude, ipsius pul-
chritudinem eximiam
esse conuin-
cit.

C A-



CAPUT QVARTVM.

S P O N S V S .

Quàm pulchra es amica mea,
 quàm pulchra es, Oculi
 tui columba-
 rum.

REctè aiunt Doctores (sponsus ait) cū va-
 ria similitudine tuam eximiam venusta-
 rem, o sponsa, depingunt. Adeò nimirum
 exacta tua est pulchritudo, quæ interna vir-
 tutū concinnitate, & externa moderatione in
 actionibus conflat, ut me etiam pulchritu-
 dinis conditorem, & amore fauciauerit, & ad
 laudē quoque permouerit. Agit hoc in loco
 sponsus anthropopathos, quemadmodū qui
 quampiam egregiæ formæ fœminam arden-
 tissimè amat, solet crebrò rerum cæterarum
 velut oblitos, faciem illius audissimè specta-
 re, ac contemplari. Vbi verò attonitus pul-
 chritudinem aliquāto tempore contéplatus
 est, velut impotenter amans, sic enunciare
 solet, quàm pulchra, quàm venusta es, & id
 genus alia decoris encomia solet efferre. Hic

verò, quod ad explanationem attinet, repe-
tere minimè necessarium est, cùm verba hæc
sub finem primi capituli exposita fuerint. Ex-
pedit autem animaduertere, repetitam hic
pulchritudinem multò iam esse auctiorem,
synceriores ac gratiores columbarum ocu-
los. Nossē etiam operæ pretium est, spōsum
modo sponsæ laudes auspicari velle accura-
tiūs quam antè, & ab oculis exordiri. Qui tā-
tā yenustatis in externa pulchritudine di-
gnoscuntur esse, vt faciem aliàs deformem
illi dumtaxat insigniter honestent. Quod &
interdum in ea, quam philosophi appellant
intentionem, quæ oculo ceu symbolo nota-
tur, solet accidere; quæ si recta & simplex,
velut ingenio columbæ affecta fuerit, totum
hominem aliàs deformem in nonnullis acti-
bus exercendis plerumque solet honesta-
re. Verūm, quod post oculos colum-
barum attextitur, ad inquiren-
dum acuit intellectum:

Sic enim spon-
sus ait,

Absque

Absque eo, quod intrinse-
cūs latet.

Sinceritatis, recteque intentionis columbarum
oculis notatae index quidam se prodit, & hic laude
dignus est, praeter virtutem omnigenam in anima
tua, o sponsa, latentem, quae ineffabilis est.

Quibuscum virtutibus familiare est, seip-
sas prodere, qualem esse sinceritatē
quotidiana docet experientia. Nec enim ani-
mi simplicitate columbae prædicti animaduer-
tunt, se quippiā honestū habere, quod pro-
pter gloriam vanam celandū sit. Sed soli Deo
placere studentes, nec quid alij suspicentur
curant, neque cogitant. Quod sapientissimē
à Deo fit, ut virtus alijs cedat in exemplum,
ipsaque sit à vanitate prorsus immunis. Alia-
rum virtutum ingenium magis ad interna
vergit, minus se prodit. Cum ergo sincerita-
tis columbarum oculis notatae sponsus me-
minisset, recte subiunxit, Absq; eo, quod in-
trinsecus latet; quasi maiora innuens bona la-
tēre, quam quæ à diserto quoquam possint
enunciari. Profectò nemini dubium est, ea
quæ in anima sponsæ latent esse multò ma-
iora, ac nobiliora, quā quæ cernuntur. Adhuc

Q 5

enim

enim in simplicitate ipsa, quod cernitur exiguum est, si cum eo, quod latet, comparetur. Est sanè quod latet, ineffabile, quod Septuaginta Interpretes satis aperte commōstrant, dum vertunt extra silentium. Alij transferūt cum emphasi, præter id, quod in te reticetur, quasi dicerent, quod necessariò reticetur, cum id effari sit impossibile.

Capilli tui sicut greges caprarum,
quæ ascenderunt de monte
Galaad.

Cogitationes tuæ (sponsa) persimiles capillis à capite ortis, imitantur capras è montis Galaad declivio, ad verticem propter pabula salutarium herbarum conscedentes. Cogitas enim frequenter, quomodo, quæ antè, recens genita ad pedes meos, ut altera Magdalena constitisti, per me ceu montem excelsum, cordis ascensionibus, & meritis possis ascendere, & salutaria sacramentorum medicamenta ex me orta velut salutares è monte plantas carpere valeas.

CApillis è capite nascentibus, cogitationes, quæ in capite, vbi sensus viget, cōflantur, indeque prodire dicuntur, exprimi perquam manifestum est. Vocanturq; similes

les capris, quæ de radicibus montis Galaad
ascendentes, excelsa iuga montis peruerterunt.
Capræ quidem animalia munda sunt, & ar-
dua loca pastus gratia condescendere solent.
Galaad verò in Cananæorum finibus, mons
est altus & conspicuus à septentrione in me-
ridiem procurrens, qui Ismaelitarum regionē
à Cananæis dirimit. Ferax est arborum, plan-
tarumque, ex quibus resinæ leguntur & fru-
ctus ad materiam medicam expetiti, qui pro-
inde sponsi natuam gerit imaginem. Sanè cō
cipiendum est, eos, qui ad gratiam recentē
euocati sunt, ad pedes Christi, ceu montis cu-
iusdam excelsi radices, decliviumve fisti; Sic
enim Magdalena recens ad gratiam traducta,
spiritus diuini monitu, ad sponsi pedes collo-
cata. est. Cum verò in charitate progressus
iusti faciunt, quia se ad mensuram & celsitu-
dinem Christi erigunt, & meritorum ascensi-
bus attollunt, à declivio, ad verticem montis
ascendere elegantissimè dicuntur. Sic ergo lo-
qui sponsus putandus est. Cogitationes tuæ
affectionib[us] permistæ (o sponsa) id agunt, quod
caprarū greges monte Galaad fertilem con-
scendentes efficere solent. Quemadmodum
enim illi è monte declivio se librāt in altiora,
ut monte pabula salubria carpant, & pingue-
scant; ita plane, ex humili loco, in quo antè,
quasi altera Magdalena, iuxta meos pedes cō
stitisti,

stitisti, ad montis excelsi & pinguis altitudinem condescendis, cum ad meam mensuram, & celsitudinem, ascensionibus cordis, te conaris erigere, & ex me orta sacramentorum medicamenta, velut herbas è monte saluberrimas medicæ materiæ expertitas audiè præcerpis. Hæc prima loci est interpretatio, satis (ut patet) opportuna. ¶ Secundā verò expositionē ut afferamus, et si præter morem hoc fiat, duos tamen grauissimos authores Gregorij Nyssenum, & Rupertum Abbatem Tuitien sem allegare nō pigebit; qui hunc textum de auspice nostro Helia, eiusque comitibus, seu discipulis interpretantur. Verba Greg. sunt hæc. Fortassis & Helias aliquid nobis, ad hæc caprarum considerationem cōfert; qui longo tempore versatus in monte Galaad, insignia vitæ continentis exempla præbuit; forma squallidus, capillis hirsutus, pro veste molli, pelle capræ tectus. Itaque omnes, quotquot ad exemplum vatis illius vitam suam instituunt, ornementum Ecclesiæ fiunt, gregatim (qui philosophandi mos, hoc tempore in usu esse cœpit) virtutem in conuersatione mutua colentes. Ruperti autem hæc sunt verba. Capilli tui sicut greges caprarum, quæ ascenderunt de monte Galaad. Nimirū quando Iezabel interficiebat Prophetas Domini, tunc apparuerunt de monte Galaad, idest, de ciuitate

tate eiusdem nominis Galaad. Sic enim scriptum est. Et dixit Helias Thesbites, de habitatoribus Galaad ad Achab. Viuit Dominus, &c. Et post pauca subdit Rup. Hæc dixit, & hæc fecit ille primus author, & institutor eorum, qui dicti sunt filij Prophetarū, quos fuisse monachos in veteri testamento, consentit authoritas patrum venerabilium. Vbi (quod perfunctoriè dicimus) Gregorius Nyssenus sentit Heliam fuisse exemplū monachorum virtutem gregatim colentium, seu vitam communem simul ducentium, quam vita rationem tunc ait cœpisse. Rupertus autē sine ullis ambagibus, luculenter ait, in veteri testamento ex patrum venerabilium sententia, fuisse monachos, quorum authorem dicit Heliam. Hoc esto parergon. Nunc vero ad secundam explanationem, ex horum patrū verbis elicitam descendamus. Quemadmodū enim illi censuerunt, comas Ecclesiæ symbolicè esse viros illos, qui vitae austerae normā ab Helia institutam imitātur, pellibus caprinis succincti, hoc est, rudibus ex ferari mactis, vel alijs similibus vestibus induiti; ut eos capras, eleganti translatione, possimus appellare, sicut in comedijis histriones regia ueste ornatos, pastorisue lacerna obtectos, reges pastoresue nuncupamus: Sic nos etiam ipsis cogitationes austerioris vitae agendæ ad exempla-

æmulationem Protoparentis nostri Heliæ conceptas, interpretamur, quibus cùm sponsa vacat, quasi asperis caprarum pilis semetipsam induit, vt sponsi amore ac inspiratione incensa dicere valeat, propter verba labiorū tuorū ego custodiui vias duras. Verba enim labiorū sponsi intùs loquentis, & ad vitā austera, qualem ipse inter mortales duxit, exhortantis, frequenter sponsa percipit, & ex hoc duras vias iure carpere cogitat. Inquit ergo sponsus, capilli tui, hoc est, cogitationes tuæ similes, sunt simulacra, vel imagines quedam, cœtuum Prophetarū sub Helia in GalAAD degentium, quorum tu austerritatem cogitas æmulari. Recteq; & sine metaphora dicit cogitationes sponsæ esse illis viris similes, sunt enim ex vera philosophia, naturales rerum conceptarum imagines. Quod enim cœtus Prophetarū, seu veteris testamēti monachorum greges caprarum appellantur, metaphora est, quod verò cogitationes sponsæ illis similes dicantur, proprietas est. Hæc de secunda interpretatione. Nunc sponsum laudem dentium arcanè enunciam- tem audia- mus.

Dentes

Dentes tui sicut greges tonsarum, quæ ascenderunt de lauacro.

Meditatio tua, qua velut dentibus quibusdam mea dogmata frustillatim concerpis, in ventriculum voluntatis meditatione ipsa excalfactæ trahi cienda, & excoquenda, similis est gregibus ouium, quæ tonsæ, quæ ablutæ, quæ agminatim gradien tes sunt. Est tonsa, resectis affectibus terrenis; est abluta lachrymis, mentisque puritate, ex ablutione hac nitens & candida. Est concinna & more gregum agminatim gradiens, cum rationum serie, & quodam velut agmine in voluntatem impetum facit. Haec meditatio de lachrymarum lauacro, amoris motu ascendit tot gradibus, quot motus efficit in voluntate.

Dentiū mundities, & concinnitas, & candor, ad pulchritudinē eximiè cōducūt. Mundities, vt scabra materia eis nulla inhæreat; concinnitas, vt dētes & què parui, velut ad lineā exacti videantur, nullus emineat, nulus extuberet; candor, vt diductis albicent labijs. Quæ profectò tria gregibus tonsarum de lauacro ascendentium pulchrè significantur. Candor enim ablutione fit, nient enim pecudum corpora, lana eluta, fordi-

sordibusque deterisis. Concinnitas ouium, gregatim ex fluvio ascendentium, agmine certato exprimitur. Mundities tonsura, quae solidata vellera exsecantur, quasi scabrities dentium scalpro excideretur, idonee notatur. Dentibus vero, quorum munus est, mutuo attritu, solidiores cibos mandere, ac contenerre, meditationis notatur ingenium, cuius est conflictu quodam, & agmine rationum, non sine labore conari, & ipsi dogmata velut mutuo attritu concerpere, ac ita contrita, in voluntatis eis rationibus excalfactæ ventriculum trahere percoquenda. Hic autem conatus & labor tunc animam vexat, cum contemplationis abest suauitas, in qua dentium attritu, rationumque ex cogitatione minime opus est; omnes enim, qui in contemplatione degustantur cibi, liquidi sunt, nec cum labore mandi, sed cum voluptate hauriri, ac degluti-ri debent. Propter hoc, si meditatio contemplationi conferatur, aridus quidam, ac ligneus fructus, fructui recenti, ac succi pleno compari videtur. Estò tamen hoc verum habeat, nihilominus si meditatio suis numeris absoluatur, hoc est excisis affectibus terrenis munda, rationum agmine ac concinnitate efficax, mentis lachrymis abluta puritate candida sit, satis profecto est similis gregibus ouium mundis, agminati inque gradientibus, & candidis.

Quæ

Quæ recte dicitur de lauacro ascendere. Lachrymarum quippe profusio ascensum efficit, cum meditatio efficax est, ad voluntatem permouendam. Tunc nimirum ad meditationis mensuram voluntas permota gradibus amoris ascendit. Motus nempè voluntatis igneus cum sit suapte natura, ascensus quidam est. Qui cum ex meditatione fit, cū non excedat illam, sed ad eius eleuationem attollatur, simul efficitur, ut affectus in voluntate, & meditatio in intellectu æquè descendant, Ideò vero de lauacro ascendunt, quia meditatio dictis moribus affecta nec arescit, nec cœlesti rore destituitur; persœpè enim efficacem meditationem vis lachrymarum, mira cum voluptate, perfundit. Hinc existit, ut quæ sterilis suapte natura videbatur, & infœcunda, non conquiescat, donec prolem patiat numerosam; sicut Anna olim arida, quæ non est animo deiecta, sed conata, donec sterilis peperit plurimos. Propterea Spiritus Sanctus adiunxit:

R

Omnes

Omnes gemellis fœtibus, &
sterilis non est in eis.

Meditatio sic affecta, non ouibus sterilibus, nec vulgo fœcundis, sed ijs, quæ gemellos pariunt, similis est. Ex ea quippe nascuntur duo amoris actus, velut uterini fratres, ab una charitatis virtute, & ab una voluntate producti, & ab una primum meditatione originem ducentes.

Meditatio hæc, quæ suopte ingenio vis debatur sterilis, & effecta, quando suis numeris absoluitur, mirum dictu est, quanta sit prole fœcunda. Redditur quippe fœcuditate similis ouibus gemellos fœtus edētibus, quarum greges adeo sunt fœlices, ut ne quidem ex ingēti numero sterilis reperiatur. Bini autem, seu gemelli fœtus, eodē ex utero enati, duo sunt amoris actus in Deum, & proximum, ab eadem charitatis virtute, & ab eadē una exorti voluntate. Qui profectò appositi satis à meditatione originē ducere dicuntur, ex qua diuini amoris ignis enascitur, sicut scriptum est, In meditatione mea exardescet ignis. Vbi cernimus mirabile quidam, ab una videlicet meditatione & elici aquam & ignem, lachrymarum vim, & amo-

ris flammam. Ipse verò lachrymarum fluxus fit ignis pastio, qua magis amor conualefecit; quemadmodum cernimus in fornacibus, vbī mulcetur ferrum, quæ quando insperguntur aqua, scintillas emittunt, ignisq; maius excitatur incendium. Capillos, oculos, dentesque commendauit, labia nunc, in quib; maxima inest pulchritudinis pars, pergit commendare sponsus, aiens.

Sicut vitta coccinea labia tua, &
eloquium tuum dulce.

Verba tua labijs figuratè notata (ò sponsa) sunt sicut vittæ, seu fascia coccinea bis tincta, quales telas tabernaculi coccineas elegit Deus. Verba quippe tua ab amore in Deum, proximumq; flagrante, cen dupliciti tintura imbuto producta, patris naturā referunt, & dupliciti infectura rubet. Vnde fit, ut eloquium tuum dulce sit; mihi enim amanti nulla verba elegatiora, & dulciora, quam quæ ab amore trahunt originem.

Coccum est granū ex arbuscula Ilici simili, vel ex gramine rubeo, nascens, à Dioscoride granum tinctorium appellatum. Hoc grano telæ inficiuntur, quo nihil asperctui

R 2 gra-

gratius. Quæ sanè tintura loco purpura
subrogata est. Purpura quippe vera iā exole-
uit. Observeare autem oportet, coccineas te-
las, quas Deus iussit olim ad tabernaculū for-
deris apparari, non simplici dūntaxat, sed du-
plici tintura fuisse imbutas. Sic enim coccū
bis tintum in Exodo paſſim legimus. Quo
arcane notatur animi affectus dupli ci rubens
infectura, hoc est, Dei , proximi que amore,
qui totus rubens, ac igneus est . Et quidem si
coccum dibaphum, seu bis tintum , symbo-
licè contemplemur; perspiciemus profectò,
nec à Deo exigi , nec ad tabernaculū admit-
ti potuisse, coccum, quod semel tantū, & non
bis esset infectum . Fieri neimpe vlo pacto
nequit, amorem alterum ab altero secernere,
sed duplex ille animam simul imbuit, dupli ci
quasi tintura illam inficiēs. Ex hac vero in-
terna, dupli ci que infectura , verba prodeunt
eodem imbuta colore; mirum enim esset, ver-
ba ab amore genita, patris non referre natu-
ram. Affectus ergo spōsæ bis amore tintus,
tanquam lanæ vellus muricem eibens, hoc
est, amorem toto pectore hauriens, per labia,
quibus figuratè verba significantur, se pro-
dit; & ex hoc capite, virtutæ coccineæ bis tin-
tæ labia fiunt quam simillima. Inter aman-
tes vero , nullus est sermonis lepor, nulla vis
eloquētiæ, quæ tam eximia efficiat volupta-
tem,

tem, quām vel inculta, & rūdis quādam verborum enunciatio, si ex amore proficiscitur; extra quēm Rethorum flores minimē amantibus placent. Et hanc emphāsim habent ea verba, (Et eloquium tuum dulce) quāsi dicat sponsus: Quia labia similia sunt vītæ coccineæ, ideo eloquium tuum (quū amoris opus illud sit) mihi dulce videtur, ideo cum verba effers, mihi eloquens videris. Non est autem prætereunda hōe loco ordinis ratio. Commendarat sponsus dentes, quibus meditatio adumbratur, moxque sermonis leporem, & eloquentiam purpureis labijs expressam annectit. Quia videlicet postquam quis accuratè meditatur dogmata cælestia, fit ad sermonem cordatè promendum aptus, (& quod maximē optandum est) apud sponsum eloquēs. Ne quis vero putaret eloquium hōe loco idē, ac facundiam, seu verborum copiam esse, vittis seu fascijs ad stringendum comparatis labia conferuntur; quia scilicet iustorum sermo non debet effluere, sed præcurrente meditatione labijs commissis coerceri. Quod sanè mysterium Septuaginta Interpretes luculentē ostendunt, cum pro vitta, vertunt funiculum, qui significat in scripturis sacrīs mēsuram. Fiunt ergo labia funiculo coccineo similia, cūm parce verba ceu sub mensura prominuntur, & ad charitatis relata finem, velut

arcano cocco tincta enurientur, eiusdemq;
cocci vitta, hoc est charitatis mensura, ligantur,
ne videlicet Deū proximumve, in quos
charitas fertur, offendant. Quod verò de me-
sura sermonis assertum est, ex sequenti pe-
riodo fiet luculentius.

Sicut fragmen mali punici, ita &
genæ tuæ; absque eo quod in-
trinsecus latet.

Genæ tuæ rubore perfusæ, qui est index vere-
cundiae, sunt sicut fragmentum malipunici, quod,
quacumq; spectetur, præfert ruborem. Hic autem in-
dex virtutis, et si externus sit, placet etiam, si ex-
pendatur sine eo, quod intrinsecus latet, hoc est, di-
stincte, seu discrete ab eo quod latet, & ex se vere
pulchrum est. Hic autem pudor verba cohibet, &
parcè loqui sinit, sicut in fragmine punici, cortex
grana retinet, & sæpit, ne spargantur, ac exci-
dant.

Rubor quidam ingenitus colore mali puni-
ci notatus, genas profundens, fœminas
in primis honestare solet, cum viros alloquuntur,
cum quocumq; prætextu in lucem pro-
deunt. Fragmen autem mali punici, ad rem
hanc satis accommodatè allatum est, hinc
enir

enim cortex, inde verò grana rubent, vt quam-
cumque spectetur, verecundum significet ani-
mum. Externus hic pudicitiae, ac verecundiæ
index maxime sponso probatur, quamobrē
sic loqui existimandus est. Genæ tuæ vere-
cundia rubentes fragmini maligranati simil-
limæ, mihi eximiè placent, absq; eo, quod lat-
et intrinsecus. Ac si planius diceret. Dubita-
ri à quoquam posset, an rubor hic externus
mihi placeret: (norunt enim vniuersi, externa
me non mulceri pulchritudine) ego verò vt
eum nodum soluam, respondeo, eum rubore
mihi esse gratissimum, præter id quod latet
intrinsecus, cuius ille rubor index est. Ex
hoc ipso verecundiæ, quam notat, capite, &
ex naturali constitutione sua, fragmen mali-
punici, arcanam cum genis habet similitudi-
nem, ad sermonis moderationem valde accō-
modatam. Genas quippe natura effinxit, vt
septa, vel claustra quædam, quibus aër conti-
netur, quo intercepto per linguae plectrum,
palati, ac dentiū ad iniculum verba forman-
tur. Pudor autem in genis elucens, præpedit,
ac remoratur hæc organa, ita, vt (quod creber-
rimo constat experientio) qui erubescunt,
vix verba promere valeant, & cum tandem lo-
quuntur, ea & pauca, & concisa efferunt.
Quod autem rubentes pudore genæ effi-
ciunt, si verba intra os quasi cohita spekte-

mus, id cortex in fragmine mali punici præstat, dum grana sibi hærentia retinet, ne loco excidant. Est enim cortex acinorū claustrū, ac retinaculum quoddam, non patiens grana dispergi. Voluit ergo sponsus sponsæ filiū verecundiæ germanum, hoc velut emblema te punici mali exprimere, ac si hoc modo effaretur. Non modo rubes præ verecundia, ut punicum malum (ò sponsa) verū etiam silentium mirificè colis, fragmenque imitaris, genarum rubentium claustro verba continens, sicut fragmen corticis septo grana retinet, ne forte spargantur. Septuaginta quasi alludentes ad hoc genarum officium, corticem mali punici, pro fragmine reddiderunt. Et quidem, ob hanc etiam significationem, mala punica ex Aaronici sacerdotis tunica, inter ipsa tintinnabula pēdebant. Quò sacerdos edisceret, tempora sibi discriminanda fuisse; ita ut tempus loquendi, certam quasi sedem, ac stationē fortiretur; tempus etiam silendi, yerbaque genis continendi, ac futurum sermonem meditandi; quod intermista tintinnabulis punica commonebant. Hanc autem sermonis cum silentio permissionem versio nostra i[n]tuit, quæ non integrum malogranatū, sed fragmē habet, quod partim grana ostendit, partimq[ue] celat. Non enim silentij virtus omnem prorsus sermonem interdicit, sed interdum parcè loqui,

loqui, interdum verò prorsus tacere monet.
Confert mirificè silentij cultura, ad orationis
profectum; experimento quippe quotidiano
liquet, animas silentio deditas tanto cū spon-
so familiarius loqui, quanto parcius cum ho-
minibus verba faciunt. Ex hoc autem com-
mercio, quod habent cum Deo, noua cun-
tarum virtutum vi stabiliuntur, &
inuita Dei armantur for-
titudine. Vnde ap-
tè sponsus
addit.

R 5 Sicut



Sicut turris Dauid collum tuum;
 quæ ædificata est cum propugna-
 culis, mille clypei pendentes
 ea, omnis armatu-
 ra fortium.

Orationis virtus collo similis, quia ex capite per eā in animā permanat influxus & motus, effecta es similis (o sponsa) turri Dauid, quā ad hostes expugnādos extruxit, est enim cēu turris illa in Deum erēcta, & cōtra hostes obfirmata, cuius propugnacula sunt virtutes, quæ illā tuentur, & hosti vulnus infligunt, ut constātia, & fortitudo: Clypei verò sunt eæ virtutes, quæ hostis ictus sine lēsione tolerant, qualis est humilitas, & patientia. Denique in ea est vniuersum amorum genus, quibus animi fortes redduntur.

TURRIM, seu arcem domumue excelsam turris hic nomine appellatam, è regione arcis Iebusæorum in colle propinquo, quò gentem illam, arce sua expugnata, deleret, à Dauid Rege olim constructam, ex ipsa Hierusalē antiquæ descriptione accepimus. Hanc autem suis suis munitam propugnaculis, hoc est, structuris, ex quibus lapi-
 dum,

dū, telorum uè iactu pugnaretur, & quæ præ-
sidiū esset, ad Iebusæos debellandos, estimā-
dum est; nam ex eo loco arcem Sion, totūq;
Mello pluribus insignē collibus Rex cepit,
constructoq; per montis extrema muro mu-
niuit. Et ne quid ad firmissimi præsidij muni-
mētum desideraretur, varijs armorum gene-
ribus Rex eam arcem instruxit, vnde ex ea
clypeos, aliaq; id genus appēdit arma, ut ter-
ror hostibus incuteretur. Hæc est perelegans
quædam orationis effigies. Patet enim ijs, qui
eam virtutem colunt, eam esse firmissimum
ad omnia prælia præsidium, vniuerso armo-
rum genere refertum. Oratio, cuius est inge-
nium ad Deum hians, & erectū, qua velut ar-
teria, seu gutture spōsi capitis nostri & spiri-
tus, & influxus, & motus ad animam perlabi-
tur, ac permeat, collo pulchrè significatur;
cuius, in pulchro corpore, laus potissima est,
ut sit erectū, & seruata proportione longum.
Propterea turri asseritur similis. Est autem
expendendum, turrim hanc, non cuiuscunque
Regis, sed Dauid hominis bellieosi ædificiū
esse. Non enim orationis turrim istā symbo-
licā aliis, quā verus Dauid noster ex ædifica-
re potuit, qui, vtpote belli cōsultissimus, eā
propugnaculis sepsit, clypeisque muniuit.
Quæ sunt tanquā duæ classes, ad quas omnis
pertinet armatura. Propugnacula Hebraicæ

Thal-

Thalphiōt (quam vocem Septuaginta inter-
 pretes retinuerunt) ædificia sunt ad pugnan-
 dum comparata, qualia passim muris urbium
 eminere cernimus, ex quibus, qui urbem tuē-
 tur, tela eiaculari, hostesque muris conser-
 dere satagentes arcere, ac sauciare solent.
 Quamobrem sub propugnaculorum imagi-
 ne, arma necem inferētia hosti vniuersim in-
 telligimus. Clypei verò, ad excipiendos sine
 vulnere iactus, non ad lædendum comparan-
 tur. Quapropter, sub eorum symbolo, arma
 defensioni dumtaxat opportuna, vniuersim
 accipimus. Arcanā nunc ex his eruere signi-
 ficationem oportebit. Domus igitur excelsa
 Dauidis nostri opere constructa, ad spiritales
 Iebusæos expugnādos, Orationis est virtus,
 collo notata, turriq; (vt patet ex dictis) pro-
 priè collata. Hæc est propugnaculis septa, ijs
 nempè virtutibus, quæ, dum mentis erectio-
 nem tuentur, & alunt, dæmonem insidiante
 velut excelso è loco repellunt, & faucent;
 quod est proprium earum virtutum, quæ au-
 daciā, & impetum præ se ferunt; qualis est
 fortitudo, cōstantia, & eius generis aliæ, quæ
 animam orationi vacantem & ab hoste tuen-
 tur, & vulnera inferre faciunt. Sunt autē vir-
 tutes aliæ, quæ impetum non faciunt, sed ad
 infligenda hosti vulnera natæ videntur; qua-
 lis est humilitas, & patientia, & his elengan-
 tissimis

tissimè quadrat clypearum similitudo. His
igitur perpensis, spōlus sic effatur. Sicut tur-
ris Dauid bellatoris, ad hostes expugnandos
extructa; ita & orationis virtus, qua præcel-
lis(o sponsa) colli erecti , longique symbolo
notata, per quam è capite tuo, ex me (inquā)
sponso tuo, & spiritum, & influxum , & mo-
tum, velut per arteriam quandam , collumvè
attrahis. Hæc quippe oratio sic affecta, persi-
milis est turri Dauid bellicosi : ego enim mi-
litia princeps eam excelsam, ad pugnandum
opportunam extruxi. Virtutibus, quæ dum
eam tueruntur, dæmoni vulnus infligunt, illam
velut propugnaculis sepsi . Alijsq; prætercà
virtutibus, non tam ad lædendum , quām ad
tolerandum, & quasi contegendum idoneis,
tanquam clypeis exornauit. Et quia singula
percensere nimis esset operosum , omni ar-
matura fortium , hoc est , quæ animos reddit
fortes, communiui.

Etsi verò hæc expositio idonea sit , altera
non minus concinna subit animum, quæ col-
lum hoc loco, charitatem potius , quām vir-
tutem aliam quampiam intelligit. Qui pro-
fecto intellectus, quām sit aptus, ex ipsa colli
descriptione, turrifq; similitudine clare per-
spicitur. Sanè collum excelsum est , caput
iustinet, eiusq; cum corpore vinculum quod-
dam est, habet arteriam, qua spiritus admitti-
tur

tur & influit , habet fauces , quibus epulæ
 traiaciuntur, innititur humeris. Hæc est pul-
 chra quædam charitatis effigies. Si colli cel-
 situdinem , erectionemque contemplemur,
 charitas omnium virtutum celsissima , & in
 Deum erectissima est. Si collum , quæ gestat
 caput, corporiq; connectit, inspiciamus , ex-
 ploratum est in diuina Theologia, charitatis
 munus esse , caput animæ Christū sustinere,
 animæq; vincere , adeò ut cæterarum virtutū
 nexibus, nisi unius vinculo charitatis, animæ
 non alligetur. Si colli arteriam , qua spiritus
 per labitur, expendamus, charitas , cum totis
 flagret visceribus, ad calorem internum (quā-
 diu differtur sponsi conspectus) temperandū,
 spiritum haurit & attrahit; quemadmodum,
 cum febri quis æstuat, ventum , ad internum
 calorem moderandum, exforbet . Si fauces
 consideremus , charitas semper esurit , obla-
 tosq; à sponso cibos , seu molles, seu solidio-
 res aude abligurit , nullum enim laboris ge-
 nus detrectat, sed velut ignis vehemens in-
 jecta ligna consumit. Si colli positum hume-
 ris innitentem contueamur , facile liquebit
 quæ appositi quadret charitati . Enimue-
 rò humeris ad onera portanda utimur , quod
 in sacra pagina passim offendimus. Hoc au-
 tem fundamento fortē charitatē niti opor-
 tuit, quæ onerum gellatione , laborumque
 per-

perpessione, non voluptatis perceptione fun-
datur. Hæc est huius arcani colli structura,
qua se sapientiorem ostendit sponsus, quam
in aspectabilis colli compactione. Nunc ve-
rò ad similitudinem turris pertendamus. Est
nimirum diuina charitas turris siue arx, tum
ob celsitudinem, tum ob firmitatem ac ro-
bur. Nam qui hanc incolunt arcem, vim
quandam planè diuiam adipiscuntur, qua
fiunt inuictissimi; vt de se Paulus ingenuè
fatetur, dum ait, nec morte, nec vita, nec id
genus alijs acerrimis hostibus se à charitate
Dei posse diuelli. Etsi verò arx hæc videa-
tur inexpugnabilis, vtpote, quam sponsus;
Dauid arcane nuncupatus, sapiens archite-
ctus extruxit; oportuit tamen ob pugnato-
rum, qui in arce habitant, imbecillitatem, &
hostium creberrimos impetus, propugnacu-
la iuxta illam ædificari, ad hostilem temerí-
tatem arcēdam, ne forte dirueretur arx. Hæc
autem propugnacula (vt sapientum concors
sententia fert) sunt euangelica consilia, quæ
ab ijs vigilantissimè obseruantur, qui chari-
tatis arcem tutam esse cupiunt. Quippe obe-
dientiæ, castitatis, paupertatisque & aliorum
consiliorum cultores, turrim Dauidicam
Apostolicis vestigijs insistentes optimè cu-
stodiunt, & ex his velut propugnaculis
hostem xpissimè fauiant, sequè redditum
formi-

formidabiles. Quamvis autem robur potissimum in charitatis arce consistat, at profectò propugnacula ista temporis obsidionis opportunitissima sunt, sine quibus arx euersioni di-rectionique patet. Quin verò charitas ipsa ex hisce propugnaculis pugnat, hostemque eneuat; charitas quippe ipsa, & obediens, & casta, & pauper est, & patitur, & vigilat, & vniuersas functiones militares obicit; quas nisi strenuè exerceat, eius vis confestim extinguitur. Clypei verò mille, qui ex ea pendent, coetus, numerusque perfectus earum virtutum, quæ non tam ad lædandum, quam ad defendendum comparatae sunt, debent intelligi; quales sunt humilitas, benignitas, & patientia, ut in prima interpretatione assertum est. Dicuntur autem multò propriius hī clypei symbolici, charitati, quam orationi congrue-re, cum quia charitas iure suo, vt virtutum princeps ac domina eis vtitur ad certandum, tum quia clypei eiusmodi non quoquo pacto in turri esse, sed ex ea pendere dicuntur. Om nino autem exploratum est, virtutes vniuer-sim cæteras à charitate pēdere; ita vt ad ater-nitatem pro qua certatur prodesse nequeant, nisi ex eo pendeant armamentario. Denique in charitatis arce dicitur esse omnis armatura fortium, non quasi prius fortis sint, & post-modum armantur, sed quia tunc fortis sunt,

cum

cum se charitatis accingunt armatura. Hoc est elegans sponsæ collum , cui præsidet caput, qui sponsus est, qui cœptam nunc persequitur laudem, dicens.

Duo vberatua , sicut duo hinnuli
capreæ gemelli, qui pascuntur in li-
lijs donec aspiret dies & in-
clinentur vmbrae.

*Duo amoris tui actus persimiles sunt capreæ ge-
mellis; quippe tam celeriter properant ad propinan-
dum lac dulcoris Deo, proximoq; dilectis, quam ve-
lociter hinnuli ad matris vbera exsugenda festi-
nant. Et hanc perniciatem felicius exercent in
animab; puritate candidis, in quibus, seu in pas-
cuis liliorum, hi duo amores pascuntur, & cres-
cunt, donec appareat dies æternitatis, & um-
brae mortis ac peccati inclinentur, seu descendant
in tartarum.*

HOrum verborum interpretatio ex ver-
bis primis capitil primi, vbi quid vbera
symbolice significarent, & ex ultimis secun-
di capitil, vbi quid sit inter lilia pasci , donec
aspiret dies, & inclinentur vmbrae , declaratū
est, peti debet . Et vt compendio dicamus,

vbera duo duos amoris actus in Deum proximamque propensos, misericordiae lac euergentes notant, qui inter lilia versari, ac pasci afferuntur, quia in animabus cädore nō internō tantum, verū & externo, castitate vide licet corporis nitentes, mirificè proficiunt, & vt salutari pabulo pinguescunt. Cum enim in castis mentibus, illecebris & corruptela carnis amor non retardetur, ipseque suo genio ad crescendum sit expeditissimus, efficitur aperte, debere ibi fœlicius crescere, ac velut pastu saluberrimo pasci, ac dilatari, donec æternitatis dies aspiret, & illucescat, & umbræ mortis, ac peccati, in quibus homines nō modo sedent, verum etiam iacent, inclinentur, seu descendant in tartarum, paratum scilicet locum, vbi umbra mortis & horror habitabit sempiternus. Hæc sub compendio contracta sunt. Reliquum fit, vt in quo gemmorum capræ cum vberibus similitudo constituta sit, aperiamus. Sanè si verborum expendatur cortex, inconcinna videtur hinnulorum cum vberibus collatio. Cum enim capræ, ac hinnulorum mentio facta fuerit, & hic sponsa pingatur vberibus prædita, multò proprius capræ ampla vbera habenti, quæ fuguntur ab hintulis, quam fœtibus ipsis videtur debuisse comparari. At sanè myterium latet in cortice. Duo nimirūm spon-

se vbera, duo sunt charitatis, seu diuini amo-
ris actus; sunt gemelli ab eadem charitate, ea-
demque voluntate, velut ab eodē vtero edi-
ti. Sunt autem sœtus hi cursu pernicissimi, si-
cut & vniuersum caprearum genus. Tunc au-
tem velocissimè currunt, cum esuriunt, & lō-
gè à matre distant, & cùm meminère lactis,
ad quod exfugendum celerrimè properant,
donec papillas arripiunt. Ut ergo Salomon
exprimeret charitatis ingenium, ad ample-
xum sponsi, proximique per actus geminos
expeditissimum, duos illos actus, non capreæ
prægnanti, quæ tunc & ægritudine, & vberū
distentorum pondere vix currere valet, sed
hinnulis velocissimis comparauit. Est nimi-
rum charitas ad suum opus promptior, quā
sit qui eget charitatis lacte, ad illud haurien-
dum; velocius accurrit, quam inuocetur, ignis
æmulata naturam, cuius in agendo (vt philo-
sophi loquuntur) inter elementa omnia sum-
ma celeritas est. Sic ergo sponsum debemus
concipere aientem. Duo amores tui (o spon-
sa) non indigent petitione, aut obsecratione,
vt seipso exerceant, & riuos lactis effundat,
quos exfugere dicor ego, dum amore tuo re-
creor, eiusque dulcore perfundor, & proxi-
mus tuus, qui tuo amore fouetur, & alitur.
Non (inquam) obsecratione indigent, sed ve-
lociores ipsi ad opus, quā qui eis reficiuntur,

ad flagitandum , tempus anteuerunt , & ad meum proximi que amplexum tam pernici-
ter currunt, quam caprearum hinnuli, cum ad matris vbera exsugenda festinant. Constat ergo similitudo ex hinnulorum celeritate , & amoris ad opus expeditione, tametsi non caret emphasi cursus hinnulorum , si ad amoris cursum conferatur . Porrò, quemadmodum hinnuli currunt ad vbera dulcore lactis alle-
ti, ita & gemini amoris actus, ad sponsi, proximi que properant amplexus, in quibus eximius dulcor, voluptasque percipitur. Adhuc enim in proximi ærumnis eleuandis (de quo uno poterat suboriri dubitatio) qui verè amant, dulcorem mirum experiuntur ; quod ex rebus gestis sanctorum , & vulgari etiam patet experientia . Hæc dum sponsus elo-
quitur vehementi quodam amoris turbine correptus, secum loquēs ait, sponsam se velle inhabitare, quod ut enunciet, laudem , quam texebat, velut intercidit; quemadmodum sa-
pe solet euenire, dum quis fœminā pulcher-
rimam laudat, & pulchritudinis miræ partes recenset, in ipso sermonis excursu encomium
incidere , ac vehementi quodam amoris
æstu se illam adire velle , enun-
ciare. Propterea igitur sponsus
ait.

V adam

Vadam ad montem myrrhæ,
& ad collem thuris.

*Cerno sponsam meam effectam esse quendam
montem myrrhæ. Dum consensu difficilem mor-
tificationem magna vi seipsum edomans, & cres-
cens velut excelsum montem superauit. Eademque
collis thuris ferax euasit, licet enim non ita diffi-
culter orare didicerit, ac carnem premere, non nihil
tamen extollit, & conari ceu ad collem, seu minorē
montem condescendum opus fuit. Hunc ergo mon-
sem, hunc collem adibo latus ac hinnulus ceruorū,
sicut scriptum est, Montes excelsi ceruis, & eum
locum ipse humanè colam.*

Sponsæ montis quadrare symbolum satis
liquet, si iustitiæ celsitudinem, ad quam
peruenit meminerimus. Est autem ceruorum
mos alta petere, montesque condescere, si-
cut scriptum est, Montes excelsi ceruis. Su-
periùs verò inter alia nomina translata, hin-
nulus ceruorū sponsus appellatus est. Quod
ergo ait. Vadam ad montem, hoc est; excel-
sam sponsæ mentem, instar montis, charitate
grandem visitabo, ingenio suo maximè con-
tentaneum est. At modò, cur mons myrrhæ,
cur collis thuris nuncupetur, inuestigare

oportebit. Nō enim vacat mysterio, myrrhæ non collem, sed montē, thuri verò non montem sed collē attribui; cum tamē in arcano sermone, vbi thure oratio, seu mentis eleuatio; myrrha verò ea quæ à sanctis patribus mortificatio appellatur, significetur. Ex quo mōs thuri suo iure deberi videbatur, potius quam myrrhæ. At si rem introspiciamus, cernemus profectō, magna cū energia factum esse montis collisq; dictamen. Monte quippè magna difficultas, arduaq; opera notantur, propter difficilem montis ascensum, ità vt recte dicatur quis montē concendiſſe, seu superasse, cū arduum quippiam peregit. Colle verò, qui minor est mons, nō ità magna difficultas exprimitur. Nunc igitur, si carnis rebellionem, quæ viros etiam charitate prouectos acerimè diuexat & cruciat, perpendamus, & metis in hæc terrena deiectionem carnis luctæ comparemus, perspiciemus proculdubio longè difficilius esse corpus edomiare, quam mente in superna erigere. Enimvero constitutissimū est, viros charitate insignes iugi quadam contentionē metē in Deum erigere, adhuc inter ipsas corporis indomiti luctas, quin verò & ex ipsis, ansam orandi Deū ciberrimè arripere; qui tamen conqueruntur de corporis violentia penè insuperabili. Sic Paulus aiebat, Infelix ego homo, quis me libe-

liberabit de corpore mortis huius? & alia si-
millima effabatur, quibus mortificationis
difficultatem exaggerabat; quæ de orationis
opere minimè protulit; vt ex hoc illustri exē-
plo satis liqueat, cur potius myrrhæ, quam
thuri mōs fuerit attributus. Mons ergo myr-
rhæ mortificatio carnis multo nisu ac vi à spō
sa parta dicitur; collis vero thuris orationis
virtus, ac mentis in Deum elatio, quæ non
tam difficulter parata est. Sic sancti patres
obseruarunt hoc montis collisque discriminē,
licet aliam hæc verba interpretandi rationē
inierint, sponsum loquentem introducentes,
quem asserunt ad mōtem myrrhæ perrexis-
te, cum semetipsum exinanivit, & usque ad
crucis mortem deiecit: ad collem vero thuris
iuisse, cum resurgens ad eam claritatem, glo-
riamque rediret, quam habuit, antequam mū-
dus fieret. Et tamen liquido constat, illam
exinanitionem descensui ad illam vallem cen-
tro finitimam aptius, quam consensui in
montem respondere: contrà verò redditum
ad gloriam cōscensui montis excelsi potius,
quam collis consentire. Reddunt autem
arcana discriminis rationem, quia exina-
nitio illa tam fuit excelsa, vt cogitatione cō-
prehendi nequiret. Redire verò ad claritatē
suæ gloriæ, nec magnum, nec laboriosum ei
fuit. Conscendit igitur montem arduum,

cum nostrorum laborum toleratu difficilli-
morum particeps fuit. Collem verò mitem
fine labore ullo suauissimè ascendit, cum ad
naturalem ac familiarem sibi surrexit immor-
talitatem. Non ergo ex corporata, & aspe-
ctabili tantum montis collisque figura, sed
ex rerum, de quibus agitur, natura interpre-
tatio potissimum petenda est. Hic verò no-
tandum est, Thuris arbusculam (nam de myr-
ra suprà egimus) humilem esse, foliaque ha-
bere lētisco similia, in regioneque Sabæorū,
quæ fœlicis Arabiæ pars est, potissimum pro-
uenire: quæ incidunt circa canis ortū, æstu
flagrantissimo, in ea parte, qua maximè vi-
detur esse prægnans, & tenuissimus tendi cor-
tex: ex ipsa verò incisione, seu plaga laxata
profilit spuma, quæ postmodum concrescit,
& in sacrificium exuritur. Ex quibus satis pa-
tere potest, Orationis virtutem, ab anima di-
uini seminis conceptu prægnante, & chari-
tate sauciata, dum amoris æstus flagrantissi-
mus est, erumpere; & hunc esse illum synce-
rum thuris suffitum, qui sponsi delectat odo-
ratum. Nunc verò postquam sponsus tantil-
lum laudis texturam intersecuit, aiens, se spō-
sam crebrò velle inuisere, hinnulique more
ad excelsam eius mētem se librare, ad sermo-
nis textum reuertitur, ac dicit.

Tota

Tota pulchra es, amica mea, &
macula non est in te.

*Licet nonnullas leuiores culpas admittas, eas
tamen nolo cernere, nec enim id meus in te patitur
amor, ac proinde tota mihi pulchra vidēris ; quid-
quid enim in te contemplor (cætera obliuioni tra-
dens) honestum est. Ideò verò tu tota pulchra es,
quia es amica mea. Et quia es amica mea, macula
non est in te, quam quidem ego contempler , aut
videam.*

TOtam pulchram sponsam appellat, non
quia omnino careat culpa quapiam le-
uissima; sed quia amoris magnitudo non sinit
eum culpam expendere, & totū ad pulchri-
tudinem contemplandam conuertit. Quam
quia solā speculatur (culpa prorsus obliuio-
ni tradita) nihilque proinde cernit, quod pul-
chrum non sit, ex more ardentissimè aman-
tium totam pulchram appellat. Hæc est illa
sponsi philanthropia, quæ ità erga nos illum
afficit, ac si oculis captus esset, quantum ad
culpas pœnitētium vel exprobrandas, vel in
memoriam reuocādas attinet, & ad ea solū
contuenda, & amplificanda, quæ in nobis ho-
nesta sunt, perimouet. Quamobrem iure ab

S 5 anti-

antiquis cæcus pingebatur amor, qui, cum flagrare cœpit, deformitatem à pulchritudine non internoscit. Verba modo trutinare opus erit, quæ, & energia, & suavitate plena sunt. Porro postquam enunciauit illa verba, Tota pulchra es, non constitit, non quieuit, sed originem exactæ illius pulchritudinis referauit, aiens, Amica mea, quasi planius eloquutus esset. Ideò tota pulchra euasisti, quia effecta es amica mea. Enimverò, ut egregius pictor perfectum exemplar sibi oblatum pennicillo expressurus, tunc imaginem perfecisse dicitur, cum lineamentorum & singularum partium, tametsi minimarū exemplaris similitudinem effinxit; sic sponsus in sponsa anima sui ipsius partium singularum reddit effigiem, quam in dies accurate perpolit, donec sui exprimat exactam similitudinem, vniuersarum virtutum concinnitate conflatam. Vnde fit, ut, cum ipse sit pulchritudinis fons, imaginem ipsius sponsa reddēs nequeat non esse pulchra. Prius tamen diuina gratia, charitasque gratis infusa præcurrit, ut ipsa grata fiat & amica. Deinde charitas vniuersis virtutibus decorem formamque elegantē virtutis impertit, ex quo illarum concinnitas & proportio diuina existit, quæ est ipsa interna pulchritudo. Denique, quod attexuit sponsus, aiens, & macula non est in te, sic accipien-

cipiendum est, & macula, quam quidem ego
vel horream, vel contempler, non est in te.
Quod quidem quam sit diuinæ bonitati ger-
manum, quæ parcit, nec impropereat, per se
planissimū est, valetque plurimum ad amo-
rem acuendū. Recēsuit sponsus plures egre-
gias sponsæ laudes. Mox vero vtitur exhor-
tatione quadam ad sponsam acuendam, & in
strenuitate prouehēdā opportunissima, pro-
posito fine laborum fœlicissimo. Quemad-
modum, cùm quis athleta strenuus fortiter
agit in palæstra, sic solent spectatores horta-
ri; Age, certa strenuè, & ad coronam, victo-
riamque festina. Propterea sequitur.

Veni de Libano, Sponsa mea.

Veni de Libano. Veni.

*Veni sponsa, ter monita, hoc est, perfectè voca-
ta, non quòd citò è vita migratura sis, sed vt præ
oculis habeas coronam, cui propinquas, & locum
vnde vocaris, quæ est altitudo iustitiae, eximiad
vitæ puritas, Libani celsitudine, perpetuoq; niuis
candore notata,*

Libanus mons est in Syria editissimus, à
vertice perpetua niue candente nomen
asse-

asscutus, ab occasu in ortum procurrentis, Israelicque regionem à Syria Damasci disternans. Hic præterquam quod cedrorum, aromaticarumque arborum laude clarissimus est, ipsa tamen una altitudine, perpetuoque niuis candore, unde nomen accepit, iustitiae notat celsitudinem, eximiamque vitæ puritatem, in qua quotidie sponsa magis magisq; perficitur. Ex hac vero iustitiae altitudine, vitæque cädore suis numeris absoluto, postquam cursum spiritualis vitæ confecerit, in celum migratura est, gloriæ corona donanda, sponsique aspectu fruitura. Proponitur ergo illi sub Libani metaphora, vitæ norma, quæ ab ea, donec vixerit, seruanda est; proponitur & fœlicitas, in quam ex ea vitæ perfectione sit conuolatura, non ita cito, sed cum viam percurrerit. Quæ profectò interpretatio, quam sit idonea, ex Septuaginta interpretū versione sensum referante conuincitur. Sic enim transtulere. Veni de Libano sponsa. Veni à Libano. Venies, & transibis à principio fidei. Nimirum, ut à fide transeat ad visionem, commonetur: nec confessim transitura notatur, sed agone peracto; ideo quippe traduxerunt futuro tempore, Venies & transibis. Quod autem Libani translatione, non gloriæ celsitudo, sed vitæ, quæ sub fide, & ænigmate ducitur, perfectio significetur, ideo effec-

tum

Etum est, quia Libanus fuit fons baptismatis,
quod est sacramentum fidei. Ex eius quippe
montis radicibus effluit Iordanis, cuius aqua
in baptismum dedicata primum fuit, cum ei
sponsus tactu suæ mundissimæ carnis, vim
contulit regenerandi. Quæ sanè omnia Se-
ptuaginta illi senes intellexisse videtur, cum
traduxere sensum, & reddidere illa verba, A
principio fidei. Quod autem ad ternarium vo-
cationis numerum, (ter enim repetitur, Ve-
ni) spectat, satis arcanum est. Nouimus enim,
numerus hic quam fuerit, non orthodoxis
modò, verum & ethnicis facer, & augustus,
præterquam quod versum est in proverbiū,
Tria sunt omnia. Est ergo ea repetitio exacta
vocationis significatio. Quam quidem spōsa
prosecutura est, trium virtutum Theologi-
carum gressibus; donec ad statum solius cha-
ritatis (fide ac spe cessantibus) æuo sempiter-
no mansura perueniat. Quia vero vocatur
ad coronam, & omnino necesse est, præ
oculis habeat id, vnde coronan-
da est, concinnè sponsus
adiunxit.
(?.)

Coro-

Coronaberis de capite Amana, de
vertice Sanir & Hermon, De cu-
bibibus leonum, De monti-
bus pardorum.

*Coronam de persecutione recipies; dum in liba-
no viuens, montium, vbi feræ habitant, aduersos
patieris incursus. Monti quippe amoris, persecu-
tionum montes opponi decuit, ut tanta sit laboris,
probationisq; mensura, quāta est tui erga me amo-
ris magnitudo.*

A Mana mons est Ciliciam à Syris diui-
dens, qui & Amanus dicitur. Hermon
mons ad Orientem terræ sanctæ, quem Si-
donij Sarion, Amorrhæi Sanir vocabant,
cuius pars Sion est, vnde interdum Sion ap-
pellatur. Quamobrem non esset ab re, Sanir
& Hermon eundem in hoc textu montem
interpretari. Alij vero duos aiunt esse mon-
tes Hermonis nomine insignes, vnum non
procul à Gelboa, iuxta Iordanem, alte-
rum autem multò altiorem, supra Tra-
chonitidem regionem. Alij denique sen-
tiunt Sanir & Hermon duo esse viius mon-
tis iuga, vel cacumina. Sed parum retulerit
vnum

vnum, duos, vel duos montis vnius esse vertices. Quod enim ad enarrationem spectat, in his montibus esse leonum, pardorumque lustra communis fert interpretatio. Leones crudeles, immanesque significant, Pardi vero maculosa variegataque pelle, versutos homines, hoc nunc, illo postea colore, ac simulatione fucatos. Est autem scelestorum hominum ingenium, ad eos, quos cernunt ob iustitiae magnitudinem, quam illi oderunt, magni fieri, insequendos, & extinguendos anxie conari. Crudeles iustorum mansuetudinem, callidi synceritatem execrantur. Cum ergo impij homines deseuient in Sanctos, ex eorum persecutionibus Sancti coronari proprie dicuntur. Ex horum igitur insectationibus, tolerantiae merito singulari sponsa vocatur ad coronam. Quasi sponsus diceret. Ex sponsa, propera, egredi ex commercio peccatorum, qui te tamquam leones & pardi immater laniant, quamdiu vitam inter eos degis. At inquirendum est, cur de capite, ac vertice istorum montium, qui sunt ferarum lustra, vocetur, & non de montium declivio, Videtur autem in hoc mira diuinae sapientiae harmonia latere. Metitur quippe sponsus anxietates & insectationes sponsæ, iuxta diuinæ gratiarum, charitatisque mensuram. Quapropter, quia ad Libani altitudinem, qua ingens

ingens eius charitas exprimitur, eam euexit, altitudinem aduersorum montium, qui leonibus pardisque scatent, ei opposuit, ut quam excellus est amor, tam dira sit persecutio. Et haec est diuina mensura, quam subire debent vniuersi, qui confortes cupiunt fieri sponsi, qui cum in Libani arcano vertice versaretur, hoc est in summa iustitia, è qua vocatus est ad coronam, patrisque conselium, infestos habuit montes aduersos leonum ac pardorum, qui eum immanissime peremerunt. Nihil est profectò (quod quidem ab homine in terris fiat) acceptius Deo, quam laborum ex sincero amore perlatio, Quapropter ingenuè factetur sponsus, se a sponsa mirifice vinciri, & sauciari, dum ait.

Vulnerasti cor meum Soror mea Sponsa.

Sponsa mea, cor meum sauciasti, quia soror mea es effecta, postquam ego carnem assumpsi; ex quo tuū opus iure germanitatis nono gratius mibi est; & quia in intimum cor penetrat vt sagitta; ideo dicitur vulnerare me.

MOs est amantiū, mira cum sensus energia, modo Monarchas, confessim fratres,

tres, nunc Reges, mox coniuges, ex amoris imperio se mutuo nuncupare. Sic cernimus sponsam hic sororem vocari, cum prius amica, postque Regina, & principis filia appellanda sit. Hoc autem diuersorum nominum discrimen, ab amore excogitatum, valet plurimum ad affectus amoris varios exprimendos, modo teneros, modò fortes, ut patet ex varia nomenclatura illis accommodata. At præter hanc rationem, quæ satis apta est, noua subest ratio, cur sponsus sponsam sororem nuncuparit, ut nempe assumptæ humanæ naturæ notet sacramentum, propter quod non confunditur nos fratres, sororesque vocare. Ex hoc autem capite, videtur sponsa vulnerasse cor sponsi, quia soror eius est. Enimvero priusquam semen Abrahæ apprehederet, non adeo propinquus nobis erat, ac proinde nostra opera non intuebatur, ut frater. Postquam autem carne obseptus est, iure germanitatis nouo, nostrum opus acceptat, quod quia usque ad intima eius viscera, sagittæ instar penetrat, eleganter dicitur illum sauciare, seu vulnerare. Sed sponsus noua rese-
raturus arcana, quam facile sponsæ amore saucietur proditurus, ait.

(. . .)

Vulnerasti cor meum in vno
oculorum tuorum.

*Fide tua per dilectionem operante, velut sagitta
quadam sauciastime.*

Si externa horum verborum expendatur si-
gnificatio, mirificè conduit ad spōsi amo-
rem, & spōsæ venustatem commendandam.
Gerit enim se hic sponsus more hominum
quampiam egregiæ formæ fœminam arden-
tissimè amantium, qui vel altero dumtaxat
oculo, siue manu altera fœminæ illius se cap-
tos exclamat, hac ratione commonstrantes,
quanta sit totius corporis elegantia, si vel vna
eius pars cor amantis vincire, ac permulcere
potest. At nunc verba introspicientes, quis
nam sit vnuis hic oculus, indagemus. Explor-
atum est, oculum, cùm ad interiora refertur,
propria translatione notitiā præ se ferre, qua
propter perquam idoneè significat virtutes,
quas philosophi intellectuales appellant. Ve-
rū quia hæ plures sunt, Sciētia, Prudētia, Fi-
des, vñā inter cæteras ad sauciādū acutissimā,
& efficacissimam sponsus innuit esse, quæ il-
lum vulnerarit. Hæc est fides, quæ per dilec-
tio-

ctionem operatur , quæ sponso placet eximiē , cuius præclaras laudes , ex rebus gestis priscorum patrum , Paulus ad Hebræos scribens , elegantissimè recenset ; ita ut huic virtuti , siue oculo arcano Abel hostiam , Abrahæ sacrificium , & cæterorum heroum aëtus egressios iure tribuat ; adeò ut mirandum non sit , oculi huius pulchritudine captum esse Deū . Etenim , ut cætera prætermittamus illustria exempla , oculi huius intuitu se captum , satis aperte monstrauit Deus , cùm per angelum , Abrahamum , qui fide gladium arripuerat , & vibrauerat ad Isaac cædendum , interpellans , sic affatus est . Per memetipsum iuraui , dicit Dominus , quia fecisti hanc rem , & nō pepercisti filio tuo vnigenito propter me , benedicam tibi , & multiplicabo semen tuum , sicut stellas coeli . Et alia promissa , quæ ibi continxuntur . Quid enim fibi vult ille tanta cū emphasi erumpens affectus in hæc verba , Quia fecisti hanc rē , nisi aperte prodere huius oculi venustatem ? Porro in eundem sensum sic enunciare potuisset . Per memetipsum iuraui , quia pulcherrimo fidei per dilectionem operantis oculo , in re hac filij immolandi difficillima , me intuitus es , nec caligasti benedicam tibi , & amabo te , tanta vnius oculi tui captus venustate . Notandum vero fuerit accurate , non fidem solā , sed à charitate il-

Iustratam, esse hūc lynceum oculū; nec enim alias tam eximiè spōñō placuissest hic intuitus, vt pote nec tam syncerus, nec tam purus: quod ex ratione philosophica, & theologica liquet. Nimirūm, quemadmodum voluntas amore terreno affecta vrget ac permouet intellectum, vt practicē iudicet, terrena cœlestib[us] esse anteponenda; sic ē contrario, voluntas affecta charitate subuehit, & permouet intellectum, vt diuina præferat humanis, & velut humore noxio repurgatus, fidei oculo cœlestia suspiciat & imperet amplectenda. Hæc prima est loci huius idonea interpretatio. Succurrit verò altera non minus opportuna.

Profecto inter dona Spiritus sancti, quædam sunt ad intellectum rectā spectātia, quibus oculi similitudo graphicē conuenit; cum quia ad intellectum pertineant, cuius tot sunt intuitus, quot ab eo existunt actus; tum quia Spiritus Sancti, qui scrutatur etiam profunda Dei, dona sunt, quibus vniuersim quadrat oculi arcana translatio, sicut scriptum est. Vidi agnum stantem, tanquam occisum, habentem cornua septem, & oculos septē, qui sunt septem spiritus Dei, missi in omnem terram. Ex his ergo septem oculis, diuina vi condit[ur], ac illustratis, unus est elegantissimè fabrefactus, & pulcher adeo, vt iure suo intuitu,

tuitu, tanquam iaculo quodam vel sagitta cor
sponsi sauciarit. Hæc est sapientia, vnum ex
septem donis spiritus Sancti, quæ ita illustrat
intellectum, ut inflammet etiam affectum, &
secundum hanc (quod est Theologorum ora-
colum) fit missio filij ad vniuersos diuinæ gra-
tiæ consortes. Et sicut filius ipse, est verbum,
non qualecumque sed spirans amorem; ita sa-
pientia, qua filius ipse percipitur, non qua-
cumque notitia est, sed ea, quæ vi diuina im-
pellit, ac incendit affectum. Hæc sapiëtia est,
quæ de vniuersis per altissimam causam, quā
contemplatur, iudicium fert, & in splendidissi-
mum solem lumenis immensi intentos sem-
per oculos habet. De hac igitur sic sponsus
effatur. Sauciasti cor meum (o sponsa) in uno
oculorum tuorum, ac si planius sic effaretur.
Cum plures habeas oculos venustissimes
(o sponsa) & inter cæteros septem, quos spi-
ritus Sanctus mirificè architectatus est, vnius
ex eo numero pulchritudine præfertim ca-
ptus sum, qui cor meum velut sagitta trai-
cit. Hæc est sapientia, qua diuinitus per fusa-
es, cuius intuitus est perspicacior aquilino
visu, secumq; fert voluntatis rectitudinē, qua
nihil gratius cordi meo poterat offerre; qua-
propter totū me amore sauciat, & suave dile-
ctionis vulnus infligit. Sed in vltiora ten-
damus, sequitur enim sponsus aiens.

Et in vno crinē colli tui.

Obedientia tua, quæ est crinis, seu torques collum tuum ligans ad obtemperandum, sauciasti me, qui non egeo catenis seu vinculis ferreis ad te trahendam, vno enim ex crine suauissimè, quò placet, ducote.

HAc loquendi phrasī, non secūs ac proxima, prodit sponsus se adeò impotenter amare, vt (quod in re minore maius videtur) vnius crinis vinculo teneatur. Enim uero vno mulceri oculo, non ità magnum censeri posset, in oculo enim lucet magna pulchritudinis pars; at vno crine teneri, atque vinciri, mirum est, cum in eo nihil videatur splendere, & extrà corpus sit à natura pulsus, tanquam ad pulchritudinem minimè necessarius. Inest autem magna in verbis energia; qua sponsus ea translatione declarat, se non egere catēnis, aut funibus, vt ad sponsæ pertrahatur amplexus, sed vnius capilli, vel crinis laqueo, se non trahi, sed duci. Porro cum quis rem quampiam ardentissimè optat, vulgo dicitur, violentia non egere, sed filo tenuissimo ad eam rem posse perduci. Quod emphasim habet

ma-

maximam, cum is alias vir fortis, ac magnanimus est. Ex hac ergo extera loquendi formula mirificè augetur diuini amoris laus. Fortissimus quippe Deus, cuius terror priscorum olim patrum animos peruerterat, quiq; è tribu Iuda inter homines nasci, ac leonis ex ea tribu insignia feligere voluit, in agni mansuetissimi morem crine uno ligari, propter nimiam erga nos charitatem dignatus est. Quis autem sit iste crinis, nunc cogitadum est. Sanè si crinis spectetur natura, inter capillos censi debet; at quia non crinis capitinis, sed colli disertè dictus est, eius propterea interpretatio à loco vnde oritur, est eruenda. Porro crinis in collo idem est, ac lorum, seu laqueus, seu etiam habenæ, vnde quis trahitur. Idemq; præstat crinis sponsæ, quæ à Deo trahitur, quod vincula, seu funes, seu etiam catenæ animalibus, quæ ab hominibus trahuntur. At quia homines minimè norunt affectum impellere, seu excitare, sed vim extrinsecus inferre, ferrea injiciunt vincula ijs, quorum opera, vel ministerio uti volunt. Deus autem, qui voluntatem condidit, & in eam illabitur, non infert vim, nec eiusmodi vinculis vtitur, sed vel tenuissimo filo, & hic mos Deo familiaris est. Sic angelico ministerio ex uno crine Abachuc ex Iudæa vexit in Babyloniam, sic ex uno crine sponsam modò, sc, quò

vult, ducere hac loquendi ratione eleganter innuit. Crines autem plures sponsam habere clarè perspicimus, nec enim inter omnes vnu seligi potuisset, ni plures essent. Vniuersæ quippe virtutes eæ, quæ animam premunt & astringunt, ut in officio permaneat, metaphoricè crines collum (quæ iugi sedes est) vincientes appellantur, quales sunt humilitas, timor Dei, obedientia. Et hæc ultima est iste laudatissimus crinis, quo ligatur collum sponsæ ad amissim sponso obtemperantis, legisque iugum libentissimè ferentis. Hanc virtutē velut crinem quendam sponsus capit, & sponsam, quò libet, facillimè dicit. Hoc est arcanum colli vinculum, quod non ad inferendā vim, sed ad ornatum à sponso comparatum est. Quod aperte liquet ex Hebraico textu, in quo, pro crine, habetur torques, quod est colli ornamentum. Habent autem hoc proprium eiusmodi ornamenta colli, ut simul etiam viciant, dum exornant; sint ornamenta, & vincula. A capite auspicatus sponsus, per collum descendit in vbera, de quibus attexit.

Quām

Quàm pulchræ sunt mammæ tuę
Soror mea Sponsa. Pulchriora sunt
vbera tua vino, & odor vnguen-
torum tuorum super om-
nia aromata.

P Aulò ante, vbera laudarat , quid ergò re-
petitio hæc sibi vult? Certe minime mi-
randum est , cùm enim vberibus notetur
amor , in quo potissima pulchritudinis in-
ternæ ratio inest , æquum profectò est , vbi
de venustate agitur, amoris fæpius meminif-
se. Verba autem hæc omnia in superioribus
exæcte explanata sunt . Sub initium quippe
primi capit is, quid vbera arcanè significarēt,
quid sibi vellet ea vberum cum vino compa-
ratio, quid inuerent vnguenta, fuse interpre-
tati sumus. Personarum dumtaxat discrimi-
nanda ratio est ; ibi enim de sponso ; hic verò
de sponsa sermo fit . Notandum verò fuerit,
hanc vberum sponsæ laudem repetitam, in-
signe diuini amoris incrementum exprime-
re, quod adumbratur tumore illo maiore, quo
vbera turgent, cùm lacte pleniora sunt, & ad
partum alendum dilatantur. Nunc autem ad
labia sponsus redit, nec enim Rhetorum ob-

T 5 seruat

seruat ordinem, sed amoris declarat impetum
quo dum humanus inuertitur ordo, diuinase
coccinnitas luculētius prodit. Et hoc p̄æ oculis
habendum est in hoc dramate, ne id repe-
tere identidem opus sit.

Fauus distillans labia tua, sponsa.

*Sermo tuus labijs figuratè notatus fauum stillā
tem imitatur: ipse enim quædā est instillatio mel-
lis, quod tu, o sponsa, vt cella faui cerea conservas,
dum me, qui mel arcane ob dulcorem appellor, men-
tis receptaculo condis: indeque dum eloqua-
ris, effundis.*

Si faui contempleremur artificium, nihil esse
aliud, quam mel in cera comperiemus. Il-
læ quippe cellæ (vt in ludi latrunculorum ta-
bula perspicimus) quadam structura miranda
discretæ melle imbuntur, & tunc perfectè
absoluitur faui compositio. Sponsus autem,
propter eximium dulcorem, & quasi mellis,
quo nos afficit, saporem, melle ipso, ceu aper-
to signo exprimitur. Ipse quippè sponsus est
æterni Patris sapientia, quæ de semetipsa sic
effatur, spiritus meus super mel dulcis, efflat
enim sponsus halitum vere mellinum, ac om-
nino ijs, qui cum hauriunt, dulcem, sponsæ
vero,

Verò, ceræ quadrat similitudo huic loco graphicè appicta cùm ob teneram ceræ constitutionem , cui sigilli character facilè imprimitur, sicut & sponsæ ipsius animæ , sponsi imprimitur figura, non illata vi , sed eximia suauitate ac facilitate ; tum ob cellarum faui ex cera compositarum similitudinem , spōsus nimirū eam construxit ad effigiem cellæ, qua ipse conderetur, ac seruaretur. Cernimus igitur fauum esse structuram quandam sponte, sponsaq; constantem; sponsus mel est, sponsa ceræ cella. Quamdiu autem sponsa filet, spōsiq; seorsum dulcore fruitur, cella mel continet, ac seruat; at cùm ex mellis abundantia loquitur, tunc mel distillare elegantissimè dicitur . Oportet verò cellam prius expleri, ut eruetet, & euergat mellis riuum; quemadmo dum prædicatores sancti facile declararunt, qui studio incredibili diuinæ sapientiæ melle prius oppleri curarunt, quam e labijs mel distillarent, hoc est , quam sponsum corde suo, tanquā ceræ tenerrimæ cella cōceptum, alijs prædicarēt. Ex hoc profecto capite cōmēdari debet sapiēs, qui prius sapientiam cōgregauit, quām vomeret, cum quo recte dicitur habuisse Deus, sicut scriptū est, Prou. 30. Verba congregantis filij, vomentis. Visio , quā locutus est vir, cum quo est Deus , & qui Deo secū morante confortatus ait, &c . Prius nimirū

rum congregauit mel , secumque morantem
Deum seruauit , vt cella faui continet ac ser-
uat mel ; postmodumque coepit eloqui , ac
riuum mellis effundere . Sic ergo sponsus effa-
tur . Sermo tuus labijs figurate signatus , fauū
stillantem imitatur , ipse quippe sermo , quæ-
dam est mellis sapientiae corde conceptæ in-
stillatio .

Hæc prima est interpretatio satis arcana ,
quæ graphicè prodit , quonam pacto fauus
vnus ex sponso , sponsaque confletur . Altera
vero subit interpretatio , quæ extera labia ,
totumque oris claustrum , tanquam faui cella
contemplatur , quod , quamdiu spiritus non
impellit ad loquendū , continet mel eloquio-
rum sponsi , quæ faucibus diuini vatis erant
dulciora melle ac fauo ; at cùm spiritus vrget ,
& exundat sponsi doctrina , tunc verè labia
sponsæ mel instillare dicuntur , ex quibus cō-
ceptæ sapientiae melle dulcior fluit oratio .

Nunc verò mellis & lactis sacramentum
vestimentorumque fragrantiam
percipiamus . Dicit
enim spon-
sus .

Mel & lac sub lingua tua ; & Odor
vestimentorum tuorum , si-
cut odor thuris.

*Mel & lac, hoc est dulcis suavisq; consolationis
diuinitus tibi collatæ arcanum ; non temerè prodis
nec te iactas, sed celas & quasi lingua contegis.*

Hic se insinuat externa verborum con-
certatio. Proximè quippè assertū est,
sponsam instillare ex ore mel, quod tūc præ-
fertim contingere videtur , cum os vix con-
cludere valet mellis ad palatum vsque perti-
nentis copiam. Si ergo mel os implet, qui fie-
ri potest , vt lateat sub lingua . Verūm hæc
mira est sapientiæ diuinæ harmonia, vt quan-
tacumque sit in ore sponsæ mellis vbertas,
lateat nihilominus sub lingua. Quod est egre-
gium linguæ sponsæ encomiū. Quapropter,
quid sibi velit hæc linguæ conjectio , aperiē-
dum est; mox lactis, ac mellis discriminem tru-
tinandum. Porrò ideo sponsus lac & mel sub
lingua sponsæ latere ait , vt notet sermonis
parcitatem, tunc præfertim , cum diuinis fo-
latijs anima perfunditur , & velut alternis po-
culis mellis ac lactis recreatur. Cernere quip-
pè licet nonnullos vitam spiritalem mentiē-
tes,

tes, adeò leues, & parùm diuini solatij capaces, vt si tantillum mellis à Deo hauserint, id semper in lingua ferant, & passim effutiant. Quod quidem ingenium leuissimum, & modicum illud mel imprudenter effundit, & ad vltiora bona sit prorsus ineptum. Prudens autem sponsa silet, nec temerè se iactat, vixq; cùm loquendum est, diuinam dignationem euulgat. Vbi discrimen quoddam interspon sam, & leues animos licet despicer, minimè obruendum silentio. Illi nimirūm oris custodia, linguæq; præsertim clauistro egēt, vt sermonem coérceant; sponsa verò, adeo prudēs, & in sermone parca est, vt lingua ipsius dñnorum arcanorū effecta sit custos. Hæc prima loci est interpretatio.

Secunda explanatio huic satís affinis est, Ideò mel & lac sub lingua sponsæ recondi, ne simul effundat vtrumque, si lingua innatet, nec clauistro sepiatur, sed prævia meditatio ne, cunctetur, & ab eo quasi cellario vel mel promat, vel lac, prout tulerit opportunitas; lac quidem tenellis & adhuc in virtutis infan tia versantibus; mel verò grandioribus. Quod enim lac, lenis doctrinæ, & indulgētioris eru ditionis, quæ parvolorum ingenio consentanea est, expressio quædam sit, ex ipsa la citis natura; & eorum, qui lac exugunt, patere potest. Quod verò mel cibus gran dio-

diorum sit, solidioremque doctrinam & eruditio-
nem adumbret, ex mellis patet vi, quæ
non facile excoquitur, quam modice libare
oportet, ne noceat ob caloris excessu. Quod
apertum perfecti alimenti signum est, utpo-
te, quod exigua quantitate gustatum, & ex-
calfacit, & alit. Sic sapientia monuit, cum ita
effata est. Proverb. 25. sicut qui mel multum
comedit, non est ei bonum, sic qui scrutator
est maiestatis, opprimetur à gloria. Vbi non
improbat mel doctrinæ ac contemplationis,
sed excessum. Quo sanè discrimine diserte
monstrat, doctrinam, diuinorumque noti-
tiam, modicè conceptam, mentem recte in-
stituere, ac fulcire posse, ob diuinam nu-
triendæ animæ vim, qua pollet, ac pro-
inde intellectum hominis imbecillem de-
bere sibi temperare, & ad sobrietatem sa-
pere, ne, dum plura nosse fatagit, quām
expadiat, ipso cibo, quo, si sobriè vtere-
tur, esset alendus, intereat. Hanc ergo
sapientiam melle notatam, cum ea erudi-
tione, quæ exilior est, ac ætati teneriori con-
sentanea, non in summitate linguae, vel su-
per linguam sponsa fert, ne facile promatur,
velut triuialis, & peruvia, omnibusq; sine di-
scrimine credenda; verū celat illam, & ob-
seruato tempore promit, seorsumq; eam grā-
dioribus, sicut & seorsum lac recentioribus

fœ-

fœtibus propinat. Hæc secunda est loci explanatio. Tertiam apponimus his minime posthabendam.

Profectò anima charitate flagrans , qualem sponsam esse omnino credendum est, incredibili voluptate , ac suauitate optat omnes afficere ; peccatoresque ad legis diuinæ obseruationem , non austoris increpationibus ex anfractu reducere , sed dulcissimis persuasionibus ad militarem viam cupit reuocare. Ac propterea, si votis amoris respōsura esset, omnibus blandiretur, suauissimoq; hortatu permulceret vniuersos. At, cùm homines nefarij dorsum legi obuertunt , & obdurescunt, necesse est omnino, eos acriter carpare, & naturam charitatis dulcedinem tantillum celare. Propterea mel & lac suauioris, ac blandioris sermonis , non suprà linguam, sed sub illa reponitur, vt austeriora verbâ lingua sponsæ, deposito tunc dulcore, possit expressumere, acriterque (vt oportet) scelere infestos ad salutem corripere. At expendendum est, mel & lac non deglutiri, non in ventriculum traijci, vnde non, nisi violenta corporis contorsione, posset euomi, sed lingua contagi, vt austerae correptioni proxima sit dulcedo; quin & ipsi increpationi dulcor, linguae motu, permisceatur. Et quidem experimen-
to quotidiano compertum est , huiusmodi

cor-

correptiones , non prorsus austeras (minus enim charitas , quam ficus natuam dulcedinem deserere potest) hominum etiam rebellium feritatem lenire; & ad virtutis pulchritudinem amaridam permouere . Sic Paulus hortabatur . Ut si quis errasset , corriperetur , sicut scriptum est : & si præoccupatus fuerit homo in aliquo delicto , vos , qui spirituales estis , huiusmodi instruite in spiritu lenitatis , ac si planius diceret : ne , obsecro , mel & lac de glutiatis , cum errantem corrupti estis ; sat is est , si sub lingna condatur dulcis charitatis sermo , ut dum ad correptionem lingua cietur , ipso motu non nihil dulcoris sermoni admisceat austero , & spiritus ad carpendum armatus , fiat spiritus lenitatis . Sed iam odor vestimentorum percipiamus .

Odor vestimentorum tuorum sicut odor thuris.

Aetus virtutum externi , quibus ceu vestimentis indueris , exhalant odorem quandam Diuinitatis , cui thus immolatur .

*C*erit se sponsus humanissimus amantium more erga sponsam , ut (quod crebro nos experimur) non internam sponsæ venustatem

dumtaxat impotenter amet, verum etiam, &
quidquid ad sponsam quoquo pacto attinere
zorit, eo ipso amet ardenterissime. Quemad-
modum quotidie cernimus, amantes tanti
facere, vel pallium, vel chirothecam eius,
quam impensè amant, ut frequentissime di-
ctitare soleant, ea sibi pignora & iucundis-
sima esse, & eorum visu, vel olfactu se miri-
ficè recreari. Vestimenta verò arcano ser-
mone, sunt virtutis opera, sicut scriptum est.
Venerunt nuptiæ Agni, & vxor eius præpa-
ravit se. Et datum est illi, ut cooperiat se bys-
sino splendenti, & candido. Byssinum enim
iustificationes sunt sanctorum. Et Iob ait.
Iustitia indutus sum, & vestiui me, sicut ve-
stimento. Et quidem virtutis opera id præ-
stant animo, quod vestimentum corpori, dū
illum à culpæ hyemali frigore tuentur, & nu-
ditatem, quam ob culpam incurrit homo,
de qua meritò Adam erubuit, protegunt. At
meminisse opus est, antè sponsum odorem
vnguentorum sponsæ laudasse; quæ quidem
laus spectabat ad interna; vnguenta quippe
non vestibus, sed corpori illinimus, quæ po-
ros permeant, & interiora reficiunt. Nunc
vero vestimentorum laudem attexit, quibus
propria translatione externa virtutis opera
notantur. Huiusmodi autem opera odorem
thuris exhalare dicuntur, hoc est odorem Di-

initatis. Compertum est scilicet ; thus, quod in attestationem Diuinitatis in aris exuritur, quodq; Magi, ad ipsius Diuinitatis in carne latentis magnitudinem propalan dam, sponso recens nato obtulerunt, diuinum quiddam significare, cum sermone usurpatur arcano. Iustorum ergo actus, virtutum exterrī thuris, hoc est diuinitatis odorem spirare asseruntur, quia diuinum quiddam præ se ferunt, maiestatis & magnitudinis plenū. Enim uero videre licet nonnullos homines genere clarissimos, incessu, aspectu, sermone, ita esse natura affectos, ut semper etiam inopini maiestatem quandam præferant, nec illam studio etiam adhibito oculere possint. Sic profectò iij, qui nouo gratiæ diuinæ iure genus à Deo ducunt, excelsam eam maiestatem, quam secum ferunt, celare minimè possunt. Hinc existit, ut incessu sint graues, sermone parci, ac sedato corporis motu quieti, aspectuque modesti, vniuersa que cernunt terrena contemnentes, & velut exculo quodam ex loco despicientes. Ex hac autē externa, & ad diuinum ingenium expensa actuum motuumq; compositione, odor verè diuinus effunditur, quem qui percipit, Deū ibi esse certò sibi persuadet. Recte igitur spōsus ait : odor exterorum virtutis actuum tuorum, o sponsa, est persimilis odori thuris.

Post hæc, sponsus ostensurus, quām sit sponsa virtutibus culta, & ad ipsius voluptatem comparata, declarans simul, quibus eam ipse custodijs tueatur, pulchra quadā vtitur translatione, dicens.

Hortus conclusus, Soror mea
Sponsa, hortus con-
clusus.

Hortus es (o sponsa) distinctarum virtutum plantis, & areis discretus, & à meipso cultus. Bis autem obseptus, seu conclusus es. Montes angelorum & Doctorum te ambiunt, & ego tutelaris ac horti Dominus, vt murus sum in circuitu tuo.

*S*olent principes è regione domorum hortos habere contiguos, ad recreandum animum comparatos, & multa nautitate cultos, areis artificiose discretis, non feris plantarijs, sed mitibus, & ad voluptatem accommodatis, vnde flores ipsi præcerpunt. Nec maiestate regia indignum censet, eum hortum egregie coli curare, de illo crebro cogitare, ac loqui. Nullo præterea pretio, vel prece flores inde legi, exteriusque abduci patiuntur, nec verò sinunt attricari, ne langueant, eorumque

que pulchritudo marcescat. Propterea septū
tutoque clausum esse curant, ne quis in eum
audacter irrumpat. Hæc est tabula quædam,
vbi sponsæ lucet imago. Postquam sponsam
noua iustitiae palingenesia sponsus sibi recon
ciliauit, tanquam hortum amoenitatis ergo
comparatum in prospectu eam semper ha
buit, cuius & ipse fuit cultor, & custos. Areas
in ea discreuit, hanc lilijs castitatis, illam pur
pureis passionum rosis, alias alijs mysticis flo
ribus destinauit. Non est passus feras ibi plā
tas seri, immites quippe, & agrestes mores in
de arcuit; nec enim hortis, sed saltibus ij mo
res opportuni erant. Per huius horti semitas
deambulare ad percipiendum odorem florū,
floresq; interdum carpendos, hoc est virtutū
actus ex habitibus, velut ex plantis crumpē
tes acceptandos, solitus est. De horti huius
cultura crebro & cogitat, & cultores admini
stros alloquitur. Nō flebitur vlla prece, vel
pretio, vt flores eos quis extraneus vel aufe
rat, vel atrectet, hostis quippe Tartaci, qui
florum plantaria succidere, vel saltēm florib
us actuum languorem, ac remissionem, ve
lut quadam manus atrectatione conatur in
ferre, vires eneruat, ne horti intereat pulchri
tudo. Propter hoc hortum sepsit, & vndique
conclusit angelorum Doctorumque custo
dijs, sicut scriptum est, Montes, hoc est ange
li,

li, excelsiꝝ; viri populorum ceu vallium præ
sides, in circuitu eius, hoc est, spōſe. At enim
non propter hanc custodiam dicitur potissi
mum hortus conclusus, sed propter clauſtrū
ſponsi, vallantis & ambientis ſponsam, ſicut
ſcriptum eſt, & Dominus in circuitu populi
ſui. (Hic murus aheneus eſto) Non ſatiſfa-
ceret amori, quo in ſponsam flagrat, ſi tutelā
alijs commiſiſſet, & ipſe nō eſſet tutelæ prin-
ceps. Porrò morem antiquorū fuifſe, in hor-
tis Deorum ſtatuaſ, puta Priapi, vel aliorum
obſcœna ſimulacra collocare, vt eſſent eo-
rum locorum tutelares. At hoc turpitudine
plenum erat, fuifſet autem honestum, ſi verū
Deum agnouiffent, & imaginem ſponsi ibilo-
cassent, per hoc iſpum profitentes, hortorū
decorem iſpī acceptum eſſe ferendum, ſicut
ſcriptum eſt, Pulchritudo agri mecum eſt.
Sublata igitur turpitudine, id quod in eo ge-
nere honestum eſt, probaturus ſponsus, non
ſtatuaſ, vel ſimulacrum ſuum horto præpo-
nit; ſed ipſem eſt, qui horti pulchritudinem cō-
didiſ, horto präſentissimus adeſt verus tute-
laris, & in ſponsæ circuitu murus; propter
quem arcanus hic hortus potiſſimum appelle-
latur cōclusus: vnde patet, cur bis appelletur
hortus conclusus; propter duas nimirum ex-
plicatas ſponsæ custodias. Verū etiſi hor-
tus eſſet fœliciſſimus, muroq; excelſo con-
cluſ-

clusus, nisi fons eruperet, cuius aqua plantæ alefentur, & crescent, omnis ea horti pulchritudo breui periret. Passim profecto cer nimus in Regum viridarijs opere topiario mirifice elaboratis, fontes construi marmoreos, vel ex iaspide politos, ex quorum medio siphone aqua crumpit in altum, quod & ad utilitatem conducit, & ornatum. Propterea in horto sponsi fons deesse non potuit, ynde sequitur.

Fons signatus.

Bibisti aquam diuinæ gratiæ, ac vitæ, quā ego tibi dedi, & effecta es fons aquæ salientis in vitam æternam, in quam gratia visua cōscendit. Et ne aqua ista surriperetur, aut inficeretur, obsignauit me ipso, velut sigillo regio.

CVm fons aliquis puram & salubrē euer git aquā, mos est principibus, cū sepi ri facere, ne animalibus pateat, ne alluvioni bus obturbetur, cœnōve obruatur. Quin & interdū cellam quampiam circumstruunt, & obserat, ne salutaris aqua libidini trāseuntiū sit exposita, sed vni Regi seruata, vtcū hauriē da sit, pura, crystalloq; similis inueniatur, Regiq; sine rubore propinari possit. Talē omni nō fontē esse sponsā, minime dubitandū est. Porro sponsā esse fontem, non qualemcūq;

sed aquæ puræ, dulcis, ac salutaris salientis in
vitam æternam, liquet prorsus, quia toto pe-
ctore hausit aquam, de qua sic sponsus Sama-
ritanam alloquutus est: sed aqua, quem ego da-
bo ei, fiet in eo fons aquæ salientis in vitâ æter-
nâ. Liquet prorsus, quia aqua hæc diuina gra-
tia, & noua in sponso vita est, quæ sicut ab
æterno Deo ad animam delabitur, tantum af-
censura, quantum descenderat, itâ resilit in al-
tum, & ad æternum ipsum Deum quasi circu-
lum peragens reuertitur. Diuinæ naturæ par-
ticipatio est, ad diuinam opus est eam redire
naturam, ut illi hæreat æuo sempiterno. Si
vero in altum erumpit, satis aptè significatur
ijs fontibus, quos diximus in principum hor-
tis solere construi, è quorum medio siphone
aqua prorumpit in sublime. Et ex ijs consta-
re potest, sponsam iure fontem nuncupari.
Obsignauit autem hunc fontem horti plan-
tas alentem sponsus semetipso, ceu sigillo re-
gio, quod qui conspexerit, aquam vel primo-
ribus labijs degustare non audebit. Nimirū
ne obscœni & animales motus, vel hostes
fonte obsidētes diuinæ gratiæ aquā vel surri-
perēt, vel culparū cœno obruerēt, semetipsū
cordi spōsæ tanquā signaculum impressit, de
quo postmodum spōsam monitus est, pos-
cens ut in brachio & corde, impressori Deo
ministrans, id signaculum ponat. Hoc clau-
strum,

strum, hoc sigillum adeò ad diuinæ gratiæ tutelam opportunum est, ut ne voto quidem aliud opportuniùs sponsa potuisset optare. Quòd verò aqua fontis huius longè saluberrima soli sponso, eiusque proinde plantarijs in horto arcano satis suo iure seruetur, patet ex subiecta horti fertilitate.

Emissiones tuæ paradisus malorum punicorum cum pomorum fructibus.

Productiones attūn charitatis tuæ, similes sunt malis punicis paradisi, quæ dehiscunt, ubi maturerūt, & grana rubentia ostendunt. Sic actus illi flagrātia, & ignita tua in me viscera ostendunt. His sunt primi fructus, quibus ego iure cultura vescor.

Mira est in sermone concinnitas. Cum enim sponsus hortum conclusisset, ac horti fontem obsignasset, tutelamque sponsæ suscepisset, vt notaret, eam (etsi cernat se à sponso propugnari) nihilo segniorem ex hoc fieri, sed armari ad diuinæ gratiæ hostes, & fures arcendos, & simul cum sponso seipsum custodiendam, de malis punicis horti primū

loquitur, de alijs mox platis loquutur⁹. Por-
rò malum punicam arborem, eiusq; fructum
ità natura armauit, vt arbor ramis spinosis ri-
geat, vixq; attingi sine lœfione queat, fructus
autē amaro cortice obseptus est, qui est gu-
stui ingratissimus; mox ipsa grana mali ama-
ra quadam sepiuntur intercurrente membra-
na; granorum verò sapor, cùm maturuerunt,
dulcis, ac iucūdus est, tot arcibus custoditus.
Hac ergo nota hieroglyphica sponsus prodi-
dit furem dæmonem spōsæ virtutem inuadē-
tem, mira dexteritate ab ea repelli, sub imagi-
ne furis, qui cum porrigit manum ad mala pu-
nica surripiēda, pungitur, & cum dentibus ap-
prehendit, saporis austерitate afficitur. Quod
verò attinet ad verborum interpretationem,
sic habendum est, depingi hoc in loco ab spō
so paradisi quemdam, simillimum ei, quem
in oriente condidit, vt ex ijs, quæ dicta sunt,
partim patere potest, & ex statim dicendis
partim liquebit. Dictum est de horti, seu pa-
radisi cultu, de fonte, de custodia, nunc plan-
tas sponsus incipit recensere. Meminisse au-
tem oportet, fructus paradisi, ex arboribus
pendentes, ac maturos fuisse creatos, quæ opī
nio communior Rab. Hebræorum est. De-
cuit enim arbores in statu perfecto condi, si-
cuit homo ea ætate conditus est, qua generare
posset, ac proinde folia, & fructus maturi ex
arbo

arboribus pendentes creari debuerunt, mensē Septembri; præterquam quod verbis sacri texus opinio hæc congruentior est. Quomodo enim tunc esset illud pomū, quod carpsit Eua, visu pulchrum, & ad vescendum sua ue, si tempus maturi fructus non esset? Vel enim dici deberet, à creatione Adx, totiusq; mundi, qui iuxta sententiam alteram Martio mēse cōditus est, interfluxisse sex circiter mēses, vt pomum illud ex flore ad maturitatem usque pertingeret; vel supra ordinem natūræ maturum conditum fuisse, antē tempus opportunum. Hoc autem secundum, cum sit prodigiosum, absque necessitate admittendū non est; primum verò planè incredibile vide tur; nec enim tanto tempore ante lapsū Adā & Eua in paradiſo manferunt, vt ex Doctorum patet opinionibus. Aliqui 40. dies, quot Christus ieiunauit, coniiciunt; Tostatus postero die quām creati sunt, eiectos fuisse putat; Alij 8. dies; Alij vnum coniectantur; ac ita breui tempore in paradiſo versati sunt, cūm vix paucos vt plurimū dies, ex communi sententia, eam vitam fœlicem, quæ loco illi debebatur, duxerint. Iā verò, si fructus maturi erāt, mala punica dirupto cor tice, seu corio, diducta patebāt, & rubētia gra na vélut viscera quædāignita ostēdebāt. Ex his ergo malis punicis, maturis scilicet ac patētib⁹, qua-

qualia in paradiſo condita sunt, auspicari debuit sponsus arcanas fructuum ad virtutes aliquatas similitudines, aiens: Emissiones fructuum, hoc est, productiones actuum virtutis, vnius præfertim charitatis erga me tuæ (o sponsa) sunt velut hortus, seu paradiſus malorum punicorum: sicut enim mala punica matura dehiscunt, & grana rubentia exhibent, sic actus adultæ ac maturæ tuæ in me charitatis dirupuntur ultrò, ac tua viscera rubentia, diuinaque amore flagrantia produnt. Nihil sane pro septo horti, fontisq; sigillo, & pro cultura, sponso cultori potuit sponsa gratius reperire, quam isthæc mala punica, quibus ille vesceretur. Quapropter, cum in duas velut classes paradiſi fructus distribuisset sponsus, non sine arcane sensu, in altera classe, mala tantum punica reposuit; in altera vero nō adeò mysticæ vniuersim loquens, cæterarum arborum fructus constituit, quibus virtutum reliquarum actus, qui ex uno stipite charitatis, & distinctis virtutum ramis erumpunt, exprimuntur. Nunc vero plura arbuscularum aromaticarum genera commemorant ad sensus arcanos accommodata.

(?)

Cyp.

Cypri cum nardo.

In hoc horto sponsus caphura notatus, cūm spōse caritate, quam nardus exprimit, inter cæteras plantas numeratur.

Quis nam sit verus sensus, quē hæc verba cum sequentibus aromatum nominibus significant, eius solius fuerit apertè sci re (vt ait Greg. Nysseus) qui, iuxta diuum Paulum, spiritu scit loqui diuina mysteria. Multiplex certè harum plantarum proprietas plurimos suggerit arcanos sensus, quam obrem innumeratas hæc verba interpretandi rationes, authores inierunt, in quo nullo pos sunt iure reprehendi, propter inexhaustam sensuum fœcunditatem. Porrò in his periodis paradisi nomen semper repetendū est, vt cōstet ordo verborum. Est igitur sponsa paradisus, in quo sunt Cypri cum nardo. Cypri hoc loco numeri pluralis est nomen. Cypri, quæ est Caphura, & nardi significationē suprà fusè exposuimus. Expedit autem minimisse Cypri, seu caphuræ similitudine spōsum, nardi verò translatione charitatem eleganter exprimi, ob caphuræ flagrantis in aqua, & nardi miram calfaciendi vun habentis

pro-

proprietatem, à nobis suprà fuisse animadversum. Nunc autem reliquum est, quid innuat illa cypri cum nardo coniunctio, patefacere. Sane mala punica cum pomorum fructibus proximè Spiritus Sanctus coniunxit, nunc verò cyprū nardo conciliat. Et quidē cæteri pomorum fructus, præter punicum, hoc est cæterarum virtutum actus, præter charitatem, siue absq; consortio charitatis, ad paradisum sponsi minimè pertinent, nec in via quidē, nec in patria. Exploratū est quippe, cæterarū virtutum actus, quantūvis egregios ad cœlestem paradisum non admitti, siue charitatis consortio. Quæ pulcherrimè à Theologis luci, sicut cæteræ virtutes coloribus, comparatur. Quemadmodum enim coiores in tenebris latent, nec oculos suo decore, vel delectare, vel mouere possunt, ac proinde putantur, quasi non essent, quamdiu luce non illustrantur; ità profecto cæterarū virtutum actus, quamdiu nox est, ob charitatis absentiam, quasi non essent, putatur, quantum ad æternitatem, ac sponsi attinet paradisum. Exorta verò ea luce, noua pulchritudo actibus illis inducitur: vnde meritò charitas vniuersarum virtutum forma in scholis appellatur, cuius decore actus reliqui ad paradisum sponsi prodesse incipiunt. Sicut ergo, propter hanc rationem, cæteri pomorum fructus

fructus malis punicis adiunguntur, ità nardus apponitur cypro; hoc est, eadem charitas nardo, sicut & punico notata, sponsō, qui arcane cyprus nuncupatur, adhæret. Etsi enim strictior sit inter sponsum & charitatem, quām inter hanc reliquasque virtutes connexio; similitudo tamen non parua est; nam quemadmodum cæteræ virtutes à charitate, sic & charitas à sponsō recipit de corem, & eam, quæ à Theologis forma nuncupatur; immo & recipit formam internam, cùm ab ea cæteræ virtutes externam dumtaxat accipient; ut ex hoc liqueat, quanto potiore iure cyprus cū nardo, quām mala punica cū pomorū fructibus coniungi debuerint. Haec tenus venati sumus causam coniunctionis horū aromatū. Modò vero, quod ad interpretationē attinet, tunc cyprus, seu capphura cum nardo coniungitur, quando nardus liquefit, ac velut resoluitur in sponsi complexu. Cuius certè rei significationem prætulit vnguentum ex hac herba confectum, quod Magdalena super sponsi caput effudit. Expressit enim actu illo, quod intus agebatur, nec potuisse signum ad propalandum affectum, accommodatius excogitare. Profectò, dum nardo caput corporatum sponsi obliniebat, charitate ardentissima nardo notata, sponsum ipsum, qui caput Magdalene, ut ceterarum

rarum sponsarum erat, amplectebatur, & my-
stica vunctione permulcebat. Per similē actū
excedere hoc in loco spōsa existimāda est, ut
verè caphuræ, seu cypri cum nardo paradisus
esse dicatur. At de nardo nondum absolutus
est sermo, sequitur enim.

Nardus, & crocus, & fistula, & cin-
namomum, cum vniuersis
lignis Libani.

*Est in hoc paradiſo, nardi charitas, croci humili-
tas, fistulae oratio, seu metis in Deum eleuatio, cin-
namomi amor, & denique vniuersae virtutes in
Christo fixæ, vniuersis lignis Libani notatae.*

Fcce quo pacto nardus charitatem indi-
cas repetitur, ut virtutibus, quæ per aro-
mata sequentia monstrantur, præesse no-
tetur.

Croci verò vires exploremus, quæ arcanis
sensibus opportunissimæ sunt. Sane, ut cæte-
ras croci vires prætereamus, duo sunt notan-
da maximè, quæ sunt ex probatis authoribus
excerpta. Primum quidem, herba hæc, dum
calcatur, lætior fit, ac fœlicius prouenit. De-
inde crocus cōtra ebrietatem remedium est.

Qui

Qui enim crocum prius biberint , crapulam non sentiūt. Ebrietati quippè resistit. Quintiam (vt nonnulli tradunt) coronæ ex eo factæ sedant ebrietatē. Hæc est expressa quædam humilitatis imago, quæ dum despicitur, & calcatur, medallitus gaudet , ipsoque respectu fœlicius crescit. Qui, priusquam vocentur ad honores, potum humilitatis hauserint, non sentiunt elationem animi , quæ more vi ni caput infestat, & inebriat; quod suo danno expertus est Lucifer, cuius caput huius vini perturbavit fumus , & amore sui , despecto Deo, temulētum reddidit. Michael vero, qui potum croci biberat, ebrietatem minimè sentit, non enim elatus animo est , sed Dei professus est principatum, aiēs: *Quis sicut Deus?* Nam vero si quis (quæ humana conditio est) superbia temulentus sit , texat croci coronā, capitique erectum redimiat , & experietur, ebrietatem euestigio mulceri, atque sedari.

Fistulam, aliqui cassiam, alij cannā , ex qua saccharum conficitur, alij calatum odoratū interpretantur. Hæc vero duæ vltimæ interpretationes videntur congruentiores ; iuxta quarum primam, duo, quæ in fistula dignoscuntur expensa , orationis virtuti apprimè quadrant. Profectò arundines vel cannæ , ex quibus mel illud gummium modo candidū, dentibusque fragile colligitur , quæ suapte

natura leuis materiæ sunt , sicut vniuersim
omne arundinum genus , ac proinde mentis
elevationis , seu orationis reddunt effigiem.
Ipsa quippe oratio , cuius est motus sursum ,
igneam imitatur levitatem , in altum semper
euectam ; in ipsa vero erectione cordis , &
directo in superna motu , saccharum ibi gene-
ratur & gustatur , qui est cœlestis ille ros , ac
mellitus dulcor , qui concrescit in anima , &
incredibili voluptate percipitur , quemadmo-
dum qui eo bono fruuntur nobis tradiderūt .
Quod verò ad fistulæ spectat levitatem , mi-
nimè fileri debet . Constat nimirum experi-
mento , animas orationi insistentes (vt ecsta-
ses præterea inus , in quibus cum spiritu cor-
pus plerumq; in altū tollitur) experiri pro-
pria corpora expeditiora , & promptiora ad
suas functiones obeūdas , velut quādam dotē
agilitatis adepta . Magis arcane fistula hæc
videtur sponsæ ipsius animam significare .
Sacchari quippe arundines succum habent ,
qui ab eis per fractionem & contritionē ex-
primitur , qui postmodum coctus saccharum
fit . Ita sponsæ anima ad surgendum velox , &
leuis ut arundo illa , intra spiritales poros cō-
ceptū retinet sponsum , qui est ille dulcis suc-
cus , qui ab antiquis mel appellatur . Hic verò
succus pressura & fractione à Sanctis expri-
mitur ; ut patet ex Martyrum historijs . Qui

vbi torquebantur , & laniabantur , sponsum Iesum Christū , quē conceptū gestabant , in ipsa eructabant tortura , nec Tyranni aliud ab eis extorquere poterāt , nec enim aliud , præter eum succum , animo conceperant . Succus verò hic mysticus , fiebat saccharum coctum , coquebatur quippè ardētissimo amoris æstu , quo Sancti flagrabant . Ex quo prodibant tot sacchari panes seu metæ , quot verba promebant . Erant nimirum dulcia , quorum sensus erat sponsus , exprimebantur torturis , igne amoris coquebantur , sic saccharum profectò conficitur .

De cinnamomo plura supra fidem dicuntur , quæ tanquam apocrypha præterimus . Legimus autem in scriptoribus , qui huius aromatis vires explorarunt , vim habere excalfaciendi , emolliendi , concoquendi , & contra venena iuuandi ; quæ vera diuini amoris imago est , qui glaciem animi ex culpa concretam soluit , & excalfacit ; duritię cordis emollit ; ut cor , quod ante ad sponsi monita obdurerat , modo , velut cera , sola spōsi voce percepta , liquefaciat : denique contra venena , quæ aureo vase inclusa mundus propinat , mirifice prodest , dum , præter sponsum , cunctæ illi mundi voluptates amaræ videntur . Huic egregio aromati vniuersa ligna Libani apponere consonum fuit . Ligna quippè

hæc in Libano, qui, ob altitudinem & cando-
rein, sponsi gerit imaginem, sata sunt, sicut &
ipsum cinnamomum. Plantæ caput ex quo
vita permanat ad cæteras partes , radix est,
qua terræ humorem exfugit . Sic mysticum
cinnamomum, hoc est , amor, non tām fixus
in corde, vnde exit, quām in re, ad quam hiat,
pulchrè dicitur , in sponso, per Libanū nota-
to, figi, & inde, quasi per radicem, sponsi vitā
attrahere. Cum amore igitur , vniuersæ vir-
tutes in sponso, ad vitam hauriendam defigū-
tur, atque plantantur.

Vniuersa igitur ligna Libani sic concipi
debent, vt semper in ipso monte feracissimo
consita, fixaque permaneant; cum enim ligna
terræ humore concepto alantur, & viuant, si
è natuuo solo auellantur, aut cædantur, interi-
re illa necesse est. Sic igitur verba interpre-
tamur : In hoc amœnissimo paradiſo , cum
cinnamomo, qui diuinus est amor erga spon-
sum , crescunt vniuersæ virtutes ei sociatæ.
Crescunt autem vt ligna Libani nunquām
de monte cæsa: semper enim in sponso, velut
in pingui & coagulato monte , fixæ manent,
indeoque vitam eliciunt , alias confestim inte-
rituræ . At huccusque , in recensendis huius
paradisi plantis, nihil amarum commemora-
uit sponsus . Et quidem , si sponsa innocens
fuisset, & ante reatum in hunc vecta paradi-
sum,

sum, sicut Adam, non egeret plantis austeras,
& amaris. Verum è culpa in iustitiā traduēta
fuit, ac proinde non dulcibus tantum, & ad
voluptatem comparatis, sed amarulentis etiā
lignis eget, ad humorem noxiū expurgan-
dum. Propterea sponsus addidit.

Myrrha & aloë , cum omnibus
primis vnguentis.

*Nascitur in horto isto , mortificationis myrrha,
aloës pœnitentiae. Et suggerunt horti plantaria
materiam, ad omnes eas virtutes , quæ velut vn-
guenta selectissima ulceribus peccatorum meden-
tur; quæ suapte natura secernuntur ab alijs virtu-
tibus, non tam ad sanitatem per medelam efficien-
dam, quam ad eam perficiendam destinatis.*

MYrrha, cuius naturam suprà expressi-
mus, condiendis, & à corruptione de-
fendendis corporibus usurpata, eam virtutē,
quam sancti mortificationem appellantur,
apertè monstrat; quam qui studiose colit, nō
sensit peccati corruptelam. Hac quippe vir-
tute, velut falce quadam , culpæ illecebras, &
occasionses amputat . Et hæc suopte ingenio
videtur instituta, ad effrenes motus reprimē-
dos, quos, licet quis proprio actu minime

peccarit, sed origine traductam culpam dumtaxat contraxerit, patitur ab originali peccato erumpentes. Hos ergo motus coërcet mortificatio, myrrhæ proprietate adumbrata. Verum, quò quis priorum actuum noxas plecat, alia indiget virtute, quæ pœnitentia nuncupatur, quæ aloës proprietatibus aptissimè significatur. De hac igitur herba, pauca hæc excerptimus.

Aloë, Cebar Arabibus, Persis, & Turcis dicta, scillæ similitudinem fertur habere, radice vna, ut palo in terram demisso, folijs pâdis, laciniatis ob spinulas hinc inde eminētes, quæ laudatissima est in Socotra Insula, quæ dissita est à freto maris Erythræi per trecēta nonaginta milliaria. Eius gutta est amarissima, liuores, & suggillata delens, ac propterea pœnitentiæ signat virtutem, quæ amarore suo sponte suscepto, liuores, & suggillationes, quales in anima, suis iectibus, peccata reliquerunt, prorsus expungit. Liuore quidem sponsi sponsa sanata est; sic tamen, ut aloën istam in horto satam & cultam sponsa gustaret, sine qua saluti instaurandæ aditus minimè pateret. Omnia prima, hoc est, eleætissima vnguenta, eas virtutes vocat sponsus, quæ tanquam vnguenta pretiosissima, ex aromaticis horti huius plantis confecta, ad curanda peccatorum ulcera destinantur, quæ secer-

nuntur

nāntur ab illis; quæ non tam ad medendum,
quām ad sanitatem perficiendam proficiunt.
Quod virtutum in duas acies discrimen ex-
moralī philosophia compertum est. Verūm
quod sequitur, excitat admirationem.

Fons hortorum.

*Etsi sponsa fons ob signarus fit, est etiam fons
alijs hortis, hoc est proximis, aquasua proficiens.*

P Aulò ante, inter præclaras sponsæ lau-
des, fontem signatum sponsus recensue-
rat. Ideò verò sponsam velut fontem ob-
signarat, ne quis aquam surriperet, ac illum
suo potu fraudaret. Quomodo ergo fon-
tem hortorum nunc sponsam appellat? Pro-
fectò enim fons hortorum ideo dici vide-
tur, quia tanquam communis fons ex-
positus sit, vnde propinqui horti aquam
haurire possint; quod sine sigilli, claustrique
ruptura videtur fieri non posse. At sanè my-
sterium hic latet, quod ex ipsa fontis aspe-
ctabilis effigie eruendum est. Porrò, cùm
ob allatas rationes fons claustro munitur,
quædam nihilominus fenestella seu exigua
porta patens, cancello ferreo prætextadi-
mittitur, per quam ex craterē lapideo,

in quem primum à scaturigine cōfluit aquā,
 tenuis aliquis riūs elabitur. Postquam enim
 crater ille lapideus plenus est, exundat aqua,
 & necesse est patere illi exitum, per quem
 effluat. Sic sponsa concipienda est. Observauit
 illam sponsus, ne quis fur scatebram aquæ vi-
 uæ obstrueret, vel craterem animæ impleri
 prohiberet; at non temerè, sed ex ipsius spōsi
 consilio aëtum est, ut exitus quidam pateret,
 per quē saluberrima hæc gratiæ diuinæ aqua
 in alios hortos permanaret. Impleuit nimirū
 Deus sponsam diuina gratia & sapientia, quā
 omnino celare sponsa nequit, vnde efficitur,
 vt elebatur illa, ad proximos exemplo ac do-
 ctrina alendos; quod modò parçè fit, quasi per
 fenestellam cancello ferreo prætextam. Nec
 enim sponsus fontem resignauit, & aperuit,
 sicut aperturus est, cum sponsam miserit ad
 alios edocendos. Non ergo ad prædicandum
 modo destinatur, immo sibi potius quam
 alijs prodesse studet, donec per-
 fectissima sit; quod ex
 subiecta patet si-
 militudi-
 ne.

Puteus

Puteus aquarum viuentium, quæ
fluunt impetu de Libano.

*Non est sponsa fons ex terra erumpens citoque
effluens, sed fons puteum efficiens. Gratia quippe
ac virtutes, in ipsa, velut aquæ viuæ scaturientes,
in sponsæ mente, more putei, capacissima continen-
tur, quando in eam ex sponso per Libanum notato
copiose influunt.*

PVteos effodere mos amicorum spōsi est,
vt constat de Abraham; & Isaac, qui typū
sponsi prætulere. Propterea non mirum est,
si sponsus puteum habeat. Profecto puteorū
cauitas, & profunditas, maximè conductit ad
ea, quæ proximè diximus explananda. Quod
vt rectius fiat, duo concilianda sunt, fons nē-
pe ac puteus, ita vt in imo putei scaturiat fōs,
& aqua viua queat appellari, ob scatebræ mo-
tum. Posset enim puteus in exciso faxo fodi,
qui postmodum pluuijs aquis, vel aliunde
illuc infusis, impleretur; in quo tunc aqua con-
sisteret, & tanquam mortua motu careret, nec
vnquam vel vnguē latum ascenderet, immo
decreceret, saxi siccitate partim hausta. Pu-
teus ergo hic arcanus ex fonte semper aquā
fundente fit, & per putei cauitatem aqua vi-

uēs motu prædita crescit, & extollitur. Hæc
est diuina gratia, fons inquā ille aquæ salien-
tis in vitâ æternam, qui manas in sponsæ ani-
ma, quæ instar putei capacissima est, semper
crescit, & attollitur; viuit enim, ac sursum ad
æternitatem mouetur. Non facile effluit, ob
putei altitudinem. Non ergo spōsa est ex eo
genere fontium, qui ad superficiem terræ
passim erumpunt, moxque aqua diffundit,
nulla cauitate recepta. Sed puteus altissi-
mus est, ut aquam viuam contineat; nec
licenter effundat, nisi forte quando effun-
dere iussa fuerit in aquarum viuentium di-
luvio, hoc est, quando semel impleta,
alijs prædicatura superimpleatur. Quod au-
tem plurali numero, aquarum viuentium
sponsus meminerit, virtutum gratiam co-
mitantium, simul cum ipsa viuentium, atque
crescentium aperta significatio est. Quòd ve-
rò è Libano impetu fluere dicatur, allusio est
ad Iordanem è Libani radicibus duobus e fon-
tibus exoriētem. Arcanè verò, aquæ viuæ, di-
uinæ gratiæ ac virtutum, ex Christo, qui, ut
suprà tradidimus, Libano significatur, ema-
nantes notantur. Cuius emanationis, fluxus
aquæ è latere ipsius cæso decurrentis expres-
sio quædam fuit. Quòd autem aquæ impetu,
& non leniter fluere dicantur, vberatis no-
ta est; tunc enim amnes impetu fluunt, cum

ē mon-

ē montium verticibus ingens aquarū decur-
rit affluxus.

Non est ullo modo prætermittendum my-
sterium, quod aquæ cum impetu ex Libano
fluentes innuunt, in viris charitate proueetis
egregiè confirmatum. Nimirum, aquæ Ior-
danis è Libano fluentes, carnis Iesu Chri-
stî sponsi tactu, vim gratiam significandi, &
quod maius est, conferendi receperunt, in
alteram primi (seruata serie) sacramenti, hoc
est baptisini, partem eleætæ. Vnde non qua-
le cumque gratiam, sed eam, quæ vi sacra-
menti efficitur, planè significant. Spon-
sa igitur appellatur puteus aquarū viuentiū,
hoc est, diuinæ gratiæ sociatarumque illi vir-
tutum, quibus, altissimi putei more, ex re-
ceptione, ac frequentatione sacramento-
rum impletur. Etsi enim viri charitate pro-
uectiores (qualem hic sponsam introducit
Salomō) virtutum actibus mirificè proficiat;
at cū seipso exutiunt, & insignis mentis pu-
ritate sacramenta frequentant, nouis tunc,
& miris gratiæ ac virtutum accessibus quam
felicissime crescunt. Quod cum illi experien-
tur, siti quadam sacramentorum inexplebili ar-
det; quòd enim frequentius bibunt, eo amplius
sitiunt: vnde opus omnino est, ut illæ aquæ vi-
uentes, ad eam sitim sedandam, & excitandam,
cum impetu fluant è mōte Libani editissimo.

Iam

Iam verò paradiso à se vigilantissimè culto
benè precatur, aiens.

Surge aquilo.

*Recede dæmon è lateribus aquilonis flans, &
hyemali culpæ frigore, velut gelido quodam aqui-
lone, virtutum germina perurens.*

NOrunt agriculturæ studiosi, quantum
alendis plantis conferat aëris salubri-
tas, quantum noceat inclemensia. Crebrò so-
let euenire, cultorum spem euancere, post
longam in colendis plantis nauitatem, cùm
ventus frigidus, & vehemens flat, & erumpé-
tes vitis gemmas, arborumque flores deco-
quit, & absunit. Quamobrem, si nauitate &
peritia res agenda esset, non minus essent se-
duli agricolæ, ad placandos ventos immites
& procul arcendos, quam ad terram fodien-
dam, & repurgandam. Inter vniuersos verò
agricultores, unus est sponsus, qui ventis im-
perare potest, sicut olim fecit. Cum autem
possit, & velit, statim imperat aquiloni, seu
boreæ, vt Septuaginta vertunt, qui est vetus
immitis, & frigidus à septentrione flans, in
reprobum sensum à scriptura usurpatus, qui
rigore suo terram cōgelare facit, teneros flo-
res,

res, & germina enecat. Significat nimirum & aduersam dæmonis potentiam, qui è lateribus aquilonis, vbi superbia sua confedit, aquilonari, seu boreali quodam impetu irruit in iustos, & immisso frigore culpæ, corda, quæ vitalem Dei calorem conceperant, glaciare, & obdurare contendit, virtutū germina percoquere, & necare pertentat. Cupiens igitur hortū non incassum excoluisse, imperat dæmoni, aiens, surge, cede loco, seu recede hostis paradisi, ne vras tuo flatu arbusculas aromaticas, & herbas odoratas, in quas (vt olim in parafisum terrestrem) te insinuas, serpentino halitu illas adiusturus. Hoc ita generatim afferum fit, vt aquilo dæmonem infestum, virtutum sponsæ plantaria perimere satagentē, sine discrimine significet.

Germanior videtur alter sensus, vt videlicet aquilo, non dæmonem, nec alia peccatorum monstra, sed vnam in hoc loco superbiā notet. Quod duabus ex causis astruimus, Primum quidem, expensa ipsa rei natura, superbiam vulgo ventum appellamus, & superbos, vento distentos, seu inflatos dictitare sollemus; Deinde, quod ad aquilonis seu boreæ nomen attinet, compertum est, ex Isaiae vaticinio, excelsum eum locum Diuinitati soli debitum, in quo Lucifer considere cupiebat, aquilonis nomine notari, petita metaphora à mon-

à monte Sion, qui ad aquilonem Hierusalem
 situs est, vbi templum Deo fuit constructum
 sicut scriptum est: Fundatur exultatione vni-
 uersæ terræ mons Sion, latera aquilonis. Ex
 his ergo duobus, ex venti nempe, & laterum
 aquilonis, à Lucifero concupiti, contempla-
 tione inducimur ut credamus, sponsum hic
 imperare superbiæ, ut quantocyūs abeat.
 Quod ipsa descriptæ pulchritudinis prestantia
 satis monstrat opportunum. Cum enim
 sponsæ virtutes, sub paradisi trāslatione, ora-
 torio encomio, spōsus laudarit, ne fortè effe-
 ratur animo, & semetipsam adeò pulchram,
 nimis (ut olim Lucifer) indulgenter ac impo-
 tenter amet, tempestiuè admonetur, & vento
 superbiæ, ne hortum perflet, imperatur. Di-
 cat igitur spōsus. Surge Aquilo, hoc est, pro-
 cul recede superbia Diuinitatem affectas, quæ
 de interna pulchritudine cōcipi soles, ne hor-
 ti mei plantas interimas. Postquam igitur
 noxio vento recedere imperatum
 est, salubris aura nunc est
 excitanda. Pro-
 pterea subdit
 sponsus.

Veni

Veni aust^r, perfla hortum meum,
& fluent aromata illius.

Veni spiritus Sancte, perfla, & permoue sponsam, sicut anima corpus afflare, & cire solet, sic enim calore soluente poros animæ, odor virtutum effundetur.

Auster ventus à meridie flat, aquiloni è regione oppositus. Est calidus, & in scriptura sacra in bonum sensum acceptus, sicut scriptum est, Deus ab austro veniet. Notat Spiritum Sanctum, Spiritum illum vehementem, qui hortum Apostolicum perflavit, & vitæ calorem inuexit. Vocat ergo sponsus hunc ventum saluberrimum; vt peruadat arcana descripti paradisi plantas, vt ingerat vitam illis; est enim hic spiritus vitalis, de quo ex plantæ, sponsaq; viuunt. Sicut enim corpus de spiritu viuit humano, ita spōsa, qui est hic amœnus hortus, viuit de spiritu diuino. Quamobrem nec per momentum temporis, sine afflato spiritus huius australis Deo viuet, sicut, ne momento quidem, corpus, sine suo spiritu, superuiuere potest. Quod ergo ait sponsus. Veni aust^r, & perfla; non perfunctorie, nō certis ac definitis horis, sed perenniter

niter poscere putandus est, ac si planius effa-
retur. Veni diuine auster, & ita hortum meū
affla, sicut anima corpus afflare, ac ciere so-
let. Tunc fiet, vt fluant aromata illius. Aro-
matum nomine duo intelligi pereleganter
poslunt, aut odores aromatici, qui ex arbus-
culis odoratis calore austri fundūtur; res enim
odoratæ sicut frigore densantur, & odorem
contrahunt, sic calore solutæ exhalant; quod
arcane fit, cum anima iusta, spiritus austro ca-
lido velut resoluta, poris patentibus, odorem
virtutis effundit. Aut aromatis nomine, nota-
tur illud gummi, quod ex illis arbusculis ex-
sudare solet, vt stacte, thus, & id genus alia,
quæ symbolice arcana virtutum vnguenta,
hoc est actus flate spiritu productos innuit,
quibus anima, Christi, hoc est, vnceti, parti-
ceps effecta perlinitur, quemadmodū arbus-
culæ, cum emittunt resinas, illis met obliniū-
tur trunco, & ramis inhærentibus. Nunc ve-
rò, postquam sponsus arcani horti felicitate
descripsit, sponia gratitudinis ergo illum tan-
quam cultorem, cui horti primitiae iu-
re suo debentur, inuitat, vt tan-
quam sui paradisi fru-
ctu vescatur.
(...)

CAPVT QVINTVM.

S P O N S A.

Veniat dilectus meus in hortum suum.

Insinuet se magis ac magis sponsus in me hortum suum, peculiari iure culturæ ab ipso comparatum.

A Moris, & pro cultura gratitudinis stimulo incitata sponsa, cernens plantas horti vniuersas & à sponso satas, & cultas esse, primitias illi offert, aiens. Veniat Dilectus meus in hortum suum; ac si diceret. Si quidem adeò amœnum, fertileque (o sponsa) hortum coluisti, quid tibi pro sedulitate referam? Veni, obsecro, & fruere paradisi amœnitate, quæ iure agriculturæ tua est, & tibi vni dicetur hæc tota fœlicitas. Porrò emphasis inest in verbo, veniat. Cum enim spōsus præsentissimus horto adsit, ac pra sit, ut ex præcedente capite liquet, inepta videatur hæc inuitatio, si emphasi careret. Pre catur ergo sponsa, ut penitissimè adsit, & arctius sibi copuletur, & velut ad intimū spon-

s̄a cordis recessum penetret, quemadmodū,
 cūm quis principis alicuius aulam ingressus,
 intra eandem aulam, ē cubiculo, in cubiculū
 interius, ac secretius, venire, ac se insinuare di-
 citur. Quod verò ait, in hortum suum, secre-
 tum quiddam innuit, quod præteriri non de-
 bet. Anima quippè virtutibus culta, paradiſo
 florenti quām simillima, singulari quidē iure
 appellatur hortus Iesu Christi sponsi. Quod
 sanè ius speciale, ex actionibus, quas ille car-
 ne indutus, vt propria illius assumptæ natu-
 ræ persona obiuit, enascitur. Non enim Pa-
 ter, aut spiritus Sanctus, tanquām hypostasis
 propria elicuit eos actus, quos sp̄ōsus elicie-
 bat, cum non sine sudore, faine, ac siti animæ
 hortum excolebat, & proprio sanguine ve-
 lut aqua perfundebat. Propter hanc ergo cul-
 turam speciali iure sponsa hortus, seu
 paradiſus sponsi nuncupatur;
 vt pateat, cur illa sic
 effata fuerit:
 veniat

Dilectus meus in hor-
 tum suum. Sub-
 dit verò.

(.?.)

Et

Et comedat fructum pomo-
rum suorum.

*Actus virtutum comedat, illos acceptans, ac in
suum intimum cor, tanquam in spiritalem ventri-
culum traiiciens, ut ibi amore cocti, in ipsius na-
turam quasi conuertantur.*

Ad poma carpenda sponsus invitatur iu-
re suo. Quis enim agricola, qui pri-
mis quibusq; agri fructibus non vescatur? Bi-
fariam vero hunc textū interpretari possumus, iuxta duas fructus significationes. Pri-
mum quidē, fructus vniuersim acceptus, ex-
pensa ipsa rei natura, præmij quoddam genus
est, quod agricolarum laboribus respondet.
Ad fructum nimirūm, tanquam ad finem ac
præmium omnis culturæ labor destinatur.
Sponsus autem (vt proximè dictū est) anima-
rum hortos multo labore, ac nauitate coluit,
vnde illi præmij loco promittitur hortorum
fertilitas, multiplexque fructus pro cultura,
sicut scriptū est: Pro eo, quod laborauit ani-
ma eius, videbit, & saturabitur, hoc est fœli-
cem agri prouentum videbit, vescetur, & fa-
mē sedabit. Hic fructus vniuersim acceptus,
quemlibet virtutis notat actū, qui ex anima

tanquam ex feraci terra, & ex virtutis habitu in ea defixo, tanquam ex arbore a sponso culta, solet enasci. Huiusmodi verò fructum, seu virtutis actum comedere sponsus assertur antropopathos. Si enim Deus cibo aliquo esset alendus, is proculdubio esset virtutis actus charitate conditus. Deinde cum comedere nihil aliud sit, quam cibum in ventriculum traijcere, calore ibi coquendum, pulchre dicitur Deus comedere virtutum actus, quos in intimo cordis recessu condit, & excoquit, ac in suam naturam quasi conuertit. Quod adeò verum est, ut semel ibi conditus actus virtutis (tametsi eius author labatur in culpam) Deo semper perseveret acceptus; est enim quasi conuersus in Dei illū comedentis substantiam, vnde & auo sempiterno gratus erit. Liquet igitur, actum virtutis cibum esse sponsi, quo ille audiissimè vescitur.

Secunda loci huius interpretatio huic satis affinis, sed arcana magis, est eruenda ex significatione fructus iuxta sensum Theologicum. Aiunt quippe Theologi, fructum esse virtutis actū nobiliorem cum suauitate productum. Ex quo patet, non vniuersos virtutum actus fructus nomine censeri, sed egregios tantum, qui ob prstantiam, voluptatis sunt sensibus imbuti. Possunt tanc actus omnes poma nuncupari eleganti translatione,

at fructus pomorum minimè , si sensum ex-pendamus allatum. Hunc ergo fructum po-morum,hoc est,ex pomorum genere, come-dere dicitur spōlus appositissima metaphora. Cum enim fructus hic , qualis à Theologis pingitur,saporem arcum suauissimum con-tineat , ad nullum sponsi sensum proprius, quām ad gustum pertinere potuit,vt,mira cū significatione,non audire,seu cernere,sed gu-stare vel comedere illum asseratur . Spon-sus vero votis sponsæ respondens ait.

S P O N S V S .

Veni in hortum meum Soror
mea sponsa.

Ingressus sum iam pridem in te hortum meum,
nisi enim præsens fuisset , paradisus hic plantari
non potuisset, & si recessisset, confestim proculdu-
bio interyisset.

F Eci quod precabar is , Iam enim veni ; in
teque hortū meum illapsus sum. Quantò
quippe paradisus hic altior est , eo , quem in
Eden condidi,tantò sum ei præsentior. Porrò
antequam Adam in paradisum , ex eo loco,

In quo creatus est, transferretur, erat paradi-
sus ipse mea manu plantatus ; postquam ob
culpam ex eo pulsus est Adam, paradisus ipse
perstitit aditu intercluso mortalibus. Vnde
facile perspicitur, Adæ præsentiam horto illi
non fuisse necessariam ; siquidem ante Ada-
mum illuc inuenctum ; & post eum inde eli-
minatum, in suo decore perstitit. At hortus
hic meus (qui sum secundus Adam) ita quidē
à mea & præsentia pendet, & cultura, ut sine
me præsente plantari nequeat, & me abeūte
confestim intereat. Propterea præterita vti-
tur voce sponsus, aiens. Veni : & iuxta ver-
sionem Septuaginta, & Chaldaicā paraphra-
sim: ingressus sum, ac si luculenter effaretur.
Non venio modo (quomodo enim absente
me hortus consitus fuisset, & fœliciter ger-
minasset ?) Sed iam v̄ni, & in illius plantas
vitam eis infereens penetraui. Agit hic spon-
sus tanquam horti dominus, vt se disertè se-
cernat ab alienis. Profectò si quis extraneus
in hortum admittendus esset, à sponsa illi es-
set aditus pādendus, & ad ingressum esset ille
vocandus. Adeo quidem, vt infestus dæmon
in hunc hortum obrepere nequeat, nisi spon-
sa illi fores aperiat, quæ modò sunt oppilatæ.
At sponsus, qui horti claves habet, ipse sibi
fores referat, quando animam nouis deside-
rijs patere, & velut hiarç facit, quod quia ef-
ficit

ficit cùm libet, consultò dicit: Veni, hoc est,
 ingressus sum: penetraui; illapsuq; intimo te
 totam, o sponsa, peruasi, tua vota anteuertes.
 Porrò alienus, quicumq; ille sit, in hortū sic
 nequit illabi. Suadere sanè potest dæmon, &
 ad assensum commonere, vi extrinsecus illa-
 ta, neq; enim in animam illabi, & voluntatem
 efficaciter perinouere valet. At Deus se in
 animam insinuat, & quando placet, eam in-
 trinsecus impellit, & ad noua charitatis incre-
 menta perurget. Rectè igitur sponsus inquit.
 Ante quām vocares, veni in te hortum meū;
 meum sanè, ratione creationis, ratione cultu-
 ræ, ratione desiderij, quod, tanquam nouum
 germen, ego ipse intus existens efficio, atque
 produco. Nihil autem inconcinnum hic sus-
 picari fas est. Etsi enim sponsus animæ spon-
 fax intimè adsit, non propterea, ineptè venire
 rogatur. Ipsa enim sponsi præsentia, tantum
 abest, vt sitim extinguat, vt potius ex hoc
 sui maius excitet desiderium, sicut scriptum
 est. Qui bibunt me, adhuc fitient. Verum
 opus est admoueamus auditum, ijs,
 quæ sponsus, cùm venit,
 se fecisse com-
 memo-
 rat.

Messui myrrham meam cum
aromatibus meis.

*In horto agens ex omnibus virtutum aromati-
bus surculos decerpfi, prius tamen, ad amore ama-
ritudine probatum manum porrexi.*

M Etere nihil est aliud, quām admota fal-
ce culmos exsecare, vt patet experi-
mento. Vbi cernimus, radicem & culmi par-
tem in terra fixam remanere, ynde, cum ad-
huc viret, iterum germinare solet. Septua-
ginta verò Interpretes ytererunt: Vnde
vindemiaui myrrham meam, quod ad eundem sen-
sum maximè conducebat. In vindemia quippe
falce racemos amputamus, relictā vite, qua
quotannis promit vias. Siue autem messui,
siue vindemiaui dicat sponsus, elegantissima
vtitur translatione, ad significandum, se, in
animam illapsum, ad promendos subin-
de egregios virtutis actus eam permoue-
re. Sunt enim habitus virtutum in terra
pingui animæ sati, tanquam triticei culmi
spicas proferentes, vel vites promentes ra-
cemos, cum actus suos eliciunt. At quia,
quantūvis nobiles, & (vt in schola loquimur)
intenſi

intensi habitus virtutum in anima sint , ni-
fi vrgeantur , & impellantur vialia , præter
eam , quæ ipsissimè nativa est , non edunt
actus , oportet omnino sponsum , qui eos ha-
bitus infuderat , intus existentem vrgere &
excitare sponsam , ad actus per illos habi-
tus proferendos . Tunc vero actus ex habi-
tibus , velut à culmo spicæ , vel à vite racemi
enascuntur ; & sponsus ipse , qui eos actus pe-
culiari efficit impulsu , & velut ab habitibus
separat , seipso , qui gladius est anceps , vt pote ,
verbum seu sermo Dei , graphicè dicitur eos
metere , seu vindemiare . Inuestigare autem
opus est , cur in tam amoeno ac vario paradi-
so , ad myrrhā metendam potius , quam ad plā-
tas alias visu & gustu gratiiores , ac suauiores
manum porrexit ? Porro amantes , violis , li-
lijs , alijsq; odoratis flosculis impendio dele-
ctatur , myrrhæ vero amaritudinis , & horro-
ris eos tædere solet . At hæc diuini amoris ar-
cana philosophia est , vt amor non voluptate
ac dulcore delinitus , sed conditus amaritudi-
ne Deo sit acceptissimus . Sanè , quemadmo-
dū in patria nihil amore glorioso , ita in exi-
lio , nihil amore anxio , & amaritudine perfu-
so Deo est acceptius . Quamobrem etsi in spō
ſæ horto , ex omnibus virtutum plantis aro-
maticis surculos sponsus legit , myrrham ta-
men omnibus alijs præfert aromatibus , pro-

pterea enim illius sigillatim meminit, cætera generatim aromata commemorans, dum ait,
Messui myrrham meā cum aromatibus meis;
vbi expendendus est loquendi modus mysterio prægnans. Sponsa petierat, vt sponsus ederet fructum pomorum suorum, iplius videlicet sponsi, agnoscens virtutes ab illo ducere genus. Quod apertè confirmat sponsus ipse, dum ait: ego veni, & myrrham meam cum aromatibus meis messui. Sed mirum est, quod adiunxit.

Comedi fauum cum melle meo.

Mibi vniui, & velut in me tonuertendā sponsam, quæ fauus est, meipso (qui sum mel) imbutus, comedī, hoc est intimè cordi meo insculpsi, & velut in stomachum traieci.

Solent in viridarijs, hortisq[ue] vbi flores vbertim proueniunt, aluearia esse, quæ sine ullo cultorum agri labore, apum opera flores carpentium, mellis non exigua fænora reddūt. Subnotat ergò spōsus, aiēs, se ingressum in hortū, comedisse fauū, aluearia horto suo minimè deesse. Quæ quidē translatio, ad sponsam pertinet significandam, quæ varijs forinis, mira & multiplici metamorphosi inducitur, vt eius perfectio exactius exprimatur.

matur. Quod autem ad arcanam comedendi rationem spectat, paulò antè differui-
mus. Nunc verò, quo pacto sponsa sit fauus
sponsi, melle imbutus, quem ipse comedere fertur, exponendum est. Porrò si ani-
mæ internam contempleremus structurā, mul-
tis potentijs velut faui cellulis discretam,
corporis operculo contextā, cernemus liqui-
dō, faui mirificè constructi, rudi alueari cōte-
cti similitudinem apprimè illi congruere. At
hucusq; ceræ dumtaxat opus alueari conclu-
sum animaduertimus; nondum autē mel con-
fectum videmus. Opus est nimirum, ut apis
florem præcerpat, & eo pascatur, ex quo dul-
cissimum eum liquorē conficiat, quo cellulæ
faui oppleantur. Sic igitur sponsa, quasi apis
sedula, & argumentosa, florem de radice Iesse
suum sponsum suauissimū quasi è radice, cau-
leque præcerpit, & toto pectore haurit, eoq;
auidissimè pascitur. Quem, vbi comedit,
tanquam cælestē mel, intra potentiarum
cellas condit, ut nullo alio, præterquam spōsi
liquore impleantur. Hunc igitur fauum cum
melle suo sponsus comedit, totam enim spō-
sam ipso imbutam ac plenam intimè suo cor-
di insculpsit, & in suam velut substantiā allato
superius sensu conuertit. Hæc prima est
interpretatio.

Succurrit verò altera satis arcana, ex Sep-
tua-

tuaginta Interpretum elicta versione; qui sic
 traduxerūt. Εφαγον ἄρτος μου μετα μέλιτός μου,
 hoc est, Comedi panē meū cum melle meo.
 Quibus sanè verbis alludere videtur sponsus
 ad māna, qui fuit panis ille angelicus, quo pa-
 uit Israēl in deserto. De quo memoriae pro-
 ditum est, saporem eius fuisse, velut similæ
 melle permīstæ. Notat autem sponsus, hac
 symbolicaloquendi ratione, in hortum suū
 virore virtutum opertum, se descendere, ac
 illum candore suo conspergere, quemadmo-
 dum, campos, vbi castrametabatur olim suus
 populus, māna cælo lapsum, velut ros matu-
 tinus super herbam iacens operiebat, & can-
 dore suo honestabat. Manna vero typū spō-
 si prætulisse, omnino planum est. Profectò
 sponsus manna panis melle commissi sapore
 præditum graphicè refert. Panem sapit, dum
 cor sponsæ confirmat; mel sapit, dum sua-
 uitate ac dulcore permulcet. Ipse enim est sa-
 pientia attingens à fine usq; ad finē fortiter,
 quasi panis firmitate; & disponēs omnia sua-
 uiter, quasi dulcore mellis. Quos certe duos
 effectus harmonicè temperatos in spōsa mi-
 rificè sponsus præstat, in eam velut in hortū,
 seu campum viridem more mannæ descen-
 dens. Ibique scipsum mannæ velut forma
 concretum comedere dicitur. Hic enim est
 cibus, quem sponsa illi offert, ipsius informa-

ta similitudine, quem dum ille & acceptat, & arcanè gustat, sibiique intimè vnit, eleganter comedere asseritur. Nec mirum est, vt seipsum sub arcana mannae forma, in anima sponsæ concretum edat, qui sub forma panis, manna notati, seipsum comedit in cœna. Gustat autem seipsum ac panem stabilientem & confirmantem, cum sponsa fortiter amat. Libat verò seipsum ac mel dulcore plenum, dū eius illapsu spōsa amore teneriore liqueficit. Binos quippe affectus hos frequenter ille in sponsa experitur. Hunc profectò panem melle conditum sponsa in primis curare, ac conseruare debet, vt sponsum regio queat excipere conuiio, & vt sit in voce exultationis sponsi sonus epulantis. Cum autem hic de conuiio agatur, potus neutquam desiderari debet. Propterea sequitur.

Bibi vinum meum cum laetitia meo.

Acceptavi, & hauſi amorem fortem vino, & tenerum lacte notatum.

SOlēt in hortis nōnullæ vites seri, quæ sedulò exultæ, & propaginibus porrectis fusæ, in pergulas producuntur, & ad varietatem valde cōducunt. Et hoc innuere videtur spons-

sponsus, qui de horto suo agens, vinum se ibi tradit haurire. Laetis vero ideo videtur meminisse, ut notet, sponsam terræ Canaæ olim feracissimæ laetæq; manantis esse simillimam, & magis arcanè vt illa ouis similitudine commendet, ex cuius gemini amoris vberibus lac exfugit Agnus Dei, qui ex sua dignatione, & charitate nimia, sicut spirituali conceptu in anima formatur, ita spirituali laetæ alitur & crescit, appellatq; lac suū, sicut & suū vinum, quod illi à sponsa propinatur; sicut lactes filiolus lac matris suū appellat vtpote quod sibi iure debeatur. Ait ergo. Bibi vinum meum cum laetæ meo. Amoris duplex actus, alter fortis, tener alter est. Ille vino, quo membra languentia stabiuntur, & roborantur, iste laetæ, quo tenera membra aluntur, eleganter solet exprimi. Est autem proprium amoris, seu fortis, seu teneris sit, (cum sit voluntatis actus) effundere se in rem dilectam, vt paret ex vulgatissimo discrimine, quod Philosophi inter actus intellectus, & voluntatis expendunt. Intellectus quippe res velut exforbet, ac fugit, cū earū ad intelligendum similitudines attrahit; at voluntas exforbetur & velet exfugitur à re dilecta, à qua semper attrahitur. Quamobrem, cum amoris actus promitt sponsa, concipienda est, sub imagine fontis cuiusdam vinum & lac euergentis, ac portum

rum sponso propinantis, quem ille audissime
haurit, ac ebibit. Bibit sane vinum genero-
sum, cum voluntatem sponsæ per fortē amo-
ris actum attrahit; & velut apprehēsa papilla
exfugens babit lac, cum per tenerum amo-
ris actum attrahit illam. Quo certè potu,
licet sitis sponsi sedatur, non tamen extin-
guitur. Nunc verò, quia nullum est lætum
sine societate conuiuum, conuocat sponsus
amicos, ad horti delicias percipiendas, sic
aiens.

Comedite amici & bibite, Et ine-
briamini charissimi.

Spiritalis huius conuiuij, quod mihi sponsa pa-
ravit, participes per charitatem effecti, quasi esca,
& potu mensæ laute fruimini, qui mihi estis
amici. Qui vero estis inter amicos charissimi, lar-
gius bibite, vsque ad sobriam ebrietatem mentis,
eiusque participatione implemini.

Sanè quemadmodum eiusdem corporis
membra mutuo sese fouent, & vnum ex
altero vitales motus recipit, & quasi vim ab
altero suggestam membro, & comedit, & bi-
bit. Sic sp̄ōsi membra, quæ ab Ecclesia mem-
bra

bra viua dicuntur, precum ac meritorum co-
munione se mutuo fouent, vitæ motus ex-
citant, & vim illam totum corpus mysticum
permeantem, & quasi per arterias excurren-
tem vnum ab altero mutuis receptat auxi-
lijs. Sola sponsi vis potuit mortua membra
fuscidare; at suscitata semel, non sibi dumta-
xat, sed & alijs prosunt, & alijs arcanum ci-
bum, potumque ministrant, charitatis parti-
cipatione, per amoris actus seipsam prome-
tis. Nunc ergo sponsus sic eloqui putandus
est. Mensam mihi lautam in amœno virida-
rio sponsa paravit. Porrexit mihi fauum;
vini ac lactis pocula propinavit. Societate
mihi opus est. Accurrite, qui charitate mi-
hi estis amici. Fruimini melle, & vino, & la-
ete. Mei intra sponsæ fauum latentis, qui
sum mel, & geminorum amoris actuū in
vos propter me sese fundentiū participatio-
ne gaudete. Mellis huius escā comedite; vini
ac lactis huius potum haurite. Porro, etiam
cum sponsam intra se sponsum continentem,
& in proximos amoris actum, tum forteim,
tum tenerum, iuxta temporum discrimina
producentem, iij qui charitate viuunt, imi-
tatione attrahunt, & in seipsis eius mores
effingunt, satis aptè mel edere, vinum & lac
haurire asseruntur. Ita quidē, vt ex duobus
capitibus, ex participatione videlicet, & ex

imi-

imitatione, melle vesci, & potum illum ebibere censendi sint. At quod apposuit, aiens. Et inebriamini charissimi, emphasis habet, qua proculdubio innuit, eos, qui inter amicos gratissimi sunt; & præ alijs coniunctissimi, hac participatione meritorum charitate subnixa fœlicius gaudere, ut dū alij modice fruuntur, ipsi ob eximiam charitatem potissimum frui, ac eum arcanum potum quasi usque ad ebrietatem haurire dicantur. Hæc prima est interpretatio.

Secunda loci huius interpretatio satis opportuna est, ut vox illa, Charissimi, nō seorsum accipiat, sed sit nominis illius, Amici, adiunctum. Et in hunc modum amicos charissimos, sponsi ipsius bona vigilantissime curantes, appellat Ecclesiæ Doctores, qui sponsam erudierant, & ad perfectionis gradum, in quo ea nunc adulta versatur, promouerāt. Qui dum illustratis mentis oculis ad hortū, que in tanquam sponsi cultoris ministri curauerant, spectandum introducuntur, cernen tes sponsi fœlicitatem, heroicarumq; virtutum paradisum, ad eius, quam percipiunt, eximiæ voluptatis significationem, mel comedere, vinum & lac bibere, ac ebrietate vincī perhibentur. Protrita sane metaphora est, cum quis prandij, cœnæve tempore, rei aliqui ad voluptatem comparatae dat operam,

dicitare tunc, nullā escam lautiorem, potum
 nullum suauiores, ea qua tunc fruitur volup-
 tate, illi posse accedere. Quod tunc potissi-
 mum verum habet, cūm quis operæ, quam
 in re quapiam posuit, fructum cernit votis
 quadrantem. Sic architectus auidè ac frequē-
 ter sua inspectat ædificia. Sic (quod ad rem
 hanc propriūs accedit) qui consevit arbores,
 quas cōspicit fructib⁹ onustas, obincredibile,
 quam experitur voluptatem, vix potest ab
 earum inspectione diuelli, ibiq; pulchra
 translatione dicitur pasci ac potari. In hunc
 morem Doctores, qui sponsæ animam, ceu
 voluptatis paradisum excoluerunt, & spon-
 so ministrantes, tam egregium in eius proue-
 ctione fructum intuentur, diuinæ cuiusdam
 lætitiae mel libant, lac & vinum hauriunt, &
 ebrietate vincuntur, ita vt arcano sensu satis
 idoneè dicantur inebriari ab vbertate spon-
 sæ, quæ sponsi domus & hortus est, & vo-
 luptatis torrente potari. Rectè igitur spon-
 sus ait. Amici charissimi & Doctores, quibus
 ego sponsam meam educandam credideram,
 comedite mel, lac & vinum bibite, & inebria-
 mini, hoc est, contuentes sponsæ vber-
 tem spiritalem, voluptatis pelago
 absorbemini. Sed nunc
 sponsa in scenam in-
 greditur.

SPON-

S P O N S A.

Ego dormio, & cor meum
vigilat.

*Ego vix sensibus ad vitā fungor externam, vñ
luntas verò mea in sponsum hians vigilat.*

Charissimos amicos ad ebrietatem spōsus inuitauit. Quia propter sponsa inter charissimos habita, huius ebrietatis, qui est torrens voluptatis internæ, consors effecta est. Cui sanè ebrietati fidē astruit somnus hic arctissimus, qui illam complexus est. Porrò ebrietatem externorum sensuum functiones intercipientē cuestigiò somnus consequitur. Sic sponsa cernens (quod votis omnibus exceptiuerat) sponsum intra suæ animæ paradisum cōmorantē, & culturæ incubentem, lātitiae ac voluptatis amne perfusa, corpore a vniuersa tradit obliuioni, & sopitur, ad spōsi amplexus toto mentis conatu conuersa, tātò ad illū effecta vigilantior, quātò à sensibus reditut alienior. Somnus hic, quo spōsa correpta est, nihil est aliud, quām perfectorum virorum multa sedulitate parta proprietas, quā vbi pepererunt, vix haec externa norūt.

Tanta quippe contentionē ad Deum hiant,
ut rerum fluxarum non meminerint, vix-
que sensibus vti possunt ad eas pertractan-
das. Eiusmodi verò viros aliquot orbe toto
conspicuos nostra tulit ætas, qui ob mudi ne-
glectum, & obliuionem, se dormire facile cō-
monstrabant. Cordis vero vigiliam, & pe-
rennem quandam velut palpitationem ob
præsentis sponsi contactum perspicuè decla-
rabant. Quod ergo ait sponsa, Ego dormio,
ad partem sentientem, quam vix anima ciet
ac mouet, ad functiones externas, referri de-
bet. Quod verò inquit, & cor meum vigi-
lat, ad voluntatis corde significatæ conatum,
quo præsentem sponsum apprehendit, refe-
rendum est.

Altera verò mentem subit explanatio,
quæ affectum amoris ac gratitudinis huic lo-
co opportunissimum luculentius prodit. In-
ducitur autem iuxta interpretationem hanc
sponsa de se tota inquiens. Ego dormio. Et
de sponso (quem suum cor aptissimè nuncu-
cupat) ait, Et sponsus, qui est cor meum, vi-
gilat. Quod ut exactè percipiatur, opus est
meminisse, sponsum perquam sedulò hortū
sponsæ plantasse, & coluisse, & vigilanssi-
mè custodire, nec temporis quidem momen-
to ab eo recedere, Quod cum sponsa peni-
tissimè explorasset, & sponsum præsentissi-
mum

mū sibi animaduertisset , incredibili quodā amoris, & gratitudinis affectu sic effatur. Ego sanē nihil labore , ego ferior ab opere , & in huius horti amoenitate suauissimè cōsopior. Cor autem meum , hoc est sponsus meus, vigilat, illiusq; nautitate hæc paradisi felicitas exorta est. Ille consecuit, ille coluit, ille ad incrementa promouit . Pulchrè quidem sponsa , tantillum cum labore , quem subiit in horto in operibus iustitiæ se ipsam excercēs (nec enim omnino nihil egit, quod haeretici nostræ tempestatis mallent) somnum appellavit , vt per hanc hyperbolem , qua leuem laborem , somnum , seu fictionem laboris esse innuit , facile declararet , verum esse illud diuini psaltis oraculum , Qui fingis laborem in præcepto . Ex vtraque vero explanatione omnino efficitur, & sponsum vigilare, & sponsam corde excubare, tametsi dormire perhibetur. Qod ex adiūctis verbis perspicue patebit.

(?)

Z 3

Vox

Vox dilecti mei pulsantis.

*Insonuit vox sponsi mei pulsantis. Pulsat sanguis
ut praesens, & ut absens ab ulterioribus animae
meae recessibus, ad quos cupit ingredi, vocem edit.*

SOnnum sponsæ medullas minimè peruersisse, immò principem animæ partem māsisse peruigilem, hoc uno illa conuincit experimento, quia videlicet vocem sponsi pulsantis audiuit. Quæ quidem ratio efficacissima est; si enim princeps animæ pars somno sepulta iaceret, insonantem, velut tenui auræ sibilo, sponsi vocem minimè perciperet. At hic oratio parùm concinna, sibiq; cohærens videtur. Profectò voce utimur, cum distantes eminus vocamus; si enim comminus res agenda sit, voce non est opus. Iam verò, si ad eos, qui sunt à nobis dissiti, vocē promimus eos attingere manu tunc minime valemus. Qui ergo fieri potest, ut sponsus edat vocem, ad sponsam, illamq; tangat, aut pulset? Quòd si trāslatio ab externis petatur, ubi cernimus plerumq; illos, qui amicorum domos adeūt, simul vocem efferre, portamque pulsare, quò citius referetur, non est ad rem; cum spōsus, intra spōsæ hortum agere, morariq;

asse-

asseratur. Verum hic nodus soluitur, si perpendamus, quonam pacto sponsus adsit, & absit. Sanè, si animæ sinus contempleremur, ad quos, per nouos charitatis accessus se spōsus ingerit, facile perspiciemus illum adesse quidem, & se in plures secretos animæ recessus per amoris augmenta præterita insinuasse. Atque ità præsens ille sponsam ciere ac pulsare valet; sed quia modus amori suo præscribi nequit, & ex hoc in sinus alios ulteriores illabi, & penetrare cupit, à quibus abest, vocē propterea promit, ut in eos assensu novo pandatur aditus. Qualis vero sit hæc vox, mox aperit, ac sponsum loquentē inducit.

Z 4

SPON-



SPONSVS.

Aperi mihi soror mea, amica mea,
columba mea, immacu-
lata mea.

*Adhuc secretiores sinus animæ tuæ mihi reclu-
de, ut in te penetrem, quia soror es mea & ob ad-
ptionem patris mei, & ob carnem assumptā. Quia
etiam es amica mea, & ex amicitiæ iure, totius do-
mus tuæ anguli mihi patere debent. Quia præ-
rea es columba mea, cui ego meorum viscerū ape-
rui nidum, & ita in te nidum mutuò posco. Quia
denique es immaculata mea; dum enim in te illa-
bor maculas mea puritate detergo.*

Hec vox sponsi est, qua facile secernitur
& internoscitur spōlus ipse. Amare na-
tiua illius est proprietas, odiisse violentū qui-
dam illi est, sicut punire ac terrere. Quam-
ebrem in suo monarchico principatu amore
potius, quā terrore gubernare maluit, quo
vno (ut cætera prætereamus) apertè à Ty-
rannis dignoscitur. Enim uero Tyrannus in
occupati regni administratione subditos con-
cutere, ac metu coercere tentat; opprimere,
non

non inducere satagit; ac proinde vox tyran-
ni terribilis est, ad vim inferendam exprom-
ta. At Rex noster, et si iure suo posset im-
pellere, ac imperare (est enim Dominus) ita
tamen leniter moderatur animos, vt mone-
re, non imperare; mulcere, non terrere malue-
rit. Ex quo ipsius vox, tanquam proprietate
natiua, praedita est lenitate, Hoc igitur in-
nuit sponsa, cum ait, Vox dilecti mei, ac si
planius diceret. Vox quae natiua, non violē-
ta est dilecto meo, plena dignationis, ac hu-
manitatis est; non est ad incutiendum terro-
rem, sed ad emollienda corda comparata; no
est vox in commotione, sed in suavis auræ te-
nui sibilo. At hoc parum est, non enim so-
lum vim more tyranni non infert, sed nec fa-
ltem quidem affert, sine nostræ voluntatis
assensu, quod est vrbanitatis genus, diuinam
in nos dignationem egregie commendans;
agit enim ut amicus, non tam suam maiesta-
tem, quam amore expendens. Tantudem
ergo est, vocem sponsi intonare, ac vocem le-
nem, & vrbanam audiri. Quod facile per-
spicitur ex ijs verbis, quibus sponsam leniter
monet, aiens. Aperi mihi, ad intimos tuæ
animæ sinus penetrare satagenti; quot enim
assensus præbes, tot mihi recessus aperis, in
quos festinus illabor. Ad recludenda verò
ostia moneo te, quia es amica mea, vnde

ex amicitiæ lege , anguli, sinusq; domus tuæ
 vniuersi, mihi tecum debent esse communes,
 quia soror mea es à patre meo in filiam ado-
 ptata , & assumptæ naturæ germanitate cō-
 iuncta; quamobrem, quos in natura, & gratia
 Deus coniunxit, separari, & occlusa ianua ne
 fas est arceri. Aperi ergo, quia soror bifariam
 es. Aperi mox, quia columba mea; cùm enim
 tibi nidum in meis visceribus construxerim,
 in quem conuolares, & conquiesceres , & tu
 profectò lege gratitudinis , debes mihi ni-
 dum apparare. Aperi denique, quia es imma-
 culata mea. Si enim ego, te candidam , & la-
 be maculaq; immunem reddidi, experimen-
 to discere potuisti, ex meo ad te illapsu, te fo-
 re puriorem. Ex quatuor capitibus efficacis
 simam contexuit spōlus orationem, qua spō-
 fam permulceret , & ad vniōnem arctiorem
 permoueret , addit tamen præterea ra-
 tionem aliam ad cor emollien-
 dum opportunis-
 sumam,

Quis

Quia caput meum plenum est
rore, & cincinni mei gut-
tis noctium.

Déus, ac exortæ ab eo cogitationes à scelestis ho-
minibus repulsa, & velut ab nocte coactæ sunt.
Et probris iactatis, velut pruina, & gelidis gut-
tis noctis hyemalis conspersæ.

QUADRUPLEX allata ratio, te, ò sponsa, de-
bet emollire, ut ocyssimè mihi sinus
tuos intimos recludas ; at quidem scelestorū
hominum inhumanitas, & crudelitas, qua me
à suis ædibus arcent, & quasi subdio, noctis
hyemalis frigori, ac pruinis expositum ab-
noctare cogunt, te debet præsertim vrgere,
ut tanto me interius admittas, quanto à se illi
me longius repellunt. Hic animaduertendū
est, sponsum, quamdiu sæculi huius ordo ver-
titur, ex nimia charitate sua, cordium nostro
rum frequenti impulsu portas quatere, quod
ipse palam effatus est, & per animarum vias
follicitum incedere. Quidam autem hoc iter
explorantes ianuam illi pandunt (hi vero per
pauci sunt) ad quos libenter ingreditur coe-
naturus, & cubiturus. Cæteri vero, quo-
ruin, ut pote stultorū, infinitus est numerus,
pul-

pulsantem eliminant, & in eum probra, & cō
uicia iactant. De his igitur conqueritur spō-
sus, aiens. Quia (ob prauorum hominum re-
pulsam) caput meum plenum est rore, & cin-
cinni mei guttis noctium. Spōsi profecto ca-
put Deus est. Sicut scriptum est, caput verò
Christi Deus. Cincinni, seu capilli ab hoc ca-
pite enascentes, cogitationes sanctæ sunt, à
Deo in animam exortæ ac immisæ. Scelesti
verò homines, quorū mens humi defixa est,
quando Deum pulsantem ac vocatē repell-
lunt, & cogitationes à Deo spiritu afflāte sug-
gestas procul arcent, pulchra quidem transla-
tione dicuntur sponsi caput, & capillos ex-
ponere pruinæ, guttis noctium, ac hyemis in-
clementiæ. Quid enim ea repulsa est aliud,
quā ros gelidus, ac pruina perurens? Et pro-
fecto quemadmodū immisso à Deo impul-
sus cum quis admittit, & in medio corde repo-
nit, pulchrè dicitur, eos fouere, & quasi calefa-
cere, ita è contrario, qui eos abigit, noctis in-
clementiæ, ac pruinis illos exponere, immo-
& immitti rore illos conspergere elegan-
ter asseritur. Iam verò, quam sit ef-
ficax hæc ratio, ex sponsæ
responsione per-
spicitur.

SPON-

S P O N S A.

Exspoliaui me tunica mea; quomodo induar illa?

Ex ui veterem hominem, qui me retardabat, ne tibi aperirem. Et indui nouum, qui gratia, ut auis pennis vestita, ad te conuolat, noua veste cœn pen- nis fultus. Quomodo ergo nouum hominem exuer- re, & veterem induere potero, cum optem aperi- re tibi?

POrrò Paulus monet, vt qui togam spōsi sunt induendi, veterem hominem cū actibus suis exspolient, & nouum, qui secundūm Deūm creatus est, induantur. Propter vitiatam verò naturam, quæ ex protoparentis nostri sanguine propagatur, & natuam labē vestis seu tunica nostra nuncupatur peccati corruptela; sicut & vniuersim, quod vnicuique natura dedit, suum propriè appellatur. E contrario verò nō sum, sed alienum dicitur, quod aliunde aduenit, nec ex ipsa oritur natura. Si vero alias largitione, vel industria nostra id paramus, nostrum sanè, vtcunque dici, at non tam propriè, ac id, quod à natura suscepimus, valebit. Quamobrē, diuinæ gra-
tiæ

§66 CANTICI CANT.

tiæ vestis, supra naturam, ex sponsi largitio-
ne concessa, tunica inducta nō exactè sua, in
allato sensu à sponsa poterit appellari; tamet
si illius tunicæ verum dominium fuerit ade-
pta. Verè quippe anima Deo grata, dominiu-
gratiæ virtutumque naœta est, quemadmodū
& cæterarum rerum, puta gemmæ, vel auri
dominium quis dicitur habere, ac proinde
non contra iustitiam, sed contra liberalitatē
peccat, cum gratiam abijcit, ac negligit. At
quia dominium hoc à sponso cælitus colla-
rum est, vltra meritum, sponsa ne sibi arro-
get alienam laudem, suum appellat dūtaxat,
quod ex se habet, non verò, quod aliunde cō
quisuit. Postquam autem tunicam veterem
exuit, cernens se mundo muliebri candidaq;
nuptiarum veste ornatam, nefas esse putat,
ea deposita, sordidam illam, quam natuitate
suscepérat, vestem resumere, & sponso ipsam
cometi iniuriam irrogare. Propterea inquit,
Tu me pulsas (o sponse suauissime) vt tibi ar-
ctius adstringar, me penetrare, & cumulatio-
re gratia in ipso illapsu, seu penetratione, ve-
lut noua chlamyde ornare cupiens; ad hoc
enim flagitas, vt aperiam. Quomodo ergo re-
luctari potero, aut cunctari? Vnū erat, quod
ne tibi aperirem, remorari me poterat, tuni-
cica videlicet Adæ, quæ non contegebatur, sed
grauabat, ne posset animus ea indutus, ad te
quane-

quantocyuſ festinare. Erat enim terrena veſtis, & tāquam terrestri pondere me olim de primebat. Verū ego tibi ſociata expoliaui me eiusmodi tunica, & pro illa, cæleſtem aliam ſortita ſum; erone igitur adeo inſipiens & ingrata, vt ad meum interitum iterum induar illa? Minime quidem. Sed tua veſte induta, quæ ad gradiendum expeditionem cōfert, immò & ad volatum prodeſt, ſicut pennae, quibus volucres induuntur, & nituntur ad volandum; hac inqam veſte tua, velut pennis utar. Accurrā, immò & ad uolabo ad aperiendum. Hæc ſponsæ promptitudo adhuc clariuſ ex pedum lotione pefpicitur. Ait enim.

Laui pedes meos, quomodo
inquinabo illos?

Elui affectus terræ instar pedum hæretæ. Quo modo elutos à terræ cæno, iterum luto infigam, & non potius in te lapide viuo, o ſponse, reponam, ut ad aperiendum mundo gressu festinem?

Pedes, quibus incedimus, affectus, quibus vel ſurſum ex charitate, vel deorsum ex amore terreno gradimur, exprimuntur. Anima quippe affectibus, ceu pedibus, iter agit. Pedū vero terram tangentium imagine, vitæ huius

huius mortalis & terræ velut adhærētis affe-
ctus significantur. Est autem vita hæc velut
argillacea terra & glutinosa , per quam qui
graditur, pedes velut in ca no figit, vnde vix
eos, ad incedendum , extrahere valet . Et si
demum inde illos eximit , ca no hærente , à
progreſſione i; retardantur , atque torpeſ-
cunt . Sic, qui ē ca noſis locis emerſerūt, flu-
uum quante cyuſ petunt, ſeſequi ibi abluunt.
Cum vero pedes fluuiio detergere, non eos in
ripa ca no reponunt, ſed in la pide, vi ab illu-
nie , ac ſordibus ſunt in munes : Sic profe-
Etō ſpōla, qua olim peccarat , & cænoſa per
loca inceſſerat, affectuum pedes, ca no huius
vitæ ſordidæ inquinatoſ, diuina gratiæ aqua
ex ſponsi velut latere effluente, proluit. Post
quam veſio ſic abluit pedes, in angulari lapi-
de Iefu Christo ſtatuit illos , ac per viam eo
lapide conſtrati in ſorde terſis affectibus in-
cedit . Quod paſtates regius diuinitus ſibi col-
latum beneficium canebat, aiens. Psalm.39.
Et exaudiuit preces meas: & eduxit me de la-
cu miseriæ, & de luto fa cis , Et ſtatuit ſupra
petram pedes meos, & direxit greflus meos.
Propterea ſpōla inquit. Ablui. ſie etus meos,
olim mundi cæno ſordidos , quemodo iterū
eos cæno illo inquinabo , & non potius iſ
elutis per lapideam vi. m, quam tu o ſponde,
qui & lapis, & via es, ſtrauisti, gradiar & feſti-
nabo

nabo ad aperiendum? Nunc verò quid spōsus
agat, conuenit explorare.

Dilectus meus inisit manum
suam per foramen.

*Sponsus meus per arcanum hiantis voluntatis
foramen ex assensu factum, intulit auxilij sui
manum.*

ANima sponsæ ambitu diuinæ custodiæ septa est. Propterea non patet furibus ad illam aditus. Obserata est à Ipōlo, ne quis alienus se insinuare possit. Etsi verò illam sic obsignarit, sibi tamen quasi fenestellam reliquit, per quam, more amantium, possit illabi. Sic enim amantes condicere solent, ut statis ac definitis temporibus, portis clausis, per posticum domus, vel fenestram auersam, vel etiam foramen, aut rimam aliquam, cæteris ignotam, ipsis solis amantibus exploratam, couenant, seque mutuo alloquantur, & fruatur. Hoc ergo foramen elegantissime significat sponsæ consensum vocationi præbitū. Sicut enim renutus, ac inspirationis repulsa, quædam est voluntatis obturatio & contratio; sic è contrario assensus, quædam est af-

fectus apertio, ac patefactio, foraminis translatione pulchre notata. Cum igitur volutas per assensum patet, ac dehiscit, sponsus confessim per arcanum illud foramen manū immittit. Manu verò auxilium, opusq; notatur; quod ex ipsa rei natura, quæ manum ad exercenda opera, velut instrumentum effinxit, planè conspicitur. Sponsus vocarat, aiens, Aperi mihi, sponsa libenter assensit, aiens, se veterem tunicā, qua olim onusta, aperire nequibat, exuisse, nolleq; illam resumere, sed ad vocantem celerrimè festinare. Nunc (qui est diuinæ vocationis, & auxiliorum ordo) per foramen voluntatis hiantis immittit manum bonorum motuum, & in charitate progres suum effectricem. Vbi cum manu, hoc est, auxilio, ipsamē spōsi persona arctius spōsæ sociatur, & quasi per apertum forame assensus ingreditur, gratiam cum ulans, & charitate. Ut autem liquidō elucescat, hāc manus immisionem, esse collationem efficacis auxiliij, appositissime inquit.

Et

Et venter meus intremuit
ad tactum eius.

Et voluntatis sponsum continentis uterū, ipso per auxilium efficax tangente, commotus est, & motione ad charitatem prouectus. Sed & ob maiestatis illius presentiam, timore concussus est.

Voluntas, quæ tanquam venter spiritualis sponsum charitate concipit (neque enim aliarum potentiatum conceptus sponsum habet, cum sine diuina gratia non possit fieri) corporati ventris similitudine aptè satis exprimitur. Ad hunc autem ventrem patuit foramen assensus, per quem sponsus illata manu, efficacissimi auxiliij tactu voluntatem commouit, quæ rectè dicitur intremuisse, hoc est cōmotio effecisse. Quæ fuisse cōmotio, ex Hebraico textu declaratur, ex quo hæc verba habentur. Et viscera mea tumultuarunt super eo. Alij vertunt. Et venter meus commotus est in ipsum. Hic autē tremor, seu tumultus, motionem voluntatis efficacem adūbrat, qua illa ad charitatis incrementa permoveatur. Metaphora verò petitur ex corporeo ventre, qui, cum mollis sit, ossibusque à natura non sit armatus, & fixus, quando

tangitur, facile tremit, & concutitur. Videatur etiam tremor hic innuere motum quendam summissionis, ac filialis timoris, quem excitat ob suam magnitudinem, ac maiestatem sponsus, cum in anima sua praesentiæ motum efficit.

Surrexi, ut aperirem Dilecto meo.

Tal tu sponsi excitata erexi me ad illius altitudinem, cupiens, non foramine tantum illius manuadmittere, verum, & totum illum, porta voluntatis prorsus aperta, intimè recipere. Non enim de quocunque modico illius admissu, sed de maximo, & penitissimo cogito.

ENIMUERÒ mira est huius, quem Deus in progressu iustitiae obseruat, ordinis harmonia. Postquam enim sponsum immissa auxiliij manu, voluntatem excitasse, & commouisse afferuit spōsa, Surrexi, ait, ut aperirem; quasi diceret, sponso pulsanti, & magis se insinuare cupiēti, libere obtemperau. Surge quippe, habitus est liberè agentis. Surrexi, inquit, non certè quia iacens, sed ēsve quasi deses reperta fuerit; sed quia more surgentis seipsum euexit; ac si dicat, surrexi, hoc est, ad sponsi celsitudinem me altius, quam antea erexi.

erexi. Ostium petiuerat, pessulumque amo-
uere iam tētabat; nec enim textui valde qua-
drat, eam adhuc tanquam in lecto decumbe-
tem pigritari. Quomodo enim (ut metapho-
ra ex corporatis rebus cōstet) sponsi extrin-
secus ianuam pulsantis manus, ad sponsæ vē-
trem pertigisset, nisi ea iam accurrisset ad
ostium, & manum porrigeret ad fores rese-
randas. In hoc igitur actu aperiēdi, se ait sur-
rexisse, sponsi iam manu tactam. Sed obori-
tur hic quæstio. Si enim sponsus iam manū
immiserat per foramē, quomodo adhuc præ-
stolatur ianuæ reclusionem? Patere autem
mysterium poterit, si translationem perpen-
damus. Profectò in carceribus, alijsque inter
dum ædibus, in ipsis portis, quæ non passim
reserari solēt, fenestellæ quædam fabrili ope-
re constructæ, cancellisque prætextæ patēt,
per quas & amici colloqui, & manus nonnū
quam contrectare consueverunt. Vbi certè
facile dispicimus, quo pacto alter colloquen-
tium, per cælli foramina & manum immit-
tere, & alterius intus existentis, seu manum,
seu corpus attrectare posset. At nihilosecius
si familiarius res agēda esset, præter hoc etiā
tota illi ianua deberet aperiri, vt ingressus
amicus & amicum osculari, & amplecti vale-
ret. Ex hac ergo metaphora sensus erundus
est arcarius. Sponsus sanè cùm nouū impel-

lit ad assensum, quasi ostium voluntatis pulsat, bifariamq; admittitur. Aut altera manus quasi per portæ fenestellam vel foramen, quæ quidem manus efficacissimè voluntatem per mouet. Est enim manus Dei, siue cum fert taetu auxilium, siue cùm percutit, potentissima, sicut nouit Iob, quem manus Domini tegerat. At hoc benè habet. Non tamen usquequaque spōso satisfacit. Licet enim, cùm pœnam infert, se contineat, & tactu infensa manus, ex commiseratione, contentus sit; verum cùm beneficia confert non manum dūtaxat benignam porrigere, sed & totū semetipsum, ex bonitate, vellet spōsæ tradere, & in illius cor penetrare. Propterea hic graphicè pingitur ad ianuam, manus immissione minimè contentus, sponsam liquefacere cupiens, ut omnibus quasi animæ poris calore solutis & apertis, per ulteriorem assensum, non quemcunq; sed patentissimum, sponsæ copuletur, & quasi toto corpore, porta reclusa, ingrediatur. Verum enim uero, ut porta sic sponso patefiat, manuū dexteritate, ac solertia opus est. Propterea sponsa subdit.

Manus

Manus meæ distillauerunt
myrrham.

*Opera mortificationis, quæ sunt manus ad veræ
amoris in corde latentis domum sponso aperiendam
opportunissimæ, instillauerunt quasi myrræ gut-
tas; per hoc ad aperiendum aptiores effectæ, quod
sunt amaritudine ex aminatæ. Nō effuderunt myr-
rham nec vero prorsus ea caruerunt, sed instillarunt
ne quid nimis.*

Vulgatissimum est, manibus figuratè ope-
ra significari, Myrrha verò, quam sancti
patres mortificationem appellant, exprimi,
ex superioribus liquet. Qui autem cupit spō-
so amore sincero ac forti arctissimè sociari, &
perinde voluntatis portam omnino pandere,
ut tota domus illi pateat, & ne vnuis quidem
angulus proprio reseruetur amori, hoc in prī-
mis curare debet, ut opera, quibus sponso pla-
cere studet, sint myrræ amaritudine delibu-
ta, & quasi stactes guttas instillent. Nec enim
is amor probari debet, qui mortificationem
odit, qua, velut Lydio lapide, charitas exami-
natur. Esset enim hoc tempus anteuertere, &
agonis tempore luctam detrectare. Porro,
qui delicatus est miles, & amat tantum, dū à
spōso voluptate mulcetur, man⁹ cordis ostio
admonere non satagit, immò formidat. Est

quippè ostium illud vi illata pandendū, quia
æreum est, vēctibus ferreis ob peccata obse-
ratum; manus verò molles eam vim ostio nō
valēt inferre, quæ ad ferrea claustra perrum-
penda debet imprimi. Oportet ergo eas ma-
nus exercere labore, & arcana myrrha deli-
buere, vt posita mollitie obdurescant, & vo-
luntatis æreo muro vallatæ claustra perfrin-
gant. Eminuerò peccatores, cor lapideū, seu
ferreum habere vulgò dicuntur, ob duritię,
manus verò molles, hoc est mortificationi
non assuetas. Iusti verò è contrariò cor car-
neum (quod Deus pro lapideo reposuit)ma-
nus vero ferreas, hoc est duras, laboriq; assue-
tas habere censemur. Opera nimirūm illo-
rum manibus adumbrata, nihil sunt aliud,
quām pérennis quædam sensus domitura; ex
quo patet, quām facile hisce manibus cordis
porta recludatur. Si enim duris manibus fer-
rea peccatorum corda sponso pandi possunt;
quantò pendentur facilius corda iustorum
carnea? Quantam ergo emphasis hæc spon-
sa, cor carneum habentis, verba habent; Ma-
nus meæ distillauerunt myrrham? Profectò
(qui mos iustorum est) nihilò segnius semeti-
psam exerceat, ad sponsum hospitio excipien-
dum, quām si sceleribus esset onusta, & cor
ferreum gestaret, cuius repagula essent vio-
lenter estringenda. Ait ergo, Cum nossem
ego,

ego, opera sensui aduersa, ad ianuam voluntatis aperiēdam esse oportuniſſima (qua enim re clariū volūtatis ſpōſo aperitur affectus?) curaui ut opera mea myrrhæ mortificatione condirem, & hiſce tanquām duratis manibus tibi (o ſponsæ) cordis mei ſecreta pateface-
rē. Per hoc autem, quod manus non vncas modò, verum & myrrham liquidam ſtillātes ſponsa porrigit, mortificationis prodit modum temperatum, viris charitate prouectis familiarifſſimum. Ne quid nimis. Nec enim commendari debet nimia corporis afflictio, qua fit ineptum ad contemplationem, & diuinæ charitatis functiones. Nec verò à morificatione defiſtēdum prorsus eſt. Quod ele-
ganter diſtillandi verbo innuitur. Nam cum nubes inſtillat vel rorem, vel ceflantis pluviæ guttas; nec omnino deeft aqua, nec tamen eſt pluuiia, ſed inſtillatio, medium, modumq; for-
tita. Satis profecto videri poſſet manus myrrhæ vncione duraffe, ne vltius de vncione digitorum eſſet agendum; quis enim manus obungit, vel eluit, qui ſimul digitos non vngat, & abluat? Verū consulto ſpiritus Sanctus digitorum memini
nit ad miſticum ſen-
ſum propalan-
dum.

Et digitii mei pleni myrrha probatissima.

*Et discretionis virtus digitis distinctis ostensa,
mortificatione quasi maduit, non qualicūque, sed
studio Dco placendi exercita, ac ab eo proinde
probata.*

Profectò si manus opificium expendamus
comperiemus volam rude quiddam & in
discretum videri, si cum digitorum discretio-
ne conferatur, in quibus & motuū distinctio,
& applicatio est valde mira. Ex quo fit, ut ea
man⁹ deformis sit, quæ vel omnes, vel aliquot
digitos habet compactos, vel stupentes, aut
exanimes. Innuit ergo Spiritus sanctus his,
quæ proximè commemorauimus, mortifica-
tionis operibus, laudem minimè impenden-
dam, quæ discretione carent. Quod sanè my-
sterium Septuaginta interpretes nosse viden-
tur, qui sic verterunt: *Digitii mei myrrha ple-
ni super manus: quasi notantes, digitos ipsos
super manus poni debere, ut volam, quæ tan-
quam rudis massa carnis est, sua discretione di-
stinguat, & arcanae mirrhæ usum in operibus
doceant.*

Non manus vola indiscreta vtendum, sed
tempora discriminanda & ingenia atque ne-
gotiaq

gotia; & quasi quadam digitorum distinctio-
ne ad remedium, nō ad interitum, myrrha ista
vesci debemus. Et expensis personarū ac cui
parum gradibus, potus hic amarulentus hau-
riendus est. Debet etiam myrrha hæc, qua di-
giti pleni sunt, esse non adulterata, sed proba-
ta, immò & probatissima. Enim uero castitas
fatuarū virginum, nō sine anxietate, ac myr-
rhæ amaritudine seruari potuit, sensu perpe-
tim reluctante, ac resiliente: at & digitorum
discretione caruit, & probata non fuit. De-
buit enim sincero Deo placendi studio, ab hy-
pocritarum, ea opera ob humanam laudem
exercentium, simulatione, & ficta sanctitatis
specie secerni: & quia secreta nuo est, ideo
nec probata. Humanam quidem laudem
aucupatæ sunt, & semetipsas eo myrrhæ ge-
nere imbutas apud seipfas commendarunt.
At ut Scriptura tradit, non ille probatus est,
qui se ipsum commendat, sed quem Deus cō-
mendat. Non ergò tantum fatuarum virgi-
num myrrha probata non fuit, sed nec proba-
Quin verò fuit reproba, quemadmodum & ip-
sæ virgines, quæ à sponso repulsa sunt. Hinc
planè efficitur, hanc mundi sollicitudinē, qua
elati, & auari, cæteriq; id genus homines sua
opera imbuunt, quando fatagentes & anxij;
& honores, & diuitias incredibili labore con-
quirunt, esse quidem myrrham, qua vola
manus

manus delibuta est; at non perlabitur ad digitos, & quod funestius accidit, est myrrha reprobata, sicut & ipsi reprobi sunt, & à sponsis nuptijs tandem arcendi. Manus igitur, & digitos myrrha probatissima delibutos portat admouit sponsa, ut tota sponso voluntas pataret. Quod sic enunciat.

Pessulum ostij mei aperui
Dilecto meo.

Carnem voluntatis meæ portam (ne tota pandatur) retardantem, manibus mirrhæ mortificatione perunctis, tanquam repagulum seu pessulum amoui, & sic aperui sponso meo.

PEssulus, qui ostium claudit, carnem, quæ voluntas naturæ compatiens afficitur, & ne prorsus sponso tota pateat, retardatur, in ijs etiam, qui charitate prouecti sunt, significat. Ostij vero nomen voluntas hic suo iure sibi vendicat antonomasticè; cum enim plura sint ostia animæ, vnum hoc sponsus affectat, & pulsat, cæterorum velut oblitus. Hoc quippe vnum si oppiletur, necesse est, ille recedat. Si autem officium pessuli spectemus, id agit, dum portas, ne quis ingrediatur obfirmitat, quod carnis efficit amor seu affectus, qui intrâ

intravoluntatem obrepdit, dum diuinis op-
ponitur impulsibus. A pessulo vero hoc, etia
egregij certatores, quamdiu carnis pondus
gestant, omnino esse nequeut immunes; sem-
per enim in agone, ac palæstra luctantur. Et
haec eximia illorum laus est, ut cum, quantu
muis proficiant, de pessulo carnis amouendo
semper cogitadum sit, ut voluntas magis in-
diēs ac magis sponso patefiat, nō propterea,
succumbant oneri, sed sine intermissione re-
sistant. Hic vero, seu vectis, seu pessulus,
nō alijs manibus, aut alijs digitis, quam myr-
ra perfusus, hoc est, non alijs, quam mortifi-
cationis operibus est auertendus, ut cæsa, &
edomita carne, quæ voluntatem ad sua vota
pellicit, voluntas purgatæ mentis secuta du-
catum, sponso tota dehiscat. Quod se præ-
stite sponsa fatetur, cum ait, se pessu-
lum amouisse, ac aperiisse Di-
lecto. Verum admirati-
tione dignū est.
quod tequi-
tur.

At

At ille declinauerat, atque
transierat.

*At ille suæ præsentia sensum mihi subtraxit,
aut negavit, & se digredi ac trāsire, licet adesset,
simulanit. Declinauit autem, ut potè confessim
rediturus.*

Sollicitè pulsarat, & ingressum expetie-
rat, & nunc, quando illi patet aditus, præ-
ter spem, se proripit, nunc, inquam, cùm ne su-
spicio quidem fugæ poterat oboriri. Sponsa
quippe seipsam exercuit, & vt illū digno ex-
ciperebat hospitio, sensui proprio non indulxit;
& tamen delusa videtur. At verò, qui diuini
callet artem amoris, minimè mirabitur. Eue-
nire quippe solet viris prouectis hæc dereli-
ctio, quæ ad excelsi animi perseverantiam, &
constantiam experiendam, fit à sponso con-
sultò. Cernere passim licet viros charitate in-
signes, qui, quò sollicitius Deum quærunt, &
se oratione, magis ac inedia torquent, per plu-
res, non dies tantùm, verùm & menses, & an-
nos, eò longius videtur à Deo repulsi. Cuius
profectò dogmatis non fuit ignarus regius
psaltes, qui plerumq; spōsum anxiè orans, se
derelictū animaduertens, amanter conquere-
batur

batur, ut videre licet, si Psalmi duodecimi que
rimonias expendamus, & alias id genus, tum
in eo, tum in alijs vatibus, quæ quo longiores
sunt, eò maiore postmodum Dei voluptate
compensantur. Quia in re duo præ oculis ha-
benda sunt, quæ interdum simul, seorsum in-
terdum iustis euehire solent, accessio nempe,
quam promeretur, charitatis, & internus præ
sentiæ sponsi sensus. Charitatis autem accès-
sio, sanctitatem perficit, non ita sensus ille, ta-
metsi charitatem comitari soleat. Quotiescū
que igitur anima seipsum exercet, & affecti-
bus tota sposo patere curat, actus (ut scho-
la loquitur) eliciens meritorios, charitatis cæ-
terarumq; virtutum noua lucra comparat, ac
proinde sanctior fit; verum non semper spon-
si, arctius sibi in ijs incremētis sociati, præsen-
tiam sentit ac voluptatem. Quod diuina effi-
cit sapientia, ut non animo efferatur sponsa,
sed humilia de se cogitet, & tutiū ignotā ser-
uet sanctitatem. Hæc ergo præsentia sponsi
absconsio, digressio, seu declinatio, transitus-
q; appellatur, cuius ergo sponsa nunc arescit,
mīro modo complexa illum, quem putat ab-
esse. Expendenda est loquēdi ratio. Nō enim
sponsa inquit: At ille excesserat, vel abierat.
Sed declinauerat, (vel, ut ex Hebræo verti
potest, circuierat) atq; transierat. Profecto
qui à via declinat, vel digreditur, nō omnino

recedit, sed tātillum se subtrahit, mox regres-
furus. Qua sanè metaphora elucet, quanam
ratione suam viris sanctis Deus præsentiam
subducat; non enim eam subtrahit, ut prorsus
absit, sed ut citò redditurus, & iucundiora gau-
dia, post digressum, allaturus. Brevis nimirū
(et si per annos aliquot producatur) absentia
mora est, quando nec seriò recedit, nec verè
abest, &, quando expedit, à diuerticulo reuer-
sus miris incrementis auget voluptatē. Ver-
bum vero, circuierat, quod ex Hebraico red-
ditur, clariū monstrat, quonam pacto spon-
sus a grē digrediatur, & quasi recedere ne-
sciēs Ipōsam ipsā ambiat, & circumeat, quasi
qui in loco quopiam, opus habet inceptum,
& perficere illud cupit, vix inde diuelli po-
test, donec absoluat, & si fortè interdum, in-
de tātillum abesse oporteat, hac illacque ex-
currat, & circuit, quasi non prorsus abire de-
cernens. Recte igitur, nec sine emphasi spon-
sa inquit: At ille sui mihi sensū, gustumyene-
gans, se recedere simulauit. Verum nō abijt
ille, sed declinavit, ac digress⁹ est; citò enim
illum à diuerticulo reducat amor.

Sed sponsam vlerius ge-

mentem au-

diamus.

(...)

Ani-

Anima mea liquefacta est, vt
Dilectus locutus est.

Quando sponsus pulsans me alloquuntur est, ipsius igne concepto liquata sum. Anima quippe, velut spiritualibus poris solutissimae illi tota patuit.

EX his verbis effici videtur, sponsam strenuè se gessisse, cum à sponso vocabatur, & tunicam se exuisse, ac lauisse pedes aiebat; non enim torpor obrepserit, aut illam desidia retardauit, ut pluribus placet patribus, & cerneret licet in Greg. Nysseno, Psello, Ricardo. Hæc igitur verba illuc referenda sunt, ut eorum sensum venari queamus. Sanè cum sposa animaduertat, se iejunam esse derelictam, & Dei sensu carentem arescere, excutit semeti psam, ne forte sponsum lacescuerit iniuria, et si vere non deliquerit. Hic autem mos timorati animi est, ut cum vitam dicens innociam, experitur, se velut à Deo projectum, & aridum, mores & actus suos mente repetat, idemque verset; ne forte quid peccarit, quod sit expiandum, tametsi plerumque nihil deprehendat in se turpe, sed omnia honesta, & Deo vnde cumque grata. Auspicatur ergò sponsa sui examen, & in hunc modum

eloqui putanda est. Sponsus impulit me; &
 ad grandiora vocavit. Egò tunc nihil causata
 sum, quo minus fores recluderem. Et ut eam
 functionem expeditius obirem, manus ac di-
 gitos myrrha perunxi, pessulumq; retraxi.
 Quid ergò ultra facere debui? An cunctata
 sum, & torpui, cum vocarer? Minime quidē.
 Immò verò, cum primum sponsus me pul-
 sans ad vltiora vocavit, & amanter locutus
 est, anima mea ea voce traiecta incaluit, ac
 diuino calore concepto liquefacta est, vt il-
 lum poris spiritualibus patentibus haurirem.
 Porro frigore corpus constringitur & consti-
 patur, calore resoluitur, poriq; patefiunt. Sic
 anima hyemali culpæ rigore premitur ac co-
 trahitur, diuino verò charitatis calore raref-
 cit, totaq; velut poris apertis illa dehiscit, vt
 sponsum tanquam quædam spongia conci-
 piat. Hoc ergo mysterium sponsa innuit, cū
 ad spōsi vocem se commemorat fuisse lique-
 factam. Si verò vtamur versione Septuagin-
 ta Interpretum aientium (Anima mea exiuit
 in sermone eius) perspiciemus affectum spon-
 sæ ardentissimum, siquidem rarefacto velut
 corpore notat animā exiisse, quasi voce spōsi
 attractam. Talem quippe inesse vim verbis
 spōsi æquum est putare, qualem verbis Am-
 phionis poeta tribuit aiens.

*Diths & Amphion Thebana conditor arcis,
 Saxon*

*Saxa monere sono testudinis, & prece blanda
Ducere quo vellet. Quia in re nihil apparet tur-
pe, quod spōso recedenti displicere potuerit.
Sed incredibili sedulitate spōsum inuestigauit
spōsa, ut officio minimē deesset. Sic enim ait.*

*Quæsiui & non inueni illum. Vo-
caui & non respondit mihi.*

*Mortificationis actibus inuestigauit illum. Pre-
cibus vocauit, & gemitibus infletere studui. Sed
non affuit.*

CVM sponsus pulsabat, ille quærebat
me. Et ut amori vicem rependerem,
ego constitui pulsare, ac inquirere il-
lum, quando celavit, & subduxit se. Operum
exercitatione sine voluptatis sensu, & myr-
rhæ amaritudine condita, quæsiui illum, ut
manus ac digiti staten instillantes docent,
at non inueni. Vocauit, precibus ac gemitis
tibus eum flectere ac exorare studens, at il-
le tacuit. Opera vitæ actuosa multa cū nau-
itate sponsa exercuit, & contemplationis or-
bata suavitate, ut columba, gemitum pro can-
tu edens, meditata est, & vocauit. Quæ qui-
dem omnia ex bono ac honesto ducta viden-
tur. Verū enim sponsus, qui eam, quam vide-
tur repudiasse, nobilissimis sui matrimonij

vult amplificare prærogatiis ; vt fiat illu-
strior probata fide, non ipse tantum illam &
repulta & ariditate cædit, sed & ab alijs cædi
ac diuexari permittit. Sicut enim quidam
cecinit.

*Scilicet ut fuluū spectatur in ignibus aurum,
Tempore sic duro est aspicienda fides.*

Proptere à Doctorum, apud quos malè au-
dit, illā tradit examini. Quod illa sic fatetur,

Inuenerunt me custodes, qui cir-
cumeunt ciuitatem.

Percusserunt me : & vulnerau-
erunt me.

Tulerunt pallium meum mihi cu-
stodes murorum.

*Qui pastorum ac Doctorum similitudine, non
proprietate se iactant, cernentes me à sponso repul-
sam, vt olim amici Iob, me peccasse censuerunt, ac
proinde gladio linguae percusserunt, & conuictis
fauciarunt me. Protectionis pallium vere meum,
hoc est mihi debitum, dum non impenderunt, certè
abstulere mihi.*

PRÆSULUM atque Doctorum munus est
non id solum, vt tanquam in specula stet-

excubias agentes, externorum hostium insidias exploraturi, ac proinde non tantum pinguntur ut murorum custodes; verum etiam illis iniunctum est, ut interdum obeant urbē in eiusque vicos, & angulos se insinuent; quo animos eorum, qui intrā priuatos parietes delitescunt, nec in publicum prodire audent, egestate, vel pudore compulsi, expergefaciant ad virtutem seständā, & in diuinæ charitatis officia toto pectore incumbendum. Veruntamen accedit nonnunquā, ut qui præsulū nomine cēsentur, officijs similitudine, non veritate constent; ac propterea, si exter nas spectemus functiones, similitudinē quādam, inanē tamen, pastorū agnoscemus. Circumeunt urbem, cui Deus illos præfecit, dominos scrutantur singulas, priuatorum hominum vitæ periculum faciunt; non tamen, ut imbecilles stabiliāt, & fortes ad magis ardua exhortentur, sed ut omne veræ sanctitatis vestigium expungant, & ædificia Christo architecto constructa funditus euertant. Et (quod nefarium est) si quam animam diuinæ charitatis dotibus opulentam, diuinis interdum consolationibus recreatam offendunt, immensam Dei erga homines dignationem ignorantēs, illam quasi phrenitide correptā execrantur, ac delusam asseuerant. Figmenta vocant mira Dei consilia, & quod ipsi sua culpa

culpa non experiuntur , ægrè inducuntur ut credant . Cum igitur expertes consilij animam perfectiorem , qualem hic Spiritus sanctus depinxit , delusam esse sibi persuadeant , obsequium se præstare Deo putantes , illam acriter carpunt , linguaq; percutiunt , & vulnerant , & protectionis pallij hieroglyphico notatæ operimentum negant , quod impendere debuissent . Ait ergò sponsa : Custodes , quos sponsus præfecit Ecclesiæ , quæ ædificatur , ut ciuitas , sui officij immemores , & ignari , demirati , quæ mihi ex diuino consilio contingunt , non callentes amoris mæandros , me delusam censuerunt . Et me à sponso casam cernentes , vt olim amici Iob peccatum mihi imputarunt , ac si Deus non inferret pœnam nisi sceleratis . Sic tanquam Dei causam propugnantes , me conuicijs prosciderunt , telisque linguarum fauicarunt me . Et qui me solatio nudam , & velut iimplumem operire debuissent , solatij mei , hoc est , mihi ab illis debiti palliū pernagarunt . Hic non est obrue dum silentio , quam dirè sponsa (cui similes nonnullas nostra nouit ætas) torqueatur . Hic est lapis Lydius , quo Deus charitatis aurum experitur . Sponsa quidem Doctoribus sibi à Deo prælatis credere cupit ; at verò adeò perspicua lux interna est , quæ illam nō male agere persuadet , ut ambigendum illi nō

lit, an tutò sua res agatur. Quid ergò consilij in hoc sententiarum pugnantium duello capiet? Spernētne Deum intus illam erudientem? non valet. Contemnet præfules eam deceptam arbitrantes? nefas esse videtur, quia Dei munere funguntur. Conqueretur se maledictis hominum velut à Dco repudiata diuerberari, & tanquam præceptis prælatorum rebellem censeri? scandalum generabit, præterquamquod ijs querimonij patientiæ virtus, nunc ad charitatis examen apprimè necessaria, labefactari videtur. Nimirum spōsa anxio fudat in agone, & à Doctoribus explosa, aliud, si forte inueniat, quærerit asylum. Propterea ad animas contemplationi vacantes, qui amandi artem probè norunt, conuerfa dicit.

):

Bb 4 Adiure



Adiuro vos filiæ Hierusalē, si in-
ueneritis Dilectum, vt nūtie-
tis ei, quia amore
langueo.

*Obtestor vos per Deum, o animæ contemplatio-
nis gnaræ, si quando sponsum in contemplatione
præsentem senseritis, vt suggestatis ei, me ob illius
absentiam deficere. Nihil aliud dicatis, quia ille
amat me,*

Familiare est ijs , qui proximè descripta
anxietate torquentur, precari omnes , &
eos maximè, quos sciunt virtute præstantes,
vt Deum exorare contendant, & ad sua vota
conuertere . Acris enim nimium pœna est,
quam patiuntur, & à Deo , & ab hominibus
cæsi. Sic sponsa introducitur, deprecans Hie-
rusalem filias, hoc est, animas, quæ sponsi vi-
sionis ænigmaticæ iuxta exilij Iegem pace
interdum fruuntur, vt quādo eis redierit hæc
sponsi consuetudo, & in contemplatione fa-
miliaritas, suggestant illi, vt iam cesset auersio
& in suauissimum sponsæ reuertatur ample-
xum. Vbi notanda est impensæ , concisa lo-
quendi ratio. Non enim dicit, Obtestor vos
filiæ

filiæ Hierusalem, si dilectum alloquitæ fueritis, nuncietis ei, vt ad me solandam ocyus reuertatur, langueo enim propter illum. Sed ait dumtaxat, vt nuncietis ei, quia amore langeo. Sicut olim, dum inter nos sponsus versabatur, cùm ægrotaret Lazarus, nütiatum illi est, ab sororibus, quæ amoris norāt ingeniu, Lazarum infirmari, sicut scriptum est; Domine, ecce, quem amas, infirmatur. Nec enim opus erat monere illū, quid factō opus esset, cum amaret. Sic ergo sponsa loqui existimāda est. Obtestor vos animæ spōsi familiares, vt, cùm eum præsentem senseritis, dicatis ei, me illius amore languere, ac deficere, nec vlt̄rā quicquam dicatis. Hoc quippe amanti fatis est. Huius autem nuncij energia clarius clucet ex verbis, quæ ex Hebræo vertuntur. Sic enim sponsa inquit, si inueneritis Dilēctum meum, quid indicabitis ei? quod sub interrogatione legēdum est. Postmodum, adiungit, Quia ægra amore ego. Ac si diceret: Filiæ Hierusalem si sponsum conueneritis, quid putatis me velle à vobis illi indicari? Hoc tātum. Quia ægra amore ego. Hic quæ ad languorem, & adiurationem spectant, ex superioribus petantur. Intereà verò animad uertendum est, hoc ardentissimum desideriū, sponsum præsentem eximia cum voluptate sentiendi, non esse à prouecta charitate alic-

num. Quamuis enim consolationis ergò Dei
præsentiam expetere, videatur animi parùm
perfecti index; illam tamen ideo exoptare,
quia luculentiorem Dei parit notitiam, &
voluntatem nouis charitatis augmentis, in-
flamato tunc affectu, cumulat, & voluptatē
denique illam ob charitatis finem affectare,
perfectionis argumentum est, præterquam
quod ipsa philosophica ratio, id desideriū ho-
nestum, immò & quasi necessarium esse, per-
suadet. Est enim natuum amori & vniōnem
& præsentia rei amatæ cupere, quod passim
experimur. Nunc verò, vt sequentis periodi
connexio percipiatur, meminisse oportet,
(quod frequenter accedit) eos, qui vere amat,
de illa, quam affectant, rei dilectæ pulchritu-
dine, adeò crebrò & cogitare & loqui, vt do-
nulla re alia, nisi ægræ, verba faciant. Et, cum
ex euentu quopiam repulsam patiuntur,
non propterea tepescere, sed cùm frui non
sinantur, loqui saltem ac cogitare nō cessant.
Quamobrem, qui eos languentes recreare
cupit, nihil præstare potest opportunius,
quam cum ijs, de illis, quos amant, miscere
sermonem. Quam ob causam, cum sponsa
animas contemplationis gnaras consolatio-
nis gratia adiisset, illæ vexatam & anxiam
eam conspicatæ, de sponso verba facere inci-
piunt; & vt sermo sit iucundior, quadam
inf.

insinuatione vtuntur , non ipsæ auspicantes,
sed vt sponsa auspicetur interrogantes.

Filiæ Hierusalem,

Qualis est Dilectus tuus ex Dilecto, o pulcherrima mulierū? Qualis est Dilectus tuus ex Dilecto, quia sic adiurasti nos?

*Qualis, (hoc est) Quām magnus, bonus, facilis,
est sponsus dilectus ex dilecto suo æterno patre na-
tus, quia tam grauiter eius freta magnitudine,
adiuratione per illum, obligare voluisti nos.*

ROgant de spōso, non quòd ignorent, sed quòd hac insinuatione se ignaras simulantes , sponsam ad miras Dei laudes incendunt, ob quas illa ad sponsum peruestigandum fit aptior , & Deus ipse ilius flexus affectibus , fit sua bonitate vici-nior . Interrogant igitur , O mulierum pulcherrima, hoc est; ô inter animas, quæ Deum concepere , speciosissima , qualis est sponsus tuus dilectus , ex dilecto suo æterno pa-tre natus? Qualis est, hoc est , quām mag-nus, quām pulcher , quām humanus , quām faci-

facilis? Oportet sane illum esse suis numeris absolutum, & omnino perfectum, & magna veneratione colendum, siquidem eius magnitudine freta, sic adiurasti nos tanquam volens per illum nos obstringere, & nos illi obtemperare debere, ipsa adiuratione demonstrasti. Alij significantius vertunt: Quid insigne habet tuus dilectus praे alijs dilectis, quod tanta grauitate nos obtestaris? Iuxta quam versionem non innuitur æternæ verbi generatio, sed cum alijs generatim cōfertur, qua interrogationis forma filiæ Hierusalem minus se callere sponsū indicant. Et energiā angēt, quod aiūt, Quod tāta grauitate nos obtestaris, quo innuūt, se credere spōsā iactare se de spōsi magnitudine. Cupimus ex ore tuo eius dotes audire, iucundū enim est & ad dolores leniendos opportunū eas cōmemorare. Nūc spōsa, velut in tabula, vmbbris & colorib⁹ varias spōsi dotes depingit, & inter encomia æstuat, sponsumque more magnetis attrahit.

)?(

SPON:

S P O N S A

Dilectus meus candidus &
rubicundus.

*Sponsus meus candor est lucis æternæ, & æter-
no rubet ac flagat amore, quâ Deus. Quâ homo,
candet ob puritatem, rubet ob nostram consanguini-
nitatem. Denique est Deus incarnatus.*

Simularunt filiæ Hierusalē, se nescire. At siue serio, siue ioco id fiat, motum admiratiōnis in spōsæ animo excitat. Mirum enim illi videtur, quempiam de sponsi pulchritudine quippiam sciscitari, cùm sole aspectabili, quem vniuersi norūt, sit ille clarior, & nulus sit, qui se abscondat à calore eius. Respondeat igitur laudes illius libenter euulgans. **D**ilect⁹ meus, Deus & homo est, bifariam candidus & rubicundus. Candidus est, quâ Deus; est enim cādor lucis æternæ, splendorque paternæ gloriæ. Rubicundus est, ob æternum sui amoris, quo flagrauit incēdium, quamobrem iure toties patribus antiquis ignea appa- ruit sub imagine. Est etiam candidus, quâ ho- mo, propter purissimam, omniq; culpæ nigre- dīne prorsus immunitam naturam, quam assūm- p̄sit.

psit, Est antem rubicundus ob sanguinis concretionem, ex qua eius caro compacta est, ita ut in assumpta natura rubor (ut more philosophico sermo fiat) materia, candor verò formā, idonea discretione declaret. Forma verò puritatis niue candidioris, quæ naturā illam nobis consanguineam, nostroq; consortio rubentē, obtexit, ea fuit, cui æqualis nulla unquam sub Deo vel nituit, vel nitebit. Potest etiam esse in sermone discretio, vt candidus quæ Deus tantum, rubicundus verò, quæ homo afferatur, ita ut innuatur hominis cum Deo coniunctio, & quæ à sanctis patribus appellatur Incarnatio. Porro color incarnatus Hispanis dicitur color ex candido & rubro permixtus, quapropter iuxta Hispani idiomatis dialectum seu proprietatem, arcanè & eleganter sponsa respondet, ex colore mysterium indicans. Tantundem quippe agit, cum ait, Dilectus meus candidus & rubicundus, ac si diceret, Dilectus meus, Deus incarnatus. Sequitur autem,

Electus ex millibus,
Natura, non munere, vniuersis creaturis melior est.

E Lectū quempiam bifariā possumus intelligere, gratia videlicet, aut natura.

Gra-

Gratia seu munere quosdā selegit Deus, & in suum quasi peculium cooptauit. Alios verò electos vulgò nuncupare solemus, quos natura, nobilitate, pulchritudine, viribusve præ alijs insigniuit: Et hoc plane modò spōsus est electus ex millibus. Cū enim sit filius Dei nō adoptiuus, sed naturalis, naturaq; ipsa, sine rapina aut munere, sit equalis Deo, nobilitate, pulchritudine, ceterisq; bonis, efficitur omniā, ipsum natura sua vniuersis creaturarum millibus esse præstatiōrē, & in eosensu ex milibus electū. Ex Hebraico aliqui sic vertunt (Vexillatus à decē millibus) alij verò sic (sub signis habēs exercitū decē milliū) qua sermonis forma, functio, quā habet, exercetq; in Ecclesia, signatur. Est enim Dux ac princeps militiæ Christianæ, quem vexillum crucis tangentē, decem myriades, hoc est, vniuersi iusti denario ac millenario numero propter perfectionem significati, inuicta fortitudine sequūtur. Possumus etiā in prima electi significatione, sponsum, quā homo est, electū appellare ex millibus. Cū enim carnem nostrā, quæ ex naturali constitutione albet ac rubet, assumpserit, ratione carnis candidus ac rubicūdus appellatur. At, quia ea caro supra vniuersorum hominum naturalem originē, non Adæ seminis propagatione, sed ex purissimo Virginis Mariæ sanguine concreta,

& de

& de Spiritu sancto concepta est, iure optimo in assumpta carne dicitur electus ex milibus. Hoc de sponsi præstantia generatim assertum est, nunc vero per partes expendenda est eius perfectio, & à capite auspicandū.

Caput eius aurum optimum.

Divina hypostasis assumptæ à sponso naturæ, ut caput corpori, præsidens, motumque diuinum impertiens, est aurum, quia regiam habet maiestatem auro notatam. Est aurum optimum, seu obryzum, hoc est, omni mistura carens, licet enim hypostasis Verbi, naturæ humanæ intimè unita sit, non tamē vlo modo permista.

Caput Christi Deus. Sanè si mysterij incarnationis structuram perpendamus, perspiciemus aperte diuinā Verbi hypostasin naturæ illius assumptæ partib⁹ velut mēbris caput præsidere. Quod quidem caput diuinum quēdam motum, & vim meriti ac satisfactionis partib⁹ illis impertit, & augustissimæ dignitatis cœlo altioris in eas euergit influxum. Hoc vero caput, ob regiam maiestatem, auri symbolo planissimè significatur. Quod luculentius fiet, si auri proprietatem per adiunctum optimum indicatam

exploremus. Porro , pro auro optimo, Se-
ptuaginta senes (aurū Cephaz) habent , quod
nomen Hebraicum consultò reliquissē Gre-
gorius Nyssenus putat, quod non reperirent
in lingua Græca vocabulum , quo emphasis
Hebraici nominis exprimi posset. Nonnulli
tamen ex Hebraico vertunt , aurum obrizū.
Est autem obrizum purissimum aurum om-
ni mistura carens. Qua profectò significatio-
ne magis claret allata interpretatio. Enim
verò hypostasis sponsi, et si intimè sociata, &
vnita est humanæ naturæ, non tamen est illi
permista, nec enim vlo pacto creaturæ per-
misceri potest. Mistio nimirū iuxta since-
ram philosophiam, ea quæ miscentur confun-
dit, quæ deinceps indiscreta manent, vel cer-
tè alterum ab altero potentiore vincitur , &
in ipsius naturam conuertitur , vt videre li-
cet, si aliquot aquæ guttæ viti generosi calici
misceantur. Neutrum autem horum de Incar-
nationis mysterio suspicari fas est , nec enim
hypostasis diuina cum assumpta natura con-
fusa est, nec assumpta naturam in se conuer-
tit ipsam , sed exactissima perseverauit in
vnione distinctio. Rectè igitur sponsa inquit,
caput eius aurum optimum , obrizū, hoc est,
omni prorsus mistura immune . Modo verò
de capillis laudem apponit.

Comæ eius sicut elatæ palmarum.

Scientia à capite hypostasis diuinæ in intellectum sponsi infusæ, & actus suos ad nostram salutem producentes, sunt persimiles folliculis, seu loculis, ex radice, per caudicem palmæ nascentibus, & cum debiscunt, flores suos emittebantibus.

Comas seu capillos à capite ortos, scientias ex via unionis hypostaticæ emanantes, & ex eis cogitatus erga salutem generis humani, à diuina hypostasi enascentes, & per naturā assumptā, velut per corpus illius capitisi, effusos intelligere idoneū est. Elate verò sicut pētecoste inflectitur, à qua plurali numero elatæ in editione nostra leguntur. Elatæ vero alij Abietē, alij Palmam, alij Spathen appellant, alij palmarum ramos elatiores credunt, alij fructus palmarum mascularū; ita ut sit in huius nominis interpretatione mira varietas. Posito nunc, nomen hoc licet latine inflexum, esse tamen ipsum origine Græcum, quod singulari numero, elate dicitur; attēda modò sunt, quæ ex probatis authoribus de plantarum historia scribentibus, huc spectantia excerptissimus. Nascitur inter primos serè palmæ ramos, ex ipso caudice pro-

cero,

tero, recto, terete, corticosus loculus duarum
spithamarum, hoc est, vigintiquatuor digitorum longitudine, ad latioris cuiusdam gladij formam, quem palmam totius arboris nomine, & elaten, & spathen appellari sensit Dioscorides. Ex elate vero ipsa dehiscente, ac in longum sese pandente flores erumpunt numerosi, tenuibus villis appensi, instar magni racemi coaceruati. Ex his floribus enascuntur dactyli, fructus videlicet illi teretes, oblongi, nucleo intus durissimo, oblongo, & canaliculato. Sic elaten palmarum iuxta nostram editionem propriè, quæ ex ipsa palmarum natura sit, non vero arborem aliam exoticam & peregrinam metaphorice elaten palmarum appellatam, ut aliqui putarunt, interpretari congruentius est. Nunc vero similitudo comarum seu cogitationum sponsi ad elaten expendi debet. Porro quod homini est caput, id est arbori radix, & sicut à capite hominis deorsum tenditur collum & corpus, ad quæ perlabiliter capitatis influxus, ita ordine inuerso (est enim homo inuersa arbor) à capite seu radice arboris vitalis ille humor, per caudicem & ramorum ambitum sursum quasi per collum, corpusque proserpit. Non ergo situs ordo, sed proprietas partium mutuò collatarum, quando homo arbori confertur, debet explorari. Sic

igitur sponsus, cui palmæ egregiè quadrat similitudo, hypostasi diuinam velut palmæ caput seu radicem habet. Ex hoc verò capite porrigitur humana natura, caudice procero, recto, teretiq; palmæ signata. Ex hoc caudice longo ac recto vnionis hypostaticæ vi ve-
lut enascuntur plurium scientiarum, puta beatæ, ac infusæ habitus, à capite orti, quorum singuli cum elate miram gerunt similitudinem. Sicut enim ex elate, qui est ille corticosus loculus sese pandens, tāquam partu quodam numerosi flores erumpunt, sic ex habitu scientiæ multiplicis, in intellectu sponsi conceptæ, ac velut ad partum dehiscentis, erū punt numerosi actuum & cogitatuum flores, quos omnes ad nostram videre licet salutem intentos, qui in fructus concrescere dicūtur, quando, patrata illis cogitatibus salus, ac à nobis sponte recepta, in animo nostro coalescit. Sunt ergo scientiæ in intellectum sponsi ab hypostasi diuina, ceu capite, capillorum more fluentes, & cogitationes, vel actus suos ob nostram salutem edentes persimiles, loculis è palmæ caudice nascentibus, & flores emittētibus. Habemus ex his comarum, & elates similitudinem. Palmæ verò cum sponso similitudo constat, si illius libremus ingenium. Nūquām enim palma cedit oneri, sed semper in altum nititur, ac pondus attollit impositum.

Sic

Sic verè sponsus grauissimum peccatorum pondus illi impositum non excutiens , nec verò oneri succumbens , totum genus gestauit humanum,& vi suorum meritorum in altum euexit. Ex quo patet,sponsum esse trāf- latē palmam,habere scientiæ elaten,emittere inde flores cogitationum ad nostram salutē directaruim , ex quibus in nobis fructus pal- mæ ipsius arcanæ generatur . In Hebraico textu,nec qui nunc habetur , nec in Septua- ginta interpretum versione habentur ea ver- ba,sicut elate palmarum . Sed in Hebræo sic legitur. Cincinni eius crispi. Qua sanè voce innuitur diuina confilia , vel cogitationes er- ga salutem nostram esse mirabilia , nec curio- sius inuestiganda . Quis enim cognouit sen- sum Domini? Hoc autem mysterium indica- tur per capillorum crispidinem. Hoc enim discrimine capilli crispi , à propexis & sine tortura fusis secernuntur,quod hi se totos spe- ctandos exhibent, at crispi partem aspectui exponunt,partem suo flexu,& contor- sione contegunt , visuique ne- gant. Mirum est au- tem,quod se- quitur .

Nigræ quasi coruus.

Scientia sponsi, & ab his prognatae cogitationes imperuestigabiles sunt, & captui nostro obscurissimæ. Nec diuturnitate senescunt.

SCIENTIARUM, quibus sponsi intellectus, ex Verbi influxu, nobilitatus est, hæc verba clarissimum continent encomium, ex duplice verborum interpretatione conflatum. Porro cum de coruo sit mentio, non probatur auis inauspicata oculos configens & eruens, sed solus color perfectè niger accitur. Hac verò perfecta nigredine proditur, quam sint humano captu incomprehensibiles scientiæ illæ. Etsi enim in seipsis illustrissimæ sint, oculis tamen nostris nec capi, nec attinigi possunt, obscurissimæque proinde sunt, & propterea nigræ pulchra translatione nuncupantur. Vulgata quippè metaphora, quod obscurum nobis est, nigrū appellatur, quod est ex sincera philosophia depromptum. Sicut enim albus color lucis habet plurimam, ita è contrario niger tenebris finitimus est. Tenebræ autem nigræ dicuntur, elegantí similitudine. In tenebris autem spōsus posuit latibulum suum; ita ut ea etiam, quæ

quæ ex se sunt splendidissima , dum à nobis considerantur, appareant, ob eximiam altitudinem visu nostro potentiorem , tenebris, & nube densa coniecta , qualem olim asperatum sui in ænigmate exhibuit in solitudine, cum densa nubes montem , vbi coruscabat gloria Dei, operuisset . Sunt ergo scientiæ sponsi in se quidem candidissimæ , ac clarissimæ , nobis verò illum contemplantibus nigrimæ, hoc est, obscurissimæ; ut non immēritò de his etiam cum Paulo sic effari possimus: O altitudo diuinarum sapientiæ, & sciètiæ Dei, quām incomprehensibilia sunt iudicia eius (quæ scilicet per eas scientias concipit) & inuestigabiles viæ eius (quas videlicet per eas scientias disponit.)

Secunda horum verborum interpretatio singulare quiddam innuit, quo scientiæ sponsi à nostris quantumuis perfectis facile leceruntur. Nostræ nimirum , postquām multo labore paratae sunt, post dies paucos incipiūt senescere, ac deficere , partim ex obliuione, partim ex naturali imbecillitate. Cum enim ætas vergit ad senium , sicut corpus sensim deficit , ità mens corpori alligata in eo genere senescit , & velut ad infantilem recurrit simplicitatē. Ut ergo scientiæ sponsi nec obliuione , nec ætate , nec æternitate senescere, ac deficere notentur , sine canicie;

& cum iuuentutis nigrore, viribusque pingūtur, vnde patet, quam laudem contineant ea verba: Nigræ quasi coruus, quæ turpe quippiam, cum audiuntur, continere videntur. Hæc de comis asserta sint; de oculis mox spōsa laudem annexit.

Oculi eius sicut columbæ super
riuulos aquarum, quæ lacte
sunt lotæ & resident
iuxta fluenta ple-
nissima.

Oculi interni sponsi, sunt sicut columbarum can-
didarum in aquis accipitris insidias obseruantium
oculi, quibus omnia nuda sunt & aperta. Intuitus
quippè animæ iustæ, vita iam candore purgatus,
& in scripturarum aquis viuentibus, arcanos sen-
sus, & astus demonis penetrans, si millimus est
intellectui, & diuino, & humano gloriæ lumine
perfuso, quibus tanquam duobus oculis sponsus in-
signitur.

OCulis, & apud Philosophos, & apud
Theologos, notitia pulchrè significatur.
Vnde & intellectus suis actibus velut qui-
busdam obtutibus cernens, aptè nuncupatur

oculus. Sponsus etiam singulari ratione, oculi nomen in diuinis sibi vendicat, cò qđ ab æterno Patre notitia concepta est: quamobrē Theologi ea nomina, quæ ad notitiam, spiritali me oculum spectant, sapienter sponso attribuunt. Sponsus autem, antequām nostra indueretur natura, oculo notabatur vno, cui vniuersa nuda & aperta erant: postquām verò ad nos delapsus est, alterum suscepit oculum, humanum videlicet intellectum, gloriæ lumine splendidissimo perfusum, & post diuinum, inter creatos omnes longè illustrissimum. Binos igitur oculos sponsi cupiens spōsa commendare, & nonnullam eorum similitudinem, ex his, quæ nouimus, afferre, quo corum pulchritudine incendamur, ait. Sanè difficillimum est oculorum sponsi vestigium reperire; at si quid est in terris, cuius aspectus nos in illorum cognitionem inducere queat, oculorum columbæ ingenium id erit. Profectò non de corporatis & mētis inopibus, sed de symbolicis columbis habetur sermo. At sensus ex ijs auibus educendus est. Solent eæ volucres ad amnes considere, & aquas atten-
tiūs intropicere, vt inimici accipitris rapinæ tempus captantis volatum ex imagine ab aquis redditia deprehendant. Dicuntur verò lacte lotæ, ad eximium earum auium candorē innuēdum, ac si lacte corpori seu pennis hæ-

C c s rente

410 CANTICI CANT.

rente niterent. Enimverò , cum quis aqua
abluitur , nihil illi hæret , ob aquæ naturam
minime resinosa , aut pinguem , omninoque
fluxam ; at cum liquoribus alijs pinguisbus
eluitur , ex quorum genere lac est , quod faci-
le contrahitur , & concrescit , grumi quidam ,
seu coagula cuti adhærescunt , & liquoris co-
lore cutis obducitur . Ex ipsa verò lactis na-
tura , non ex historia , translatio petenda est
ut columba lacte lotæ , hoc est , candidissimæ
nuncupentur . Sic enim dicuntur lacte lotæ ,
ac si appellarētur niue dealbatæ , vt in Psal. 67
Niue dealbabuntur in Selmon . Vbi ablati-
uus , niue , similitudinis est ; ac si diceretur . Dū
discernit Cælestis Reges super eam , niue de-
albabuntur in Selmon , hoc est , erunt fideles
albi , vt nix in monte Selmon , dum cælestis
Deus discernit , hoc est , iudicat & prosternit
Reges tyrannos , qui sœuiunt super eam , scili
cet Ecclesiam , Duo igitur ex ijs volucribus
ad spiritales animas columbarū translatione
signatas traducēda sunt , & accipitris in aquis
inspectio , & eximius candor . Illæ videlicet
animæ columbis hisce exprimūtur , quæ pur-
gatiſſimo intuitu ac ſimpliciſſimo , ſine vlla
deceptione , in aquis puriſſimis Scripturarū
ex paradiſi fonte , hoc est , ex ſponſo authore
manantium , cernunt , & velut ex umbra
deprehendunt dæmonis , more accipitris ra-
pinam

pinā affectantis, insidias; ut eas vitent, ac immūnē omni labe vitam hoste deluso agant. Quæ quidem animæ, cum emphasi, lacte lotæ dicuntur, ob eximium, quo nitent, vitæ candorem. Qui sanè candor, ac vitæ insignis puritas, mirificè conductit ad internū intuitum acuendum, & ad accipitrem illum in Scripturam intellectu deludendum; sicut de Theodoro monacho Cassianus tradidit, quem ait notitia Scripturarum præclarè nūtuisse, non tā ex lectione, aut studio, quām ex insigni, & sola cordis puritate. Hæc itaq. vitæ puritas cōtulit illi perspicacitatem visus interni, quo aquas Scripturarū inspectabat, & ibi accipitris insidias percallebat. Scripture verò, & riuuli, & fluenta plenissima pulchrè nūcupantur, pro captu enim suscipientiū vel parcius, vel copiosius fluunt. Discrimen autē hoc ipse textus innuit, dum oculos sponsi tales ait esse, quales columbæ sunt super riuos, vbi notātur columbæ parcè agentes; quæ tamē postquām candidiores effectæ sunt, tanquam lacte lotæ, cum energia asseruntur residere iuxta fluenta plenissima, vt potè, cum iam purissimum intuitum vitæ candore assecutæ, sacræ Scripturæ sensum, non iam vt riuulum, sed vt amnem exundantem contemplantur. Quòd verò riuuli, & fluenta hæc, non velut aquæ quiescentes

centes, sed ut excurrentes pingantur, mysterium est, quo aquæ viuentes, ac in vitam æternam salientes significantur, quæ multò clarius quàm aquæ nostræ mortuæ, spectantium ac è regione consistentium reddunt effigies, fluūt enim sine fluctuatione ac cæno. Animæ igitur sinceræ columbis assimiles quæ proximè descripto vitæ candore, & visus interni perspicacitate nitent, sunt, quibus similes habere oculos sponsus asseritur. Quemadmodum enim naturæ diuinæ sponsi nihil inter creaturas similius diuina gratia, qua iusti ornantur & diuinitatis confortes fiunt, reperitur; ità oculis eius, quibus vniuersa patent, nihil in terris vicinius ostendi potuit, quàm sint interni iustorum oculi candore vitæ purgatissimi, ad sensus arcanos Scripturarum, & in eis dæmonis astus penitissimè inspiciendos acutissimi. Per illam verò non breuem, sed diuturnam columbarum iuxtà aquas permanzionem, & assessionem notatur iuge sponsi studium ad explorandas hostis nostri versutias, acsi diceretur; oculi eius, dum perenniter hostem explorant à nobis arcendum, id agunt, quod ad accipitrem vitandum, oculi columbarum residētium propè amnes copiosos. Similitudo est inter oculos iustum & oculos sponsi, non quæ isti referantur ad illos, sed quæ illi ad istos reducantur, iuxta verar

veram Theologiam.

Succurrit altera horum verborum interpretatio minimè triuialis , quæ ad duos illos pulcherrimos oculos exprimendos plurimū conduceit . Sunt (inquit sponsa) sicut colubæ , quæ lacte sunt lotæ . Ex his quippe dumtaxat verbis explanatio ista promenda est . Est autem præ oculis habenda imago quædam columbæ , cuius oculi lacte abluuntur . Solent oculi ægri collyrijs inungi , & elui , ut cernere possint : sic in hoc loco , lac pingitur ut arcam quoddam collyrium , oculorum intuitū eximie perficiens , quo possit oculorum sponsi perfectio declarari . Quod ut elucescat , animaduertendum est , lactis hoc esse inter humida liquidaq; proprium , ut in eo nullius rei conspicatur imago , quæ laus eximia oculorum est . Enimvero cætera liquida spectantiū effigies reddunt , modò breuiores & quo , modo longiores , nunc obuncas , nunc refractas , interdum confusas & obnubilatas , & denique si quis liquor est , qui nonnunquam iustum reddat spectantis imaginem , inconstans est , & ad fallendum aptissimus . At vero lac , cum spectatur , nullum umbratile simulacrum obijcit aspectui , quo falli possit , sed ipsam suæ naturæ sinceram & constantem veritatem , in cuius aspectu oculus minimè decipitur . Sic oculi sponsi (quos iustorum oculi simulatur) nihil ,

nihil, quod in rerum natura nō constet, nihil
erroneum, nihil vanum, nullum vmbatile si
mulacrū fraudulēter repræsentans recipiunt,
quo falli possint, sed ipsammet sinceram veri
tatem inspectant, deceptione profus immu
nes, quod et si vniuersum oculis spōsi, quacum
que scientia vtantur, graphicè quadret, exi
miae tamen competit & intellectui diuino &
humano, gloriæ lumine vtenti: vtroq. enim
hoc modo, suū intuitū ab ipsa sincerissima &
natiua veritate, apud quam non est obumbra
tio vlla, numquam ille diuertit. Idonea nunc
serie genas sponsa commendat.

Genæ illius sicut areolæ aromatū
consitæ à pigmentarijs.

Sermo sponsi aromatibus, ex quibus vnguentis
contra morbos conficiuntur, est similis; morbis
enim medetur vniuersis: & est velut areolis distin
ctus, suis temporibus, sine confusione ac pertur
batione enuntiatus.

Vulgaris est phrasis, qua metonymicè gut
tur dulce, & alia id genus plura appella
mus, lepidum sermonen causæ vel instru
menti notatione significantes. Quapropter
cum

cum genæ, vel, ut ex Hebræo redditur, maxillæ, ad vocem conformandam naturæ sint instrumenta os claudentia (non enim guttur & palatum dūtaxat voces ederent distinctas nisi genis separentur) fit inde, ut sermonem figuratè notent, quem sponsa, ea velut Aegyptia nota, cupit laudare. Quapropter areolis aromatum sapienter discretis, ac consitis, euin sermonem sponsi, arcano sensu comparauit. Quas areolas ideò dicit à pigmentarijs vel vnguentarijs consitas, ut notet eorum studium, ac culturam, qua egent, ut materiam habeant conficiendis vnguentis expetitam. Iam verò duo præsertim sunt in eiusmodi aromatisbus consitis, quæ ad sponsi sermonis laudem cōducunt. Est nimirum materia vnguētorum morbos pellentium, quæ est laudatissima sermonis sponsi vis, more panaceæ cuiusdā, vniuersas animæ pellens ægritudines. Est præterea culturæ diuinæ arte quasi areolarum mira discretio. Non enim verba sponsi sunt secū permista, & perturbata, quemadmodū, cùm sine discrimine leguminum, florum, fruticumq; semina tumultuariè in eadem seruntur area; sed suis tanquam in stationibus disposita, suo tempore, ac ordine, opportunè prolatæ, & per hoc internis oculis speciem per pulchram exhibentia, qualē oculis externis obiciunt area à peritis cultoribus mēsura dif-

cretæ , ac distinctis seminibus excipiendis subactæ . Hęc quippe areola violis, illa caryophyllis, alia denique alijs est plantulis destinata, quo sane aspectu nihil in hortis gratius inuenitur. At vt perfectè omnino vox conformetur, labijs, præter guttur , palatum, & genas, opus est; propter quod commemoratum sponsi sermonem , sub alia translatione sponsa collaudat.

Labia eius lilia distillantia myrrham optimam.

Eloquia sponsi casta & ad puritatem inflammantia, & crucis mortificationem prædicantia.

LAbia metonymicè , vt genæ , clarius tamen quam illæ , sermonem sponsi significant. Quæ lilia nuncupantur, eo quod eloquia sponsi , sunt eloquia casta , & argentum septies purgatum cælesti candore splendidū. Quæ quidem similitudo, et si toti prorsus doctrinæ sponsi exactissima puritate nitenti quadret, illi tamen sermoni potissimum convenit, quo ille olim virginitatem , tanquam legis nouæ lilyum suadebat , & consulebat. Labia etiam hæc optimam myrrham stillare feruntur; frequentissimè enim sponsus crucis mor-

C A P V T V.

417

mortificationem comendabat , & quot edebat verba , tot stat̄es emittebat guttas , vt quod exemplo docebat, verbo solidaret. Dicuntur autem hæc labia distillare myrrham, non qualecumque, sed optimam , vt discriminetur à sacerduli huius myrrha pessima, quā ex ore fundunt , qui alijs labores ac vigilias, & eius generis plura, ad honores vanè aucupandos, & diuitias iniuste conquirendas persuadent . Quām sanè myrrham pessimam sufficienter hauriunt filij huius sacerduli , sicut quidam dixit.

*Impiger extremos currit mercator ad Indos,
Per mare pauperiē fugiēs, per saxa, per ignes.*

Sic depicta labiorum venustate , manuum sponsa cū meminisset, illarum amore vehementer oborto, eas commendare festinat,

Manus illius tornatiles aureæ.

*Opera sponsi sphærica , & quasi perfecto circulo
absolutè bona , & quasi aureum regiæ ac diuinæ
Maiestatis fulgorem emittentia.*

MAnuum trāslatione, vulgata phraſi, opera sponsi intelliguntur. Quæ tornæ fabrefactæ dicuntur, vt non arentes, venis extuberantibus, articulis eminentibus, interno-

Dd

dijs

dijs cōpressis deformes appareant. Ex iniia tā
q; in manibus elegātia est, cū à vola, quæ suc-
cessior & habitior esse debet, digiti modicē
crassi ac rotundi, sensim graciliores vsq; ad ex-
trema procurrunt; & in aciē obtusam deſinūt,
ac si torno ducti eſſent. Accepta igitur hinc
metaphora, Manus sponsi (inquit spōſa) tor-
no ductā vidētur, rotūdē, circuliq; figura om-
niū perfectissima insignes. Opera quippe spō
ſi exacta, & perfecta, quasi torno ducta ſunt;
vnde cū cōdidifſet mundū, & suas manus, hoc
eſt, opera ſua contēplaretur, omnia vidiſt eſſe
valde bona, quaſi orbiculari figura ſuę perfe-
ctionis insignita. Et quidē manus tornatiles
in diuina sponsi natura, ex mūdi creatione fa-
cile perſpicimus. Humanę verò naturę ab eo
assumptę manus diuinitate motas attentius
speculātes, cōperiemus eas torno circumdu-
cto elegātissimę fabrefactas. Enīm uero qui ad
opera fabrilia torno utitur, multò citius, ac fa-
cilius ac perfectius operatur, ijs, qui alijs vtū-
tū instrumētis, puta dolabra, ſcalpro. Sic ſanē
inter vniuersos, vel angelos, vel homines diui-
nitūs afflatis, nullus mira patrauit vñquam,
vel tāta facilitate, vel tam eximia perfectione
quām ſponsus. Profectò vel cū pelleret mor-
bos, vel mortuos ad vitā reuocaret, nec ieu-
nijs ſe vexabat iſum, nec actuofē niuum ſe
proſternebat, vel ſimile quippiam præſtabat,
ſed

sed vel solo aetu interno volens, vel etiam externo imperiu manifestas, prodigia perpetrabat. Ac exinde, si quando vel flebat, vel orabat, non tanquam indigens, sed velut gratias agens & nos erudiens, eos aetus obibat. Hæc est manuum sponsi, etiam humanarum pulchritudo tornatili opere signata, qua vniuersis creaturis, manus etiam torno ductas habentibus facilè antecellit; ita quidem, ut, licet nonnulli sancti miracula sponsi operibus æqualia, si operū velut materiam spectemus, patrasse videatur; si tamen tornum, seu modū operandi expendamus, immenso ab sposo interuallo vincuntur. Propter hoc sponsi manus insigni discrimine aureæ nūcupantur, quasi cæterorū manus ex ligno, reliquisque præter aurū metallis effici potuerint, solius verò sponsi manus esse debuerint aureæ. Habet nimirum hoc peculiare sponsi opera, ut regiā, immò diuinam maiestatem præsentissimam præ se ferant, & quasi aureo diademeate coronentur: propterea aureæ appellatur; aurū enim regiæ maiestatis est insigne, quo diuina opera spiritualibus oculis deprehensa, à cæteris operibus facilè secernuntur. Perfectio hæc absolutissima sponsi operuin, clarissime patefit per aliam ex Hebræo ductam translationem, qua nonnulli vtūtur, aientes: Manus illius Sphærulæ aureæ, vel orbes aurei, quorū

verborum sensus, præter paulò maiorem vocum energiam, nihil præter ea, quæ sunt explanata, nouum suggerit. Mirum est autem quod insonat, dū sponsi manus asserūtur esse

Plenæ hyacinthis.

Opera spōsi plena sunt notis signisue diuinitatis.

HYACINTHUS hic, non floris illius purpurei, quem Romani vaccinium appellant, sed lapilli nomen est, ut patet ex Hebraico nomine Tharsis, quo etiam Septuaginta senes vtuntur, pro quo nos Hyacinthum dicimus. Porrò Tharsis gemma erat in logio seu rationali inclusa, linea quarta (quatuor enim gemmarum ordines logio hærebant.) Videntur autem lapillus hic pretiosus, ex loco, vbi reperiebatur, nomen sortitus; nimirū ex Afri cæ parte illa, quæ postea Carthago appellata est, vel ex maris colore, quem imitatur; mare quippe mediterraneum Tharsis in scriptura nuncupatur. Color verò marinus cælestia corpora imitatur, ab illorum tamen serenitate, ac perspicuitate longè deficit. Concipienda nunt à nobis sunt corporeæ quædam manus, plures huiusmodi lapillos inclusos habentes, velut insertos, ita vt vidcantur manus tef-

sel-

sellatæ, sicut in aulis regijs passim cernuntur marmorea pauimenta, velut oculata, lapillos tessellasve coloris varij insitas habentia. Propterea ergo opera sponsi velut cudentes manus, lapillis istis coloris cælestis plena dicuntur, quia in diuinis operibus sponsi prodit se, & velut intermicat cælestis quidam color, quē si mente percipimus, diuinum opus facile secernimus ab humano, & in suum, qui cælo præsidet, referimus auctorem. Verū quia limpidissimam illam diuinę naturæ claritatē, & serenitatem, nequeūt opera diuina exacte ac pescicuē repræsentare, proinde, sub metaphora Hyacinthi, vel Tharsis marinū colorē habentis, à sereno cælo deficere, & liuescere asseruntur. Secūda loci huius interpretatio. Tradit Gregorius Nissenus, ex sententia illorum, qui vocum Hebraicarum vim perspectam habent, hac voce (Tharsis) significari quiddam, quod colorum, & corporis sit expertus, ac mentis tantum intelligentia percipiatur, quod est præstatiſſimum encomium manuum sponsi tornatilium. Enimuerò detritis omnibus quæcūque corporea, & crassa sunt, ad sortem diuinam, & mente tantum comprehensibilem sponsi manus, hoc est, opera, transiunt, quale quiddam lapidum sculptores in massa smaragdina dicuntur efficere. Cote quippe illa, totum id, quod lucidum nō est,

sed sordidum, ac terrestre deterunt; solumque illud relinquunt, in quo splendor quidam viridis micare conspicitur; quae præclara est methodus, ad opera diuina internoscenda, quam operis tornatilis similitudo commonstrat. Porro qui torno rude lignum poliunt, ut figuram quam piam effingant, omnia rudia & superuacanea deradunt, ut elegans figura compareat. Sic, qui rude marmor, ad alicuius animantis effigem informant, ea omnia scalpro incidunt marmori, quæ scabra, & impolita sunt, quibus excisis, effigies quasi spirans & viua manet, ut dixit quidam.

*Excedent alij spirantia mollius æra,
Credo equidem, viuos ducent de marmore vultus.*

In hunc ergo modum, diuinæ sapientiæ dexteritate, ab operibus sponsi, omnis ea crassities, & scabra materiæ concretio, quæ operibus nostris ex peccati hæsit contagione, quasi torno currente, detrita & excisa est, solaque in ijs manet viua, & quasi spirans forma virtutis, & arcana, mente tantum comprehensilis, pulchritudo. Postquam verò operum sponsi facta mentio est, causa operum eorundem sponsa debuit meminisse, propterea inquit,

Vcn-

Venter eius eburneus distin-
ctus sapphiris.

*Verbum æternum rerum vniuersarum rationes
more cuiusdam vteri conceptas habens, est velut
venter candidus, læuis, & prægnans, & in eo
quasi plures sapphiri, distinctæ rerum rationes
lucent.*

Quemadmodum venter fœtum con-
tinet, suoque postmodum edit tem-
pore, sic spōsus (quā verbum æterni pa-
tris est) vniuersarum rerum rationes sua
amplitudine expressè continet, distinctè
ibi lucentes, utpote ex illarum omnium di-
stincta notitia genitus, ac proinde illas per-
spicuè refūcentans, quas in lucem quodam
velut partu promit tēpore præstituto, quod
est Thieologorum effatum. Appellatur au-
tem ille diuinus venter eburneus, hoc est,
velut ex elephantino dente dolatus, expo-
ditus, ac læuis, & candidus. Quo in verbo
arcana inest notatio pulchritudinis, ex fæ-
minarum petita ventre, qui tunc longè pul-
cherrimus est, cū quasi ex ebore affabré dola-
tus, nitens, ac læuis extumescit. Sic quippe
verbum æternum splendore paternæ gloriæ
cādens, & rerum vniuersarum in ipso expref-
sarum conceptu quasi prægnans, eleganter

dicitur more vētris intumescere. Quia vēd;
in animalibus, fragilissima corporis pars ven
ter est, idcirco, ne similem sponsi ventrem pu
taremus, sed alium solidum, diuturnum, incor
ruptum, eburneus venter appellatur : ebur
enim solidum est, ac densum, diutissimē per
seuerat incorruptum, quasi detrimenti nihil
à tempore patiens. At verò venter distinctus
sapphiris asseritur insigni cū energia. Lapil
lus nimirum sapphirus cælum refert serenu,
magna cum perspicuitate, qua facile hyacin
tho, qui non ita perspicuus est, antecellit.
Hæc igitur perspicuitas, sereniq; significa
tio, æterni verbi, quod est tertium cælum
perspicue ac expressè omnia repræsentans,
notatio est. Sapphiri verò plures esse dicūtur
in hoc arcano vtero, propter rerum rationes
in æterno Verbo, velut in purissimo speculo
insigni cū distinctione nitentes, constante ni
hilominus infinita personæ illius simplicita
te. Animaduertendum autem est, sapphiris
respondere hyacinthos, persimili quidem co
lorc, tametsi dispari perspicuitate. Opera
enim sponsi, hyacinthis (vt explicatum est)
notata, immēsam verbi claritatem, quam sap
phirus exprimit, adumbrare possunt, non ta
men exactè repræsentare, ideo suo compara
ta principio, vergunt in obscuritatem, ac si
color nubium vel maris liuescēs, sereno cæ
lo

lo conferatur. At hoc sic fieri oportuit, vt ali
quam mortales inuestigandi Dei rationē ini-
rent, per eas res, quas sibi esse cernunt propin-
quiores, immensa Dei luce, quadam tenuis in
ijs rebus obnubilata, & opacata, vt ab ocu-
lo percipi queat imbecilli, qui nimia claritate
perstringeretur. Dicitur etiam in sensu alte-
ro satis idoneo, vēter proximè descriptus, di-
stinctus sapphiris, quasi dicas, declaratus, seu
distinctè significatus cælis, qui ob finitimam
similitudinem, metaphora elegantissima sap-
phiri appellantur. Hi ergò sapphiri distin-
guunt, hoc est, distinctè enunciant, & decla-
rant ventris illius conceptas rationes in cœ-
lorum ipsorum structura, & ordine lucentes;
quæ est insignis quædam diuinæ gloriæ ma-
nifestatio, sicut scriptum est, Cœli enarrant
gloriam Dei. Hæc est prima interpretatio.

Secunda explanatio ventris proprietati sa-
tis affinis est. Ventrem suapte natura tenerū,
ac fragilem, naturam humanam à sponso as-
sumptam significare. Quæ quidem eburnea,
hoc est, ex castissimi animalis elephantis can-
dido dente polita, & laevigata translatè nun-
cupatur. Candida ob puritatem, & candorē,
cum animæ tum carnis illius, quā nulla pror-
sus peccati nebula, vel umbra contexit, poli-
ta & tersa, operū eburneorū similitudine; quia
non solùm ab anima, verum & à carne illa pu-

rissima lögē pulsum, & velut excisū est, quid
 quid rude scabru, & impolitū cæterorū homi-
 num carni ex culpæ situ , atque squallore suc-
 creuit. Dicitur autem prætereà venter hic
 distinctus sapphiris, hoc est, notis cœlestibus
 ac Diuinitatis indicibus, in nulla enim vel an-
 gelica vel cœlesti creatura , vel tot , vel tā il-
 lustria Diuinitatis signa, quām in assumpta il-
 la spōsi natura, vlo modo claruerunt. Septua-
 ginta Interpretes pro eo , quod habet nostra
 vulgata editio: V enter eius eburneus distin-
 etus sapphiris, sic habēt: V ēter eius pyxidicu-
 la eburnea, in lapide sapphiro, quasi dicerent
 apertiū , scyphū eburneū insertū lapidi sap-
 phiro, vt solēt vasa argētea capulis, vel manu-
 brijs, quos vulgò pedes appellāt, distincti cuius-
 piā metalli elegātioris vasis ipsis inseri. Qua-
 sanē similitudine incarnationis mysterium
 apertè innuitur, quo effectū est , vt eburneū
 hoc vas humanæ naturæ, quā candidā, tersam,
 & quasi dolatā sponsus assumpsit, diuino ver-
 bo sapphiri perspicuitate , ac serenitate nota-
 to , vt manubrio pretiosiori , ac elegantio-
 ri, per vunionem hypostaticam inse-
 reretur. Post vētrem, obserua-
 ta serie de cruribus,
 sponsa sic clo-
 qui tur.

Crura illius columnæ marmoreæ,
quæ fundata sunt super bases
aureas.

Duo sponsi crura genus humanum velut corpus
impositum sustinentia, & columnas marmoreas re-
ctitudine, ac elegatia imitatio, meritum & satisfa-
ctio sunt. Harum columnarū bases duæ aureæ iusti-
tia sunt & misericordia, ex quibus, tāquam ex basi,
columnæ, opera meriti ac satisfactionis assurgunt.

Crura ex naturæ opificio ad gradieñdum,
corpusque gestandū destinata sunt, quæ
multiplices, dū de sponsi pulchritudine agi-
tur, suggerere possunt arcanos s̄esus. Enimue-
rō, si architecturæ partes ad corporis nostri
cōpactionē cōferamus, patebit, pedes, ē qui
bus crura se attollunt, & in siuibus velut defi-
xa sūt, basibus columnarū graphicè respōde-
re. Iam autē crura sponsi, quæ totum genus
humanum portant, & in sublime ferunt (ipse
enim his nō eguit cruribus, qui portat omnia
imperio virtutis suæ) duo sunt, meritū scili-
cket, & satisfactio, quibus tāquam duobus cru-
ribus gradiebatur, immò more gigantis per
viā mortalis vitæ currebat, & his corpus suū
mysticum, quod præ culparū pōdere fereba-
tur in tartarum, tanquam duabus firmissimis
colum-

columnis, ac rectissimis ex marmore, quod ad operis elegantiā cōmendādam affertur, elaboratis sustinebat, & gestabat, quod diuinis oraculis, satis omnibus Orthodoxis compertum est. Pedes verò aurei, seu bases, quibus columnæ seu crura nituntur, duo sunt firmissima omnium sponsi operum, & disertè meriti ac satisfactionis fundamenta, quæ sibi multò obuiarunt, & osculum arctissimum impresserunt, nempe iustitia & misericordia, sicut scriptum est: misericordia & veritas, hoc est, iustitia, obuiauerunt sibi, eademque iustitia & pax, hoc est, misericordia osculatę sunt. Etenim clarissimorum Theologorum assertum est, vniuersa Dei opera, quibus tanquā tibijs gestat orbem ac fulcit, ex iustitia ac misericordia, velut ex basibus, quibus nituntur, assurgere; at in operibus redēptionis, quibus Deus multò fortius, quā olim operibus creationis, stabiliuit mundum, clarius Dei misericordia & iustitia lucent. Immò verò se multò exosculantur, hoc est intimè coniunguntur, siquidem in singulis, quæ, inter nos agēs, exercuit sponsus operibus, & iustitia qua Patri suo rigidè satisfecit, & misericordia, qua nos indignos liberatione redemit, mirificè splenderunt. Ex his basibus, columnarum instar, opera rectissima, iustitiæ arte velut architectonica, directa prodibant, quibus nihil

quam Deus directius fortiusve patravit, & propter hanc inter cætera Dei opera præstatiā bases aureæ dicuntur, quasi cæteris operibus collata redēptionis opera, similia prorsus sunt auro purissimo, cæteris metallis comparato; sic enim ex Hebræo aurum obrizū, hoc est, purissimum vertitur. Et quidem sic ea opera appendit Deus, quibus, velut aureo numismate, illi generis humani debitū, quod infinitum est, cumulatissimè soluitur. Ecce crura descripta. Vnum tamen, quod sub columnarum typo innuitur, & crurum spectat perfectionem, minimè silendum est. Profetò columnas marmoreas quas sponsa commemorat, cum ad Dei aulam amplissimam, velut regiæ illius structuræ partes spectent, ingentes esse oportet, quales in regijs peristylis, compluuijsque perspicimus. Hoc igitur signo proceritas crurium sponsi commēdatur. Compertum verò est, longiora crura, lögioribus itineribus apta esse, breuique spatia longiora, si neruose cidentur, emetiri. Hæc est eximia crurium arcanorū spōsi laus. Porro cum ijs cruribus generis humani corpus sponsus imposuissest gestandum, adeò fortiter non modò ingressus est, vel cucurrit, sed etiam exiliuit, vt infinitum spatiū (quod est apud philosophos impossibile) ipse suprà philosophiam pertransierit. Hinc est, vt peccator

cator homo, propter culpam Deo iniurias, &
 aeterno cruciatui addictus qui illud immensum,
 quod a culpa usque ad iustitiam spatium inter-
 iacet, pertransire nequibat, etiamque per mul-
 tas annorum myriades eucurrisset, gestatus ta-
 men sponsi cruribus, momente dumtaxat uno,
 totum id spatium, breuissima cordis compun-
 ctione pertransit. Hic vero transitus, vel po-
 tius saltus, non corpori peccatoris, qui gesta-
 tur, sed tibijs Iesu Christi podus nostrum susti-
 nentibus acceptus ferendus est, ita ut, licet ho-
 mo volens, & currens gestetur, non tamē coti-
 nuo cursus hic sit illius volentis, aut curreris,
 sed sponsi miserentis. Sanè homo non traiiceret
 saltu quodam vastissimam peccati voraginem,
 nisi vellet, ac curreret; at ut vellet & curre-
 ret, crura sponsi eum impulerunt. Sed quia
 operosum nimis esset, singulas sponsi percen-
 sere laudes, agit sponsa more amantium, qui
 postquam nonnulla eorum, quos ardentissi-
 mè amant, encomia congesse, quid(inqui-
 unt) opus est, ut eximiam pulchritudinem,
 quasi pictoris arte, in tabula concemur expri-
 mere, satis profectò erit, dum id fieri minimè
 posse fatemur, afferere pulchritudinem eam
 esse suis numeris absolutam. Propter hoc spo-
 sa, cum aliquot sponsi laudes enunciarit, cer-
 nens parum se posse proficere, quasi se vieta in-
 genue fatetur, a persequendis pulchritudinis

partibus velut defistens , & ad quoddam totius venustatis indigestum encomium sese transferens. Ideo ait.

Species eius ut Libani.

Quisponsum aspicit, quasi Libanum aspicit. Est enim in Libano vertex nunc candidus, mons est plantarum odoratarum ferax , & ex eius radicibus duplex fons emanat . Sic vertex , seu caput sponsi, hoc est, diuina hypostasis , est ipse candor lucis æternæ. Ex hoc humana illius natura , qua velut descensus montis est, fert plantas odoratas , tot sanè, quot genuit iustos odorem Christi exhalantes, Ex radice vero , (seu quod vulgo aiunt) ex pede huius montis, hoc est , ex corpore cæso , sponsi duplex fons, sanguinis videlicet manavit, & aquæ.

Quorum partes pulchritudinis spōsi sanguinas vel expendere , vel percensere coner, cum eç sint captu nostro maiores? Verbo dūtaxat vno rem totā indigesta laude complectar, si sponsū asseruero Libano mōti editissimo esse quam simillimū, ut merito, quisquis eius aspectum, speciemve cōtemplatur, Libanū ipsum cernere sibi videri poscit. Ut laudē hanc eximiam pro captu nostro percipiamus, Libani species mēte concipienda est,

quæ

quæ postmodū arcane sensu ad sponsum traducatur. Porro (vt partim supra expositum fuit) Libanus mons est in Syria editissimus, cuius vertex perpetuis niuibus candet, vnde nomen sortitus est; Libanus enim candidus interpretatur. Fert plantas odore commendatissimas, & propter amoenitatem fuit olim à Regibus Hierusalem ad secessus expetitus; quamobrem Salomō ædificauit domum salutis Libani. Demum è montis huius radicibus duo fontes erumpunt in unum Iordanē confluentes. Hæc est species Libani multis nominibus laudatissima, cui similem sponsi specie sponsa profitetur. Et quidem à capite exordientes, facile perspicimus, vertex ille niueus semper candidissimus, diuinæ verbi hypostasi, quæ caput assumptæ naturæ est, quā aptè conueniat. Perfecto candor Diuinitatis symbolum est luculentissimum, vnde & iij, qui sunt immortalem vitam consecuti, & diuinitatis candore velut pertusi, candido amictu solent apparere coniecti, vt in resurrectione sponsi patuit: quasi hoc insigni discrimine à nobis, qui in media mortis caligine iacemus, facile secernantur. Ex huius capituli influxu, natura humana sponsi effecta est fœcundissima, & tot plantas oderatissimas tulit, quot iustos sibi charitate insitos regenerauit. Hæc ergo fœcunditas ex hypotali diuina velut è capite

capite defluxit, quemadmodum ex Libani
vertice niue cōtecto feracitatis effector de-
currit humor, ita ut ordinis ratio habenda
sit: anima namque sponsi (qua media, caro af-
sumpta est) conferri debet cum montis Li-
bani descensu, caro verò cum radice seu pe-
de. Denique ex declinio, seu radicibus, vel,
ut vulgo dicitur, ex pede huius symbolici
montis coagulati, & pinguis, qui spōsus est,
duplex erūpit fons, quo mundus eluitur.
Porrò humana caro sponsi ad diuinæ hypo-
stasis collata celsitudinem, rectè montis de-
cliuum seu pes appellatur, ut contemplanti
diuinę Incarnationis mysterium fieri planis-
simū. Iam verò ex hoc pede montis, duplex
in cruce fons effluxit, sanguinis nempē, &
aqua, quibus fontibus in vnum velut alueū
confluētibus, Iordanis arcanus signatus est,
siquidem Iordanis, quemadmodum & cæter-
orum aqua fluminum, ad eluēda peccata ex
passione Christi vim adeptus est. Disertè au-
tem fluxus aquæ illius veræ, è cæso latere
fluentis, aquam baptismatis; fluxus verò san-
guinis illius veri, & aquæ non misti, sacramē-
tum Eucharistiæ, calicis videlicet noui testa-
menti notauit; ita ut alter fons aquæ alter
verò sanguinis videatur. Non tamen hic fas
est ignorationem obrepere, ut quis sibi per-
suadeat, illorum tunc fontium effluxū actū

fuisse meritorium, vt ob id meritum sacramenta vim sanctitatem efficiendi contraheret. Hoc quippe aperte falsum est, nec enim corpus exanime tunc esse poterat merita ca pax, nec vero anima separata, licet vltro vulneris illius, è quo sanguis, & aqua fluixerunt, irrogatam iniuriam acceptaret, cum tempus meriti suisset morte conclusum. Verū est autem sponsum ipsum adhuc viuentem præuidere potuisse vulneris inflictionem, & offerre in pretium redemptionis, & ad sacramentorum efficacitatem, sanguinem ex vulnere decurrentem. Et hac ratione posset virtus sacramentorum, qui sunt arcani fontes, è Libani symbolici radice orientes, in illius sanguinis & aquæ fluxu fundari, quod erit opportunissimum ad plura sanctorum patrum effata Theologicè interpretanda. Sed sponsam audiamus nouas sponsi laudes enunciantem, nec enim sibi temperare potest à laudis prosecutio ne. Innuerat se velle huic encomio corondem, uno veñut vniuersali pronunciato, apponere, at quia impellit ad noua pertexenda dilectio, canonum rhetoriconum ignara, paret amoris impulsui. Sæpè nimirum accidit amantem quempiam, dum amasiam commendat, profiteri, se laudem acclamatione quapiam velut obsignare vel le,

Ie, moxque sui immemorem, laudes ylteriores excogitare. Propterea, cum sponsa encomium Libani similitudine obsignasset, ad singulares laudes reuertitur, quo luculenter prodit amoris impetum desistere non valentem. Ait ergo.

Electus ut cedri.

*Si spexitur sponsus, proceritate, incorruptione,
odore suani, cedro similissimus apparebit.*

Recetè cedrorum meminit sponsa, post Libani mentionem. In eo quippe monte cedri procerissimæ crescunt, quæ corruptelam minimè sentiunt, & odorem suauem effundunt, ac proinde viuam quandam sponsi præscrunt imaginem. Ipse nimirum inter creatuæ vniuersa tantum caput effert, quantu[m] inter vimina cedrus. Quapropter aliqui sicut vertunt: statura eminet, ut cedri. Corruptio[n]is fuit omnino expers, etiam cum mortem subijsset. Odorem vniuerso mundo vagante latè profudit, quo innumeræ imbuit animas, Christi odorem postmodum exhalentes. Et hæc prima vulgata satis est explanatio.

Secunda vero subest expositio, cedrorum electionem arcanam penitus inspiciens. Porro Salomō templū illud orbe toto augustis-

sum Hierosolymis ædificaturus, ex Libani montis cedris materiam sacrosancto loco dignissimam cædi fecit, & prudentissimo cō filio elegit, qua magna illius ædificij pars cō stitit. Sic sanè pater æternus, ex monte Libano (qui suus filius est, vt proximè exposui mus) cedros ibi nascentes, baptismatis generatione, caput inter infidelium syluam attollentes, incorruptionis vim, quam efficit diuina gratia, adeptas, & odorē Christi, ex quo, velut è solo pingui, enascuntur, spirantes ele git, & ex hac materia selecta amplissimū Ecclesiæ templum exædificauit. Est autem hoc expendendum, eas cedros in sponso crescentes & electas, nō esse materiā à sponso diuersam, sed esse ipsummet nouum Adamum, ex quo est Ecclesia cōstructa. Ex quo enim Catholici per baptisma fiunt, vna velut caro, immò vnu cum illo spiritus, tanquam res vna putari debent, quæ ipse sponsus est, cuius spiritus ac vita in consepultos extenditur, ita, vt qui eos contemplatur, Iesum Christum ipsum, quo aluntur ac viuunt, in imagine nō qualicunque, non mortua, sed animata, & spirante, apertissimè cernat. Ex hoc efficitur, vt baptismate ablitorum laus, sit sponso propria, & nativa, multò potius, quam Euę laus, ob costam, quam Deus de Adæ dormientis latere tulit, ipsius Adæ propria est. Hi nimis rūm

rūm sunt spiritus Christi, Eua verò Adæ caro fuit. Propter hoc ergò mysterium, vbi potuisset sponsa sic enunciare, sponsi species ut Libani; Orthodoxi verò, qui ex eo velut mōte instar selectarum arborum proueniunt, ut cedri, significantius laudem contexuit, & vni spōso eam tribuit, aiens, electus ut cedri. Ipse enim à patre suo electus, ex quo, velut ex cedro Libani, Ecclesiā architectaretur Deus: qui verò ad structurā hanc feliguntur, in ipso feliguntur, facta in ipsum transformatione, quæ id efficit, ut sint ipsam sponsus humannissimus. Quòd verò plures ad structuram hanc euocati, in eaque persistētes fide dumtaxat subnixi, à charitate verò alieni sint, nō eneruat hanc sponsi laudem. Sunt enim degenes, sunt mortua mēbra, & in eo sanè, quod habent ad hoc spectans ædificium, sunt etiā sponso coniuncti, in fide nimirum, ac spe, & eatenus sponsi spiritu aluntur.

Tertia est loci huius minimè prætereunda interpretatio, proximè explanatæ Libani similitudini socianda, expensa aliorum versione, qui pro Libano, thus vertunt, eadem quippè Græcis vox *λιβανός* & montē, & thuris arborem significat. Compertum est autem, Thus diuinitatis esse signum, Cedri verò electio, & incorruptio, humanæ in sponso naturæ notat incorruptionem.

Cum ergò sponsa sic effatur , sponsi spē-
cies vt Libani , hoc est thuris , tantundem
agit , ac si diceret , forma eius pulcherri-
ma , & princeps , est forma Dei . Cum ve-
rò subiungit , Electus vt cedri , tantum-
dem agit , ac si ita enunciaret , sponsus ip-
se , quā homo est , non nouit corruptelam ,
seu spiritalem , seu corporalem , fuit enim
ob electionem , qua dignissimus fuit , ve-
rè inter mortuos à corruptione liber . Post
hæc sponsa quasi fessa , & rerum magni-
tudine vieta , quasi perorare cupit , & quan-
dam egregiam huic loco laudem affigit ,
ex totius descriptæ pulchritudinis concin-
nitate conflatam . Sanè halitus odoratus , ex
bono totius corporis habitu , ac temperie
prodit , ac propterea , postquam corpora-
tis imaginibus velut integrum totius spon-
si constitutionem , structuramque depinxit ,
non debuit ullo pacto halitus laudem præ-
terire . Propterea inquit .

Guttur illius suauissimum .

Spiritus sponsi suauissimus est .

VIlgata est metonymia , qua os pro ser-
mone , guttur pro halitu , & vniuersim
effectus causarum vel instrumentorum no-
mini-

minibus appellantur. Sic hoc in loco guttura suauissimum halitus odoratissimus ac suauissimus est. Et profectò, si de ipso gutture vel collo sermo fieret, guttur elegans, erectum, vel quippiam simile dicendum erat, non verò suauissimum. At ideo suauissimum appellatum est, quod est epitheton rerū odratarum, ut flatus, vel halitus gutture redditus notaretur, qui in sponso longè suauissimus est. Enim uero halitus, flatus, seu spiritus, qui à sponso procedit, incredibili suauitate affluit, sicut scriptū est, cùm introducitur sponsus, qui patris est fapiētia loquens, Spiritus meus super mel dulcis. Et Ecclesia, quæ ut rem experta proloquitur, sic ait: O quam suavis est Domine spiritus tuus, quod non aequaliter magna emphasi dictum credi debet. Ratio verò, ob quam spiritus, ab sponso æquè ac ab æterno patre procedēs, suauissimus appellatur, à propria illius notione, sic à Theologis nuncupata, deducenda est. Porro is diuinus halitus vel spiritus procedit, ut mutuus amor, amor iverò nativa est inhæsio, atq; fruītio, quæ est suavitatis perceptio. Cum ergo uicana missione sponsus halitum suum nobis infundit, osculo velut impresso, tunc nos ad promendos amoris actus flatu suo impellit; ijs verò actibus deesse nequit germana quædam suavitas, velut in reddendo illo flatu

percepta, sicut & in eo flatu ex gutture spō-
ti hauriendo percipitur. Recte igitur sponsa
effatur, aiens, guttur illius suauissimum, hoc
est, spiritus diuinus, quem sponsus efflat, &
mihi amanter immittit, cælestē ingerit suaui-
tatem, præ qua, vniuersæ mihi vilesunt mū-
di voluptates. Magnam verò, quod sequitur
præfert energiam.

Et totus desiderabilis.

*Non solum amabilis, verum & amoris procur-
fu ad ipsum properantis, sponsus desiderabilis est.*

P Oſtquam sponsi pulchritudinem sponsa
aptis pinxit imaginibus, quandam velu-
argumentationem conficit, ac si planius dice-
ret. Ipſe eſt abſolutiſſime pulcher, ergo eſt
totus desiderabilis. Quæ ſanè argumentatio,
quā ſit efficax, nemo potest ignorare, cūm
omnes pulchritudine, non aliter quā ferrū
magnete, trahamur. At videtur sponsa de-
buſſe dicere, ſponsū amabilem, potius quā
desiderabilem eſſe. Cum enim pulchrum &
bonum idem ſint, & in vniuersum, animi ut
boni, ita & pulchri amore capiantur, rectius
videtur afferere, ſponsū eſſe amabilem, quā
desiderabilem. Verū enim, tametsi fatendū
ſit, amorem eſſe primum affectū, qui perſpe-
ctat

Et a pulchritudine in animo excitatur, signifi-
cantiūs tamen dictum est, sponsum esse desi-
derabilem, quām amabilem. Profectò deside-
rium erumpit ab amore, & est quædam pul-
chritudinis, quam cupid amor, sedula insegu-
tio. Concipiendus est homo, exactam pul-
chritudinem quāpiam contemplans, qua
perspecta, primum quidem ad eam afficitur,
& hic est amor; postmodum verò ad eam am-
plexandam exilit, & hic est motus deside-
rij, & quædam amoris progressio, quam effi-
cit pulchritudo, cuius est, non solum volun-
tatem sui amore afficere, verū & impelle-
re, ac ad se motibus desiderij rapere. Vnde &
υαλος Græcè appellatur, quod ad se vocet
omnia, vt Dionysius prodidit. Cū igitur effi-
caciō sit ea pulchritudo, quæ trahit, quām
quæ dumtaxat afficit, significantiūs quidem
eius vim quis propalabit, si eam desiderabi-
lem, quām si amabilem tantummodò nuncu-
parit. Sic ergò spōsa eloqui cēsenda est. Spō-
sus, cuius exactam pulchritudinem exprime-
re studui, non solum amabilis est, sui dumta-
xat amore excitans, verū & desiderabi-
lis, longis itineribus & conatibus animas ad
se trahens. Porrò sponsus, quā Deus, est sum-
mè desiderabilis; hac enim ratione, & Ange-
li, & homines in illum desiderant prospicere,
vt ibi eius pulchritudinis amplexu desideriū

omnino conquiescat, cùm nihil vltra queat optare. Quà vero sponsus carne nostra obseptus est, Abraham optauit eius videre diē, & Iacob mira cū energiā spōsum ipsum appellauit desiderium collum æternorum, hoc est, sanctorum, qui vitæ sanctitate eminent, & eadem sanctitate in æternum stabiliuntur. Denique ipse est sponsus, in quem mundi totius vota audiissime ferebantur; sic enim de illo canit Ecclesia, Cuius vultum desiderat vniuersa terra. Expleto iam encomio, ad filias Hierusalem, quæ de sponsi pulchritudine sciscitatæ fuerant, sponsa conuertitur, & inquit,

Talis est Dilectus meus, & ipse est
amicus meus, filiæ Hierusalem.

Talis tam pulcher est sponsus à me dilectus;
quam illum pinxi. At esse illum à me dilectum
nec magnum, nec mirum est; quis enim tantam non
amet pulchritudinem? Verum certè mirandum
est, ipsum Deum immortalem, ac dominum rerū,
esse meum amicum.

Ecce, quoad potui, spōsi mei pulchritudinem, venustatemq; depinxi, filiæ Ec-

cle-

clesiæ, quæ in pacis interdum visione Deum contemplamini, Qualem descripsi, talis profecto Dilectus meus est. Quod verò attexit, & ipse est amicus meus, mysterio minimè vacat. Sic enim verborū sensus concipi debet. Quod ipse longè pulcherrimus, ac venustatis effector, sit à me dilectus, nec magnum sanè, nec mirum est, quis enim à tantæ venustatis amore sibi temperare queat? At verò, quod planè mirādum accidit, est, ipsum esse amicū meū. Quis enim vñquam, nedum sperare, sed nec animo cōcipere ausus fuisset tām incredibilem Dei erga creaturam dignationem? Liquid horum verborum vis se prodet ipsam, si mulierē humili loco natā, à pulcherrimo, nobilissimo, sapiētissimoq; Rege adamatam ponamus, quæ stimulo amoris incitata Regis commendet dotes egregias; postmodumque subiungat huius verba contextus. Talis est dilectus meus, & ipse est amicus meus; quasi diceret, epiphonemate, seu acclamatione summa; tanta est eius, quem diligo, venustas. Verū quod me rapit in admirationem, & amoris tædis inflāmat, est, Regē tā egregijs dotibus insignem, humillimæ fœminæ amore conflagrasse, & non tanquām Regem ac dominum, sed velut parem, & amicum sō gerere voluisse. Hic trutinanda est hæc excelsa sponsæ dignitas, quam ipsa, rei non ignara

ignara effert, Deum videlicet ipsius esse amicum. Quod quia inter natura dissimiles esse nequit, & alias natura Deo inferior destrui non debuit, miro artificio effectum est, ut homo per gratiam diuinæ naturæ particeps fieret, & in eam sublimitatem eueheretur, in qua verè Dei constitueretur amicus. Hic sponsa filet tantillum, & animæ contemplationis gnaræ in scenam uno velut agmine, choròve prodeunt.

Filiæ Hierusalem.

Quò abijt Dilectus tuus (ò pulcherrima mulierum)?

Quò declinavit Dilectus tuus? & quæremus eum tecum.


Sponsa inter animas, quæ Deum concepere spacioſiſima, quò se proripuit sponsus, quem inuestigas, ſeu potius quò declinavit, ſeu digreſſus eſt ille, quem amor ſerio non finit abire? Videris in hac laude ſponsi illuſtriorem illius peperiffe notitiam. Dic ergo ſi noſti, quò ſe subduxerit, & noſ omnes tecum gradiemur æmulantes chariſma-
ta meliora.

Quot laudes diuinæ sponsa extulit, tot
in tibus, & accessibus amoris proue-
cta

et a cest, ac exinde illustriore Dei cognitio-
ne perfusa , vnde & sedata perturbatione,
quæ, cùm sponsus excessit , animum obnu-
bilarat , iam illum præsentit propinquan-
tem. Quod & filiæ Hierusalem animaduer-
tentes , rogan , vt de suæ illustrationis pro-
fectu eas reddat certiores , vt sic mutuo so-
ciatæ sponsum peruestigent , æmulantes cha-
rismata meliora . Etsi enim illæ contempla-
tionis interdum luce fruantur , at hoc nec
diù, nec crebro indulgetur, ac propterea non
illis segnius , quām sponsæ ipsi admidendum
est, vt sponsum queant reperire . Diuino ve-
rò consilio fit , vt anima prouectior repul-
sam passa consulat alias ipsa forte posterio-
res, vt communicato consilio ijs prospicat à qui
bus auxiliū expetebat. Sic igitur filiæ Hie-
rusalem loqui putandæ sunt . Percensem
eximias sponsi laudes te libenter , ô sponsa,
audiuimus ; cui enim iucunda non sit tantæ
suavitatis oratio ? Nunc antem sponsi nos
studio incensæ , opportunitatem hanc na-
tæ, tecum excurrere, illumq; perquirere de-
cernimus . Iam igitur , siquidem coniectura
deprehendimus , tibi illius affulsisse lucem,
præfer facem , vnaq; gradiamur , cum enim
par nobis studium sit , lucra parabimus ex
æmulatione maiora. Dic ergo , tu , inter
animas , quæ Deum concepere, sexu proin-
de

proinde fœmineo notatas , interna venusta-
te pulcherrima , Quò abijt Dilectus tuus,
cūm à te quasi furtim, ne teneretur , absceſ-
ſit? Dic age, quò declinavit? Emphasis plena
est hæc interrogatio biformis ; primū enim
aiunt, quò abijt, mox interrogationem emol-
lientes ac temperantes inquiunt , quò declinavit?
primamque secunda declarant , ac si
idem sit, sponsum abire, & à sponsa declina-
re. Declinat certe, qui reuerti constituit , nec
omnino abesse decreuit. Sic profectò spon-
sus suauissimus , cum interdum se subtrahit,
non excedit serio, sed declinat, seu digredi-
tur citò redditurus; nec enim amor diu-
illū abesse permittit. Sic locu-
to filiarum choro, spon-
sarepon-
det.

C A P.



C A P V T S E X T V M.

S P O N S A.

Dilectus meus descendit in hortū
suum, ad areolam aromatum,
vt pascatur in hortis & li-
lia colligat.

*Non recessit à me sponsus, immo intimè descen-
dit, hoc est, illapsus est in me, vt in me horto suo,
fæliciter germinante, olfaciat aromata virtutum,
& virtutes, in quibus candor magis elucet, ve-
lut in vnum colligat fasciculum, suoq; admoueat
odoratui.*

P Atet apertè, spōsam diuinis nuper laudi-
bus operam sedulò nauātem, filiarū Hier-
usalem interrogatione pulsatam, clariorem
sponsi peperisse notitiam. Ipsa quippè mo-
dò rei probe gnara filiabus Hier. quas super
eadem causa consuluerat, facile respondet, ac
si in hunc modū loqueretur. Mœror, qui ob
spōsi discessum, animum incesserat, velut ex-
trā mentē pepulit me, & tāquam spōsi pror-
sus ignaram me dereliquit languētem, ani-
moque cadentem; ac tenebris offusis tunc
dubi-

dubitauit, an serio spōsus recessisset. Nūc ve-
rō ad me reuersa, quod sciebam, expēndens,
ac mente repetens, ipsius sapientiā & miror,
& bonitateim amo. Hic sane mirus diuinæ fa-
pientiæ retegitur ordo. Solet nimirum Deus
animam longe prouectam, ita interdum ob-
nubilari permettere, vt diuinus splendor,
qui eam insigniter nobilitabat, vt quasi re-
cto solis completeretur aspectu, prorsus vi-
deatur extinctus. Ex quo mens, velut in te-
nebricosum obtrusa carcerem, visus perspi-
citate, qua pollet, vti nequit; nec enim
tunc res, quas didicerat, ob animi perturba-
tionem, considerare valet. Inquit ergo spon-
sa. Affulxit mihi diuina lux, & pulsis tenebris
animaduertere potui, quonam pacto Dile-
ctus meus se mihi subtraxerit, & in hortum
suum inde descenderit. Bifariam hæc verba
interpretari possumus.

Primum sic habendum est (quod satis ex
superioribus liquet) sponsam esse hortum
amicissimum, sponsi ipsius manu peritissi-
mè cultum. Mox meminisse opus est, spon-
sum ab anima, nisi ob lethalem culpam, mini-
mè recedere, solere tamen interdum adesse,
suae verò præsentia negare sensum, & tunc
elegantissimè dicitur abire. Sponsa igitur
discussa caligine, lumine perfusa nouo, rem
animaduertens ait. Profectò ego delusa sum,
& cùm

& cùm ad ianuam reserandam properauit, tātum abfuit, vt sponsus (quod ego lugens dixi) recederet, vt potius humanius, quām ante, in me, hortum suum, descenderit, sicut imber super herbam, & sicut stillæ super gramine. Quomodo enim me sic exercere, & ad illum complectendum exilire valuisse, nisi præsentissimus ipse impulisset me? Recte dixit quidam.

Est Deus in nobis, agitante calescimus illo;

Impetus hic sacræ semina mentis habet.

Iuxta interpretationem igitur hāc, sponsa de se met ipsa effatur, sub horti similitudine; & ait se fuisse deceptam, putantem, aut saltem ambigentem, an sponsus abiisset. At modò inquit, se animaduertere, quo pacto sponsus descenderit, hoc est altius illapsus fuerit in ipsam, quæ est hortus arcanus, & est velut arca plantarum aromaticarum, odo rem Christi fundentium. Quod verò attexit, vt pascatur in hortis, & lilia colligat, emphasi plenum est. Hortos per sinedochen plures areas ipsius sponsæ horti appellat, distinctis virtutibus satas, atq; discretas; lilia verò quæ ibi sponsus carpit, vt factum quasi fasciculū olfaciat, virtutes sunt candore ac puritate insignes, put à munditia cordis à terrenis cogitationibus, & laudatissima corporis castitas, quæ Deo dignum odorem præ cæteris exhale re

Ff ferun-

feruntur. In his ergo pascuis, spōsus asseritur
pasci, hoc est, refici, ac recreari. Vbi mira elu-
cet Dei sapiētia. Dum enim spōsa velut repul-
sa, luctuq; confecta, hac & illac excurrens,
tanquam in palæstra sudat, tunc hoc specta-
culo spōsus mirificè delectatus dicitur in spō-
sam illabi, ibique velut in horto amoenissi-
mo refici; quemadmodum de Antonio me-
moriæ proditum est, qui cum in agone cum
hoste sœuissimo cōfligeret, & sponsū abijisse
putaret, didicit ex ipsius sponsi ore, præse-
tissimum illum tunc fuisse, ac velut in paradi-
so quodā agentē, eius lucta, & victoria fuisse
delectatum. Sic ergò iuxta interpretationem
hanc sponsa eloquitur. Dilectus meus (o filiæ
Hierusalem) nō abijt, sed verè descēdit in me
hortum suum, licet ego minimè perceperim,
modo quippe id facile verum esse perspicio.

Secūda explanatio voluptatis descriptæ,
subtractionē spōsi recessū intelligit, ac perin-
de, quoad hunc sensū, cum prima interpreta-
tione consentit. At verò descensum in hortū
diuersum concipit, quem modò perpendere
operæ pretiū fuerit. Porrò, tametsi spōsus ob-
suam immensitatē vbiique sit præsēs, ac exin-
de queat vniuersas iustorum animas simul al-
loqui, & cœlesti suavitate perfudere; id tamē,
quia ex suæ cōsilio sapiētiæ, nec semper effi-
cit, nec verò expedit fieri, nunc affatur hanc,
nunc

nunc verò illam , & hinc illuc quibusdā quasi saltibus se librāt, moreque nobiscum versatur humano. Nunc charitate prouectos interna voluptate permulcet, nunc ijs velut obliuioni ad experimētū traditis , recentes fœtus delinit, vt fiant ad cursum alacriores , & spiritalem mundum alterna iucunditate, ac austerritate contemperat. Est tamen habenda elegans discriminis ratio . Cum enim à tyronibus ad grandiores transilit , ascendere , cum verò è contrario, à prouectioribus ad recentiores abit, rectè descendere perhibetur. Hoc ergo harmonicis mensuris temperatum discriminē sponsa innuit, cū ait. Dilectus meus descendit in hortum suum, ad areolam aromatum . Eleganter sanè spiritus sanctus vtitur eo verbo (descendit) cū enim spōsa spōsus tetigisset, & tactu cōmouisset, nolens excelsam tunc solari charitatem , & ad teneras animas recens euocatas deliniendas accurrisset, rectè descendere dictus est. Descēdere vero asseritur ad hortum suum , cultura, & sedulitate indigentem: ad hortum suum , quem acquisiuit saignine suo. Descendit ad areolā aromatum ; pusilli enim sunt recentes fœtus iustitiæ, ideo areola: sed odorem spōsi recēter imbuti spirant , ideo aromata . Septuaginta pro, areola aromatum, (phialas aromatis) habent, qua sanè formaloquendi, notantur ani-

mæ iustorum, quæ tanquam phialæ totidem sponsum ipsum aromatis odoratissimi, & ad medicā materiā opportunissimi nomine significatum illabentem concipiunt. In harum animarū hortis amoënis pascitur spōsus, hoc est, mirificè recreatur; oues enim, quæ perierant, dū afflatu nouo redeunt ad pastoris māpalia, noua præ alijs, quæ non aberrarūt, gaudia cumulant. Inter eas verò animas, quæ recenter euocantur, si quæ sunt, quæ castitatem saltem corporis seruare studuerunt, illas præsertim sponsus amplectitur, quas specialis prærogatiua castitatis ampliore dilectione reddidit dignas, quæ ob candorem, ac puritatemplilia pulchrè nuncupantur, ex quibus vnum quasi fasciculum sponsus colligit, cū eas humanius fouet, & amatiūs fouēdas, à cæterarum turba secernit. Dum hæc sponsa enunciat, concipiendus est sponsus amantissimus illi sui sensum ingerens; quo quidem sensu non tam conuersa, quam correpta, intercepto cum filiabus Hierusalem sermone, ad sponsum sic sponsa pro loquitur.

(9)

Ego

Ego Dilecto meo , & Dilectus
meus mihi, qui pascitur
inter lilia.

*Soli ego heream, & vacem dilecto meo, & ad-
fit mihi ille, qui castos singulari amore profe-
quitur.*

PHrasis hæc præsentes per tertiam perso-
nam alloquendi, non Hebreis modo, ve-
rū & cæteris linguis familiarissima est.
Sic igitur debemus sponsam enunciantem cō-
templari. Cerno te (o sponse humanissime)
præsentem, & meis suspirijs denique flexum,
quid ergo tibi pro humanitate rependā? Di-
cam (quod possū) Ego Dilecto meo æuo he-
rebo sempiterno, & Dilectus meus mibi par-
ter sociabitur, cui mos est inter cädidas puri-
tate animas libēter commorari: quasi planiūs
loqueretur. Ego theca quædam sū opere fa-
brili efficta, & ad sponsi solius cōformata fi-
gurā; quemadmodum theca, vbi conditur sa-
cer calix, vni dumtaxat calici est habilis, cæ-
teris verò vasis diuerse formatis, nec prodest,
nec idonea est, solus calix illā explet, eiusdē
cum illa figuræ, ac elegantiæ. Soli ego spōso
sum habilis. Ille in me conditus, solus me va-

let explere. Sic ego thecā repurgabo, vt can-deat, nec enim nisi incastis mentibus libenter ille moratur.

Possunt non ineptē verba hæc per modū optandi enunciari, vt sponsa cernens spōsum præsentem, amāter conqueratur de absentia, & quasi dicat. Quid sibi vult hæc acris repulsa, & tā diurna præfetiæ prorogatio, o spōse? Nonne satius est, vt, iuxtā leges amoris, ego vacē Dilecto meo, & Dilectus meus adsit mihi? Quousque me repulsā cruciabis, ac experiri perges? Vbi est cōiugij, quod percussimus, fœdus? Nisi me tua lux illustrasset, dicetem, quod quidam amore saucius extulit.

*Quid prodest animo, quod me non spernis
Amynta.*

Si dum tu sectaris apros, ego retia seruo?

Modus harum querimoniarum ex amoris natura proficiscitur, qui præsentiam audiissimè cūpis, quæ dū negatur, impetu facto, cōtra propensionē amoris pugnādū est. Oportet autem auctioris meriti ergo, amorē torqueri, dum illius spes in futura protenditur. Nunc verò, verba hæc sponsæ in contēplationis arcano elata fuisse, videtur esse rationi consentaneum, vt in eodem, quæ sequuntur, iucundissimè audiat.

Pulchra es dilecta mea . Suauis & decora sicut Hierusalem.

*Ob virtutum proportionem pulchra, ob actiones
externarum moderationem decora, ob lenitatem, ac
mansuetudinem suauis es , Hierusalem superna
quam simillima, Dilecta mea.*

Familiare est inter se amantibus, laudibus vltro citroque certare. Sponsa catenam quandam verè auream , affabreque consertā ex sponsi cōtexuit encomijs . Nunc verò ille huiuscmodi certaminibus assuetus, suæ magnitudinis velut oblitus , & amori exactissimè obsequēs, alterā pergit catenā sponsæ laudi pertexere, & in contēplationis thalamo litis iam vexatæ blandiri. Auspicatur autem à quodam vniuersali pronunciato , ad singulares postmodum laudes descensurus . Ait igitur : Pulchra es dilecta , Suauis , & decora , sicut Hierusalem . Porrò pulchritudo , ut sœpè dictum est , ex debita partium proportione consurgit . Cum verò de interna pulchritudine fit sermo , perinde est , ac si , de structura , & concinnitate virtutum ordinē miro distributarum , sibiique mutuo cōse-

tiētium haberetur sermo. Ex hac verò interna partium animæ, quam ex virtutibus cōtra hunt, concordia, naturali quodam excursu, prodit se in externas actiones venustas quædam, in loco, tempore, tāterisque similibus, in agendo, loquendoque seruata, quæ appellatur decor, & erga alios, ob lenitatem, ac mā suetudinem eximia suauitas. Radix ergò, ex qua decor, & suauitas oriuntur, interna, quam pinximus, est pulchritudo, à qua nunc spōsa commendatur. Ne quis verò suspicaretur hanc esse vulgarem quampiam laudem, apposita sponsus vtitur Hierusalem similitudine, qua nullam certè congruentiorem possimus excogitare. Profecto, et si mira sit interna, qua iusti insigniuntur, pulchritudo, etiam dū in exilio agunt, nemini tamen dubium accedit, quin ea & exactior, & diuinior in patria futura sit; ubi perfectissima erit ea in actione, sermoneque venustas, quæ appellatur decor, & eximia beati cuiusque erga cæteros in illo conuictu suauitas. Quæ quidem triadum talia in sponsa else asseruntur, qualia in cælesti sunt Hierusalem, nihil ad laudem opportunius, vel significantius afferri potuit. At enim impensè considerandum est, iustos non eam dumtaxat mentem tranquillam, suauemque gerere debere, quæ futuræ gloriæ videtur æmula, nec enim inter iustos in hoc

hoc versantur exilio, vt suauitas sēper austritati præferenda sit. Oportet nimirum interdum exardescere, & contra scelestos depugnare. Propterea sponsus ait.

Terribilis vt castrorum acies ordinata.

Sicut erga iustos es suauis, ac mitis, ita in scelestos terribilis es, virtutibus consertis, in modum agminis ad prælium accincti, armata.

Quemadmodū iusti coactione non egēt, scelesti verò maximè: ita tu iustis, o spōsa, decora & suavis es, iniquis verò acris, ac terribilis. Illos suauitate permulces, hos terrore coerces. Sicut enim acies, seu phalāx militū præliatiū prudentissimi ductoris arte disposita, districtis ensib⁹, telisque infestis terret hostē, ita tu virtutibus, ad sceleratos repremēdos, & interimēda peccata, accincta & armata es, vt animis flagitiosis terrorē incutias, incussoque terrore, ad conuersiōnē impellas. Expendendum hic est, iustorum vitam virtutum concinnitate contextam, aciei castrorū arte militari cōsertæ quām simillimam, scele-ratis hominibus esse valde formidabilē, adeo sanè, vt illius conspectum ferre nequeāt. Experimento nimirū quotidiano didicimus, sce

Iestorum hominum cœtus in ipsum Deū cōiuratos , adeò vel vnius studiosi hominis cōgressum, alloquiūmve expauescere, vt coram illo cōsistere minimè audeāt, sed instar nubiū aquilone flante dissipentur. Et hocquidē inde accedit, quia peccatū eos reliquit inermes; iustorum verò vita, Deo ductore gradiens , tot telis ac ensibus procedit armata, quot est suffulta virtutibus. Si verò iusti in publicum prodeāt, & acribus increpationibus nefarios homines carpāt, tunc ij terrore cōcussi facile declarant quam iusti sint formidabales, atque terribiles. Ratio verò, ob quam sponsus militari vtitur similitudine, ex re ipsa petēda est. Profectò, sicut acies castrorum tunc maximè hosti terribilis appareat, cùm est ordinata, hoc est, adeò prudēter disposita, cōferta, & stipata, vt singulis militibus in statione cōsistētibus, sibique velut cōnexis, nihil in acie diruptum, nihil sit hiulcum, nec verò locus pateat aliquis, per quē, impetu factō, queat hostis irrūpere; ita prorsus, cum spōsae virtutes , quas spōsus velut ad præliū armauit accinctas , ità sunt sibi harentes, ità sibi consentiūt, vt, sine vlla spiritualium stationū perturbatione , sint mutuò velut connexæ , nec aditus patet aliquis, per quē se hostis insinuet, tunc sanè, arcanā hæc virtutū acies reddit spōsam terribilē, vt & hostē sine iactura lādere, & etiā fuga

re possit. Ex his patere potest, cur spōsus, cū asservit sponsā suauem ac decoram, contulit illam Hierusalē supernæ, nō verò, cùm dixit esse terribilem; sed tūc eam militiæ, quæ fors est huius vitæ, comparauit. Nimirū in vrbe illa superna, terror, qui tanquā pœna pro culpa infligitur, & ab ultrice iustitia prognatus est, reperiū nequit, cū nequeat ibi culpa patrari. Tota verò vrbs illa incredibili affluit suauitate, quæ ab exactissima pulchritudine, ac decore proficiscitur. Verū vita hæc mortalis, militia quædam est. Cum autem ad militiam delectus habetur, ad disciplinam militare, ductorisque prudentiam spectat, eos milites feligere, qui ad præliū instructi, ipso sanè aspectu hostem valeat deterrere. Ex horum igitur numero selecto sponsā esse credendū est, cùm, quasi castrorū acies, terribilis nūcupetur. Cuius terrorē super hostes ferri, satis Hebræa notat, ex quibus, pro acie castrorum ordinata, alij vertunt, terribilis ut castra cum vexillis. Profectò enim terribilis ac formidabilis, cū nefarijs hominibus, tū malignis spiritibus spōsa videtur, cū regis ac sponsi sui vexilla, hoc est, crucem fert. His enim vexillis, & impetus scelerorum hominum frangitur, & fugatur infernus.

Auerte oculos tuos à me, quia ipsi
me auolare fecerunt.

*Contenta esto noua mentis perspicacitate nuper
infusa, satis enim crevit. Ego à te altius cognitus,
& in tua notitia exaltatus sum, moderare igitur
mentis oculos, ne vltra definitas metas, me specu-
lari conentur.*

PRUDENTISSIMIS MEDICIS MOS EST, TEMPUS
MORBORUM ANTEUERTERE, ILLORUMQUE CAU-
SAS SOLERTI PROUDENTIA PRÆCIDERE. SIC AN-
TIDOTA PARĀT, & NATURĀ IMBECILLEM IN MORBOS
INGRUENTES OBSTERNIT. IN HUNC PLANĒ MODŪ,
CUM SPONSAM COMMENDARE ENCOMIO QUODĀ
VELUT CLUCUBRATO SPONSUS ADORNET, PRUDĒTISSI-
MÈ TEMPUS PRÆUERTIT, ILLAMQ; PROPRIÆ CÓDI-
TIONIS ADMONET, NE NIMIUM EFFERATUR, NE SE
NIMIS EFFUNDAT, AC INTER SPLENDIDISSIMOS PRÆ-
SENTIS IAM SPONSI RADIOS EXISTIMET, IMPUNÈ SE
POSSE IN QUANTUMUIS ABDDITA DIUINITATIS ARCA-
NA MENTIS OCULOS INTENDERE, AUIDAM MENTEM
FRÆNARE OPORTERE, VT SOBRIÈ SAPIAT, DOCET IPSE
DEUS. NEC MIRUM EST, SPONSAM VITÆ PERFE-
CTIONE IAM INSIGNĒ COMMONERI; ET SI ENIM SIT
CHARITATE SUBLIMIS, EST TAMEN IMBECILLIS NATU-
RÆ, CUIUS INGENIUM SEMPER PLURA, MAIORA Q;
SCIRE GESTIT. PROPTEREA, VT NATURAM REPRIMAT
IUXTA SPONSI MENSURAM, MONENDA EST: QUĀUIS
ENIM

enim charitas, sicut & gratia naturam erudiat, minimè tamen delet, nec appetitū in hoc exilio omnino coercet. Sæpe quidem qui sunt ærumnis assueti, & insperatò quadam insigni fœlicitate potiūt, efferūtur animo, omnia sibi licere arbitrati, nec ullum faciunt audēdi modum, quorum animus, propriæ recordatione cōditionis, alijsq; consilijs opportunis, in officio continendus est. Quod ergo spōsus ait, Auerte oculos tuos à me, quia ipsi me auolare fecerunt, tantundem est, ac si diceret, coerce oculos tuæ mentis à nimia speculatione mei, quia noua nunc luce perfusi me in alta volare fecerunt, vbi moderatione opus est. Ut autem huius interpretationis sensus percipiatur, ponendum est ex Theologia, Deum nisi sub creaturarū imaginibus in hoc exilio cognosci non posse, quamobrem eiusmodi notitia humi defixa plurimum à diuina magnitudine deficit, ac proinde Deus ipse, prout in ea est humili notitia, quasi depresso alis priuatus, abiectusq; tenetur. Quādo vero infuso lumine quopiā, quale purgatis mēti bus interdum in media vitæ huius caligine solet immittere Deus, sponsa modo quodā excelso ac diuino diuinam cōtemplatur celsitudinem, tunc elegāter dicitur Deū extollere, illiq; alas ad volandum reddere, quod innuit alia translatio aiens. Nam illi mihi alas reddi derunt

derūt . Est enim Deus in notitia velut in quō
dā ferculo , ac proinde , si ferculū deprimitur ,
humi quasi repens , Deus ipse in eo genere de-
primatur necesse est ; si verò attollitur , Deus
ctiā eo vectus in altū feratur oportet . Quā-
tò verò sublimius notitia effertur , tāto cernit
apertiū Deū esse incomprehensibile , tātoq;
(vt ita dicamus) Deus fit illi maior . Et hanc
verba illa (Ipsi me auolare fecerunt) habent
energiā . Quapropter sic sponsus effari cre-
dendus est . Cōprime speculationis auidita-
tē , spiritales oculos moderare , ipsi enim noua
luce cēlesti illustrati , qui me antè quasi sine
alis depressū in humiliore notitia tenebant ,
nūc extulerūt me , & me altius cognitū auo-
lare , hoc est alis additis in altiorē cognitionis
gradū eleuari fecerunt , vbi ego maior , quām
olim , & minus cōprehensibilis agnoscor . In
hac autem illustri notitia moderatione opus
est : nā si quis immoderatus oculos in me intē
dat , læditur , sicut quando temperanter agit ,
illustratur . Hæc enim vis lucis est , vt quem-
admodum oculum illustrat , sic etiam lædat ,
si nimia sit . Bimembris igitur est explanatio
hæc ; duo enim verbo , Auolare , exprimuntur .
Primum quidem , Auolare , idem est , ac in
altum notitia sublimiore volare . Deinde Auo-
lare , idem est , ac incomprehensibilem , & ca-
ptum nostrum fugientem apparere . Ex quo
fit ,

fit, vt duabus efficacissimis rationibus, sponsa
debeat oculos auertere, ne opprimatur à glo-
ria, nimirūm & quia satis illustrem cognitio-
nē adepta est, quod ad primū explanationis
membrum spectat (ac si homo ex paupere
diues satis effectus, moneatur, vt ea forte cō-
tentus sit) & quia incassūm conatur , quicūq;
Deum cognoscere gestit, nisi iuxta metas ab
eo definitas , cùm eò maior appareat ille , ac
nostro captu superior , quo luculentius ag-
noscitur.

Alij pro verbo, auolare, vertūt, superbire ;
quo quidem verbo notissimus quidam expri-
mitur amoris affectus . Solet enim amans
quampiam fæminam egregiæ formæ , cuius
pulchritudo in oculis præsertim eluceat , illā
sic monere, auerte, vel certè claude oculos,
quia incredibili venustate nitent , cum nihil
minus interea optet, quam oculos eos auerti.
Solet etiam eiusmodi amans se de amasiæ ia-
ctare, tanquam de propria pulchritudine , ac
cum effectum notat verbum superbire, quasi
dicat ille , obstrue oculos, quorum ego pul-
chritudine efforor atq; superbio, vt pote, di-
ctitans mihi esse amasiam, cuius oculi sint in-
signes venustate. In hunc modum Deus cle-
mentissimus , suam in sponsam commendat
charitatem , vtens ea phrasī significantissima
proximè declarata, quasi dicat ironice, cohi-
be spi-

be spiritales oculos tuos (o sponsa venustissima) averte illos, quia dum eos intueor, quasi superbio , & iusta quadam elatione me iacto, dictitans mihi esse sponsam , cuius oculi eximia venustate me capiunt. Hæc interpretandi ratio ad ardentissimi amoris affectum exprimendum opportunissima est. Sed quid de capillis sponsæ sponsus dicat , est impēse animaduertendum.

Capilli tui sicut grex caprarum,
quæ apparuerunt de
Galaad.

Sicut capræ Jacob è Mesopotamia in Canaan per montem Galaad tendentes celerrimè cliuofalo ca transfiliebant , sic ego (o sponsa) qui sum comata tua , quam gestas in capite , capræ , hoc est , peccati tellus imagine , viam passionum asperam , & scabram nullo peccati pondere pressus transfilii , & ad terram viuentium properauit .

Pro capillis , alij comam , septuaginta verò Interpretes , in eundem sensum , cæsariē verterūt . Cæsaries igitur asseritur esse similis gregi caprarum , quæ apparuerūt de Galaad . Priesquam huius similitudinis vim expen-

pendamus , animaduertere oportet , verbū , Apparuerunt , hic positum , idem significare ac verbum , Ascenderunt , quod habetur ca. 4. vbi hæc ipsa similitudo exposita fuit ; Vtique autem verbo tangitur historia Iacob ex Mesopotamia in terrā promissionis reuertētis , secumq; greges multiplices , ac inter eos , capras ducentis , Ideo verò caprarum grex de monte Galaad ascendisse , apparuisseve dicitur , quia per eum montem Iacob suos greges ducens transiit , ibique illum Laban confectus est , antequam terram promissam esset ingressus . Nūc verò similitudinis vim per pendamus , cur nempe cæsaries sponsi caprarum gregi comparetur . Porro ex oraculo Pauli , gloria mulieris est coma , quod ingenuè parentur fæminæ forma præstantes , quæ incredibili sedulitate cæsariem curant , tanquam suæ gloriæ , hoc est , pulchritudinis partem non vulgarem . Sicut autē gloria , ornatus , seu pulchritudo mulieris coma est , ita sponsæ ornatus & gloria est sponsus . Non est infima , nec verò mediocris ornatus pars , sed est ornatus potissimus , qualem vxor gestat in capite , illi videlicet supposita , & coniugali iure subiecta . Non est autē comahæc , ex earum genere , quæ à capite fœminarum exoriuntur , sed earum potius , quas ascititias nuncupamus , quibus vtuntur eæ mulieres ,

G g qui-

quibus ob alopeciam excidit capillus ; vel
ex natura horret, & ad ornatum ineptus est.
Tunc enim eæ cupientes suam turpitudi-
nem obuelare, & insignem , quam natura
non attigit , præferre venustatem,cæsariem
curatam , lucentem, promissamque conqui-
runt, quam capiti naturæ æmulo inferunt
artificio, toti mundo muliebri præsidentem.
Sic profectò sponsa , cui ob peccatum sua
gloria , suusq[ue] ornatus, qui sponsus est, tur-
pi quodam velut alopeciæ morbo defluxer-
at,incredibili studio , laboreque diurno,
cæsariem lucentem , productamque qua-
siuit, quæ caput obtegeret , defluensque in-
de,totius corporis nuditatē operiret . Cæsa-
ries hæc capiti imposita,vt imperet, vt præ-
sideat toti mentis ornatui, sponsus est , mira
sedulitate à sponsa peruestigatus . Hæc est
gloria spōsæ,hæc arcana cæsaries , quæ si de-
fluat,vxor turpisima apparebit. Hæc igitur
coma , caprarum gregi , ex Galaad in terram
promissam ascendentι,afferitur esse persimi-
lis, cùm ob pernicitatem, & saliendi expedi-
tionem,tum ob imaginem peccatoris , quam
capra præfert. Enimuerò sponsus , quando
peccatoris imagine , velut mystica pelle ca-
præ contectus,ex hoc exilio , velut ex Me-
sopotamia quadam,in terram viuentium,per
cluosa passionum loca , tanquam per quen-
dam

dam Galaad montem gradiebatur, non fuit à cursu peccati cuiuspiam pondere retardatus, sed more capreæ, saliens, & expeditè currens, viæ asperitatem superauit. Hanc comam studiose curare debet, quicumque veram optat pulchritudinem. Cui meritò eæ laudes tribui debent, quas apud antiquos capillitium adeptum est. Fuit quippe libertatis argumentum, & à Lycijs, capillorum studiosissimis, tanti coma fiebat, ut mulieram subire mallent, quam comam præcidere, vnde proverbiū emerſit, ut Lycia coma dicatur, hoc est, compta, & promissa. Verum pergamus ad dentes, quorum candor,

& concinnitas faciem mi-

rificè hone-

stat.

G g 20 Dentes



Dentes tui sicut grex ouium , quæ
ascéderunt de lauacro. Omnes
gemellis fœtibus, & sterilis
non est in eis.

Cogitationes meditationesq; tuæ erga scriptu-
ræ Sacrae intellectum (ò sponsa) similes sunt denti-
bus corticem fructuum concerpentibus , ac nucleū
eruentibus, sic enim eæ meditationes historici sen-
sus corticem concerpunt , indeq; sensus multiplices
eruunt. Et sunt tanquam ones oblutæ , ac fœcun-
dæ, quando ex orationis balneo mens abluta , & pu-
ra escendit ad sacri Textus interpretationem.

Alluditur in hac similitudine (sicut de
proxima dictum est) ad greges ouium
Iacob, tempore quo tonderebantur, & ascende-
bant de torrente Iacob, quæ , vt ait Chaldai-
cus paraphrastes, omnes similes mutuò erāt,
pariebant gemellos omni tempore , & steri-
lis, & orbata non erat in eis. Quod verò atti-
net ad sensum arcanum, ex. 4. cap. vbi fusè
verba sunt exposita, petatur. Modò verò nō
nihil addere consentaneum est , vt oratio sua
serie contexatur. Porro fructus corticem ha-
bentes, priusquam nucleū eruamus , medul-
laque vescamur , dentibus concerpere sole-
mus,

mus, quos ideò natura exacutos, & ad sectio-
nem idoneos videtur effinxisse. Verba verò
sacri Textus (vt apud spiritualis anatomiae pe-
ritos constitutum est) & corticem, & nucleū
habent. Sensus enim historicus, quem vulgò
literalem appellamus, corticis instar conti-
net sensus arcanos. Qui verò studet medullā,
nucleumque istum eximere, sensum histori-
cum quasi dentibus atterat, & dirumpat, ne-
cessē est. Hi verò dentes cogitationes, seu me-
ditationes sunt Spiritus Sancti munere ex-
actæ, & ad scindēdum historiæ corticē apta-
tæ. Quæ rectè dicuntur similes gregi ouium
fœcundarum, quales erant oves Iacob gemel-
los edentes. Eiusmodi quippe meditationes
Spiritus Sancti afflatu fœcūdatæ multiplices
fœtus interpretationum enituntur, populo
Christiano mirifice congruentes. At impen-
diò animaduertendum est, eos arcanos den-
tes, non cuicunque ouium gregi, sed de laua-
cro ascendentī similes nuncupari. Lauacrum
autem ea virtus est, quam sancti patres, Ora-
tionem mentalem appellant, quæ (vt quo-
tidiano patet experimēto) est balneū quod-
dam spiritale, quo animus eluitur, ac fōrdibus
peccatorum vi lachrymarum profusa repur-
gatur, ac si parat mentis puritatem, quæ ad sa-
cri Textus intellectum plurimum confert.
Quamobrē sancti patres, qui arcanos scrip-

turæ sensus vberius tradidere , hoc spiritali
balneo se prius abluebant, indeque tanquam
oues de lauacro ascendentæ , mentis puri-
tate velut alba lana cudentes, non gemellos
zatū, verum & innumeros sensus planè diui-
nos euulgabant : quemadmodum de Diuo
Thoma Aquinate clarissimo huius libri in-
terprete scriptum est, solitum fuisse , in Sa-
crae Scripturæ difficultatibus , orationis se
lauacro cluere , & iejunij , (quod ad id laua-
crum maximè conducebit) meritum adhibere.
Iam autem superius enunciatam , modoque
ad energiam repetitam genarum laudem con-
templemur.

Sicut cortex mali punici , sic genæ
tuæ, absque occultis tuis.

Genæ tuæ (sponsa) crescentibus , quæ medita-
ta es dogmatibus , subleuantur , & oris claustrum
ad sermonem abrumpitur , quemadmodum cortex
punici maturi acinis maioribus dirumpi solet.

P Rosectò cū sponsa tam insigniter creue-
rit , & quasi maturuerit , æquum est crede-
re illam , non cortici mali punici adhuc acer-
bi , sed æstate percocti , ac maturi compara-
ri . Punici vero maturi cortex , vi acino-
rum

rum crescentium, qui iam corticis angustijs capi nequeunt, abrumpitur. Hac sub imagine mysterium latet minimè prætermittendum. Sanè, cum mens diu meditata est sacrī Textus dogmata, iamque referta est, & afflante Deo, sermonem conceptum retinere non valet, tunc ad erudiendum cæteros diuinitūs impellitur. Sic, cum cœlestium scripturæ dogmatum, ac sensuum meditatio in sponsa sit proximè dentium similitudine à sponso laudata, concinnè satis genarum decor commendatur. Qualis autem sit hæc genarū laus, ex ijs, quæ de punico maturo notaui-mus, cogitandū est. Quemadmodū enim granis, quæ ad iustum magnitudinem creuerunt, cortex dirumpitur, ita genæ sponsæ, quæ filētio copulatæ, atque commissæ erant, adeò vnuſ tantūm cortex videretur, sensibus arca-nis, diuinisq; dogmatibus, multa meditatione crescentibus, subleuantur ac dissuuntur, & oris claustrum, ad ea dogmata euulgāda, Deo sic agente, perrūpit. Qua propter, qui spiri-talem internamque sponsæ faciem introspi-cit, malum punicum, dirupto cortice, granis se prodentibus, & inde velut exilire gestiētibus, cernere sibi videbitur. Ex quo patet, quām cordatè, ac parcè se sponsa gesserit, quæ tamdiu siluit, nec, quamuis prouecta, magisteriū affectauit. Verum eius prouectio-

spiritualisq; proceritas, & dignitas ex mox
exponenda laude, clarius elucebit.

Sexaginta sunt reginæ. Octoginta
concubinæ. Et adolescentu-
larum non est nu-
merus.

*Pauci perfecti. Plures proficientes. Plurimi in-
cipientes.*

Agit Salomon iuxta patrum antiquorū
morem. Constat nimirum priscis pa-
tribus concessum olim fuisse vxores plures
ducere, ex quibus quædam arctissimo illis
fœdere copulabantur, nam præterquā quod
liberis operam dabant, toti etiam domui
præerant; alteræ verò à scriptura concubinæ
nuncupatae, ad torum dumtaxat admitteban-
tur, vt pote, quæ verè vxores erant, domui
tamen minime præfiebantur, ac exinde pri-
mis erant existimatione, ac dignitate poste-
riores. Præter has duas quasi classes, tertiam
adolescentularum classem in aulis Regū an-
tiquorum fuisse, literis sacris consignatū est.
Sic enim ex vnius Assueri liquet historia,
Virgunculas plurimas fuisse accersitas, & ad
Regiam perductas, vt in delitijs habitæ, in-
dul-

dulgentiusque educatae, & ex aulæ Regiæ more, comitatem, & vrbanitatem edoctæ, ad Regis se torum compararent, & maturo tempore demum accederent. Cernimus itaq; fœminas illas, Regū voluntati omnes addictas, meritis tamen ac dignitate fuisse discretas. Primæ quippe illæ, quæ præter coniugalem dignitatem domui præerant, si Regi cuiquam nuplissent reginæ nuncupabantur; Concubinæ non ita, sed ad torum tantum pertinebāt; puellæ tandem neutram dignitatem assecutæ, ad utramque se nihilominus comparabāt, Hisce tribus classibus, tres animarum ad amplissimam Regis ac sponsi nostri domum spe etantium gradus graphicè significantur. Profectò, ut à capite exordiamur, sunt quædam animæ Regio planè diademate dignissimæ, quæ per multa prælia, palmamque multiplicem, velut ad Regiam pertinuere dignitatē; inter quas sua sunt etiam discrimina, ut quandam per pulchram syderum, stellarumque varietatem in firmamento tibi cernere videaris. Porrò his, tanquam Ecclesiæ luminibus, spōsi luce completis, domus cura credita est, ut eæ animæ satis iam diuites, alias studeant locupletare. Minimus autem, sed tamen perfectus numerus est illis assignatus, sexagenarius nempè, senario decies recurrente conflatus, diuinorum operum sex diebus perfecto-

rum notat Sacramentum, ita ut senario opera, denario operum perfectio commendetur. Quo sanè numero innuitur, perfectorum regias velut coronas gestantium numerum, licet (si alijs gradibus conferatur) minimus; si tamen seorsum expendatur, esse nequaquam exiguum. Cōcubinæ, quæ ad domus œconomiam parum adhuc idoneæ, & voluptati, (cui ferè soli destinatæ videbantur) nimis erant addictæ, tametsi verè uxores essent, secundā proficientium classem adumbrant. Hæ scilicet animæ, et si matrimonij spiritale fœdus cum sponsō inierint, nondum tamen ingenuo prorsus affectu ducuntur, sed voluptate allici, ac permulceri gestiunt, qui est nondum purgati animi apertus index. Propterea nec corona regia insigniri, nec domui sponsi praesesse, sed in seipsis expurgandis; & regia dignitate promerenda operam ponere debent. Quia igitur imperfectionis notis proficiētes asperguntur quadrato numero recte cēsentur, hoc est, octogesimo, qui bis quater ducto denario perficitur. Quaternarius autem minimè caret imperfectionis nota, cum ob quatuor anni tempora fluxa, & varia, sibiq; vix consentientia, quibus huius vitæ varietatem metimur, tum ob elementa quatuor, quæ licet corpora mista conflent, ac ex eo capite nonnihil perfectionis impetrari videatur,

at sanè in ea ipsa corporum mistorum compactione, imperfectionis, hoc est, corruptio-
nis ex discordia interna profectæ semina con-
dunt. Puellæ demum illæ, seu adolescentulæ
in aulam regiam accitæ, quæ nec reginarum,
nec verò concubinarum erāt sortem adeptæ,
incipientes signant animas, quæ paulò ante
patrati sceleris motibus infestantur, nec se
pugna domuerūt, nec verò radices peccato-
rū altè fixas reuellere studuerunt, sed gratis
euocatae, nunc mundo muliebri gratis sibi da-
to, se comere, ac honestare incipiunt, vt non
nullis postmodū venustatis accessibus ad re-
gis ac sponsi thalamum queāt propinquare.
Etsi enim, ex quo diuinā gratiā adeptæ sunt,
spiritale coniugij fœdus cum sponso percus-
serint; at ille (tametsi eis lac non neget inter-
dum) non se gerit erga ipsas, tanquam con-
cubinas, nedum reginas, quas alio præstan-
tiore internæ voluptatis genere, non iam la-
ete, solet delinire. Hunc autem mirum ordi-
nem diuina excogitauit sapientia, nō patiēs,
è culpæ cœno non perfectè elutas animas ad
suū thalamū conuolarē, sed expurgari priùs
ac erudiri, vt temporis fluxu, & exercitatio-
ne perdiscant, quanti fieri debeat, ad excel-
sam sponsi iniestate vxorio affectu propin-
quare. Harum verò animarum in tyrocinio
agentium numerum arithmeticos canones
docet

docet Spiritus Sanctus superare hyperbole pereleganti, quæ, ad significationis augmentum, sermoni sacro sæpè solet intexi. Relinquitur ergò planum ac manifestum, initia virtutis capessentium numerum maximum, proficiunt minorem, perfectorum verò esse minimum. Nimirum auspicari non ita est arduum, ac proficere, nedum perficere. Hæc autem longa excursio eò tendit, ut recensit pluribus animabus, quæ laudem merentur, tanto sponsa appareat laude dignior, quanto cæteris probatur esse maior. Propterea sponsus ait.

Vna est coluba mea, perfecta mea.

Sponsa mea vna, hoc est sola est suis absoluta numeris, quæ cæteras anteit, quasi constantissimo columba volatu, & quamvis plures etiam perfectæ sint sponsæ, hæc tamen antonomasticè perfecta, filiaq; mea vocatur.

DIximus, cum proximè reginarū dignitatem edissereremus, sua etiam in perfectorum statu reperiri discrimina. Et quidem, si in patria cœlesti, ubi nihil nisi perfectum nitet, inter purissimos illos cœlites discrimina plura cernuntur, ut alij alijs antecellant, omnino certum erit, in hac valle, inter ipsos etiam perfectos à sanctis patribus in tertio gradu

gradu repositos, sua pariter intermicare discrimina. Ut igitur inter hos egregios animos, non qualemcumque perfectionem, sed singularem, ac propè diuinam sponsa monstretur adepta; ideo sponsus eā velut in quarta classe constituit, nō sanè quòd regina nō sit, est enim regina, sed inter eas animas, quæ his meritis & nomine censentur, est tanquā principatum consecuta, propter quod, vna, hoc est sola, quasi Phœnix afferitur esse. Et si enim plures fuerint animæ ac fortasse modò nonnullæ sint, quæ hac insigni dignitate, velut cœli lumina, alicui vel prouinciæ, vel monastico cœtui præludent, ex tamen adeò rarò proueniunt, eò quòd terra fructifera versa est in salsuginem, à malitia inhabitantium in ea, vt meritò singulari numero, imito sine numero, ipsa unitate, vel monade debeat significari. Ut autem sponsus hanc inter reginas præstantiam declararet, columbam suam & perfectam suam nuncupauit. Columbam sanè, propter constantissimum volatum, quo ea volucris pollet, vt vltrà fines aliarum animalium conuolasse sponsa credatur. Perfecta verò antonomasticè dixit, vt præ cæteris eā doceat suis esse numeris absolutā. Quod verò non columbam, & perfectam, sed columbam meam, & perfectam meā appellauit, emphasi minime vacat. Innuit enim hac appellatio-

latione spōsus singulare quiddā & excellens,
propter quod spōsa dicenda sit sua , quemad-
modum pater plures habēs filios, ad commē-
dandā eius, qui cæteris prudētia, gratiāve præ
cellit, præstantiā, suumq; in eum amorē sin-
gularē, suum filium dicitare solet . Maximē
autem ponsæ perfectio claret, per ea verba,
quæ s. quuntur.

Vna est matri suæ, electa geni-
trici suæ.

*Sola est sine dubio matri suæ cælesti Hierusalē
quam simillima, ea enim perfectione nitet, quæ
cœlitibus est proxima.*

V Erba hæc bifariè interpretari possumus,
iuxta duplē matris, genitricisve signi-
ficationē sacro Textui familiarē. Porro illa,
quæ sursum est Hierusalem, mater est nostra
ex qua dicit originē iustitia nostra, illucque
recurrat. Sic enim Ioānes vidit militantē Ec-
clesiam, cuius nos mēbra sumus, è cœlo descē-
dentē, velut ab ea genitā Ecclesia, quę trium-
phat. Huic ergo Ecclesiæ triumphū in cœlo
agenti sponsa dicitur esse vna, tāquam matri
vnigenita filia, vel certè primogenita; si enim
vnigenita dicatur, erit vnica matri suę, si verò
prigomenita, erit inter cæteras filias , electa
geni-

génitrici suæ. Hæc autē excellentia; ob quā
vnica,electaque nuncupatur, nihil est aliud,
quām exactissima similitudo cū matre, & tā
eximia vitæ puritas, vt beatorum statui sit
sponsa finitima. Eiusmodi verò puritatē per-
quām raro quæpiam anima adipiscitur, ac
proinde,singulari cum energia,vna , electaq;
vocatur. Hæc prima est interpretatio.

Secunda eruit ex altera matris significa-
tione,arcana magis. Profectò in scriptura spō-
sus humanissimus , matris proprietates sibi
tribuere solet,nec enim ipse qui alios parere
facit , vel non pariet,vel infœcundus erit, vt
enunciauit Esaias. Et quidem,tametsi,vt ma-
trem se ipse gesserit, in mundi creatione , ibi
enim spiritus eius , ac proinde ipse etiā ferc-
batur, seu incubabat super aquas, more galli-
næ pullos calfacentis,ac fouentis; in redēp-
tione tamen generis humani (quæ est altera
cosmopæia) multò luculētius matris propa-
lauit ingeniu,subiit enim acerbissimos dolo-
res partus, & sic plures filios regenerauit,ac
peperit in salutē . Est ergò spōsus ipse mater,
nec verò,qualiscūq; mater, sed tenerrimè, ac
fortissimè amās . Quin verò etsi mater oblita
fuerit filioli, quem genuerat, ipse tamē spōsæ
minimè obliuiscetur, vt olim poilicitus est.
Huic ergò matri , ac genitrici suæ , ex cuius
vberibus lac fugit, & sanguinē,sponsa dicitur
esse

esse vna, & electa, vna, ob singularem perfectionem Phœnices rariorem, electa ob præstatiam, qua cæteris animabus facile antecellit. Explanatio hæc, præterquam quod ex media amoris natura promittitur, est ad permouendum affectū efficacissima. Quid enim ad cor permulcendum efficacius, quam sponsum de iesipso, tanquam de matre erga nos, agentem audire? Verum enim quod sequitur, ad hunc amoris affectum ardentissimum exprimendum est valde accommodatum. Cupiens enim sponsus insignem nobis sponsæ persuadere pulchritudinem, testes inducit locupletes, omniq[ue] exceptione maiores, quasi parum ei fidendum sit, dum de sponsa loquitur, ob nimiam suam, qua flagrat, charitatem. Agit humano more. Apud homines nimirum, nec matri, nec sponso, nec vero amanti fides habetur, cum de filia, sponsa, amasiave periculum fit. Tametsi ergo illum à recto iudicio amor nequeat ullo pacto flectere, leges tamen hominum, ad maiorem sponsæ laudem subire maluit. Quapropter subdit.

Vide-

Viderunt eam filiæ , & beatissimā
prædicauerunt reginæ & con-
cubinæ, & laudaue-
runt eam.

Susplexerunt eam cœlo propinquam animæ in-
cipientes , & dixerunt esse beatam . Proficientes
etiam & perfectæ animæ id ipsum dixerunt , &
omnes certatim laudauerunt eam.

INtres spōsus distribuit classes, testes acci-
tos, iuxta tres paulò antè descriptos, inci-
pientiū, proficientiū, perfectorumq; status.
Porrò reginæ & cōcubinæ in arcano sermo-
ne, quænam sint, explanatum est . Filiæ verò
sunt, quas nuper Salomon adolescētulas ap-
pellauit. Tres hi chori atimaru ad sponsi au-
lam amplissimam spectant, ac proinde à vul-
go peccatorum illustri charitatis discrimine
secernuntur . Iam verò , quempiam à vulgo
laudari virtutis argumentum non est, at à fa-
pientibus , et si paucioribus ; commendari,
egregiæ virtutis est persuasio. Cū enim sapiē-
tiū oculus, veræ Philosophiæ puritate cla-
rebat, nec patiatur ; vulgi more , se quoipiam
humore noxio suffundi, quo intuitus obtur-
betur, fit, vt sua perspicacitate , syncerā rerū
naturā qualis ea est, cernat, & internoscat, &

Hh exinde

exinde ita iudicet, quemadmodum ipsa veritas non fucata deposita. Propter hoc spousus induxit, non adolescentulas tamum, et quippe, licet non nihil ad laudem prosint, conuincere tamen non omnino valerent, cum in iustitia tyrocinio versentur, e vulgo paulo ante selectae. Concubinæ etiam, quæ affectu voluptatis, in profectu, ac progressione sua non prorsus repurgarunt, conducere sanè possunt, verum nec omnino videntur esse testes omni exceptione maiores, posset enim excipi contra illas, voluptatis affectatio, quæ iudicij puritatem obturbat, rectitudinemque detorquet. Oportuit ergo, eas, sicut & adolescentulas, à testimonio ferendo, ob altiorem vulgo statu, non repellere, neesse autem prorsus fuit, reginas in testimoniū probatissimū adduci, quæ cum ob eximiā mentis puritatē, ad perfectionis fastigium pertinuerint, nihil eis obiectum potest, quod laudis vim queat eneruare. Sic ergo spousus eloqui censendus est. Nolo protinus mihi soli fides habeatur, ne quis dicat, me impotenter amare, cū sponsam effero. Ecce alios testes adduco incorruptos. Animæ quippe incipientes, ac proficietes, & quod est laudis fastigium perfectæ illam non utrumque perfectam, sed inter perfectas, ut beatissimam prædicauerunt, & eo genere laudis, quo nullum est sublimis, laudauerunt eam. Profectò vide-

viderunt eam cœlo iam proximam , & inter
beatos eam collocarunt. Huius methodi, quā
sponsus graphicè hic depingit , prius spon-
sam commendans , postmodumque animarū
perfectaruī laudem adiungens , huius inquā
methodi, seu viæ rationem , & confirmatio-
nem illustribus exemplis, nostra etiam ætate
notissimis, afferre possumus . Constat nimi-
rūm, animas egregias , quarum sanctitas , &
miraculis , & corporis incorruptione obsig-
nata est, dum adhuc nobiscum agerent, cœle-
sti lumine sæpè perfusas, à Deo, in contem-
plationis arcano fuisse identidem probatas,
quas nihilominus ad perfectos viros discre-
tionis spirituum donum adeptos mittebat,
vt illorum purgatissimo iudicio ac testimo-
nio laudarentur, & quasi beatæ prædicaren-
tur. Hic animaduertēdum est, sermonem ha-
beri de beatitudine, qualem in hoc exilio
perfectæ animæ cōparare solent , cū interna
virtutum structura velut ad vmbilicum per-
ducitur. Eiusmodi verò beatitudo multiplex
est, vt ex textu constat Euangelico. Eius ve-
rò natura non est à virtutum natura diuer-
sa, sed potius eadem, solaque à communi vir-
tutum gradu, perfectione actuum dirimen-
da . Enim uero ipsem virtutis actus egre-
gius, quemadmodum , si, vt delectat, expen-
datur, fructus sibi nomen vendicat, ita , si ve-

perficit, spectetur, appellatur beatitudo. Et quia iuxta rationem hanc, is virtutis actus, beatorum heroicorum & imitatur affectus, meritò beatitudinis nomenclatura insignitur, iureque ij beati nuncupantur, qui eiusmodi actum expromunt. Dixit sponsus ab illis tribus velut classibus animarum, sponsam ad probitatis persuasionem effterri. Nunc appositi triplex ille chorus in scenam introducitur, & sic effatur.

Adolescentulæ, concubinæ, ac reginæ.

Quæ est ista, quæ progreditur, quæ si aurora consurgens?

Quam sublimis est ista, quæ nec iacet, nec verò sedet in tenebris, vt reliquum genus humanum, sed recta graditur, & procedit vt aurora, non accipiens diuinæ lucis incrementa, ac proinde semper in altiora consurgens.

REDE admirari incipiunt, sponsam, quam peccati caligo peruaserat, adeò illustrem conspicatae. Propterea, non quod ignorant, sed significationis ergo interrogant, *Quæna est ista, quæ progreditur, quasi dicant, tota fere Adæ posteritas, vel sedet, vel certè iacet in tenebris & umbra mortis, hæc autem,* cum

cum ex eodem parente ducat genus, quomo-
do non sedet, aut iacet, sed incedit erecta, re-
ctoque itinere progreditur? Contemplantur
hi tres animarum chori sponsæ à recente iu-
stitia, usque in præsentem gradum progres-
sionem, ut totius vitæ cursum exactè com-
mendent. Propterea sic aiunt: Quænam est
ista, cuius initia nobis contemplantibus, vide-
tur aurora quædam pulchra oboriri, & solis
ortū præcurrere? Aurora nihil est aliud, quā
prima diei lux, qua sub solis aduentum aer il-
lustratur, & accipi solet etiam, pro ea diei par-
te prima, quādo lux adhuc dubia est. Hac ve-
rò sub imagine iustitia recens adumbratur,
quæ in eo primordio, cùm adhuc perfectè nō
claruerit, tenebrarum ex paulo ante admissa
culpa reliistarum, nondum vestigia profus
abiecit. Est autem eximia illius laus, esse au-
roram surgentem, hoc est lucis incrementa
cipientem, ac in illas tenebras præualentem.
Sunt enim nōnulli, qui auroræ quandā præ-
ferunt similitudinem, ad gratiā euocati diui-
nā; at verò quia torpent, & prauis consue-
tudinibus retardati, ab incepti itineris pro-
gressione tepescunt, non imitantur auroram
consurgentem, sed crepusculum noctis, adeò
ut simul eis lux oriri, occidereque videatur.

Verum tres chori laudare

pergunt.

H h 3

Pulchra

Pulchra ut Luna.

Sicut Luna tunc est pulcherrima, cùm in plenilunio eam recto Sol complet aspectu, ità hæc diuinis solis ac sponsi sui, eam per lineam rectam aspiciens luce plena, longè pulcherrima apparet.

Tota sanè Lunæ pulchritudo, lux Solis est. Quamobrem quò rectius Soli opponitur, & quasi per lineā rectā Solis ad eā radij perferuntur, eò pulchrior apparet, vnde & in plenilunio pulcherrima videtur. Còtrà vero, quò magis obliquè Solis lucē excipit, deformior conspicitur; quapropter, si omnino caret Solis aspectu, vt in eclipsi perfecta, turpissima, videtur esse. Hæc est pulchritudinis sponsi, & nativa effigies. Porro, si sponsi luce velut recto Solis aspectu sponsa compleatur, egregia forma, perfectaque venustate nitabit; Si verò obliquè illam diuinus hic Sol intueatur, parte saltem pulchritudinis quamquam ea carebit. Si denique acciderit eclipsis, terra, hoc est, affectu terreno inter Solem illum, sponsamque interposito, interna tunc deformitas, mentisque caligo sponsam obducet, ac obtenebrabit. Nunc autem, sponsa pulcherrima est, quia recta linea sponsi lux illam complet, vt nocti præluceat, & illustrare valeat eos, qui in tenebris, & umbra mor-

tis sedent. Qua quidem imagine, satis patet, quām fēliciter sponsa ab auroræ luce dubia progressa fuerit. Ibi enim nec dum ipsa plēnē lucebat, hic verò in plenilunio existens, noctem vertit in diem, ut errantibus quasi viam lacteam commonistrare queat. At hic minimè conquiescunt illi chori, sed quod est laudum fastigium, & quasi structuræ coronis, apponunt aientes.

Electa vt Sol.

Elegit eam Deus, vt Solem; nam propter eximiam perfectionem, natiua iam illi lux, non aliud hausta videtur. Et eius sanctitate ac Doctrina fulget Ecclesia, vt Sole Luna.

Hac pulcha similitudine propalat spiritus Sanctus ex celsum illum perfectio-
nis gradum, in quem sponsa conscendit. Vsq;
eo enim progressa est, vt sit viua quædā spō-
si ac spirans imago, vt quicumq; illā aspex-
xit, (si tamē aquilinos oculos adeptus fuerit)
Solem ipsum diuinum sibi cernere videatur.
Propterea iam non vltrà comparatur ijs lu-
minibus, quæ luce lucent aliena, vt aurora, &
Luna, sed Soli, qui propria luce, natiuaque
lucet, ac fons luminis est. Enim uero, et si ra-
ro, non nunquam tamen aliquot animæ

ad eò illustrè Ecclesiae militanti præluxere,
(quod in rebus gestis Apostolorum, alio-
rumque patrum, qui sunt eorum æmulati cla-
ritatem, licet animaduertere) vt nativo lumi-
ne splendere, aliosque illuminare videretur,
ac proinde hoc spectat, quod de ijs canitur
Ecclesia. Quorum Doctrina fulget Ecclesia,
vt Sole Luna. Isti sunt viri sancti, quos ele-
git Dominus in charitate nō ficta: ecce, quo-
paçto sunt electi; quando verò apponitur,
Quorum Doctrina fulget Ecclesia, vt Sole
Luna, facile declaratur, eos esse electos, in-
star Solis. Hoc verò sic accipiendum est, vt
Ecclesia, cuius distincta sunt membra, in duo
tāquā lumina discriminetur, quorū alterū ijs
viris clarissimis, qui solis funguntur officio,
tribuatur, alterum verò, quod non est adeò
illustre, eis adscribatur, qui sunt in Ecclesia
merito, ac sanctitate posteriores, qui ab illis
primis, tanquam à Sole Luna, lumen mutuan-
tur. Illorum ergo clarissimorum luminum
dignitatem sponsa ostendit, assecuta, cùm
tanquam Sol nuncupatur electa, quæ tamet-
si à sposo lucem receperit, tot tamen illa
crevit accessibus, vt iam lux nō aliunde hau-
sta, sed nativa videatur. Ex hoc sponsa electa
videtur, vt præfit diei, quæ antè, cùm nondū
solis esset claritatem adepta, nocti dumtaxat
præferat. Minus niimirū erat peccatoribus
nocte

nocte signatis illustrandis esse illam propositam, quam iustis, quorum dies gerit imaginem, esse prælatam. Hanc nunc insignem dignitatem nostra est, ut iustos rudes adhuc ad perfectionem perducat & multiplici actu hierarchico, tanquam superior Angelus inferiorum, purget, illuminet, ac perficiat. Allatæ similitudines auroræ, Lunæ, ac Solis, suavitate refertæ sunt, qua perfectarum animarum affluit ingenium, ex quo, qui sanctitati studet, eximiam voluptatem eliciunt. At interdum expedit, haec suavitatem posita, sponsam sceleratis animis terribilem apparere, ut eorum coercent petulantiam, ut in harum laudum primordio sponsus innuit, sub istorum verborum tunc inducta metaphora. Nunc vero repetitur, quia, cum ad præfecturam sponsus cupiat sponsam erudire, & velut ad prælium armare, nihil impensis illi commendari debuit, quam altera terror cum suavitate persistus. Propter et iterum inducitur à tribus illis animarum choris aciei ordinatæ transflatio.

H h s

Terri-

Terribilis vt castrorum acies
ordinata.

Terribilis sponsa, vt Sol, radios in tenebras pectatorū emittēs, apparet, sicut acies hastas præferreras ac lucentes in aduersum agmen intendens.

A Deò sapienter sponsus connexuit sponsa dotes egregias, vt tametsi videantur longè dissimiles, alias tamen ille miro artificio deducat ex alijs. Enim uero lux auroræ Lunæ, ac Solis, quæ fouet animantes, oculisque grata est, eadem tenebras pellit, nebulas, & caliginem discutit, & fugat. Quamobrem si tenebræ, nebulæ que sensu essent præditæ, nihil magis vel execrarentur, vel formidarent, quam lucem. Sic oculi nebula, caliginēve obducti lucem fugiunt & oderūt, sicut dictari solet, oculis ægris odiosa est lux. Peccatores autē in tenebris iacent, & illorum animi, quemadmodum & Angeli tenebrarum, caligine obruti sunt, vnde nihil est illis luce odiosius, & qui cum ijs certaturus est, non est alijs armis, quam luce induendus. Quapropter scriptura nos hortatur, vt induamur arma lucis. Sponsa igitur splendidissima circumsepta luce, velut aureo clypeo, à quo iustorum eam imitantium montes resplendent, prodit armata, & tenebrarum principibus,

tipibus, eorumque ministris sit sanè terribilis, quod quam sit propriè dictum, ex castrorum acie repræsentata liquebit. Profetò, ut cōstat ex militari prudentia, cū exercitus ad prælium disponitur, acies vna, contrā hostium obfirmatur impetum, quæ acies hastariorum est, qui tanquam murus ferreus tela intendunt infesta. Tela verò præferrata cuspidibus exacutis ac lucentibus oculosque hostium impotentibus, imitantur radios Solis, qui à Sole ipso erumpentes, sicut infestæ hastæ lucentes, & cuspidatæ aduersam impetunt, pelluntque caliginem. Patet ergo, quām sit elegans, rerumque ingenio cōsentanea translatio, cum sponsa nuncupatur terribilis vt castrorum acies ordinata. Sic ergo tres illi chori rogare existimandi sunt. Quænam est ista, quæ Dæmonum, peccatorumque tenebris terribilis & infensa est, Solis more radios in caliginem intēdit aduersos, quemadmodum acies hastariorum, tela in hostem intendit præferrata, radijsque lucis è lucente ferro emissis, aduersi agminis oculos armata præstringit. Tribus his choris in scenam accersitis, ac interlocutis, sponsus, qui tantisper, dum illi sponsam commendabant, siluit, sermonē repetit, sponsamq; multicere festinat. Perpendere autem operæ pretium fuerit, morem mutuò amantibus fami-

familiarissimū esse, si qua ratione alter possit de altero conqueri, nihil non agere, ut excusationem saltem umbratilem prætexant, & seipsoꝝ à lœsi amoris noxa compurgent. Hac amantium Philosophiam non aspernatus sponsus, cum visus esset sponsam diu derelictam nimium torlisſe, suumq; nimis redditum prorogasse, repente apparens, quasi pulchritudine sponsæ captus ab illius laude fibi temperare nequiret, laudauit illam. Postquam vero laudi velut coronidem adiecit, tamquam sedato amoris motu, quem sponsæ intuitus exclatarat, sic excusationem affert.

S P O N S V S.

Descendi in hortum nucum.

Cum à te recessi (ò sponsa) descendere permulcendam & voluptate capiendam congregationem nuper conuersorum, qui hortum nucum imitantur; habent enim cor multis callis obteatum, ex prauis consuetudinibus anteactæ ritæ, sicut nucleus multis operculis septus est. Et ideo illos crebro inuisere, & delinire debedo, ut mihi præbeant cor, & sinant meillos callos excindere.

IN primordio huius capituli sponsa dixit, Dilectum descendisse in hortum suum, cū se subduxit, & ad recentes iustitiæ fœtus le-

nien-

niendos properauit. Hoc ipsum sponsus causatur, & velut excusationem affert, cur absuerit. Excessus ergo à sposa, quæ iam est charitate sublimis, & accessus ad tyrones recens Deo genitos, ipso quidem iustitia primordio humiles, eleganter descensus appellatur. Ipse verò tyronum coetus, hortus nucum arcana significatione rectè nuncupatus est, quod ex naturali nucis structura facilè parebit. Porrò fructu, nucleo ve iugladium vesci perdifficile est. Nucleus enim ille multis est tectus operculis, calyce nempe pulvinato, ac putamine, vbi obduruit, firmissimo. Est præterea ille lignea intercursante membrana velut implexus, quamobrè vix ullus est fructus, qui ut edi possit, tantum negotij, quam nux vna facessat. Conterenda quidem est, & ab ea nucleus non tam exigendus, quam illata vi extorquendus videtur. Hæc est imago Christo parere auspiciatum expressa. Profectò hi peccatis affueti, longo anteactæ vitæ procursu multiplices callos obduxere cordi, qui est arcanus ille nucleus, quo vesci sponsus impense cupit. Quapropter cum sponsus eos animos contuetur, hortum certè nucū sibi videtur cernere. Laborandumque illi est, seduloq; incumbendū, in eos callos excitendos, qui cor ambiunt, ut optato cibo frui queat. Sanè cum sponsus

sus Samaritanā alloqueretur, & eius cernere cor, instar nuclei, multis callis obtectum, ab eius colloquio nullo snasu diuelli poterat, ut pote ad excidendos callos magnoperē intentus, ut ijs amputatis suo cibo vesci valeret. Ij verò calli, cum arcte nimium inhæreāt cordi, non ita facile excindi possunt, sed adacto scalpro opus est, multiplici videlicet virtutum actu, qui à peccatore ad gratiam suscitato, exercendus est. Non enim, si quis peccator ad iustitiam uno excitetur impulsu ut plarimum, continuò cordis calli resecantur. Experitur quippè legem membrorum menti improbè reluctantum, & cordis ad terrrena procliuitatem, ex ijs callis nondum exsecatis exortam, quæ multa nauitate, ac exercitatione iustitiae eleuanda, & si fieri potest, procul omnino arcenda est. Quoad usq; enim cor illis callorum septis sit exemptum, sponsus cordis nucleo symbolico vesci nequibit. Quia verò fames illū vrget, in hanc enucleationem totus incumbit. Sic ergo censendum est, sponsum effari. Quod à te recesserim spōsa, cum mihi tota patebas, rationi consonum fuit. Habeo enim hortum nucum, cœtum videlicet nuper conuersorum, quorum corda vix suis queo claustris extrahere, ac proinde ad illa eximenda, quorum fame premor, ncruos intendere, hortumque ipsum

ipsum frequentare debeo. Tuum cor iam possedeo, & eius fidem expertus consulto abeo, meritumque cumulo; at si teneros tyronum animos ita vellem experiri, & non creberimè adesse, ac solarer, illorum frumentum minimè potirer. Sed sponsus pergit.

Vt viderem poma conuallium.

Descendi ad hortum nuper conuersorū, ut inspicerem, & solarer illos. Solatio enim, ac voluptate nunc attendi sunt; ideo enim dicuntur poma conuallium, in quas confluit voluptatis aqua: vel genima torrentis. Torrente quippe voluptatis nunc potantur, ut fructum referant.

Multifariam, recenter Christo sociati, nuncupari solent. Nuces nimirum arcano sermone (ut proximè dictū est) appellantur. Nunc poma dicuntur conuallia. Pulsat autem mentē dubitatio, quomodo sermo cohæreat. Nā si sponsus descendit in hortum nucū, ideo proculdubio descendit, ut videret nuces, cur ergo quasi nucum oblitus, ait se descendisse, ut videret poma conuallium. Verum hæc vocū, non rerum est diuersitas. Cōstat enim apud classicos autores, nuces pomorum genere contineri, sic quippe de nuce Plinius ait. I. 15. c. 22. Solum hoc pomum natura

natura compactili operimentis clausit. Et ita
dum sponsus ait, se descendisse in hortū nu-
cum, ut videret poma, tantum idem agit, ac si
diceret, descendī in hortum nūcum, ut nuces,
quæ sunt poma, viderem. Vel certe si poma
hic, non nuces, sed mala sint, quibus est mol-
lis cutis, sponsus ait, Descendi in hortum nu-
cum, ut viderem poma, ac si diceret, ut poma
mollia ex duris nucibus aduentū meo facta
viderem. Ad hāc enim transfigurationē effi-
ciendam sponsus corda visitat, ut nouas cor-
dibus formas inducat, & latus inductas vi-
deat. Nā & ad hanc metamorphosim mundū
visitauit, oriens ex alto. Dicūtur autem po-
ma coniallium hoc est, locorum humilium.
Exigua enim est illorū mensura, & propte-
reā in humilibus locis figurato sermone pin-
guntur. Sic pippè ait septuaginta Interpretum
versio, Ut viderem in genimine torren-
tis, qua sermonis forma, quādam loci cuitas
notatur, in quā pluuiā confluit, efficitq; tor-
rentem. Est autē mira diuinæ sapiētiæ harmo-
nia, dum recenter conuersos, in humili loco,
& velut conuale quadā statuit, ubi tātō vbe-
riorem percipient voluptatem, quanto recē-
tiores sunt, ut ipsa voluptatis copia fiant
fructuosi. Enim uero, quemadmodum ē
montium culminibus, inter quos conual-
lis iacet, aqua in conualem ipsam vberimē

con-

confuit, ita, in animas in iustitiae primordio,
tanquam in conualle, agentes, copiosissime
fluit diuina voluptas. Et hac agriculturæ pe-
ritia, plantæ illæ tenerrimæ, fœlicius cres-
cunt, amoris fortitudinem nondum adeptæ.
Propterea Septuaginta sic inducunt spōsum
loqueritem. Ut viderem in genimine torrē-
tis, hoc est, Descendi in hortum nucum, qui
meæ præsentiaæ voluptate colendus est, ut vi-
derem, an sit fructus quispiam in gehimine
torrentis; idest, in germine, quod torrente
voluptatis alitur, & crescit, quæ nota est
apertissima nouorum iustitiae fœtuum, qui
torrente voluptatis à sponso leniuntur; sic
enim inducuntur sensim, ut aspera subire pos-
sint experimenta, quibus, tanquam ferro ex-
acuto, vettustas illis excidi polsit, & cordis
nucleus erui. Hæc igitur sunt pomæ conuallium,
seu genimina torrentis. Porro, qui perfecti
eualerunt, in terra deserta, inuia, & inaquosa,
hoc est, ubi voluptatis torrente non potatur
aniimus, apparent Deo firmissima fide subni-
xi, ac si essent in Sancto, ubi Deus sua præsen-
tia suauissime solatur anima, ut Regius psal-
tes de seipso canebat; verum, qui expertes
sermonis iustitiae sunt, qui exercitatos ad bo-
ni & mali discretionem non habent sensus, in
terra inaquosa fuctus minime reddunt, sed
in conualle, in quam vndique confuit aqua,

vel (in eundem sensum) in torrente , cuius genima satis appositè dicuntur esse. VI
terius verò sponsus ait,

Et inspicerem si floruisse vinea.

*Recessi à te(o sponsa) tāquā à forti & adij im
becillem amare incipiētum cœtum, quem flos vi
neæ notat. Est enim is flos velut initium vini, quo
significatur perfectus amor.*

Profectò si de perfecta , seu perfectioni proxima iustitia haberetur sermo , nō de flore vineæ , sed de maturis vuis sponsus cogitaret . Cum ergò ait , se descendisse in hortū , ut inspiceret , an floruisse vinea , de tyronibus se agere perspicue prodit . Sunt nimirum certæ charitatis periodi , quæ tempus humanae vitæ imitantur . Est sua charitati infanta , est sua pueritia , adolescentia , iuuentus , virilitas , & pro senectute maturitas ; non enim deficit ut senectus , sed maturescit . Hæc autem elegans temporum discretio , gemma , flore , omphacio , maturitati proxima , maturaque vua , & maturitatis perfectione nota-
tur . Nunc igitur , cum animæ nuper de vite spōsi propagatae , & in eadem satæ vinea pin-
guntur , floris inçutio significanter facta est , ad

ad inueniendam charitatis pueritiam . Inquit ergo sponsus . Recesisti à te(o sponsa)quæ solido cibo vesceris , ad inspiciendam , & mea præsentia alendam , eorum , qui nuper me amare cæperunt , quos flos vineæ ex quo vua concrescit , & vinū denique exprimitur , eleganter notat pueritiam . Tu velut vua matura me reficis lassum , hos ego , vt vuas ferant , sollicitè colo . Huic tyronum descriptioni manum sponsus ultimam admoturus , ait .

Et germinassent mala punica .

*Abijs ad inspectanda prima punicorum germina-
na qui est tenellus incipientium amor.*

NON ait , Ut inspicerem , an maturuissent mala punica , sed germinassent , vel pululassent . Porro , malum punicum esse expressam charitatis imaginem , ex rubore , cum corticis , tūm acinorum ; tūm verò maximè ex illa vltronea ruptura , qua cū maturuit , vel viscera prodens inflammata dehiscit , & ex corona , quam gestat , satis ex se liquet . Rubet charitas diuino igne genita , viscera incensa celare nequit , ut regina virtutum coronata incedit . Habet autem suas malum punicum periodos ; & velut humanæ vitæ signata discrimina , ut de vinea proximè dictum est .

Partus quippe mali punici primus, citin⁹ ap-
pellatur, in modum scyphi rubei à natura
conformatus. Ex hoc ipso cytino flosculi
quidam erumpunt, quibus balaustiū nomen
est. Postmodum flos ille concrescit in acinos,
punicumque augescit. Grana deinde intra
corticem gliscunt, ac rubent. Exinde puni-
cum iustum crescit ad magnitudinem. Demū
maturum ac percoctum punicum integra
perfecti amoris significatione dehiscit. Cy-
tino infantia, balaustio pueritia, acinorum
concretione adolescentia, granorum incre-
mento ruboreque iuuentus, iusta magnitudi-
ne virilitas, scissura punici dehiscens, non
senectus, (nec enim senescit) sed charitatis
maturitas mirificè signatur. Cum igitur de
germine, & quasi partu punici primo spōsus
loquatur, de noua illū charitate agere neces-
se est, & in hunc morem effari. Recessi à te,
o sponsa, nec enim tu mea præsentia tanto-
pere indigebas, ac illi, qui sunt in amoris in-
cunabilis. Hi cytinos punici, tu punicum pa-
tens, ac acinorum flagrantium quasi viscera
retegens imitaris, proptercā veni vt inspice-
rem, an hi germinasset, te verò iam sciebam
maturuisse, tota enim, cùm mihi pulsanti a-
peri re festinabas, vt punicum maturum pa-
tuisti. Hæc postquam sponsus effatus est, sic
sponsa respondet.

S P O N S A.

Nesciui.

Non animaduerti (o sponsæ) quam nam ob easam recessisses. Nesciui an ex culpa mea fugisses, ideo dirè torquebar.

Nesciui, tantundem hoc in loco pollet, ac non animaduerti. Recte sponsa callebat artem amandi. Probe norat Deum solete voluptate negata, proceram charitatem experiri. Sciebat incredibilem Dei erga receter iustos indulgentiam, qua illos creberimè solatur, experta enim est sponsi dignationem, cum esset infans, ut patuit in huius catici exordio, tunc quippe sine meritis vbera sponsi mira voluptate sugebat. Nouerat haec sanè, ac proinde videtur potuisse animaduertere, hanc sponsi absentiam tyronibus, quam sibi magis necessariam, nec inde torqueri, cum sine culpa subtractio voluptatis illi contingere potuisset, sicut verè contingisse videtur. At Ixpc̄ solet euenire, ut, præ doloris magnitudine, quis, ea scientia, qua pollet, vti nequeat, q̄ spōsæ in descripta cōtigit repulsa. Maximè autem hoc verum ha-

bet, vbi culpæ suspicio, vel timor obrepserit,
sicut in sponte animam se insinuauit. Etsi
enim ipsa non peccarit, extemporanea tamē,
contrā spem, sponsi fuga, in cordis eam conie-
cit anxietatem, ne forte sponso quampiam
vel ignara irrogasset iniuriam. Anxetas igi-
tur intellectus vim obtundebat, & sic non
considerauit, non animaduertit, quod sciebat.
Potest etiam propriè intelligi, quod ait, Nef-
ciui, Verè enim etsi culpa fuisset immunis,
nesciuit tamen id ita esse, ac proinde sola illa
suspicio acerrimè vexauit. Sic nimirūm per-
sæpè conspicimus, viros charitate præstātes
à Deo interdum derelictos, in luētu iacere,
non sanè, quòd ipsa derelictio peccati persua-
sio sit; nec verò, quòd ipsi norint, se peccasse,
sed quia id nesciunt, & propterea vèl sola sus-
picione torquentur, & Deum, ac si peccassent,
placare, & exorare contendunt. In utroque
igitur allato sensu rectè sponsa dixit, Nefci-
ui. Et ut exprimat, ex hoc ipso, quòd nef-
cierit, totam sui animi perturbationem,
anxietatemque manasse, quandam
inducit ex historia sacra simi-
litudinem, ad eam per-
turbationem declaran-
dam per oppor-
tunam.

(?)

Ani-

Anima mea conturbauit me
propter quadrigas
Aminadab.

*Et dum te absentē quarebam fluctibus ingrue-
tium malorum videbar obruēda, ut olim Amina-
dab, qui currus suos ducebat per alueum rubri ma-
ris, ubi perturbatus est prodigijs magnitudine, licet
fortitudo præualeret.*

Explatura sponsa, in quam ex spōsi re-
cessu anxietatem inciderit, quam fuerit
animo perturbata, cum se exercēs à Docto-
ribus, quos mœrore confecta adierat, explo-
sa, & vexata fuit, tangit historiam Amina-
dab, qui fuit abnepos Iudæ. Porro post-
quam Moses rubrum mare Deo imperante
diuisit, & aquæ instar montium elatæ fue-
rant, via per maris alueum patescēta, per
quam siccō vestigio filij Israelis graderen-
tur, omnes tunc Tribus timore concussæ, viā
maris aperti ingredi formidabant. Aminadab
vero, Tribus Iudæ tūc princeps ac ductor, au-
daēter Mosen gradientem secutus est, ceteris
constatiæ, & magnimitatis exēplū tribuens,
tutiloq

quo in præclaro facinore, dignitatem regiam
Tribus Iudæ promeruit. Huius invictissimi
viri animū sponsa contēplata est, & illius ex-
pendit affectus, quos in se figuratè traduxit.
Sane in eo egregio facinore Aminadab anīm?
quandam agoniam, motuumque conflictum
pallus est, tametsi animi magnitudo præua-
luit. Pars quidē inferior, quā inferiore rati-
nē appellamus, prodigo illo diuisi maris cō-
turbata est; erat enim id spectaculum, quod
fortissimis etiam pectoribus terrorē incute-
ret. Quis enim per maris alueum incedens, &
hinc inde aquarum mótes elatarum cernens,
non cōcuteretur, cūm facillimē gens illa vide-
retur aquis obruenda, si naturali fluxu, aquæ
sineretur excurrere? Verū princeps mētis
pars, quam rationem superiorem nuncupa-
mus, in illo viro fortissimo, nūquām ē sua ma-
gnitudine & constātia deturbata est. Hac ve-
lut imagine graphicè picta, labor, quem spō-
sa repulsa pertulit, apertè monstratur. Enim
uerò eius anima, si principem illius partem
spectemus, in repulsa ferēda, & probris, qui-
bus vexabatur, audiendis cōstātissima fuit; at
verò cādem anima, si eius inferiorem partem
perpendamus, maximo tunc mōrore, ac lu-
ctu, maximaque perturbatione cōmota est,
vt in eo loco liquido perspeximus. Et in hac
animæ diuisione agonia, & affectuū cōflictus
positus

positus est, quē viri etiā perfecti crebrò pa-
tiuntur. Inquit ergo sponsa. Cum aberas, o
sponse, ac te per vios & plateas excurrens
inuestigabam, videbar mihi ipsi similis qua-
drigis Aminadab per rubri maris alueum gra-
dientis. Sicut enim illius anima turbata est
cernens elatas, & ruinā minātes maris aquas,
quibus operiēda videbatur, ità ego calamita-
tum, & cōuiciorum fluctus, à Doctoribus ex-
citatos, & tumentes, quibus tumulanda vide-
bar, intuēs, efficere nō potui, quin anima mea
conturbaret me, tametsi princeps animæ ip-
sius pars, vt contigit Aminadab, præualeret,
& me vt cōstāter per medios fluctus incede-
rē, permoueret. Quod verò attinet ad loquē-
di formā, dum ait, Anima mea cōturbauit me,
propter quadrigas Aminadab, idē est, ac si di-
ceret. Anima mea conturbauit me propter
imaginē quadrigarū Aminadab, quā ipsa mea
anima cōceperat, & tūc anxia representabat.
Vocat ergo illū conflictū internū nomine
quadrigarū Aminadab, propter similitudinē;
quæ certè loquendi ratio vulgatissima, & no-
tissima est, nihil enim frequentius, quā rerū
nominibus imagines in animo existētes insi-
gnire. Quadrigæ verò, vel, vt in Hebræo,
Chaldaica paraphrasi, & septuaginta Inter-
pretum versione habetur, currus, pro vni-
uerso apparatu Tribus illius accipiūtur. Crc

dendum enim est , ad exportanda onerata , Hebræos ex Aegypto , vbi erat innumera curruum multitudo , proficiscentes , curribus vel proprijs , vel conductis usq; fuisse.

Non est silendum hoc in loco , plurimos Hebræos nomen Aminadab , non hominis illius ex stirpe Iudæ proprium ; sed appellatiuum in duas sectum voces arbitrari , ita ut currus Aminadab , seu , quod alijs placet , nadib , sit idem ac , quadrigæ , vel currus populi mei-munifici vel spontanei . Sed editio nostra vulgata præferenda est , quæ vnum dumtaxat nomen legit Aminadab , & fortasse in textu Hebraico ita olim habebatur sine interpolatione , aut diuisione : nam & septuaginta Interpretes vnum tantum nomen habent α'μιναδαβ

Animaduertere oportet , ex quo sponsus ad sponsam redijt , suauissimum vltro citroque dialogum fuisse contextum , sponsamque fuisse ecstasi correptam , vbi Deus illi blandiebatur , & quasi fessam de via recreabat . Soluta vero ea videtur ecstasis fuisse , per accitos tres illos animarum sponsam laudantium choros . At sanc rectius , & accommodatius videtur , sponsam eas sponsi superius descriptas laudes quasi

quasi pro concione audisse, vt alij eas non ignorarent, quod interna illustratione fieri potuit, Deo alijs animabus lumen infundente, vt perspicerent quibus ille modis sponsam vexatam solaretur. Sic enim cohæret sequens ille actus comicus, quod tres illos choros, quasi coram concione, vt testes inducit, ad sponsam commendandam. Si enim in ecstasi mera, & velut confortij experte, cuius videlicet nemo conscius esset, sponsus sponsam laudasset, non videretur ad rem agere, cum testes perfectionis sponsæ inducit, excludens quodammodo à laude se metipsum, velut nimis amantem, cuius auditæ laus fidem facere non posset. A quo enim audita fuisset, si seorsum (nemine conscientio) cum sponsa verba fecisset; Hæc itaque sic se habere videntur, Verum ubi ad afferendam absentia causam ventum est, cum sponsus eam quasi seorsum affatur, aiens, Descendi in horum nucum, ipsaque responderet, se id necessisse, & perturbatam fuisse, secretius quidam esse videtur, & altius. Et in hoc loco æquum est, sponsam cernentem Dei excusationem afferentis dignationem, & indulgentiam erga se incredibilem, voluptatis amne maduisse, & raptu ad diuina fuisse sublatā. Hic vero Spiritus sanctus animas tribus illis

choris

choris distributas, uno velut agmine in scenā nouo introducit actū, precātes, non verò interpellantes sponsam, ut scilicet, eo somno soluta, vitam cum ipsis ducat, quam possint amulari. Talis autem est deprecatio.

Adolesc. Concup. Reginæ.

Reuertere, reuertere Sulamitis.
Reuertere, reuertere, vt in-
tucamur te.

Sponsa perfecta, quæ quatuor rerum mudi gradus, ecstasi absorpta, excessisti, excitare & ad nostrum conuictum reuertere, vt te perfectè vitam agentem, ad imitationem, intueamur.

P Recātur obnixè, vt ad sensuū redeat functiones, quò eam fœliciter procedentē, actusque vniuersos ad rationis diuinæ amissim emetientem intueri, hoc est ad imitationē spectare possint. Et tametsi, eam, quādiū abstracta est, vim precū percipere nō posse norint, est tamen illis exploratum, ad sponsi aures illas perlatum iri, & ex hoc force, vt sponsæ innotescant, quam ijs votis specravere fleetendam. Nunc verò vocum proprietatem perlibremus. Sanè, cùm quis incipit sopiri, experitur, sensum, qui rebus vacabat

tabat externis , ab rebus eisdem sensim pedē retrahere , & aliò quasi pedetentim abire ; sic enim , quò magis se sopor insinuat sensus à rebus externis lóngius recedere , & quæ gerūtur ceminus , quali per nebula m audire videatur . Contrà verò , quando incipit expergefieri , velut à remoto quopiam loco , sensus qui abierat , in hominum conuictum , externaque officia videtur reuerti . Sic nimirum , quo magis ac magis somnum excutit , eò videtur magis rebus externis propinquare , & quasi coniungi . Constitutū est autem ecstasim per elegāti metaphora somnū appellari ; quemadmodū enim somnus animum à rebus auocat externis , & contrahit ad se ipsum ; ita profectò ecstasis ab externis tumultibus mētē soli Deo vacaturā auertit . Sicut autē , ex pensa similitudine allata , mens arcano ecstasis somno ab hominū conuictu recedit ; ita è cōtrario , cū ecstasi soluitur , ad humanā societatē dicitur pulchrè reuerti . Cum ergò tres illi animarū chori spōsam reuerti precantur , ecstasis deposcūt , ad sua lucra , solutionē . At , cur quater reuerti precētur , edisserēdum est . Profecto , quatuor in mūdo rerū gradus esse , corpora , animātia , hominē , angelū omnino liquet . Fieri autē potest , animā , in vnoquoq; illorum graduum contemplādo absorberi , & quādam ecstasim pati . Memoriz̄ quippe proditum

ditū est, philosophos aliquot egregios, naturæ secreta speculantes, à sensu functionibus alienatos fuisse, toto animo ad veritatis naturalis, è qua extrema voluptas emanabat, speculatione intento internorum dumtaxat sensu admisso minit terro. Ut ergo Spiritus Sanctus innat, sp̄san i quatuor illos rerum gradus, in quorum contemplatione potest ecstasis fieri, excessisse, & ecstasi una nobilissima, qua ad sponsum perlat a est, quatuor ecstases velut amplecti, ideò arimis illas quater precentes significanter inducit, ac si in hunc modum loquerentur. Excitare, & ad nos reuertere, o sponsa, quæ aspectu abilem corporum pulchritudinem, animantium miras proprietates, hominum naturam corporati mundi principem, angelorum, qui sunt tanquam in vestibulo diuinitatis, nobilitatem, uno quasi volatu transcendisti. Volatus hic sponsæ animam, velut in perfectionis apice paceque potentiarum collocat, cum eam sponso sociat quam arctissimè, quapropter, recte Sulamitis, hoc est, perfecta, integrave, seu pacifica nuncupatur. Sulamitis vero, pro quo Sunamitis legebatur, legendum est, ut patet ex noua editionis vulgata correctione, auctoritate Pontificia recens in publicum data. Denique, quod animæ illæ poscunt, dum aiunt, Vt insueauerit ad imitationem, et mulatio-

nemque

C A P V T V I.

nemque pertinere videtur. Quod enim in ijs
tribus choris, reginæ, quæ perfectæ sunt ani-
mæ, recenseantur, non est ab re. Nam & in-
ter perfectos viros, sua etiam internoscuntur
discrimina, & frequens imitationis occasio.
Sane Antonius vir planè perfectus, qui con-
fectis etiam stipendijs coronam promeruerat,
cum Pauli, Eremitarum principis, cælestem
vitæ rationem contemplatus esset, acerrimè
ad illius simulationem incensus est; ut mirā-
dum minimè sit, sponsam charitate insignē,
in alijs etiam sponsis perfectione vitæ confi-
picuis, imitationis studium excitare. Nunc
sponsus probaturus, hoc à tribus illis choris
cōceptum sibi placere desiderium, pro spon-
sa consopita respondet, & quām sit rationi
consentaneum illam imitari, ipsa loquendi
ratione patefacit. Accersit autem quandam è
re militari satis pulchram, & arcanam simili-
tudinem, qua, velut effigie quadam nativa,
sponsæ, quem fecit in charitate progressum,
exprimere possit. Similitudo verò hæc
ab Hebræis sexto in capite legitur;
nostræ tamen editionis sectionem
secuti, septimum caput
ab illa exordiemur.

(?)

C A

CAPUT SEPTIMUM.

S P O N S V S .

Quid videbis in Sulamite , nisi
choros castrorum.

*R*ecetè studetis spōsam æmulari, studiosæ animæ imitatione quippe digna est , cum in ea nihil , nisi pacem bello partam, & victoria de hoste sæpè relatæ signa cernere possitis. Castra nimirūm vertit in choros, tripudians, & exultans pro victoria.

Alloquitur sponsus tres illos animarum choros in vnum cœtum sociatos, aiens. Quid videbis, vel ut ex Hebræo vertitur; Quid videbitis, in sponsa, cui ex perfectione ac pace Sulaititis nomē est, nisi choros castrorum? ac si platiūs hoc modo effaretur. Iure contenditis sponsæ perfectionē imitari, nihil enim in ea perspicere potestis, quod non sit affabré structum, & certis velut in stationibus militari prudentia dispositum. At verò statim pulsat animum insolens loquendi ratio. Si enim ex re militari similitudo petita est , cur sponsus choros , vel ut alij translulere ex Hebræo, choreas commemo rauit? Profectò castra suis agminibus , co hor-

hortibusve distribuuntur, tanquam partibus quibus conflatur exercitus; quibus sanè in partibus, velut in eiusdem corporis membris distinctas cernimus functiones; omnes tamen eas ad prælium comparatas; verum in choris nulla belli species, sed sodalitij, tripudijq; per cipitur. Chori sanè vulnera non infligunt, sed saltandi peritia risum excitant, quamobrem à castris tantum chori, quantum à vulnera sanitas, à morte vita secerni videntur. Hæc quidem, si extimam vocum superficiem spectemus, patum cohærere quispiam arbitrabitur; verum si in sensum arcanum, spiritu ductore, nos insinuemus, mira nostris mentibus infonabit harmonia. Porro, non modo, cum parta victoria, exultat exercitus, ut olim merso Pharaone, cum Moses & filij Israel carmē cecinerunt, & Maria soror Aaron choros mulierum duxit, verum & cum spes victoriae firma concipitur, castra, positis armis, vertutur in choros præ latitię magnitudine. Sic enim olim, bello inter Iudeos, ac Philistæos flagrante, cum arca foederis in castra importata fuisset, non quod Israel victurus esset, sed quod Deus in castra venisset, & spem dūtaxat victoriae excitasset, populus bellici discriminis oblitus, agmina choris quasi permutteratus, & ob spem gaudio imbutus vociferatus est, adeò ut Philistæi, qui gentis fortitudinē non

§14 CANTICI CANT.

ad eò formidabant, choreæ, seu sodalitij exultationem horrerent, metuque concuteretur. Si autem populus ille velut in choros castra conuertit, spe sola concepta, quæ postmodum euauit, quantò poterit æquius, spe victoriæ altè dæfixa, cœlitusque roborata spôsa gaudere, & interna virtutum ad prælium accinctarum castra in choros lætiissimos, fausto quodā præfigio conuertere? Enimvero superiùs assertum est, eam esse terribilem, ut castrorum aciem ordinatam. Formidabilis enim est hostibus anima, cuius virtutes secum mutuò consertæ, & ad certamen armatæ, aciei rectè dispositæ imaginem referrunt. Nunc verò sponsa terrore hostibus incusso, triumphoque sape reuecto, multis victorijs eam spem vltimi concepit triumphi, ut quadam diuinitus immissa salutis securitate, quam vera virtus generat, castra conuertat in choros, hoc est, non iam tam sit sollicita de certamine, quam de victoria læta. Hic status beatorum fœlicitati propinquus plerisque viris perfectis concedi solet, cum iam sensum edomuere, & crebro conflixtu de hoste reuexere triumphum. Concedi etiam solet velut quædam prælibatio fœlicitatis æternæ, cum stipendijs confessis ad patriam redeunt, tunc enim Deus morte paulò post dissoluendis, vel reuelatione futuri præmij,

vcl

CAP VT VII.

515

vel pacatissima cordis tranquillitate, talem
ingerit animi lætitiam, ut aspectū aciei castro
ruin qui in animæ partibus ad prælium ar-
matis cernebatur, in choros quasi tripudian-
tes, mira cordis suavitate, & calacritate conuer-
tat. Tunc enim partes sensuum, principibus
animæ partibus minimè renituntur, sed pro-
cul aucto conflictu, cor, & caro in Deum exul-
tant, & choros simul lætantes imitātur. Hoc
autem spectaculum iucundissimum est, Dei-
que oculis planè dignum ; duo nempe olim
inimica carnis ac spiritus castra, quibus erat
cruentum quotidianis iectibus bellum, in cho-
ros simul lætantes, & consentientes esse
conuersa. Hoc est paradoxon, ad quod in-
tuendum animas sponsus inducit, ut eum sta-
tum contuentes, sponsam studeant æmulari.

Nunc verò quasi pro concione, sponsam
laudare iterato pergit encomio, &
eam ad prædicationis opus,
cui iam est idonea,
perurgere.

) : (

Kk 2

Quam

Quām pulchri sunt gressus tui in
calceamentis filia Principis.

Sponsa ac filia mea quām speciose graderis? Pe-
des affectuum, animalium mortuorum corio, hoc
est, mortificatione calceasti, & sic à cœno mundi
affectus non inquinantur. Sed tanquām pedes ad
iter expediti gradiuntur, dum quæ retrò sunt, tra-
dunt obliuioni, & ad ulteriora se extendunt. Ideo
pulchri sunt gressus tui in calceamentis.

INTER ALIA NOMINÀ, QUIBUS SACRI VATES SPON-
SUM PRÆSIGNAUÈRE VĒTURÙ, PRINCEPS PACIS,
REPOSITUM NOMEN EST. HUIUS ERGO PRINCIPIS
FILIA, SPONSA NUNCUPATUR, QUÒD PLANÈ VERUM
EST, AC SENTENTIÆ MIRIFICÈ CONCINNUM. VNIUS
QUIPPE DEI FILIUS CARNE OBTESTUS SPONSAT PA-
TER, MATER, FILIUS, FRATER, SPONSUS, AC PRINCEPS
EST. QUA IN RE NIHIL VEL NOUÙ, VEL MIRUM DE-
BET ACCIDERE. SI ENIM IUXTA SPONSI IPSIUS EFFA-
TUM, QUI ÆTERNI PATRIS VOLUNTATĒ FACIT, SPÖ-
SI FRATER, SOROR, & MATER EST, & IN EO PLURES
PROPINQUITATIS ARCANÆ GRADUS, QUOS NATURA
CONCILIARE NEQUIT, GRATIA SOCIAUIT, QUANTO FA-
CILIÙS IN SPONSO PRINCIPIS AC PATRIS NOMEN,
CUM SPONSI NOMENCLATURA CONSENTIET, CUIUS
GRATIA NULLIS EST METIS DEFINITA? SPONSA ERGÒ
SPONSI FILIA CÔMËDATUR À PULCHRITUDINE GRES-
SUUM

suum in calceamentis . Concipienda est imago fœminæ pulcherrimæ , ac nobilissimæ , que mundo muliebri ornata incedens , pedes habens sandalibus coniectos gradiatur , suā pulchritudinem , ac nobilitatem ipsa incessus venustate commendans . Est autem sedulò animaduertendum , non hic pedes nudos , sed calceatos ; neq; verò immotos , sed gradientes , & in vteriora proiectos laudari . Quæ quidem omnia sensus arcanos suggerunt . Profectò affectibus , quibus anima graditatur , pedes notantur , vt ex superioribus patet . Hi verò , quamdiu in terra hac cœnosa pedes inquinatè versamur , calceati , hoc est , coniecti debent esse , ne si velut nudi inter mundi ferantur illecebros , fluxarum cœno voluptatum inficiantur . Integumenta verò istorum pedū , ex corio debent esse consuta . Corium enim , quod ex animalium mortuorum pellibus aptatur in calceos , arcano sensu mortificationem innuit , qua sunt affectus contegendi , hoc est , reprimendi , & velut injecto stragulo operiendi , ne ab huius vitæ cœnosa terra , quam calcant , inquinentur . Hi tum affectus mortificationis corio coniecti , non ab itinere torpescerre , sed in vteriora debent impelli ; ideo enim non pedes , sed gressus significantissimè sponsus commendauit , ac si luculentius diceret . Quam speciosi sunt pedes affectuum morti-

ficatione calceatorum , qui gradijuntur ; qui
gressibus , hoc est nouis in perfectione pro-
gressionibus , quæ quidē retrò sunt obliuiscen-
tes , in vltiora se extendunt , fœliciterque
procurrunt . Appositè satis hæc verba spon-
sus enunciauit , postquam eximiam sponsæ
perfectionem , allata chororum in castris si-
militudine extulit . Cum enim eam ibi signi-
ficarit cœlitibus proximam , ne quis suspica-
retur , ab itineris progressu in hac vita cessan-
dum , vel ad eum posse sponsam perfectionis
conscendere fastigium , vltra quod tendendū
non fit , mox gressuum mentionem attexuit ,
qua omnem prorsus dubitationem expun-
xit . Et quidem in hoc encomio à pedibus
exorditur laudem , cum in superioribus à ca-
pite orsus fuerit , cuius ordinis inuersi ratio
est non parum arcana . Enim uero superius ,
capite quarto , ac sexto , bis Deus egregiam
sponsæ sanctitatem à sua ducturus origine ,
& vnde processisset ostensurus , ab ijs , quæ
sunt capiti proxima , & velut adnata aus-
picatus est . Ex ipso quippe sponso , qui
caput est sponsæ , omnis ea sanctitas ema-
nauit . Nunc verò , quia sponsam , id ipsum
peracto virtutis quasi curriculo reuertentem
depicturus est , à pedibus incipit , & in cæte-
ras pulchritudinis partes inde procedit , ut sit
egressus à capite , ac regressus ad caput idem .

Hic

Hic est inirus diuinæ ordo sapientiæ, ea, quæ partu quodam emisit, ad seipsum reducentis. Postquam igitur pedes sponsus laudauit, ad femora concendit, in quibus significationis arcanæ plurimum inest.

Iuncturæ feminum tuorum sicut monilia, quæ fabricata sunt manu artificis.

Societas in charitate filiorum spiritualium; quæ à tua velut femore propagantur, & mutuo amoris nexu vinciuntur, similis est monilibus, seu catenulis, quarum orbiculi mutuo conserti sunt.

P Ræ oculis habendum est, spōsam, vt pro Christo legatione fungatur, ad aliorum, iam salutem curandā à Spiritu sancto impelli, non enim alio, quam diuino impulsu hæc legatio est obeunda. Iam ergo femina, seu femora generationis in sacro Textu sunt vulgatissima signa; vnde illa loquendi formula orta videtur (Hæ sunt animæ, de femore huius, vel illius egressæ. Sic Abraham suū famulum, quem ad diligendam Isaac uxori destinabat, adiurauit in femore, ac si adiurasset in Christo, qui, quæ homo est, ex eo femore genus duxit. Est enim figuratus hic

per metonymiam sermo, quo per causas desi-
gnamus effectum, sacræ paginæ familiaris,
præterquam quod est etiam vulgo frequen-
tissimus. Hoc ergo sermone figurato per fœ-
mina hic, proles ab ipsis fœminibus propaga-
ta notatur. Huius autem prolis iuncturæ mo-
nilibus asseruntur similes, sicut enim moniliū
ansulæ, vel orbiculi mutuò sunt sibi connexi,
& ea connexione monile, quo collum solet
ornari, perficitur; ita proles sponsæ iam per-
fectæ, generatione spiritali, exemplo, verbo-
que facta, salutaribus monitis propagata, mu-
tuæ charitatis nexus secum ipsa conseritur, &
ex multis filijs in iustitia procreatibus ac socia-
tis, vnum quasi monile conficitur, quo spon-
sæ collum iugo assuetum, hoc est, labor coro-
natur. Sic quippe Paulus filios à suo symboli
co femore spiritus fecunditate genitos, ac si
essent catenarum iuncturæ, vel orbiculorum
connexiones, sibi mutua charitate sociatos,
coronam suam appellabat, sicut torquē, vel
monile appellare potuisset; nam & in coro-
na plures laminæ aureæ vel argenteæ com-
mittuntur, & coniunguntur. Verum quia spi-
ritalis hæc liberorum procreatio, non spon-
sæ prædicantis merito, sed sponso tribuenda
est, ideo iuncturæ liberorum asseruntur simi-
les monilibus, quæ fabricata sunt manu arti-
ficis, qui est Hebraismus, tantundem valens,

ac si diceretur opus manuū egregij artificis. Hanc quippe miram omni aurificum operæ elegantiorē, filiorum genitorum in charitate iuncturam, non alijs, quām sponsus, qui a tonomasticè artifex nuncupatur, efficere potest. Quod ut significantius propalaretur, adiectum est (manu artificis). Solēt enim aurifices artis suæ peritis vti ministris, quos docuere, ad aurea monilia effingenda, & conserranda, & satis se præstare arbitrantur, si discipulos opus elaborantes spectent, ne quis error obrepat, licet vix operi expoliendo manū admoueant. Sponsus verò non ita se gerit, sed omnia opera nostra in nobis operatur, nec manū ab opere dimouet, donec absoluat. Ipse est, qui concionatur, qui liberos generat, qui velut catenulas charitate conserit. Et tametsi sponsa operetur, eam tamen sponsus ciet, ac permouet, idem opus præfens, quemadmodum scribentis pueri manū magister propria tenens manu lineas ducit in papyro, vt scribere ipse potius, quā puer asserendus sit.

In hunc sensum expositum revertit, quod ex Hebræo verti potest. Vertebræ femorū tuorum sicut monilia. Sunt autem femorum vertebræ, quæ coxæ, seu coxendices appellantur, duo videlicet ossa caua, quibus ossium femoris capita inseruntur. Enim uero sicut ossa illa

sa illa sua cauitate femoris ossa excipiunt, ac proinde ad corporis constructionem os ossi naturæ sociatur opificio; ita spiritu geniti sponsæ filij femoribus significati, non naturæ, sed gratiæ in irò copulantur artificio, dum ex charitate alter alterum excipit, & amplectitur, ut sic membrum membro coniunctū totius mystici corporis conflet structuram. Ex hoc textu patet, sponsum polliceri sponsæ prolem numerosam femorum typo signata, ac si in hunc modum eloqueretur. Iam satis tibi studiisti sponsa, egredere tandem, dirigam enim tuos gressus speciosos in calceamentis. Et tuus labor infœcundus non erit, nam multitudo filiorum maxima à te generabitur, manu mea eam generationem patrante, ac perficiente, vt filij tui sint mutuo cōnexi, sicut monilia, quæ fabricata sunt manu artificis. Pergit autem sponsus liberalitatem suam propalans, & quæ ad generationem hanc necessaria sunt, sponsæ se largitum esse manifestans.

)?(

Vmbi

Vmbilicus tuus crater tornatilis
núquām indigēs poculis. Véter
tuus sicut aceruuſ triticī,
vallatus lilijs.

*Intellectus tuus (ſponsa) ſapientiam vt fætum
continens, quia potum propinat ſipientibus, crater
rotundus eſt, ad potum euertendum aptissimus, &
quia escam porrigit eſurientibus, ſimilis eſt aceruuſ
triticī. Quia verò mentis puritate & castitate cor-
poris à contagione cuſtoditur, eſt lilijs vallatus.*

Tam vmbilicus, qui per synecdochē ex parte totum notat, quām venter ipſe ad generationem significandam pertinet, quod & ex ſe patet, & in ſacris paſſiū occurrit. Et ex Psalmo centefimo nono conſtat, vbi Pa-ter æternus ſponſum alloquitur, aiens, ex vtero ante luciferum genui te. Quo ex loco textus iſtiuſ arcanus ſenſus eruēdus eſt. Por- rò in diuina Theologia conſtitutissimū eſt, vterum, ex quo Pater ait ſe filium genuiſſe, eſſe iſpiuſ Patris intellec- tū vniuersarū rerū cognitione fœcundum. Intellectus nimis rerum ſpeciem vt ſemen concipit, ac exinde elegantissimè dicitur eſſe prægnans, quoaduſq; parit notitiam. Iuxta hunc igitur ſen-

sensum sponsæ vterus commendatur, duabus appositis similitudinibus, altera crateris, alteraverò acerui tritici. Primæ nūc vim trutinemus. Sanè cùm sponsa ad alios destinatur erudiendos, non tempus anteuertit, nec verò id optauit, quoadusq; impleuit eam Deus spiritu sapientiæ, & intellectus, vt de suo thesauro dogmata diuina proferens, salutari ignaros imbueret disciplina. Intellectus ergò ipsæ, diuina sapientia perfusus, pulchra metaphora crater tornatilis nuncupatur, nunquā indigens poculis. Crater quidem est, seu vas potu cœlesti plenum, quia videlicet sapientia, qua imbutus fuit sponsæ intellectus, est potus, ac proinde intellectus vas, seu crater debuit nominari. Sapientiā verò esse potū, patet ab effectu, quia sitim sciendi à natura insitam extinguit, & animum ab æstu rerū fluxarum refrigerat. Patet etiam ex oraculo, sicut scriptum est, aqua sapientiæ salutaris potauit illum, scilicet, iustum. Hæc autem sapientia, quia & pro se, & pro alijs hoc nectare potandis, sponsæ tributa est quam largissimè, dicitur crater eius poculis nunquam indigere; et si enim semper propinet pocula, non propterea sapientia illius exhaurietur, quod est diuinæ bonitatis encomium. Ex hoc iam liquet, cur crater tornatilis, vel ut alij translucere, rotundus, appelletur. Quod enim ad

exter-

externa pertinet , ventris pulchritudo , à figura sphærica commendatur ; tunc enim uterū pulcher est , cum extumescit moderatè , instar rotundi vasis tornatili opere confecti , vel ex argento ducti , luxureq; nitentis . Ex hoc verò ad interna migrandum est . Notatur nimirū figura circuli , intellectus sponsæ perfectio , quæ illi contigit ex sapientia . Notatur etiam quædam ad motum , potumque propinandum opportuna facilitas , qua , qui Doctor aliorum instituitur , pollere debet . Frustra enim sapientiam videretur accepisse , si ægrè illam cum alijs cōmunicaret . Debet igitur sphæras cœlestes imitari , quæ ad motum facillimè , dum ciētūr , perennem influxum euergunt . Et hanc habet emphasim crater tornatilis seu rotundus , ut à crateribus alijs triangulis , vel quadrangulis , vel alijs id genus discriminetur .

Si verò umbilicus non figuratè per synecdochen , sed propriè pro illo velut ventris centro accipiatur , satis erit ad rem sensus accommodatus . Umbilicus quippe ad hoc , naturæ prouidentia , factus videtur , ut per eū fœtus , dū est in utero , nutriatur . Animaduentum verò est maximè , sponsam ad generationem , ac exinde nutritionem spiritaliū filiorum directam , sua conceptui , sua partui , sua educationi habere præstituta tempora .

Porrò ,

Porrò Paulus aiebat, quasi gestans in vtero
quosdail liberos, iterum se illos parturire,
donec in eis Christus formaretur. Ex quo li-
quet, prius cum fœtus illos cōcepisse. Quo-
modo enim pareret, quos non concepisset?
Quando verò hic fiat conceptus, inuestigan-
dum est. Profectò cùm peccator ad cor reuer-
titur, & conatur ad iustitiam, necedum tamen
iustus est, tūc intra viscera sponsæ illum ex-
citantis, & intimo cordis affectu amplecten-
tis quasi absconditur, nec tamen per partum
emittitur, donec in eo Christus charitate
formetur. Eo verò tempore, cùm potu cœ-
lesti careat, nec enim gratiam adeptus est,
in sponsæ corde velut infixus, & vtero ma-
tris conditus, eleganter dicitur per matris
vmbilicum nutririri, quia sponsa, quæ vicitat
esca potuque gratiæ, charitate sua illum alit,
& sustinet, donec tandem per gratiam il-
lum enitatur. Hoc sancte tempore vmbilicus
sponsæ fit crater tornatilis, nunquam indi-
gēs poculis, quia humore cœlesti, quo affluit
ipsa, potat peccatorem. Enī ruerò sic Deus
peccatoribus ignoscit, & eis vitam imper-
tit, quia cernit eos à viris sanctissimis intrà
affectum, velut vterum quendam charitate
latissimum gestari. Dum enim iustos pascit
potat & amplectitur, cùm in eorum vte-
ris latcant peccatores, pars illius potus, &

esca

escæ ad eos etiam permeat, quasi per arca-
num quendam vmbilicum. Sic sane, si inter
Sodomitas, & Gomorrhæos, vel paucissimi
iusti vixissent, qui immensa spiritualis vteri
capacitate peccatores celassent, cernens eos
Deus iustorum vtero conditos, iram conti-
nuisset, & quasi per vmbilicum matris esca,
& potu fœtus aluisset illos, quos extrâ vte-
rum in scelere deprehensos horribili con-
sumpsit incendio. Hæc de vmbilico, & cra-
tere dicta sint.

Ventrī verò cum aceruo tritici similitu-
do expendenda modò est. Sanè si extimam
rerum speciem contueamur, aceruus tritici
tumens, & in latius à minus lato se fundens,
ventris, qui, iacente homine supino, ab um-
bilico, usque ad costarum cratem se dilata-
t, repræsentat effigiem. Interna verò si
contemplemur, cum venter, ut paulò antè
explicatum est, notet intellectum, apposi-
tè satis sponsæ sapientia fœcundissimæ in-
tellectus, aceruo tritici comparatus est.
Quemadmodum enim, ut patuit sub crateris
pleni symbolo intellectus sponsæ, sitienti-
bus potum propinat, dum eos erudit, ita pa-
nem porrigit cor imbecillimum confirman-
tem, qui non minus, quam potus, eiusdam sa-
pietiæ nota velut hieroglyphica est. Animus
videlicet sponsæ, iam ætate prouectus, &
expe-

experimentis prudentiam nactus, est ille fidelis seruus, & prudens, quem constituit Dominus super familiam suam, vt det illis in tempore tritici mensuram. Quippe, cum tyrones sponsa erudit, sapientiae sibi ad salutem proximorum collatæ, cœu panis verè cœlestis naturæ imbecillitatem stabilientis, quasi partes incidit, & pro captu audientium èas erogat: ex quo patet, cur intellectus aceruo tritici, hoc est, per metalepsim pani conferatur. Sic ergo sponsus loqui credēdus est: Intellectus tuus ventris symbolo expressus (ò sponsa) rerum sapientia fœcundus, ac velut prægnans, imitatur tritici aceruum, ipsa quidem figura extantem ac elatum. Et sicut ex aceruo Dominus familiæ mensuram impendit, ita tu ex vberrima tua sapientia, pro discipulorum captu, modios tribuis, ac metiris, paruulisq; potentibus, ne, vt olim clade Hierosolymitana, defiant, panem humanissime frangis. Cur autem acerius hic lilijs vallatus asseratur, modo dispiciendum est. Certe aceruo tritici sapientiam innui, more panis cor hominis, qui ceciderat, confirmantem, proximè patuit. Lilijs vero virtutes candore insignes, puta corporis castitatem, mentisq; puritatem significari, ex superioribus constat, & ex se omnino planum est. Nunc ergo tam si sapiëtia Christiana, qua sponsa imbuta est,

est, quæ diuinorum est maximè cōscia myſteriorum, suo quidem ingenio, & candida sit & illustris, ex contagione tamen, & quaſi cœno corporis, cui anima est aduincta, ſolet nigreſcere, ac obtenebrari, niſi virtutes eæ adſint, quæ corpus à luto voluptatum coercent, & animam à corporis illuuiſeruent immunem, quales ſunt caſtitas, & cordis pu-ritas lilijs ſignificatæ. His ergò lilijs ſymbolicis ſapientiam continens ſponsæ venter, qui eſt intellectus, vallatus, & cuſtodia ſep-tus eſt. Propter hoc, qui diuinæ ſapientiæ compotes eſſe cupiunt, & ſacræ Scripturæ arcana callere, caſtitatis, ac cordis puritatis vallum intellectus arci, in qua eſt ſapientia, circundare debent, quemadmodum ſponsam feciſſe, ſponsus eius encomiastes refert.

Post ventris laudem, vberum

pulchritudinem ſic
effert.

Li

Duo



Duo vbera tua sicut duo hinnuli
gemelli capreæ.

*Ex te, quæ scripturæ arcana toto pectori à me
fonte hausisti, duo testamenta, ad prædicationis
functionem, quasi duo vbera, ad animas lactan-
das, erumpunt. Et quia ex uno intellectu tuo,
velut ex vtero exeunt, gemellos imitantur. Hin-
nulos vero capreæ, quæ est animal mundum, vi-
su acerrimum, & vngulam findens, imitan-
tur, quia ipsa testamentorum doctrina mun-
da est, ut argentum examinatum, visum ani-
mæ acuit, & discernendi vim quasi vngulæ fis-
sura impertit.*

Profectò si encomium, quod nuper spon-
sus cœpit texere, mente repetamus, &
ad quem scopum ab illo dirigatur animaduer-
tamus, horum verborum interpretatio fa-
cile patebit. Excitata fuit sponsa. Greslius
eius, quibus venustè incedens, veræ virtu-
tis alijs præberet exemplum, commendati
sunt. Prolem illi numerosam, & charitate
concordem illi Deus pollicitus est, allata fe-
morum laude. Venter eius arcanus, qui
est intellectus, diuina est locupletatus, &
gravidatus sapientia, ut rudes erudire, ac
expurgare valeret. Effecta est quædam arca
testa-

testamenti, non veteris tantum, sed & noui,
quod fœlicius est, vt hinc inde diuina ora-
cula promens, prædicationis legatione pos-
sit rectè perfungi. Duo igitur testamenta,
quæ in seipsis spectata duo vbera sunt, ab
vnius Dei vtero, instar gemellorum, egressa,
ex quibus lac semper haurit Ecclesia, effecta
sunt vbera sponsæ, postquam intellectu suo
diuinitùs illustrato illa concepit, probe-
que intellexit. Intellectus igitur sponsæ ad
prædicationem destinatæ est vterus, ex quo
iampridem concepta prodeunt duorum te-
stamentorum, vterinos fratres imitantium;
vbera, quæ tyrones audissimè fugunt. Hæc
autem arcana vbera hinnulis capreæ sunt
quàm simillima. Caprea quippe mundum
est animal, visus perspicacitate, cursuque
plurimum valens, vngulamque findens,
quod ad boni & mali discretionem spectat.
Nunc autem rectè spectato verborum con-
textu, effici videtur, vt quandoquidem vbe-
ra dicuntur esse sponsæ, sicut hinnuli asse-
runtur esse capreæ, ita quemadmodum hin-
nuli notant vbera, caprea quoque spon-
sam repræsentet. Quapropter capreæ pro-
prietates sponsæ concinere necesse est. Ip-
sa nimirum, quæ olim sorduerat, nunc pur-
gatissima, mundum animal sacrificio euasit
aptissimum. Quæ olim caligauerat, insignem

visus perspicacitatem diuina luce perfusa na-
eta est. Quæ olim peccati pondere pressa vix
valebat incedere, nunc incredibili pernici-
te currit, & salit. Quæ bonum à malo fecer-
nere nesciebat, vngulam findit, comparata
spirituum discretione, ad suam legationem
opportunissima. Easdem proprietates habet
hinnuli, ut pote capreæ filij, quæ vberibus,
hoc est, duobus testamentis mirificè qua-
drant. Scriptura nimirum sacra, hisce testa-
mentis constans, munda est, ac argentum
igne examinatum, visum acuit, ad cursum ab
exilio ad patriam impellit, vngulam dirimit,
disertè enim verum à falso, bonum à malo
discriminat. Sunt igitur testamenta duo illa
symbolica sponsæ vbera, sunt hinnulis simi-
lia, hinnulis inquam capreæ, quæ est sponsa
eius animantis ingenio luculenter expres-
sa. Expleta vberum laude, colli ele-
gantiam contem-
plimur.

Collum

Collum tuū sicut turris eburnea.

Fides tua, quæ per dilectionem operatur, quæ te membrum mibi capiti Ecclesiæ copulat, ut collum, non est iejuna, & inermis quasi à charitate aliena, sed ob charitatis societatem, est fortis & erecta, ut turris vel arx. Est eburnea ob castitatem, nec sit enim adulterium fides, quæ per dilectionē operatur, similis denti elephanti animalis casti, Et albet luce candoreq; charitatis, quasi ebur dolatum, & candidum, sine charitate quippe nigresceret.

Collum est vinculum quoddam à natura effectum, ad corpus capiti conciliandū, quæ viua quædam est imago fidei, qua membra corporis mystici capiti suo Christo iunguntur, tametsi à charitate excidant. Verum hæc exigua laus est. Constat enim, plurimos collo isto capiti Christo sociatos passim perire, non enim fides sola ijs salutē afferre potest. Quamobrem, cùm sponsus de arcano sponsæ agit collo, non fidem iejunam, & à charitate semotā, sed eam, quæ per dilectionem operatur, proculdubio innuit; ac proinde ea similitudine usus est, quæ ad charitatem fidei copulatam propalandom est maximè idonea. Ait nimirum, Collum tuum, sicut turris eburnea. Duo autem hic asseruntur, quæ

sunt charitati nativa , esse videlicet turrim,
& esse eburneam. Turre verò seu arce, quæ
ad præsidium , & munimentum constitui-
tur, non fides sola , quæ sine charitate iner-
mis est , & facile ab hoste prosternitur; sed
fides charitate fulta , & roborata notatur.
Enim uero Paulus ad Hebreos scribens , fi-
dei laudes auspicatus , cùm plurima illustria
hieroum gesta, quæ fide patrarent, recensuif-
set , attexuit illa vulgata verba , hominum
cordibus ad memoriam insculpta sempiter-
nam : Sancti per fidem vicerunt regna , &
quæ sequuntur ijs simillima inuictissimam
fidei fortitudinem innuentia , quæ de fide
(vt schola loquitur) charitate formata, pa-
lam enunciata sunt. Hac igitur vi stabilita fi-
des , est collum membra capiti annexens,
non collum infractum & languens , sed ere-
ctum & excelsum instar turris, inexpugnabi-
le instar æreæ arcis . Hoc autem ipsum pla-
nius fiet, si, non qualemcumq; turrim, sed ex
ebore constructam expendamus. Ebor os est
Elephantii animalis castissimi , candore que-
nitet eximio. Fides vero animæ, quæ charita-
tem abiecit , velut in criminè adulterij de-
prehenditur, cum charitate, quæ torum spon-
si violare nescit , orbatur . Etsi enim fides
etiam mortua elicere nequeat actum , qui
spiritualis coniugij Sacramentum temeret , in
adul-

adultera tamen manet anima , ac propterea
ea sola sine charitate labem adulterij mini-
mè purgat , sed cum eo criminē , tanquam
sub eodem tecto diuersatur . Cum non pos-
sit crimen arcere , ac vincere , non erit arx ,
seu præsidij turris , cum adulterium non ex-
pungat , nec ipsa seorsum matrimonij iura
seruet , non erit eburnea , hoc est , casta . Quā
sane doctrinam satis adstruit dentis Ele-
phantini candor . Fides videlicet sine chari-
tate obnubilata est , & caligine obducta , non
inquam ea caligine , quæ illi nativa est , eò
quod sit lucerna lucens in caliginoso loco ,
hæc enim etiam cum charitate perseverat ,
quamdiu exulamus , sed caligine alia , quæ
fidei accidit , ex charitatis absentia . Cum
enim charitas , iuxta Theologorum pronun-
ciatum , sit forma virtutum , quemadmodum
lux colorum , sit inde , ut sicut color extin-
cta luce iacet in caligine , ita fides , quæ in hoc
reliquarum virtutum eclipsim patientium
subit legem , recedente charitate caligino-
sa nigraque sit , sociata verò charitati candi-
da , ut dens Elephanti . Charitas nimirum si-
cūt lux virtutum , ita & earum candor , ob
affinitatem inter lucem candoremque vo-
catur ; constat enim candidum colorem ,
plurimum lucis habere . Sic igitur sponsus
effatur , Fides tua (ò sponsa) quæ per dile-

ctionem operatur, excelsa, & inexpugnabilis est, vt turris, seu arx præsidij, casta, & candida est, vt dens Elephanti, ac perinde, velut ex ebore constructa. Hæc etiam virtus, sicut reliquæ recensitæ, ad prædicationis munus, quod sponsa obitura est, valde accommodatur, cum sit passim cum mundo conligendū; hæc est autem victoria, quæ vincit mundum, fides nostra, ea nempe, quæ per dilectionem operatur. Post collum, oculorum subiicit mētionē, functioni sponsæ apprimè cōsentaneā.

Oculi tui sicut piscinæ in Esebon,
quæ sunt in porta filiæ multitudinis.

Tuus intellectus (ò sponsa) multiplici tua scien-
zia ad cernendum oculorum more collata, similis
est aquæ piscinarum vrbis Esebon, sicut enim illa
aqua quiescens, & pura reddit veras spectatorum
effigies, ita tuus intellectus per eas sciētias illustra-
tus, veras rerum concipit imagines, ac, dum intel-
ligit, eas sine deceptione reddit,

LAUDATURUS sponsus oculos sponsæ pul-
cherrimos, ab omni nebula purgatiſſi-
mos, quales decet eis internos præfectorum
alijs oculos, qui corda ſinuosa peccatorum
perſpicuè cernant, attingit quandam priscam
histo-

historiam Esebon vrbis vltra Iordanem sitæ, quæ fuit Seon regis Amorrhæorum, propè cuius quandam portam ab hominum concursu, filiam multitudinis nuncupatā, erant piscinæ vrbem insigniter ornantes. Hebræi tamen volunt, Esebon esse hic, non vrbis illius vltra Iordanem nomen proprium, sed appellatiuum, quod computatiouem æstimatione significat, & iuxta hunc sensum, hūc locum de piscinis, quæ erant in Hierusalem interpretantur, quæ filia multitudinis dicitur, ob innumeram illuc confluētium nationum multitudinem. Verūm vtraque explanatione nominis Esebon, rationi consona est, & in eundem sensum recurrit: nō enim ab Esebo nomine, sed à piscinarū aqua, quæ vtriusque eandem laudem meretur, oculorum spōsæ laus arcana depromit.

Est igitur animaduertendum, in piscinis aquam quiescere, externisque fordibus non infici, quemadmodum amnes, cœno, fordibusq; alijs aquæ decursu aduectis inquinantur. Ex hoc efficitur, vt piscinarum aqua fordibus, motuque immunis, speculi more, spectatorum concipiat, & reddat imagines integras, rectas, & id quām clarissimè. Amnes vero, quantumuis pura sit aqua, ob fluctuum, vndarumve procursum & inconstantiam effigies non reddunt, nisi fractas, obliquas, &

L 15 obscu-

obscuras. Ex hoc igitur discrimine aquarum, eruitur oculorum sponsæ laus. Eximiæ nimirūm in oculis, qui noi i nictant, non properè crientur, sed tranquillè ac sedatè ac sine trepidatione rerum spectra concipiunt, venustas elucet. His videlicet oculis non accidit crebra illa deceptio, quam patiuntur trepidantes, oculi, qui vix concepta rerum imagines concitato motu intercidunt, atque permiscent, vnde & recta ijs videntur obliqua, magna ceu parua, rectè constituta corpora, ut monstra cernuntur. Sunt, hac pulchra similitudine intellectus sponsæ, cuiusque multiplex scientia multorum oculorū symbolo notata commendatur. Cum enim mentis puritatem adepta fuerit, quam non inconstantiae motus, non sordidae fluxi rerum perturbant effigies, non cœnosi mundi affectus inficiunt, pacatissimo quodam statu fruuntur, & rerum sinceram veritatem, integrum, non obliquam, non infractam, sed qualis est, contuetur. Non illi fucata virtus provera, non vitium pro virtute presentatur, non trepidant oculi, non caligine suffunduntur, sed sunt, ob infusam cœlitus perspicacitatem, ab omni prorsus deceptione imminentes. His certè oculis sponsa, quæ aliorum curari gestura est, bona malaque prospiciet, & in omni euentu, quid factò sit opus, ut operetur,

ret, aquilæ more speculabitur. Expleta nunc oculorum laude, nasi elegantiam sensus arcanos vbertim suggesterentem contemplari, iucundum erit.

Nasus tuus , sicut turris Libani,
quæ respicit contra Da-
mascum.

*Discretio spirituum tibi collata, nasoq; odorem
âfetore discernente notata, est similis turri, quæ
in Libano in extremo terræ promissionis est costru-
cta, ex qua Syrorū insidiæ explorabātur. Tu quip-
pe discretione hac, dæmonū exploras incursus, &
eludis, dum spiritum sanctum à maligno secernis.*

Syros , quorum metropolis Damascus
erat, vastitate in Iudæos persæpē ma-
chinatos esse, ex sacra liquet historia. Iudæi
ergo in monte Libano ad terræ promissio-
nis extrema, construxere præsidij turrim, ad
Syrorum machinamenta exploranda, & elu-
denda. Turris verò ea recta Damascum spe-
stabat , adeò , vt ex ea , quemadmodum
nonnulli Hebræi tradiderunt , urbis ipsius
Damasci domus cerni possent . Turris cel-
litudine , ac statu recto , nasi notatur ele-
gantia , quæ moderata longitudine , & quasi
per-

Perpendiculari rectitudine constat. Arcanè
vero ea Libani turri Damascenis opposita,
vim discernendi, naso apud authores etiam
profanos significatam, exprimimus. Sicut
enim naso fœtorem ab odore secernimus,
ipfiusq; nasi constructio exacuta, & in aciem
desinens, ad sectionem quandam videtur à
natura destinata; ita ea vi, quam Patres spiri-
tuum discretionem appellant, fœtorē pec-
cati à virtutis odore, Spiritum sanctum à Sa-
thanæ angelo sponsa secernit, & velut quadā
acie ad sectionē opportuna discriminat. Hac
autem discernendi vi sponsa pollens, velut in
excelsa quadam turri ad explorandos hostes
erecta consistit. Ex qua proculdubio turri, in
terra nostræ promissionis ædificata, domus
Syrorum, hoc est, latebræ, vbi ad insidiandum
Dæmones latitant, à viris perfectis exploran-
tur, & tempore obseruato frustrātur. Sic igi-
tur sponsus ait, Nasus tuus, o sponsa, hoc est
spiritum discretio, qua, meo munere polles,
est tibi opportuna, ad hostium insidias elu-
dendas, technasq; discernendas, & spirituum
discrimina expendenda, sicut olim Israeli, ad
Syrorum strategemata exploranda, & sub-
neruanda turris in Libano constructa ē re-
gione Damasci sita proficiebat. Hæc prima
est interpretatio.

Secunda, nec minus idonea, nec minus ar-
cana

zana est ea, quæ nasi translatione iram, in ea corporis parte maximè se prodentem, intellicit. Enim uero cum irascimur, euestigio nasus tumet, ac flatum spirat calidiorē, æstuat, & quasi fumat. Est autem in hac à philosophis appellata passione, quod laude, quodq; vituperatione sit dignum. Solet nimis ira adeò interdum effervesce, vel rationem attenuans, vel rationi perturbatæ contingēs, ut intellectum velut quædam breuis ebrietas occæset, quæ propterea modum seruare nequit, nec culpa vacare proinde potest. Solet verò aliàs ira quasi consultò excitari, simulque, ne modum excedat, coerceiri, & cum iuxta moderationem hanc suscipitur, virtutis actus egregius esse solet, putā, cum zelus Dei animum impellit. Tunc quippe, necesse est, ut animus excandescat, & in Dei hostes acriter inuehatur, & hoc modo diuino est oraculo parendum, aienti. Irascimini, & nolite peccare. Et quidem spōsus ipse, in quo' nihil, nisi rationis ad lineam gestum est, huiusmodi ira per zelum excanduit, cum, plexo verbere, templi violatores ciecit. Huic igitur iræ, nec rationem præuertenti, nec perturbati, sed ad legis normam suscepτæ, spōsa interdum indulgere debet. Nec enim hostis malignitatem persequi, & abigere, ex mystico templo, cui præerit, ullo modo poterit, si lenitatem

nitatem tunc præferat, sed acriter incensa, & velut armata hostem cæsura est verbi gladio, sicut sponsus homines scelestos funium verbere cæcidit. Hoc planè modo nasus respiciet contra Damascum, urbem Hierosolymis inimicam, hoc est sponsæ zelus iram suscipiens tartarum infestabit, Hierusalem supernæ saeuissimum perduellem. Aliqui, pro naso, vertunt, frontem. Et quia, cùm quis coram hoste non cadit animo, sed audacter constat, fronte non contracta, sed extenta solet audaciæ specimen exhibere, ideò satis aptè per frontem audaciam intelligimus. Quæ cù hoste spiritali pugnaturis perquām necessaria est. Sic igitur frons eleganter comparatur turri, quæ respicit contra Damascum. Audacia enim rectâ opponitur impendi malo, quod pellit, ac profligat. Hanc frontem sponsa contra Dæmones obfirmat, eosque lacescit ad prælium. Notandum est accuratè, quæ prouide sponsus sponsam munit, & ad prælium pro salute proximorum gerendum accingat. Omnia quippè, quæ nunc exprimit, sponsæ dona, ad legationem eam obeundam sunt consultò collata. Sed

caput cum sponso in-
tueamur.

)? (

Caput

Caput tuum vt Carmelus.

Ego sponsus tuis tibi vt caput corpori iunctus,
Carmelo monti excepit fertili, spinis carenti similis
sum. Efferor super omnia altitudine, omnibus escâ
do fertilitate, accedentes ad me non pungo, sed qua-
si molli herba reficio, ob spinarum immunitatem.

Sponsæ caput sponsus est, caput enim
mulieris vir. Gloria autem & ornamentum
insigne vxoris est, viro pulchro nobilique
sociari, quemadmodum corporis est orna-
mentum egregium, caput bene constitutum,
ac firmum habere, quod toti præst corpori,
idque totum sua honestat dignitate. Sic ergo
ostensurus Spiritus sanctus ornamenti spon-
sæ potissimum, caput illi appingit, pulchritu-
dine, ac nobilitate insigne. Porro Carmeli
montis laus ex multis capitibus peti potest,
nempè à magnitudine, à fertilitate, ab acu-
leatarum plantarum immunitate. Altitudine
conspicuus est, protoparentis nostri Heliæ
habitatione clarissimus. Fertilissimus est,
pascuis abundans. Spinetis carere dicitur. Al-
titudine sponsum, qui erectus est super om-
nem creaturâ, fertilitate illum, quâ oves suas
semetipso pascit, spinetorum immunitate il-
lum suauem, mansuetum, non pungentem, sed
suani pastu pecudes admittentem notat: licet
enim

enim eius caput spinis rigeat in passione, eas
tamen spinas nec ipse genuit, nec vero eas
aliunde sibi infixas usurpat, ut laedat, immo
vero puncturas ipse tulit, ut eas nobis adime-
ret. Hic est mons herba perenni opertus, à
Scriptura Sacra ob decorem commendatus.
Hic datus est sponsæ, ut caput corpori, & si-
cūt paulò antè collata est ei gloria Libani,
sub turris Libani symbolo, ita nunc ei datur
decor Carmeli. Arcanè autem, cùm sponsæ
caput Carmelo simile asseritur, notandum est,
per hoc innui, non modo decorem sponsi ad
sponsam seu capitum influxu perlabi, sed fer-
tilitatem, pascuorum ybertatem, & cetera
vniuersa à quibus Carmelus commendatur.
Inquit ergo sponsus. Ego, qui sum caput tuū,
ò sponsa, ero tibi sicut Carmelus, decorus, fe-
rax plantarum, pascuis abundans, ac proinde
ij, quos mihi ut capiti, tibiq; tanquam huius
capitis membro sociare curaris, ex me, ut tu
recepisti, decoris, fertilitatis, pascuorumque
ybertatis influxum recipient. Hic annotare
oportet Carmeli nomine insignes montes
esse duos. Vnus est Tyriorū Ptolemaidi im-
minens, excurrens in mare mediterraneum,
vnde Carmelus maris appellatur, de quo huc
locum interpretati sumus. Alter est mons in
Iudæa, qua itur in Agyptum ad meridiona-
lem plagam, in quo ciuitas eiusdem nominis
exstru-

exstructa fuit, hic verò scribitur cum aspira-
tione Charmel. Post caput, comæ à capite fu-
sæ sponsus meminisse debuit. Ideò ait,

Comæ capitinis tui sicut purpura
Regis vincita canalibus,

*Ego caput tuum habeo comas, hoc est cogitatio-
nes purpuratas, amore rubentes, super te, velut su-
per meum corpus effusas. Cogito enim semper de te
ornanda, & operienda. Vnde cogitationes meæ
purpura tua sunt, qua tu ornaris; nec verò qualis-
cūque purpura, sed colorem suum apertè monstrās,
vt fila ad purpureas telas contexendas infecta, &
in canales aquæ, vt eluantur, & coloris viuacita-
tem prodant, coniecta.*

Cumarum à capite originem ducentiū,
indequæ fluentium in humeros, corporu-
que tegentiū similitudine, cogitationes spōsi
ipsius (quas videlicet ipse sponsus, qui est spō-
sæ caput, concipit, & super sponsam effun-
dit, eam ijs circumuallans, custodiēs, & quasi
contegens, dūm de illa ornanda, perficienda
que cogitat) eleganter exprimuntur. Est er-
go sponsus concipiendus sub quadam corpo-
rei capitinis effigie, sponsaque sub corporis illi
capiti subiecti imagine. Illud igitur caput co-
mas pulchrè dicitur super corpus effundere.

Mm

cum cogitationes suas ijs comis delineatas,
ad corporis custodiam , ornatumque produ-
cit, quod sponsus, à cuius animo sponsæ me-
moria non recedit, egregie præstat . Et quia
ob has, quas sponsus concipit, promitque de
sponsa cogitationes, illa verè, vt principis fi-
lia, incedit ornata, comæ afferuntur esse simi-
des purpuræ regis, hoc est , purpuræ regali,
quæ videlicet regiæ maiestatis est nota, vt ex
comunitotius antiquitatis cōsensione patet.
Hæc verò purpura dicitur vincta vel , quod
alij legunt , iuncta canalibus , quia videlicet
postquam vellera vel fila, ex quibus telæ cō-
texendæ sunt, saniem, succumve, quo tingun-
tur hauserunt, eluuntur, vasis aquæ ad id com-
paratis, vt color ipse, sordibus elutis , se pro-
dat, & clareat. Canales autem hoc loco , sunt
illa vasæ, craterēsve lapidei, qui propè puteos
statui solent, vt, hausta puteorum aqua , cra-
teres ij pleni potum animantibus præbeant,
vt patet ex historia Genesis , vbi legitur Ia-
cob virgas posuisse in canalibus, vbi effunde-
batur aqua, vt greges eam biberent. Idem au-
tem nomē Hebraicum habetur ibi , ac in hoc
loco, pro canalibus יְמִין. Dum ergò spon-
sus ait suos cogitatus super sponsam effusos,
esse purpuram regalem , non obscuram &
sordidam ; sed canalibus iunctam , idem agit,
ac si diceret , purpuram lucentem , elutam ,
viuum-

viuumque ablutione colorem prodente, ad significandos cogitatus, velut ex amoris fornace depromptos, & ignitos, quos ille ad spō sa bonum sedulò conuertit, quibus etiam viuum purpuræ colorem æmulantibus eam exornat. Hæc eximia sponsæ gloria est, ut sponsus cogitatus suos effecerit sponsæ capillos, quibus illa ut regina purpurata incedit. Hæc prima est explanatio.

Secunda petitur ex Hebræo, & Septuaginta Interpretum versione, qui sic habent. Cæsaries, vel coma capitum tui, sicut purpura. Postmodumq; discretè additur. Rex ligatus in transcurſibus. Commandantur sponsæ cogitationes à mēte, velut à capite comæ, exortæ, & dicuntur esse similes purpuræ, hoc est, rubentes, amorisq; incendio flagrantes: quia licet color hic purpureus actibus voluntatis, potius quā intellectus quadret, illi enim sunt amoris, isti notitiæ actus, nihilominus cum ex impulsu, & quadam velut exundatione amoris intellectus tingitur, & quo amor impellit, suos omnes dirigit cogitatus, ardētior significatur amor, qui ob æstum intra voluntatem se nequuerit continere, sed ad intellectum perimeans, cogitationes etiam suo colore, seu ardore afficerit. Sic igitur comæ capitum sunt sicut purpura. Quod verò additur, Rex ligatus in transcurſibus, energia

plenum est. Vocantur enim ipsi capilli, trāscursus, petita metaphora canarium, seu tubularum, per quos aqua deriuatur, atque transcurrit. Sunt enim illi oblongi, & aqua, dum per eos labitur, vndat, & crispatur, ut capilli à capite per humeros defluentes; & artificiosa quadam contortione vndas imitantes. Transcursus ergo idem quod comæ significant, & dum Rex in transcursibus ligatus asseritur, perinde est, ac si comis vinclitus diceretur. Quo quidem sensu indicatur, sponsum cogitationibus spōsæ purpuratis, & ab amore impulsis ligari, & ad sponsæ vota ijs vinculis inflecti. Hic verò loquendi modus inter amantes frequentissimus est; nihil enim ijs trebriūs dictitant, quam pulchris se fœminarum vineiri capillis. Hæc de secunda interpretatione ad Hebraicum, & Græcum texum expensa.

Verum ad nostram vulgatam editionem, quæ pluris facienda est, reuertentes tertiam interpretationem allaturi, de purpura non nulla præmitamus, quæ in priscis authoribus purpure infecturam describentibus observata sunt. Oportuit sancè veteræ ac natuæ purpure tinturæ ex antiquis haurire scriptoribus, nam illius usus iam pridem in Europa cessasse, & pro ea, quorundam florū purpureorum, qui passim leguntur, infectura substituta

stituta esse videtur. Sic quippe conspicimus, nouum purpuræ genus ferico tingendo accō modum, nouis excogitatū moribus, ex vermiculo, quem Pœnorū lingua Carmen appellat, vnde in officinis Carmesini nomenclatura usurpatur. Hac ergo tintura substituta prætermissa, Tyrii olim veræ purpuræ laude claruerunt, qui viuas purpuras (sunt quippe pisces) capere contendebant, eò quod cū vita succum illum euomerent ad tingendas lanas expetitum, vno quippe ictu viuens purpura contrebatur, & sic in mortis agone pretiosiorē saniē euomebat. Quæ sanè omnia in spōsum Iesum Christū mirificè quadrāt. Immanes quippe illi purpurarij Iudæi, à quibus Tyrii non longè aberant, sponsum, quasi purpuram viuentem è mari traxere capture horti, velut hamo quodam. Tunc viuentem adhuc cōtriuere, verberibus, clavis, spinis. Illo autem attritu arcana ea pūrpura in agone mortis constituta emisit sui sanguinis copiā, ad tingendas, quin & abluendas animas, à mūdo vniuerso expetitam. Pretiosiorque nobis fuit illa mystica fanies, quam viuus emisit, ea, quam mortuus cæso latere fudit. Licet enim sanguis, quem è latere effudit, in se quidē pretiosissimus esset, erat enim vnitus verbo; at quod ad tingendas lanas spectat, hoc est, ad animas merito ac satisfactione per illum san-

guinem redimendas, & ità cluendas, sanguis
à sposo viuente fusus nobis pretiosior fuit;
illius enim profusione meruit, ac satisfecit,
non verò istius; morte enim, meriti, ac fati-
factionis tempus conclusum est. Hæc verò
symbolica purpura, cuius sanie nos, ut genus
Dei electum, regaleq; sacerdotium purpura-
ti incedimus, verè purpura regis immortalis
est: ea enim natura humana, quæ attrita emi-
lit sanguinem, purpura regis, hoc est sponsi,
est, quæ recte dicitur vincta iuncta ve-
canalibus. Illa enim crucis foramina, vel tere-
bro, vel clavis effecta, eleganter appellantur
canales, seu transcurſus, à fulcis, per quos
aqua deriuatur, petita metaphora. Pafsim
quippe fiūt canales, vel fulci lignei, qui nihil
sunt aliud, quam ligna excauata, ad aquam ex-
puteis deriuandam, quod Ital is vſitatisimū
est. Cùm igitur foraminibus crucis iuncta,
& clavis per ea foramina immisſis vincta fuit
humana Christi natura, tunc verè fuit pur-
pura regis vincta canalibus. Hoc verò mys-
terium clarius liquet, si alia satis consenta-
nea versione vtamur, quæ ait (Rex ligatus in
tignis) duobus enim crucis tignis, altero re-
cto, alteroque transuerso ferreis vinculis
seu clavis Rex noster ac sponsus alligatus
est. Hucusq; descripta est purpura regis vin-
cta canalibus. Nunc verò est elucidandum,

quanam

quanam ratione, comæ seu cogitationes spō-
iae similes huic purpuræ sint. Profectò inira
est in oratione concinnitas. Spōsa enim adeo
iam sponso crucifixo similis eusit, eiusque
mortis similitudinem adeò affectat, ut nihil
aliud cogitet, quām quo pacto Christo con-
figatur cruci. Ex quo patet, eius cogitatio-
nes comis notatas, esse similes, immò & iux-
tā veram philosophiam naturales imagines
sponsi eis repræsentati, qui est illa mystica
purpura vincta canalibus, ut proximè ex-
planauimus. Huius ergò interpretationis
proprietas ex naturali petitur imagine rei,
quæ in cogitationibus lucet, dū cōcipitur. Et
vniuersim verum est conceptiones rerū esse
illarum natuas imagines. Itaque dum quis de
leone cogitat, sine vlla metaphora dicimus,
eius cogitationem similem esse leoni, & sic,
quia sponsa de sponso crucifixo, quem pur-
pura vincta canalibus exprimit, sine inter-
missione cogitat, sine metaphora dicimus,
eius cogitationes esse similes purpure vinctæ
canalibus. Enim uero quòd spōsus appelletur
purpura, metaphora est; quòd verò huic pur-
puræ spōsæ cogitationes similes nūcupētur,
non est metaphora, sed proprietas. Excursus
longo per partes sponsæ pulchritudinem
sponsus depinxit, & à pedibus ad caput usq;
procurrit, quamobrem cum totius pulchri-

tudinis partes congesserit, & contexuerit,
recte infert, eam esse venustissimam. Prop-
tereà inquit.

**Quàm pulchra es, & quàm deco-
ra charissima in delicijs.**

*Quàm perfecta præstas pulchritudine, quæ in-
terna est virtutum concinnitas, & quàm exacto
excellis decore, quæ est externarum actionum mo-
deratio. Mira est sane hæc pulchritudo, & decor
ex suo quidem ingenio; mirabilior autem fit, quia
conseruatur in delicijs internis, in quibus multi
nesciunt tenere modum.*

HAEC loquendi ratio ad affectum propa-
landum peropportuna, amantibus est
familiarissima. Ij enim cùm foeminas, quibus
addicti sunt, contemplantur, in medio solent
exclamare sermone, pulchritudinem esteren-
tes, & verbis huius textus alia similia enun-
ciantes. Spōsus ergò ait, quam exæcta es pul-
chritudine, ò sponsa, quod ad interna perti-
net, & quàm es absoluta decore, quod ad ex-
ternas spectat functiones. Profectò pulchri-
tudo, cuius superius meminimus, in arcano
sermone, virtutū notat confessionem, ac cō-
cinnitatē, sicut corporalis pulchritudo par-
tium debita cōstat proportione. Decor verò
exter-

externarum actionum moderationem significat, quæ etiam, cùm ex interna prodit harmonia, est laude dignissima. A pulchritudine igitur ac decoro sponsa commendatur, vt per hoc sponsus innuat, sponsæ non modò animam, in qua lucet interna pulchritudo, verū & corpus, in cuius moderatione cernitur decor, iam seruire iustitiæ. Et quidem bimembbris hæc laus erat per se magna, illam tamen auxit magnoperè, quod appositum est, in delicijs. Porrò cùm Deus animam delicijs mulcet, non multum elucere solet pulchritudo, non decor. Plerunq; enim, qui sponsæ nō attigere perfectionem, dūm internis delicijs permulcentur, ultra rationis metas exiliunt, animoq; efferuntur, plus æquo sibi placentes, ac tribuentes, perfectè quippè se nesciunt moderari atq; metiri, & ipsas delicias perfectionis argumentum esse credunt, longè in hoc à vero aberrantes. At qui veræ virtutis cognitione pollent, non ob delicias internas modum à ratione præscriptum excedunt, nō sibi nimium placent, aut tribuunt, ac perinde nihil turpè, nihil à moderatione alienum admittunt, quo pulchritudo ac decor forte decrescant. Hanc ergò emphasis habent hæc verba, quibus sic sponsus loqui credēsus est. Quām pulchra internè, quām decora externe perseveras, o sponsa charissima, in ipsis,

M m 5 quibus

quibus tibi blandior, delicijs. Nō cas tuo me-
rito tribuis, non tumes, nihil à virtute inter-
na, vel externa moderatione geris alienum,
quemadmodum ij, qui parūm mei capaces, si
quid cœlestē gustarint, temerē euulgant, si-
bi tribuunt, & externis aetibus immodera-
tis ostentant.

Potest etiam deliciarum nomine intelligi
cōtemplatio, quæ miram ingerit animæ vo-
luptatem, in qua mirificè charitas exardescit,
ac proinde crescit pulchritudo, & decor. Et
iuxta hunc sensum, sic sponsus loquitur, Quā
feliciter, o sponsa charissima, tua crescit pul-
chritudo virtutū societate conflata, tuarūq;
aetionum moderatio ex interna prodiens
perfectione, in contēplationis suavitate, qui
est deliciarum paradisus. Hæc est eximia spō
sæ laus, quæ non effertur prosperitate, Deū
sibi indulgentissimum experiens, quemad-
modum nec aduersitate deiecta fuit, cum illū
velut auersum experiebatur. Hanc ergo
animi adepta magnitudinem, sequē-
tem Palmæ similitudi-
nem meritò
audit.

Statura tua assimilata est Palmæ.

Palmæ caudex scaber & asper est, super quem coma in corona figuram se fundit, victoriaeque symbolum exhibet, ramisque reflexis terram despicit. Huic imagini similis ost statuta tua, o sponsa. Vitæ quippe austeritate, ut caudice scabro, consce disti ad coronam, cuius imaginem preferunt Palmæ rami. Et ne tibi nata solùm videaris, peccatores humili repentes, quorum curam geris, ex tua respicis altitudine, te ipsam, ut Palmæ comam ad proximorum lucra curuans.

VIdetur sponsus motibus humanis omnino cieri, cum amoris legi obtēperandū est. Cōcipi quippe debet in hoc loco, sub imagine cuiusdam hominis fœminā exactè pulchram contemplantis, & ex ea cōtemplatione in hæc verba prorumpentis. Statura tua, vel quod Hebræa cum energia dicūt, Ista statuta tua assimilata es Palmæ. Profectò septuaginta Interpretes hunc spōsi affectū significāter expresserunt quodam epiphonemate. Cū enim sponsus sponsæ laudes percēsuisset, summa est vsus acclamatiōne, aiēs. Hæc magnitudo tua. Hic clauditur periodus. Postmodumque noua laus ex Palmæ similitudine affertur, in hæc verba, similis facta es Palmæ, quorum sensus est idem, qui à nostræ editio-

editionis verbis redditur. Statura tua assimilata est palmæ. Sanè, vt hæc similitudo percipiatur, palma nūc cogitatione cōcipiēda est, vt eius imago sponsæ nobis referat staturam. Est igitur palma multiplex, quod autem ad rem attinet, genus hic earum palmarum, quæ sunt proceriores, intelligi debet, vt sponsæ magnitudini celsitudiniq; consentiat. Hæc est autem palmæ structura, vt stipes sit scaber, quasi gradato, cōpactoq; cortice, seque squamatim subeunte, supernè autem effundat se in coronæ circulum coma, palmitibus inter ramos enascentibus. Rami sunt in terram reflexi, nec ob id oneri succumbunt, sed nativa quadam ingenuitate cōtrà pondus nituntur impositum. Hæc est statura sponsæ, nota velut hieroglyphica expressa. Porrò priusquam in coronæ fastigium Palmæ coma recurva significatum, victoriæq; symbolo ascriptum sponsa cōscenderet, & inter reginas una, coronæ insigni redimita, & victoria de hoste potita fuisse, stipitem palmæ scabrum, asperumque subiit, & per eam scabrietem quasi repens, ad coronæ altitudinē, quasi ad palmæ comā, semetipsam erexit. Corporis nimirum domitu, sensuumque recusatu, quasi stipite scabro, mira perniciitate, in perfectionis apicem ascendit, & ea manibus cōtrectata vita asperitas, ad fructum & coronā

Palmæ

Palmæ sponsam prouexit, quæ fuit omnibus egregijs certatoribus, vt patet ex sanctorum rebus gestis, protrita philosophia. In hac autem vitæ austерitate sponsa non succubuit oneri, non est animo deiecta, sed inuicta, & pænis obfirmato pectore, contra pondus nisa est. Iam verò, postquam ad comam Palmæ, ob insignem vitæ perfectionē cōcendit, non sibi se solū natam existimauit, sed Palmæ comam recuruam imitata, ex illa sua celsitudine quasi ramis reflexis, & ad proximorum salutem curandam repandis, terram, in qua iacēt peccatores, respicere videtur. Ad hoc scilicet Palmæ statum adepta est, vt alijs prodeſſe ſtudeat, quæ ſatis creuit. Et propter hoc, postquam ſpōſus dixit, ſtatura tua assimilata eſt Palmæ, attexuit, &

Vbera tua botris.

Duplex amor tuus Palmæ racemis ſimilis eſt, ex quibus vinum confici ſolet. Hunc amorem velut expreſſis vberibus vinum reddentibus fugunt discipuli, qui amore tuo ad amorem incenduntur, & velut eſca igni iuncta ignem ab igne cōcipiunt.

VBera in arcano ſermone, (vt ſæpè dictū eſt) amoris ſunt ſymbola. Sic ſponsæ vbera geminus eſt illius amor, ab uno velut pectore erumpens, amor inquā Dei, ac proximi,

ximi, quo eam nunc aliorum saluti studen-
tē, flagrare oportet. Duplex verò hic amor,
non botris acerbis, quos si quis edat, eius den-
tes obstupecunt, sed maturis, soleque per-
coctis quā simillimus est. Duo quippe amo-
ris actus, qui ab vna voluntate, vnoque cha-
ritatis habitu, tanquam ab vno pectori ex-
tumescunt, iam in sponsa maturos botros imi-
tantur, quos tyronibus porrigit edendo, fœ-
cunda quædam arbor effecta. Ex hoc loco
aliqui suspicati sunt, vites in Palæstina Pal-
mis maritari vinciriique solitas, vt in Italia
vlmis, salicibus, alijsve id genus arboribus al-
ligari solent. Ac proinde vites, postquā creue-
runt, & caudicem Palmæ superarunt, race-
mos inter Palmæ comam, ramosve credunt
spargere, qui per medianam comam se proden-
tes vbera ex procera quadam fœmina, cuius
Palma refert imaginem, extumentia pulchrè
notant. Pulchra sanè imago; at res incerta,
est, quæ, nisi ex alio Scripturæ loco, vel alia
probata constet historia, ex hoc duntaxat
libro, qui totus est symbolicus, firmum argu-
mentum ad id asserendum duci non potest.
Verius multò videtur, botros, de quibus hic
mentio fit, non esse vitium racemos, sed
Palmarum. Ipse enim Palmæ fructus race-
num imitatur, aiente Plinio, Coma om-
nis in cacumine, & pomum est, non inter
folia;

folia, vt in cæteris, sed suis inter ramos palmi-
tibus racemosum, vtraque natura vuæ,
atque pomi. Sic ergo Palma suapte natura
fert dactylos racematum confertos, ex uno
palmite, instar botri, enascentes. Cum Palmam
botrosque simul, tanquam unam inte-
gram ex arbore, fructuque conflatam simili-
tudinem sponsa commemorarit, æquius pro-
fectò erit, botrorū nomine, nō vitis, sed Palmæ
racemos intelligere. Nec obest, arcanam
botri significationē vino, quod ex vitis bo-
tris exprimitur, aptius cōgruere, vino enim
amor apertè signatur. Nō (inquā) obest, quia
ex eisdē Palmæ botris Orientis populos cō-
ficere solitos vina, prodit idem Plinius in eo-
dē capite. Hæc de botris asserta sint. Quoad
sensum verò arcanū, vbera botris similia, hoc
est geminos amoris actus extumentes, &
iam charitate grauidam sponsam indicantes,
recentes iustitiæ fœtus, quos sponsa curat,
exsugunt, cùm se ab illa amantissimè reci-
pi, foueriisque cernūt, & ex hoc amplexu, &
fomento illi incensi, diuinum amorem, sicut
esca ignem attingens, igne sponsæ ardere in-
cipiētes, quasi ex botris expræssum vinū bi-
bunt, & concipiunt. Possunt hæc vbera secū-
da huic sponsæ statui, opportuna interpre-
tatione intelligi scientia, & prudentia, quæ
riuos quosdam fundunt, quos pro captu suo
spon-

sponsæ magisterium adeptæ discipulæ hau-
riunt. Scientiæ lac velut ex altero vbere su-
gunt, vt norint quid eis sit agendum. Pruden-
tiæ lac ex altero trahunt vbere, vt quomodo
sit agendum intelligant. Nec enim sciētia si-
ne prudentia prodesset. Hæc autem vbera
Palmæ racemis similia sunt, ex quibus vinū
exprimitur, farinaq; confici solet, vt apud
Aethiopes, quia videlicet Doctrina sponsæ
scientia prudentiæque constans, parvulis est
potus & esca. Nunc, vt sermonis se prodat
energia, animo informare debemus quandam
sponæ elegantissimam effigiem, qualē Pal-
ma procera dactylorum racemos fundēs ex-
hibet. Sponsus verò concipiendus est, tan-
quam fame incitatus, Palmæ proceritatem
contēplans, & captans, quanam ratione illā
conscendat, & inuento deum alcensu eam
subire decernens. Sic enim ait,

Dixi, ascendam in Palmam, & ap-
prehendam fructus eius.

*Dixi sponsam meā visitabo, quæ palma procera
est, & apprehendam, seu amplectar cor eius totum
molle ac carneum, quasi Dactyllum sine ligno.*

TE sponsam Palmæ statura procerā con-
tēplatus sum. Et fructu dulcissimo vesci
cupiens in te concendere decreui. Porro
tamets

tamen si sponsus , quando cū hominibus agit ,
semper descendat; à sua enim celsitudine , ad
nostram se deiicit humilitatem; nihilominus ,
si viam , quam terit , dum per hominum ter-
renis hærentia corda graditur , contueamur ,
quædam discrimina satis nota cernemus . Cū
enim alia corda sint alijs humiliora , terræve
propinquiora , dum per ea sponsus transit &
alia ex celsa charitate corda visitat , pulchrè
dicitur ascendere . Sic ergo accipiendum est ,
quod ait . Dixi , ascendam in Palmā , ac si hoc
modo loqueretur . Viam humilem cæterorū
hominum protriui , & postquam longa sum
mensus spatia , dixi , sponsam adibo , quæ cum
instar regiæ Palmæ procera sit , ascendendū
mihi est . Cui loquendi phrasī satis fauet alia
versio Græcorum patrum , nā pro eo quod
nostra editio habet [Apprehendam fructus
eius] aiunt illi [Apprehendā altitudines eius]
sed nostram versionem exploremus . Prose-
cto , inquit sponsus , cum Palmæ fructu vesci
cupiam , de conscēsu est mihi cogitandū . Vi-
detur sponsus alludere ad Palmas quasdam in
Oriente proceras , & teretes , quæ densis , gra-
datisq; corticum pollicibus , vt orbibus , faci-
les se ad scandendum homini prebent , mira-
que perniciate per caudicem , quasi per sca-
lam à natura constructam homo arborem su-
bit . Explicatum ergo cum sit , quanam ratio-

N n ne

ne sponsus Palmari conscedat, quorsum cōscendat expendēdum est. Et quidem ipse luculenter ait, se velle Palmam subire, vt apprehendat fructus eius. Porro autem fructus Palmæ, qui est dactylus, meretur laudem, si eius caro spectetur, ex ea enim vinum confici, farinaque friari solet, vnde fructus dumtaxat unus potum præbet ac escam. Verum ex uno capite laudari non debere videtur is fructus, quod lignum carne illatectum, prædulumq; habeat, à quo, postquam quis edit carnem, dentium læsionem, vel certè effractionem pati posset. Minus autem laude dignus est, si fructus expendatur structura. Lignum quippe illud carne obtectum, cordis corpore septi refert imaginem. Ligneum verò cor, & adeò durum habere, vituperatione dignū est, cum tantummodo cor carneū, hoc est molle, ac causæ primæ impressioni recipiendæ aptum in Scriptura probetur. Præstaret sanè, carnem, vt in nuce, latere, ac esse in ligni medio cordis figura concreatam, vt extracto ligneo operculo, corde sponsus carneo vesce retur. Hęc profectò rationi cōsentanea sunt, & nisi dactyli essent nonnulli osse lignovę carēt, fructus Palmæ nō essent adeò pretiosi, non adeò suaves, vt pro illis, scabrum sponsus caudicem cōscendere tentaret. At in Cypro, Syria, & AEGYPTO Palmæ nonnullæ esse

esse feruntur, quæ per aliquot annos, nullum habent in pomo lignum; quas respexit spōsus videtur, cum sponsam Palmæ similitudine laudauit. Enim uero quando sponsus corda recenter conuersorum tractat, carnē quasi externam sibi contrectare videtur, efficaci enim conuersionis motu tantillū emollita sunt, verū si cordis centrū spectemus, quod longo male aetate vitæ obduruit abusu, quasi lignum quoddam dactyli carne contectum inueniemus. Etsi enim propter iustitiam, nō nihil laborent illi, & à se nonnulla, quæ placabant, quæ non adeò intimè cordi erant insculpta, relinquunt; at ea, quæ in cordis sunt centro defixa, vix longo annorum excursu, longaque exercitatione relinquunt. Si tamē eò sua nauitate peruenerint, ut totum omnino cor carneum efficiant, nihilque in eo durum, quod vescentis dentes lœdat, superfit, quod sponsa est assecuta, tunc similes erunt Palmis fructum sine ligno ferentibus, & in eos spōsus fructus amore cōscendet, quemadmodum erga sponsam se facturū pollicetur. Hic perfectionis gradus est excelsus valde, & quædam beatitudinis imago, quando vide licet sponsa cor tam perfectum assecuta est, ut nihil in eo, nisi tenerum, ac molle, & carneum Deus inueniat, ut dicere posse, inueni hominem iuxta cor meum. Et tametsi hæc

cordis perfectio ad alias etiā functiones excep-
tenda sit, ad prædicationē, & aliorum curā
capessendā est omnino necessaria. Cū enim
sponsa diuinis assueta colloquijs, ac solatijs,
vt aliorū saluti prospiciat, ab ea requie opta-
tissima auocatur, eget profectō corde omni-
nō molli, nullamque duritiem patienti, ne in
prouincia Deo renitatur; ne Deus durum
quippiam, cum cor experitur, offendat.

Secunda huius loci interpretatio, ex can-
tici processu deducitur. Cum enim sponsa
sit iam alijs præfecta, quos vt paruulos, hu-
miq[ue] repentes fructu suo vt Palma debeat
alere, sicut illi debent se erigere ad sponsæ do-
ctrinam concipiendam, ipse etiam sponsus di-
citur eleganter seipsum attollere in illis, & in
illis Palmam condescendere, fructusq[ue] collige-
re. Est enim ipse infans dum spiritali concep-
tu formatur in anima; posteaq[ue] nouis chari-
tatis crescit augmentis, ac perinde quibusdā
quasi gradibus Palmam condescendit, dum in
discipularum cordibus latitans, eas ad sponsæ
imitationem incendit. Constructa enim iam
sponsa est in scalæ figuram, ideoq[ue] pingitur
vt Palma, cuius caudex asper est, & gradatus,
ita vt cōscendi in aliquibus regionibus pos-
sit. Per hanc autem scalam discipulæ, sponsæ
imitatione, condescendunt, & fructus, vnde pas-
cuntur, colligunt, ipseq[ue]; sponsus ascendere,
pasciq[ue]

paciq; in illis asseritur, quia eas ascēdere pa-
cīque facit; quemadmodum spiritus Sanctus
prō nobis postulare gemitibus inenarrabili-
bus dicitur, quia ijs gemitibus nos facit po-
stulare. Perpendendum est maximē, spon-
sum animas sponsæ discipulas impellere, vt
illi coniungantur, & per eam subeuntes, illā
fortiter apprehendant, vt eius contactu spiri-
tali Palmarum more concipient, nam & ipsæ
discipulæ, ob iustitiae altitudinem, & robur
inuictum euasere Palmæ, minus tamen in eo
genere perfectæ. Sanè iustis omnibus Palmæ
quadrat similitudo, iustus enim vt Palma flo-
ret; at verò plura sunt Palmarum genera, in
quibus iustitiae discrimina innuuntur, & hæc
quonam pacto sibi cōsentiat, ex Aquilæ ver-
sione nunc explanandum est. Porro Aquila,
pro eo, quod nos habemus [Apprehendam
fructus eius] vertit, [Apprehendā elatas eius.
Sunt autem elatae mariū Palmarum fructus,
qui fœminis Palmis impositi, & firmos, &
maturos earum fructus efficiunt. Spōsus igi-
tur optans prolem numerosam per sponsam
iam prouectam suscipere, cernēs eam vt Pal-
mam verè masculam, virili sanè mente præ-
ditam, impellit animas parū prouectas, Pal-
mis quidem, sed fœminis Palmis similes, vt
Palmam marem condescendant, & quasi caudi-
ce cōscenso fructus amplectantur, qui spiri-

tali velut vtero impositi, fructus illarū visus perficiant. Iuxta versionem hanc satis arcanam, sponsus prodit, se spiritalem generationem expetere, quodam quasi castissimo spōfæ masculum animum adeptæ, discipularumque congressu, Palmarū, in quibus est vterq; sexus, coniunctione signato. Quod satis declarat verbis proxime adiunctis, aiens.

Et erunt vbera tua sicut botri
vineæ.

Erit geminus amor tuus, vel etiam scientia, & prudentia tua erga filios spiritales, quos ijs velut vberibus lactas, sicut duplex amor meus, scientiaq; & prudentia mea, quibus ego filios meos ut vberibus nutrio.

MAnifestè hic spōsus de spirituali genera-
tione agit, & nutritione. Sæpè nimirū pollicitus est sub corporatis rerum imaginib;
fœtum multiplicem; huic verò fœtui fi-
guratè nunc pollicetur alimoniam. In hunc
autem modum cum agere concipiendum est.
Postquam tibi, o sponsa, liberos me daturum
promisi, dixi, me susceplos ex te liberos im-
pulsurum ad Palmæ consensem, ut quos per
te genero, per te pariter alam. Et sic fies mihi
quam sumillima. Sicut enim ego me gero
erga

erga meos, ità tu erga tuos liberos te geres. Hanc similitudinem sub horum verborū cortice sponsus sponsæ promittit, vt nempe illi futura sit similis in filiorum educatione. Quod vt percipiatur, statuendum est, vineā, hoc loco, pro vite ponī, vt patet ex Hebreico, vbi botri vitis pro vineæ botris leguntur, nec sanè in sensu villa est differentia, quoniam botri non ob aliam rationem sunt botri vineæ, nisi quia sunt vitis botri. Nūc verò vulgatum est illud, quod de se spōsus enunciauit. Ego sum vitis. Cum autem sponsus se vitem esse testatur, non vitem infœcundam, arenarumve intelligit, sed fructuofam, & botris matutis onustam. Hi verò botri vitis, sunt illa vbera, quibus sponsus huius epithalamij initio præditus apparuit, quæ sunt amor sponsi geminus, vel in alio sensu, scientia, prudētiaq; illius, quibus lactentes tyrones imbuere solent. Tantudem ergo significant botri vineæ, seu vitis, ac vbera Iesu Christi. Ex quo via pāditur, ad similitudinis huius vim percipendam. Cum enim sponsus ait, Erunt vbera tua, ò sponsa, sicut botri vineæ, idem agit, ac si diceret, Erunt vbera tua ad liberos spiritales alendos, sicut vbera mea, quibus ego illos indulgentissimè alo. Quemadmodū enim ego amore gemino quasi geminovbere foueo, delecto, & voluptate instillata permulceo re-

cetes in charitate foetus, ita tu gemino amo-
ris vnius actu, quasi duplici vnius pectoris
vbere, dum me in illis, & eos propter me amas,
filios spiritales fouebis, delectabis, & lacte in-
stillato enutries. Et sicut ego veræ sapientiæ
ignaros ad me accedentes, scientia rerū mea-
rum, & prudentia imbuo; ita tu scientiæ ac
prudetiæ istius accessibus prouesta & præg-
nans, duplici velut ex vbere lac teneris filio-
lis instillabis; & illi, dum hæc tua vbera su-
gent, vbera profectò mea, ob similitudinem
disciplinæ, sibi exsugere videbuntur. Expe-
rientur nimirum in semetipsis affectus eos-
dem, ab eodem lacte, quod vino melius est,
promanantes. Huius similitudinis vis in Pau-
lo, cui sponsa satis similis iam euasit, & in cæ-
teris Apostolis perfecta fuit. Illorum enim
arcana vbera, tam erant Iesu Christi vberi-
bus similia, ut merito quisquis ea sugebat,
vbera se sponsi exsugere, arbitrari posset.

Et ad eandem similitudinem spe-
stant hæc verba sub-
texta.

Et

Et odor oris tui sicut malorum.

Erit odor oris tui, cùm sapientiam loqueris, sicut odor meus. Similis enim sapientia effecta es mihi, qui sum malus inter ligna syluarum, & sum pomum pulchrum visu, & ad vescendum suave.

P rofectò halitus odoratus totius corporis pulchritudinem maximè commèdat, sicut è cōtrario oris fœtor etiā pulchra corpora nos facit horrere. Halitus verò bene olens, ex bona partium corporis cōstitutione, humorumq; debita permistione procedit. Sic odor spiritalis ex interna partium animæ consensione, virtutumq; debita connexione promanat, & internam pulchritudinē magnoperè commendat. Odor autē oris non percipitur inspiratione, sed expiratione, & halitus emissione; & ità odor spiritalis, quo anima Christum olet, minimè hauritur ab alijs, cum intra priuatos quasi parietes, charitas, & scientia iustorum contegitur; quando sibi dumtaxat viuunt, charismata sibi coelitus collata velut inspirantes, & intrà cellarium condentes; sed cum halitum effundunt, & hiant, oreque ad prædicationem aperto sponsi dogmata inuulgant, tunc eis congruit ista eximia laus, vt oris eorū odor sit sicut odor malorum. Constat enim ex superioribus, spō

sum appellatū fuisse malū inter ligna syluarum, & mali cum illo similitudo expensa tūc fuit. Malorū igitur nomine, plurali pro singulari accepto, ob rationem sāpē allatā, sponsus exprimitur. Ex quo plane conficitur, ut sponsæ doctrina ex eo potissimum commendetur, quod sposo similis sit, & illum exinde oleat. Sic ergo spōsus ait, Doctrina tua odo-
rata ex ore tuo procedens, o sponsa, est sicut doctrina mea, procedens à me, qui sum ma-
lus inter ligna syluarum, & sum pomum vi-
su pulchrum, & ad vescendum suaue. Hic an-
notare oportet, parūm interesse, malorū no-
mine arbores poma ferentes, vel poma ipsa
signari, tam enim arbore, quam eius fructu
sponsus apertissimè significatur. Et hæc pri-
ma est huius loci explanatio,

Secunda promittur ex Hebræo, & septua-
ginta Interpretum versione, vbi sic legi-
tur. Et odor naris tuæ sicut mala. Enim uero
parum apta videtur hæc trāslatio, si eius spe-
ctetur cortex. Nares enim natura finxisse
videtur, non ad fundendum, sed ad trahendū
odorem. Non solūm autem odorē, sed & fœ-
torem trahunt, in quo laus nulla valet inesse.
Verūm in arcano sermone, internæ nares
etiam odorem exhalant, & suaueolentia cō-
mendabiles sunt, quod ex corporeis naribus
leui saltē possumus conjectari vestigio. Pro-
fectò,

fectò, cùm verba nō facimus vel alia ex causa
habemus commissa labia, naribus flatum ins-
piramus, ac fundimus, & in hoc præter alias
functiones, satis naturæ seruiunt, quod ex se
notissimum est. Iam autem, si halitus, qui ore
fundendus esset, naribus interdum effundi-
tur, odorem nares reddat, si flatus benè olet,
necessè est. Quapropter, nec ab re loquitur
spōsus de naris odore, etiā si ex corporeis na-
ribus translatio ad internas fiat. Sēnsus autē ex
allata naoris benè olentis similitudine in hunc
modum educitur. Contingit sāpē, animam
sapientia diuitem, qualem hic sponsam pin-
xit Spiritus sanctus, à prædicatione, cui de-
stinata est, prudenter interquiescere, & quasi
labia committere; tunc vero, coniunctis la-
bijs, non feriatur ab opere, non cessat odorē
suauem spirare, nam quasi per nares flatum
odoratum emitit, cum à concione desistens,
spiritum discretionis exercet, quem nares,
apertè significant, vt suprà explanatum est,
cum nasi elegantiā describeremus. Est enim
non minus propria sponsæ alijs prælatæ fun-
ctio spiritu discretionis subditorum mores
affectuisq; discernere, quam eos concionibus
erudire. Hoc autem ore velut aperto dicitur
anima præstare, odoremq; tunc sponsi odori
persimilem fundere: illud verò tanquam la-
bijs consutis, naribus patentibus afferitur ef-
fice-

ficere , similemque pariter odorem Christi
spirare , ut merito laudanda sit non minus à
naris,quam ab oris odore . His sponsa donis
ac promissis gratissima,quam referre nequit,
gratiam se habere commonstrat,his verbis.

S P O N S A.

Guttur tuū sicut vinum optimū,
dignum Dilecto meo ad potan-
dum,labijsq; & dentibus
illius ad rumi-
nandum.

*Spiritus tuus,ò sponse , efflat doctrinam in me
existens odoratam , sicut vinum optimum . Quæ
quidem doctrina vino nota est digna te Dilecto
meo,vt eam bibas , labijs tuis , vt eam custodias,
dentibus tuis,vt eam rumines, has in me functio-
nes exercens.*

Commēdauit spōsus oris spōsæ suaueo-
lentiam . Quam cum sponsa non ex se,
verū ab illo norit emanasse , acceptā illi eā
fert,ac si dicat in hunc modum ; Quid mirum
est,si meus halitus benè olet, cū guttur , quo
funditur , tuum sit ? Nemo est , quem lateat,
guttur tuo reddi halitum,more vini genero
tisimi,fragrantem . Sanē vulgata metonymia
guttur

guttur pro halitu accipitur , & inde guttur
tuue vt vinum appellatur , quia halitus vinū
fragrans olet. Halitus autem sponsi Spiritus
sanctus est, quia ab eo more halitus spiratur.
Ex quo efficitur, vt sub gutturis figura spiri-
tus sponsi intelligendus sit , qui sanè vt vinū
optimum animas afficit, exhilarat, inebriat,
vt patuit die Pentecostes, cū chorū Aposto-
licum afflauit. Cupiens igitur sponsa suæ do-
ctrinæ laudē sponsio tribuere , ait. Ideò odor
oris mei, doctrinaque mea ob odorem bonū
laude digna est, quia guttur tuum, hoc est, spi-
ritus tuus, qui eam spirat, benè in me olet , vt
vinum optimū, quod ego ex te, sponsore, hau-
si. Rectè philosophatur sponsa, dum gutturi,
hoc est, spiritui sponsi suam tribuit sapien-
tiā, non enim est illa, quæ loquitur, sed spi-
ritus sponsi ac Patris æterni sui . Quod satis
scriptura declarauit, cùm dixit, eos , qui olim
cum Stephano disputabant, non potuisse re-
sistere sapientiæ, & spiritui , qui loquebatur,
quasi disertè dixisset, Stephano sanè resistere
valuissent, si loquutus fuisset ille, at quia non
ille, sed Spiritus sanctus, qui erat eius guttur,
in illo loquebatur, ideo ei obsistere nequiue-
runt . Iuxta hunc ergo sensum , guttur , hoc
est, spiritus sponsi , qui in sponia loquitur,
spirat bene olentem doctrinā, vt vinū opti-
mū, & profecto vt spōsa dicit, dignū Dilecto

meo

meo ad potandum . Tam enim sermo ex
charitate, ac obedientia promptus, quam ca-
tera quævis bona opera Deo digna sunt, quia
ab Spiritu sancto ducunt originem : quam-
obrem dicitur sponsus ea libenter acceptare,
ac bibere, seu potare . Sed ut labia prætere-
mus quibus dignum vinum appellatur , quæ
pro ore ponuntur, & ad doctrinam custodiē-
dā, & coniunctione, dum meditamur, claudē-
dā afferuntur (quod mirum dictu est) vinum
hoc sponsi dentibus dignum asseritur ad ru-
minandum, tanquam mutuò dentium allisu
conterendum sit, quod sanè à natura vini alie-
nissimū est. Hoc quippe si ex natura vini mu-
tuari velimus, est omnino ineptū. Vbi enim
terrarū prouenit vinum adeò natura crassum
& solidum, quod sit dentibus atterendū? Qua
propter ad rem vino significatam, sponsi nē-
pe sermonem seu doctrinam transeundū est.
Etenim sicut ruminare pabulum dicuntur
animalia , cum postquam illud traicerunt
in rumen , qui est quidam ventriculus, reuoc-
cant ad os, ibique illud exterunt . Sic doctri-
nam sponsi ruminare, dentibusq; atterere, ni-
hil est aliud, quam semel cōceptam sponsi sa-
pientiam, quam populus nequit integro sen-
su capere, ex ventriculo quasi ad os reuocare,
& illā cōcerpere , & quasi dentibus cōminue-
re, quod est, eā tanquā in portiūculas partiri,

den-

dentibus meditationis. Enim uero meditatio, cuius est laboriosè discurrere, ac ratiocinari, dentibus allisu mutuo escas comminuetibus apte notatur. Hanc igitur doctrinā ruminare dentibusq; atterere debet sponsa, vt quod illa grādis effecta, excelsa iam mēte cōcepit, proterat, & velut in buccellas diuisum pro captu paruulorum, expendat. Labia verò sponsi, ac dentes, eodem sensu, quo guttus intelligere oportet, vt omnia formandæ vocis instrumēta sponso, huius doctrinæ vino notatae autho ritribuantur, & odor doctrinæ sponsæ illi, cuius est spiritale guttus, labia, & dentes, referatur acceptus, licet enim hæc spiritualia labia dentesq; sponsæ sint, sponsi illa esse ait, quia illius ea munere accepit. Sic igitur spōsa loqui credēda est. Spiritus tuus in me existēs (o sponse) efflat doctrinam odoratam, exhilarantem, roborantē vt vinum optimū. Et hæc doctrina vino notata est digna te Dilecto meo, vt eam bibas, labijs meis internis, quæ scientiam custodiunt, & tuadicuntur, quia à te carent, dētibus meis, qui tui appellantur, eo quod meditationem illis notatam tu excitas, & foues. Hæc est prima interpretatio.

Secunda, non introducit sponsam loquenter, sed sponsum guttur sponsæ arcane laudat, & sponsam ex illius ore verba quasi rapient, hoc modo, sponsus ait, [Guttur tuum,
sponsa,

sponsa, sicut vinum optimum] & sponsa intra eandem periodum addit, [Dignum Dilecto meo ad potandum, labijsq; & dentibus illius ad ruminandum] ac si diceret, sermo meus ad aliorum eruditionem promptus, gutture, unde prodit, notatus, vinoq; fragranti ob bonum odorem similis, quia ex te dicit originem, est dignus Dilecto meo, labijs, ac dentibus eius, vt ruminet illum, hoc est, vt tanquam sapore illius captus in ore gerat illum, nec deglutiat; sicut qui, ecligmata, bellariaq; ore volutant, nec ea glutiunt, vt diutius per os volutata liquefcant, & saporem diutiusingerant. Alloquitur autem sponsum, tametsi tertia vtatur persona, qui certè loquendi modus etiam vulgo notissimus est. Inest autem mira in ijs verbis energia, qua, per periphrasim sponsa innuit, sponsum adeò illius sermone delectari, vt fiat similis ijs, qui saccharum, aliumve cibum quam suauissimum oritur, ore toto circumagunt, ne si euestigio deglutiunt, eximus ille dulcor gustum cesseret afficere; hoc enim sibi volunt illa verba, [Labijsq; & dentibus illius ad ruminadū.

Tertia verò interpretatio, ex alia iuxta Hebraicum textum translatione deducitur. Sanè ex Hebræo, pro ijs nostræ editionis verbis, quæ proxime exposuimus, sic legūt aliqui [Et palatum tuum, sicut vinū optimū, vadens

vadens ad dilectum meum, ad rectitudines, faciens loqui labia dormientium.] Porro palatum, sicut reliquæ oris partes ad vocem formandam comparatæ, doctrinæ ijs vocibus constantis signum est. Hæc igitur doctrina dicitur esse sicut vinum optimum, quia exhilaret, roborat, fragrat odore Christi. Hæc pulchrè dicitur vadere ad Dilectum, ad rectitudines, vel, vt Septuaginta Interpretes aiunt in singulari, ad rectitudinem, quia ad amissim diuinæ legi respondet. Est quippe metaphora ab architectura deducta, in qua ædificium optimè constructum, & laude dignum docet architectum, cum vadit ad rectitudinem, hoc est, cū ad lineam amissimve dirigitur; Et in hunc modum, more sapientis architecti, sponsa doctrinam suam ad rectitudinem, seu lineam, qui est sponsus legislator, emititur. Tantum abest, vt obliquū quid prauo degmatis, quod non sit ad lineam expensum, ædificet. Quod verò adiungitur, [Faciens loqui labia dormientium] mirum dictu videtur, & ab ædificij rectitudine, cui vigilanter incumbere opus est, satis alienum. Verùm hoc ad doctrinæ pertinet efficacitatem, quæ, quia vino optimo per similis est, ebriorum linguas facit esse differatas. Sed quia dictum est, labia dormientium loqui, ea vt labia explicata cernamus, ebrietatem corporis ab ea, quæ menti ex doctrinæ

na solet euenire, disparemus oportet. Cum
 quis ebrius est, somno statim arctatur, sensuū
 functionibus interceptis, & tunc somno se-
 pultus rationis vsu priuatus iacet. Ne quis
 ergo suspicaretur, vinum hoc spiritale som-
 num inducere, quo mentis acies hebetetur, &
 linguae vsura deliquium patiatur, dictum est,
 Faciens loqui labia dormientium. Dormiunt
 sanè discipulæ sponsæ, cum doctrinæ illius
 vino potantur, nam rebus fluxis, & peritu-
 ris, moriuntur somno quodam, qui est mortis
 imago, quem efficit noua, quam degustauere,
 doctrina. At somnus hic, tantum abest, vt os,
 obstruat, linguamve liget, vt potius linguae
 vincula ad diuinæ laudes exemplò relaxet,
 ac propterea facit loqui labia dormientium.
 Habet ergo vini similitudinem quæ naturæ
 seruit, quæ verò nocet, minimè. Sicut in ver-
 bis paulò ante enarratis ostenditur, [V]inum
 optimum vadens ad Dilectum, ad rectitudi-
 nem, seu lineam.] Etsi enim doctrina, vini bo-
 nitate notetur, cum spiritalem ebrietatem in-
 inducit, in eo tamen, quod vinum efficit, dum
 temulentos rectâ incedere nō sinit, vino sig-
 nificari nequit; immo dirigit iustorum gres-
 sus ad Deum, ac propterea dicitur, [V]adens
 ad Dilectum ad rectitudinem. Nunc autem
 quod ad personæ loquentis distinctionē spe-
 ctat, in hac tertia enarratione, sponsus cœpit
 loqui,

loqui aiens, [Palatū tuū sicut vinū optimū,]
 & sponsa periodum absolvit sic aiens, [Va-
 dens ad Dilectum meum ad rectitudines, fa-
 ciens loqui labia dormientium.] Hic nimi-
 rum verborum raptus lepidissimus est, & hic
 maximè concinnus, ut postquam spōsus do-
 cētrinam sponsæ sub palati figura, & vini simi-
 litudine laudavit; illa totū id sponso tribuēs,
 & ad illius gloriam dirigens, attexat verbare
 lata, quibus fatetur, totum illud, quod lauda-
 tum est, ad ipsum spōsum vadere, hoc est, sua
 directione redire.

Cernens iam sponsa se vndiq; armis septā,
 & ad prædicationis legationem obeundā be-
 né munitam, iam operi manū admouere ador-
 nat, seque ipsam labori subeundo libenter
 vouet, aiens.

Ego Dilecto meo, & ad me
 conuersio eius.

Ego obaudiam sponsō meo, precor ut cor suum
 semper ad me conuersum habeat, ne, dum alijs præ-
 dico, ipsa reproba efficiar.

MUltifariam hæc verba possunt expo-
 ni. Primò quidē, ut sit quædam sui ip-
 sius ad laborem oblatio, dum sponsa inquit,
 [Ego Dilecto meo] quasi dicat, Ego sponsō
 O o 2 meo

meo in alijs iuuandis obtemperabo . Et id quod mox attexuit [& ad me cōuersio eius] sit optantis oratio, quasi dicat, Et precor , vt oculos suos, & cor semper, dum ego alijs vaco, ad me conuertat, ne mihi contingat quod alijs infeliciter solet euenire , qui , dum alijs prædicant, ipsi reprobi fiunt . Multis enim prælatio, ansa ruinæ fuit.

Secundò verba illa intelligi possunt, in formam consequutionis annexa, ità vt scholasti co more sponsa præfigat assumptum, seu antecedens, dum ait, Ego Dilecto meo, & confessim inferat, &, idest, ergo, ad me conuersio eius. Est enim infallibilis inter illa duo connexio, vt si anima se totam Deo ex singulari præuenientis gratiæ dono deuoueat , aiens, Ego Dilecto meo, Deus ipse ad illam conuertatur, sicut scriptū est , Conuertimini ad me, & ego conuertar ad vos , quod non sine emphasi, & infallibili nexu intelligendum est, sicut à contrario , cum anima ab illo auertitur, ipse eam deserit, vt mira sit in auersione, ac conuersione proportio . Huic interpretationi fauet paraphrasis Chaldaica , quaे Hierusalem sic introducit in hoc versu loquenter. In omni tempore , quo ego ambulo in via Dominatoris sæculi, habitare facit Maiestatem suam in medio mei , & ad me est desiderium eius; & in tempore , quo ego declino

à vijs eius, aufert Maiestatem suam à me , & trāsfert me inter populos. Et sensus hic quādam continet tacitam Dei pollicitationem, qua se non defuturum sponsæ notat , quamdiu illa Dilecto suo obtemperarit , & fidelis in legatione permanserit.

Tertiò verba illa interpretari possumus iuxta aliam ex Hebræo versionem , quæ sic ait: Ego dilecti mei , & super me desiderium eius.] Qua sanè forma sermonis sponsus pingitur sicut aquila , prouocans ad volandum pullos , & super eos volitans , velut ex Hebræo vertitur, motitans se, quod est apertum desiderij signum . Porrò sponsa anteacto tempore cōtemplationis requie , & diuina suauitate fruens, tanquam in nido cubabat, vbi illum sponsus fouebat, & calebat; verum vbi volare opus est , pennasque seu alas , quæ iam creuerunt, exercere, è nido ducitur , & sponsus, aquilæ ingenio significatus, super illā volitat, & quasi alas in eius protectionem expādit, hoc enim sibi volunt illa verba: [Et super me desideriū eius.] Sic igitur spōsa loqui credenda est. Ego Dilecti mei, quasi addat , filia sum, & ille afflabit me, & super me volabit, seu mouebit se, acuens , & erudiens me , vt tutò prædicationis legatione perfungar. Profectò sermo hic plenus est energiæ, & amoris in spōsam ostensione . Solet nimirum mater plures

enixa filias, aliquam ex ijs, vtpote prudenter, ac pulchriorē, singulari amore prosequi, & ex amoris ac desiderij magnitudine nunquam ab illa oculos auertere, sed creberrime, & audiissimè illā spectare, cuius tunc desiderium super filiam significanter satis dicitur esse, & simili in sponsam affectus amore sponsus concipiēdus est, vt verborum sensus penitus hauriatur. His iam sponsa & armorum, & custodiæ fulta præsidijs clavo manum admouet, & sponsum secum ire precatur, in hunc modū.

Veni Dilecte mi, egrediamur
in agrum.

I præ, spōse, & eamus ad gentem incultam
& agrestem tuæ vrbis expertem, vt doceamus
vrbanitatem, & eam in ciuitatem tuam tradu-
camus, vt libertatis filiorum Dei gaudeat præ-
rogatiua.

I Am sponsa ad prælationis fuit euecta fasti-
gium, quemadmodum ex superioribus pa-
tuit, vbi, cū tres illi animarum chori in sexti
capitis calce, à Salomone in scenam introdu-
cti, illā, vt ad se reuerteretur gregis facta for-
ma precarentur, sponsus eam laudauit, aperte
declarans, nihil illi decessse, quod ad præfectu-
ram

ram optari debeat , quod ex toto istius capi-
tis claret excursu. Sponsa verò hucusq; parcè
egit , non enim facile tantum opus audebat
adoriri. Nunc autē præsentissimi sponsi ope-
roborata, & proximorum commiseratione
permota, quia votum hoc sponso eximie pla-
cere putat, non hæsitat , sed audacter spōsum
vrget, aiēs, Veni Dilecte mi. Enim uero sicut
temeritas est ingens, præfecturam sine meri-
tis affectare , & illam ex Dei manibus velut
extorquere , ita est magna pusillanimitas, &
infidelitas illam, Deo afflante ac vrgēte, de-
trectare. Rectè autem à Deo auspicatur, quod
inter Ethnicorum etiam oracula habebatur.
Vnde quidam ex illis cecinit.

A Ione principium.

Vocat autem sponsum ad agrum, quasi rei
rusticæ peritissimum. Agri verò nomē sensu
non caret arcano. Quem vt exploremus, sic
habendum est, animas ad aliorum curam ca-
pessendam diuinitus incitatas, illud priùs co-
gitare, quomodo videlicet alios diuinæ gra-
tiæ, & charitatis exortes, lucrari queant, quā
quopacto iustos incipiētes possint ad ulteri-
riora promouere , magis enim illorum vrget
commiseratio. Ex hoc effectum est, vt spōsa
ad agrum , de quo primum cogitare coepit,
sponsum inuitarit. Sanè inter agrum & vrbe
versatur insigne discrimen . In vrbe enim est

ciuum conuictus, est morū expolitio, & vrbanitas; ac proinde vrbis nomine arcanè notantur illi, qui charitatis conuictu sociantur, quorum mores spirituali sunt vrbaniitate leniti, omni agresti ac ferino ritu deposito, ex quibus fit ciuitas Hierusalem, quæ nunc vere Deo militat, postmodum regnatura, insigni nunc comitatis, & vrbaniatis gymnasio celeberrima. Agri verò nomine, incultæ & velut spinis horrentes peccatorū animæ significantur, quæ iustorum comitatem, & vrbanitatem minimè didicerunt. Quibus totū id, quod agreste, & incultum est, peccati contagione contractum, debet excidi, ut ad iustitiam perfectam traducatur. Hoc autem facinus egregium est, Deique brachio dignum, ac propterea nō sola illud aggredi audet, nec qualemcumque sponsi præsentiam, sed singularem optat, qualem poscebat Moses aiens. Si non tu ipse præcedas, ne educas nos de loco isto. Dicit igitur sponsa. Veni spōse, præime, & prodeamus ad animas agrestes, & incultas excolendas, & vrbaniate donandas, efficiamus illas tui consortes, ac tuæ vrbis ciues, ut gaudeat prærogativa libertatis. Profectò si quis hominem in agro spinetis horrido versantem rituque ferino viuētem, ad vrbis opulentissimæ ac nobilissimæ, putà Romæ politiam quam olim tanti fecerūt antiqui,

vt magna vi pecuniarū eam emerent (vt Act. 22. Tribunus Paulo dixit) ex amore trans-
ferret, vt ciuitatis illius exemptionibus frue-
rebet, insigniter illū nobilitaret . Ad hoc er-
gō opus sponsa sponsum hortatur, vt nempe
agrestes homines ciuitatis exortes, ad vrbeā
non Romanam, sed Hierosolymitanā, in qua
est libertas filiorum Dei, sua charitate tradu-
cant, vt sanguinis ipsius Christi nobilitate
fruantur. At sanē opus hoc non perfundorie
exercendum, sed sedulō ac diu curandum est.
Non enim hortatu vno, aut altero , non vul-
gari nauitate, sed repetitis concionibus, & se-
dulitate diurna homines rerum diuinarum
ignari erudiendi sunt, & ex sua feritate cicu-
xes efficiendi. Propterea sponsa subdit.

Commoremur in villis.

*Moremur inter peccatores , vt diurno com-
mercio illorum benevolentiam captemus, & sic eos
adiustitiae habitationem transferamus.*

Villa proximam agro significationē ha-
bent, sunt enim domus rusticæ, quas in-
habitant coloni , qui etiam vrbis coniunctu-
carent. Et quidem villarum significatio arca-
nē spectata peius quiddam præ se ferre vide-
tur. Nam qui errat in agro , nec ibi domum

exstruxit, ipsa necessitate compulsus vrbis
habitationē repetit. At verò, cui adeò agres-
tis conditio placuit, vt in ea decreuerit habi-
tare, domo ad id comparata, nihil de ciuitate,
& vrbanitate cogitare videtur, ac proinde
minus huius, quā illius correctio sperari de-
bet. Qui autem huiusmodi animas, ad iusti-
tiæ curat vrbanitatem transferre, commer-
cium debet cum ijs inire, & inter eas com-
morari, vt in eo commercio, & habitatione
illarum capiat voluntates, & studio diutur-
niore eas ad beneficiendum permulceat.
Hunc modum feras animas venandi, ac ci-
curandi seruarunt viri multi, Apostolorum
imitatores, qui postquā satiis charitate creue-
runt, ad proximorum salutē legati, in Ethni-
corum regna penetrarunt, vbi mira dexteriti-
tate illorum gratiam inierunt, ad illorū stu-
dia, & mores honestos se suamq; vitam effin-
gentes, vt postquam inter eos commorati
fuisserent, & eos sua dexteritate ad amorē fle-
xissent, veram religionē persuaderent, quod
illis fœliciter cessit. Hi profectò quamdiū
inter homines veræ religionis expertes age-
bant, verè in villis commorabantur: & idem,
proportione seruata, de viris apostolicis, qui
inter peccatores versantur, illorum feritatem
tolerantes, donec illos opportunè conuer-
tant, intelligendum est. Ad hoc igitur studiū
salutis

salutis constans sponsa se comparat , aiens,
 [Cōmoremur in villis , acsi planius diceret;
 Ne siam inconstans , & ab incepto resiliam,
 dum aliorum incumbo saluti, inter eos com-
 morari tecum (ò sponse) constituo. Nunc au-
 tem , quasi quæ in agro habitationem villa
 ad captandam prædicationis opportunitatē
 selegerit, ait.

Manè surgamus ad vineas.

*Cum prima lux gratiæ animabus tibi vt viti
 insitis oboritur, festinemus ad illas excolendas.*

HIc, vt sermonis concinnitatem perspi-
 ciamus, aduertendū est , spōsam animas
 agrestes in sponsi ciuitatem transferre sata-
 gentem, appositè satis vinearum mentionem
 annexuisse . Nam vbi princeps ciuitatis est
 vitis , necesse videtur , vt ciuitas ipsa vinea-
 sit , ex ea quasi vite propagata . Distinctive-
 rō animarum cœtus vineæ plures appellan-
 tur. Prima autem in ciuitatem sponsi introdu-
 ctio insitione fit , vt qui exulabāt ab vrbe , in
 principem vrbis , hoc est , sponsum vitem in-
 ferantur , vt fructū possint legis afferre , quē-
 admodum de oleastro in bonam oliuam in-
 ferto scriptum est . Ad has ergo vineas , ex
 insitione in illā vitem porrectas , sponsa ma-
 nè

ne surgere optat, colonorum more, qui summo manè ad rei rusticæ operam excitantur. Manè vero in arcano sermone primū iustitiae notat exortum, primam nouæ gratiæ lucē animæ, quæ iacebat in vmbra mortis, obortam. Hæc autem prima spiritualis diei pars ad vineas pertinere putanda est, ad vineas inquā nuper fatas. Quamobrem sic cogitandum est sponsam loqui. Geramus curam (ò sponse) nouorum iustitiæ foetuum, quos è villis ad urbē vitis insitione traducimus. Agamus, ut agricolæ culturæ seduli, qui primo ac summo manè, præ cordis sollicitudine iam meridiem arbitrati expergefiunt, & lecto ad instrumenta rustica exiliunt, ne vel leuem temporis iacturam patientur. Sic ergo nos cum lætissimum illud diuinæ gratiæ manè animabus incipit apparere, quæ tibi ut viti sunt insitæ, & in vineas propagatæ, surgamus solliciti ad illas colendas, & ne momenti quidem temporis iacturam faciamus. Si verò quæramus, cur tam sedulò sponsum ad festinandum hortetur, causam nunc retegit aiens.

Videa-

Videamus si floruit vinea.

Consideremus an vinea noua de te propagata (d
sponte) flores quasi primos charitatis , ac iustitiae
prompserit. Hos enim ne pruina decoquantur tēta-
tionis, curare præsertim opus est.

S Atis apertè de noua sermonem iustitia
contexit . Porrò in superioribus iusti-
tiae ac charitatis processum , appensa vineæ
similitudine , trutinauimus . Conspicimus
quippe in vinearum fructu, suas velut ætatis
periodos, quales in hominis constat esse vi-
ta. Tā autē vineæ, quam humanæ vitæ pro-
cursus , diuinæ charitatis, ac iustitiae proce-
sum signat, in quo aliquos infantes , pueros
alios, ætate demum alios prouectiore, matu-
rioreq; cernimus, iuxta spiritualia lucra, quæ
illi conquerunt. Nunc verò cum in vite ordo
sit gemmas emittendi, quæ promunt flores,
omphacium, vuas, de floribus , tanquam de
primo charitatis processu, sermo fit . Quòd
clarius liquet , si versione alia ex Hebræo,
quæ ait: Videamus an gemmuerit vitis, vt-
mar. Enimuerò noua charitas in prima æta-
tis suæ periodo versatur, cum gemmas emit-
tit, quibus primi actus ab illa ceu vite erum-
pentes notantur . Crescit autem ylteriores
actus ciliens, donec ex gemmis ad vuas ma-
turas

turas prouecta iam velut ætate perueniat. Inuitat ergo sponsa sponsum, vt recenter cōuersorū primos fructus iustitiæ obseruet; in eorum quippe custodiam vigilantius, quā in adultorum tutelam incumbendum est, ne quæ illos tentatio ad vitam reuocet antea-ctam; sic quippè diligentius vitium gemmæ à frigore pruinaque feraudæ sunt, cum ci-tissimè aduerso tempore decoquantur, quam si in vuas concreuissent. Et hæc prima fit in-terpretatio.

Secunda ex versione iuxta Hebraicū tex-tum allata eruitur. Videamus an gemmuerit, seu gemmas emiserit vitis. Profecto sponsus de semetipso sic effatus est. Ego sum vitis. Si-cut autem vitis, gemmas, vuæ initia, flores, omphacium, vuasq; maturas promit, sic spon-sus, eas animas, quas sibi inseuit, vt palmites illius vitis fiant, ita afficit, vt iustitiæ gradibus distinctis, per eas germinet, non enim duo sunt germina diuerta, quæ à vite ac pal-mite prodeunt. Sed vnum dumtaxat à vite per insitum palmitem enascēs, ac ita vnuis est iustitiæ fructus à Christo, & anima Christi ceu vitis virtute prognatus. At quia plura sunt iustitiæ discrimina, fit, vt arcana hæc vi-tis, per quosdā animarum palmites edat gē-mas, per alios, flores, per alios, vuas, iuxta vniuersciusq; mensuram. Modò verò qui ad tyro-

tyronibus agitur, sponsa sic ait. Videamus autem vitis gēmuerit, hoc est, an tu (o sponsa,) per animas tibi ut viti nuper insitas primos iustitiae partus emiseris. Explanatio hæc secunda, primæ finitima est, & ad eā penitus intelligendam conducit. Nunc verò quia sponsa cupit ardentiissimè plures iustitiae partus habere, nec enim prius, si mox deficerent, illi omnino placarent, sic loquitur.

Si flores fructus parturiunt.

Videamus, si animæ post primos aëtus suaves, floribus notatos, edunt alios cum pressura, & labore, qui sint fructus, seu partus cum sensu doloris editi, Deo quam gratissimi.

Liquitur sponsa de charitatis ac iustitiae processu, nam, post flores, fructus illis succedentes attexuit: & hoc clarius constat, si aliam ex Hebræo versionem expédamus, quæ de gemmis, floribus, & fructibus, hoc est, vuis, ordine ac serie obseruata in vitibus, agit. Cum enim præmisisset sponsa, Videamus an gēmuerit vitis, addidit, aperuerit se vua parua. Obseruatum quippe in vitibus est in nodis seu geniculis gemmas erumpere. Ex his verò gemmis paruum quoddam germen in summi asparagi effigiem informatum enasci-

enascitur; quod postmodum aperitur*, & in
 vuam concrescit multiplici floris, ompha-
 ci, vuæque transformatione. Illud ergo ger-
 men, vuam paruam hæc versio nuncupauit.
 Siue ergo iuxta versionem hanc vua parua
 dicatur se aperire, in quo est quædam partus
 imago, siue iuxta editionem nostram flores
 dicantur fructus parturire, mirum est cur spô
 sa eiusmodi phrasí vtatur. Profectò in ipso
 conatu pariendi seu parturitione fœminæ
 aperiuntur, & ita illa ex Hebræo translatio
 aiens, An vua parua aperuerit se, satis est con-
 sentanea editioni vulgatæ sic habenti, si flo-
 res fructus parturiunt. Vtriusq; autem arca-
 num sensum (qui esse videtur idem) peruesti-
 gemus. Enim uero cum anima efficacissimo
 impulsu ad iustitiam tradueta, primi actus
 iustitiae quasi flores promit, facile tunc eos
 exercet, non propter vim, quam consuetudo
 genuerit, sed propter præsentissimi Dei mo-
 tum, & indulgentiam. Tunc enim Deus recē-
 tes fœtus lacte alit, nihil asperum obijcit, in-
 terna eos suavitate permulcet, donec expe-
 riemento discant, quam sit ille fravis; ut post-
 modum voluptate negata suavitatis diuinæ
 memores ardua possint aggredi, & propter
 iustitiam aduersa quæque perferre. Hi ergo
 primi actus, in quibus nihil est, nisi lœtum,
 odoratum, tenerum, florū imagine notantur.

Cum

Cum verò iam animus gustauit sponsi suavitatem, & credidit omni prorsus mundi illecebra esse dulciorē, sinitur in arenam quasi descendere, & aduersis motibus cōcuti. Hoc autem in conflictu, fructus pulchri dicuntur parturire, quia non iam suavitare deliniti, sed hostibus septi, multo conatu & pressura, se nituntur edomare, & virtutis fructum cum dolore parere conari, quod est propriè parturire. Quod ergo ait spōsa, [Si flores fructus parturiūt,] sic est intelligendū, Si animæ florētes, fructus post flores parere conantur. Gratum sanè sposo accidit, cum vinea florēt, gratius verò, cum flores fructus parturiunt. Placet illi primus virtutis partus pluri mo dulcore conditus. Placet autem magis ille, qui multo conatu ac lucta, à prouectiore anima editur. Nunc autem, nequid intactum videatur omisisse, malorum punicorum mētionem adiunxit.

Si floruerunt mala punica.

Exploremus an charitas ab infantia in pueritiā nono augmento procurrat, & flores velut punici mali proferat.

P Atet ex superioribus malo punico à natura inter alios fructus coronato, acinos suos, velut intra viscera, seruante, &, vt illi
Pp gliscant,

gliscant, dehiscente, charitatē inter virtutes
ceu reginam coronatam, eos, quos diligit,
imis visceribus condentem, & amplectentem,
& ob illorum bonum seipsum dirumpentem
seu torquentem significari. In hoc autem
pomo ætatum quædam series humanæ vitæ
æmula conspicitur, dum cytinos, flores, aci-
nos profert, crescit, ac dehiscit. Et quidem,
obseruata serie, flores pueritiæ respondent,
quamobrem, dum sponsa flores malorum pu-
nicorum spectare cupit, apertè prodit, opta-
re se nouorum in charitate fætuum spectare
progressum. Propterea sic ait, Videamus si
charitas, malis punicis notata, sensim deserat
infantiam, pueritiæq; periodum percurrat,
ulteriorem excitatura spem. Hucusq; spon-
sum hortata sponsa est; verum quia more hu-
mano agit, & inter homines adhortationes
ad laborem proposito fiunt præmio effica-
ciores, sponso illa præmium pollicetur, quod
ille ardentiissime cupit. Sic enim ait.

Ibi dabo tibi vbera mea.

*Veni mecum, o sponsa, & in recenter ad iustitiæ
natis meam scientiam, & prudentiam per illorum
ora sagès.*

Quemadmodum aliàs explanatum est;
Christus in recenter ad gratiam voca-
tis

tis formari, suisq; deinde quasi definitis augmentis, per charitatis incrementa crescere arcano sermone dicitur. Ex quo planè fit, ut qui in nostris animis has velut ætates, conceptionis, partus, infantiae, cæterarumque vitæ spiritualis partium subire dignatur, eas pariter subeat proprietates, quæ ijs partibus naturales sunt. In recens ad iustitiam genitis fit ille infans, infantia verò laetè alitur, vnde & ille in eo spiritualis vitæ primordio, lacte proculdubio ali dicendus est. Fit autē hoc, quoties anima paulò antè ad gratiam traducta, iustitiae sermonis expers, ab eo, cuius est conuersa ministerio, lac doctrinæ cœlestis exsugit, in qua tunc Christus infans latēs, idē dicitur lac exsugere, eoque pinguescere. Spōfa igitur, cuius ministerio per duo quasi vbera scientiæ, iustorumque prudētiæ, ad paruumorum nutritionem Deus vtitur, dum paruulis in Christo renatis lac illud arcanum propinat, eleganter dicitur sponso, in renatis partibus latenti, vbera porrigere, ut pateat, quam illa sapienter sic loquuta fuerit, Ibi dabo tibi vbera mea. Quæ quidē verba sensum alterum primo satis affinem videntur habere, ut videlicet sponsa dicatur vbera sponso dare, cum illa paruulis sponsi fœtibus porrigit, alludens ad id, quod sponsus enunciavit. Quod vni ex minimis fecistis, inibi

fecistis. Nunc verò altero sponsum pulsat ar-
gumento ex mandragora petito.

Mandragoræ dederunt odorem in portis nostris.

Recentes iustitiae partus è belluina ad huma-
nam figuram mandragorarū terra effoscarum in-
star redeuntes, Christi imagini conformes fieri in-
cipientes, dederunt odorem Christi, quem induerūt
in portis nostris, hoc est, in ingressu iustitiae, ac
proinde, ad illos perficiendos non festinare opus est.

A Beo loco, vbi sponsa cœpit sponsum
hortari, aiēs [Veni dilecte mi, egredia-
mūr in agrum,] varijs similitudinibus arcānis
teneram iustitiam depinxit, vt sponsus, qui
rudium operum expolitor, & perfector est,
suis partus rudes adhuc aspiciens, eos perfi-
cere festinet. Nunc verò figurato, coque sa-
tis lepido sermone, efficacius quām antè, spō-
sum pro tenellis partubus exorat, Quod, vt
à nobis percipiatur, alludit illa ad morē vul-
go notissimum, quo pauperes solent, filiolos
lactentes, præ foribus nobilium exponere,
vt illi vagitu infantum ad commiserationem
permoti, eos curent, & alant. Sic quippe spō-
sa dicit, teneros in charitate partus, ex ipsa à
sponso suscepitos, mandragoris significatos,

in

in portis expositos fuisse: ex quo fit, ut nobilis ac diues vterq; coniux, ad commiserationē flecti, & eos curare, nutrireq; debeat. Verūm quanam ratione mandragoræ sint iustitiæ recentis symbola, & quibus sunt in portis exposita, exactè nunc perpendēdum est. Profectò, post multam in authoribus plātarum peritis de mandragora obseruationē, duo potissimum animaduertimus huic loco satis opportuna. Primum, ad plantæ figuram spectat, quā Pythagoras anthropomorphō, quod hominem referat, appellauit. Quod sanè non ita est accipiendum, vt vulgus existimat, quasi planta ea humi defixa, in ea, quæ extat parte, totius hominis reddat effigiem. Hoc nimirūm falsūm est, quemadmodū scriptores peritissimi tradunt. Sed vt humanam repræsentet effigiem, radicitus euellenda est, & tunc, cum eruitur ex terra, nonnullam habet cum hominis figura similitudinem. Omnes quippe mandragoræ radices à medio ad intum bifurcæ sunt, vt cruribus hominis similes videantur; reliqua verò eius pars, quæ terra non occulitur, quæ folijs glabris, malisq; constat, corpus truncum, cui brachia defunt, refert; vnde, cum radicitus euellitur, hominis corpus, rudi quadam, imperfectaq; repræsentat effigie. Per hanc autem rudem, & imperfectam hominis figurā, homines iusti-

tiam recenter adepti pulchrè notantur. Homo nimirum, dum peccat, quasi humanam figuram abijcit, à rationis, in qua est Dei imago, se fastigio deturbans, & ad belluarū mores quadam transformatione delabens; cum vero resipiscit, & Dei imaginem, hoc est rationis vim incipit instaurare, quasi mādragara è terra effoditur, & quādam hominis effigiem imperfectā, cui brachia, hoc est opera, desunt, ostendit. Non enim confestim ea figura, sed temporis excursu, multaque nauitate perficitur cēu lapis sculptoris manu recenter attactus, qui vt illum exactè ad hominis figuram informet, diurno labore, scalpriq; sectione desudat. Ex hoc igitur sponsa rationem contexit, quam dirigit ad sponsum artis huius sculptoriz peritissimum; ac si hoc modo loqueretur. Quemadmodum infantuli ad nobilium portas expositi expectāt commiserationem, vt alantur, & ad perfectam hominis figuram, magnitudinemque perducantur; ita recenter iusti, quasi ad tuæ charitatis, meæque sedulitatis portas iacētes, imperfectam hominis figuram rudes adhuc, & imperfecti præferentes, vtpote qui more mandragoræ auulfæ, truncum hominem referentis, è culpæ terra, in qua erant defixi, eruti sint, præstolantur nos, & quasi ad nostræ charitatis portas, vt infantuli v-

giunt,

giunt, & nostram culturam, operamque de-
poscunt. Hic ergo vagitus spiritalis, haec,
licet imperfecta, hominis tamen interna fi-
gura odorem fundere, more mandragoræ,
cum terra eruitur, afferitur, quia proculdu-
bio, tunc primum homo Christi odorem ex-
halat suauem, mandragoræ fructui assimili-
lem, cum ad internam Dei imaginem sensim
restituitur. Qui certè odor, quia ad sponsum
exorandum valet plurimum, spona dixit,
tempus iam esse paruulos curandi, quia illum
odorem arcanum effudere.

Alterum, quod inter scriptores constitu-
tum est, de mandragoræ proprietatibus, ad
nostrum sensum idoneum, illud est, eam plan-
tam vim habere sopiendi, & ante sectiones
bibi, ne sentiantur. Porro homines recenter
in iustitia geniti & imperfectam interni ho-
minis effigiem prætendentes, tanquam lapi-
des rudes scalpendi sunt, & secandi, ut fiant
omnino conformes imagini filij Dei. Quia
verò, dum teneri sunt, scalpi aciem ferre ne-
queunt, sectionesque formidant, Diuinæ fuit
sapientiæ consilium, immisis internis volu-
ptatibus, quas altero sensu mandragoræ no-
tant, eos consopire, & quasi sensum doloris
aufferre, ut cædi, scalpi, secarique possint, &
ad perfectam interni hominis effigiē proue-
hantur. In hoc ergo secundo sensu mandra-

goræ dicuntur dedisse odorem suum in portis. Quia internæ voluptates, quasi liquor ex mandragoricis malis expressus, partibus nouis instillatae, eosque in Deo consopientes, ne sectiones pænæ postmodum illatae à Deo formident, exhalarunt odorem Christi, cuius spiritus suauissimus voluptate comprehenditur, & velut internis naribus trahitur. Hæ verò voluptates, somnum inducentes, dicuntur dedisse odorē hunc suauē, qualē mandragorica mala fundunt, non extra portas, nec verò in cubiculis, sed in portis, hoc est, in ingressu iustitiæ, de quo sub mandragorarum imagine hic habetur sermo. Quadam igitur anacephaleosi ex dictis collecta fit, ut mandragoræ, & propter imperfectam hominis, quam habent effigiem, partus iustitiæ nouos, qui ad prototypum Christi rudi quadam delineatione post expoliēda referūtur. Eadem verò mandragoræ, quia & succo, & odore somnum inducunt, voluptates spiritales, quibus Deus tyrones sopit, & secū dormire, hoc est, requiescere facit, apertè notāt. Hic verò secundus mandragorarum sensus, quia maximè arcanus est, amplificari eleganter potest, si ea, quæ authores de ijs plantis, & pomis prodiderunt, mente repetamus. Tradit quippe Plinius, potu succi pomorum mandragoræ, adeò graui hominem somno mergi, vt

gi, ut nec sectiones, nec puncturas sentiat, quod si in sensum spiritualē traducatur, quotidiano cernitur experimento. Enim uero pas- sim videmus homines nimiū sensui proprio indulgentes, ac molles, interna, quam Deus illis sub conuersionis initium immittit, voluptate captos, velut alto quodā somno se- pultos, sectiones, ac puncturas minimē sen- tire. Paucorum quippe dierū interfluxu, ex culpa in iustitiam translati, semetipſos ſecat & pungunt, hoc eſt, accerrimis aſterioris vitæ experimentis vexant, nec id planè for- midant, cum vix dolorem præ interna ſuaui- tate percipient. Et hoc efficiunt in ipſo iu- ſtitiae aditu, ac perinde odorem Christi in portis ſponsi ac ſponsæ exhalare dicuntur. Verū quemadmodum caput hoc ſponsa concludat, audiamus.

**Omnia poma noua & vetera, dile-
cte mi, ſeruauit tibi.**

*Vt illos partus nouos alere, in quibus tu ſpōſe
lates, utriusque testamēti dogmata, quæ ut ſcriba
doctus in meo cellario condidi, opportunē promen-
da, tibiq; in tua plebe porrigenda, ſeruani tibi.*

PErſtit in eadem mente, & orationem in- cundem scopum dirigit. Sicut enim pau- lò antè, dixit ſe vbera ſponſo daturam, quia

P p 5 vide-

videlicet Christus in nouis partibus recens
formatus lac doctrinæ spontæ dicitur exsu-
gere; sic modò ait, omnia poma noua, & vete-
ra se spōso dāda videlicet asseruasse. Enimue-
rò, si externam verborum faciem spectemus,
satis est concinna oratio, agit enim sponsa cū
spōso quasi biformi, vocat enim illū vt grā-
dem, ac fortē, & sic secum, ad opus, in agrū
monet exire, & hæc altera illius forma est.
Contemplatur verò prætereà illū, ac paruu-
lum in tyrunculorum cordibus recenter cō-
cretum, vel nouo etiam partu editum , & sic
modò illi tanquam infantulo vbera porrigit,
modò illi vt puero poma promittit. Arcanè
autem poma hæc visu pulchra, & vescendum
suauia , vtpote ex arbore scientiæ Christo
prognata, sunt vtriusq; testamenti dogmata,
& proptereà dicūtur noua, & vetera, quæ dū
conciliantur à sponsa inter medios cleros se-
dente, & ad erudiendam plebem expromun-
tur, quasi poma noua & vetera spōso in ple-
be offeruntur. Proptereà spōsa sic loqui cre-
denda est. Longo temporis excursu , tuo in
gymnasio, o sponsa, docuisti me, & vtriusque
testamenti dogmata , aperiens mihi sensum,
vt scripturas intelligerem, explanasti, & sic
quasi arboris scientiæ poma plura decerpere
concessisti. Hæc verò poma nō ego præma-
turè antequām tu mihi conniueres , expedi-
sed

sed ea opportunō maturoq; tempore, tibi in
plebe tua latenti' impendenda, dilecte mi,
seruaui. Quam obrem æquum est, vt mature-
mus, & operi quanto cyüs incubamus, vt ego
sim tanquā scriba doctus proferēs de thesau-
ro scripturarū noua & vetera. Hæc sunt po-
ma, quibus si quis vescatur annuente Deo, fit
verè sicut Deus sciens bonum & malum, hoc
vt caueat, illud vt amplectatur, per quod in
diuinam similitudinem assurgit. Hæc sunt po-
ma verè pulchra visu aureum colorem rubo-
re permistum præferentia, dum mentis ocul-
is in vtriusq; fœderis pagina Deū auro sig-
natum, homini rubore quasi ob sanguineam
concretionem notato sociatum ostendunt.
Hæc deniq; sunt poma ad vescendū suavia,
quæ si quis edat, omnem prorsus humana-
rum voluptatum saporem altæ cum neglectu
tradit obliuioni. Est autem insignis spōsæ
laus, hæc poma quasi venalia intempestiue
nō exposuisse, sed spōso, cuius erāt, asseruaf-
fe. Sanè poma generosissima diu condi, &
seruari solent, & reliquis fructibus absumptis
maturiora & fragrantiora in forum promi,
audiusque tunc, auctiore etiam pretio emi.
Enim verò nonnulli sunt sacrarum scriptura-
rum studiosissimi, qui tanquam poma noua,
& vetera, ex vtroque testamento dogmata
præcerpunt, qui parūm tanti boni capaces

ea condere, ac seruare nesciunt; aiunt enim se conceptum sermonem tenere non posse; ac ita præmaturè in lucem prodeunt, & sic se incassùm desudasse cernunt, quia inauguratò prædicationem aggressi sunt. Sunt vero alij, qui æquè præcipites, poma illa, hoc est, utriusque foederis dogmata, ad tempus condunt, & seruant; eò tamen, ut occasionem natæ, popularem auram ostentatione aucupentur, qui certè seruarunt poma, sed non Deo. Quapropter hos scopulos vitatura sponsa sic ait, Omnia poma noua & vetera, ex arbore scientiæ carpta, omnia inquam noui, veterisq; testamenti dogmata, quæ à te, o sponsa, arbore sciætiaæ notate, accepi, seruaui; non illa præmaturè distraxi, sed cunctando celaui, non ut ob inanè gloriā illa venditarē, hoc enim est ea poma mundo seruare, sed cōsultiūs egi, illa enim, dilecte mi, seruaui tibi. Ex quo fit, ut mecum in agrum egredi festinus debeas, ubi tibi dabo vbera mea, & poma tribuam, quæ tibi seruaui. Hæc postquam sponsa effata est, iam opus salutis proximorum agreditur, iam auspicari certat. Verum enim admiratione digna sunt vbera, quæ proximè in octavo enunciat capite; & verbis modo explanatis minimè cohærere videntur; quamobrem ea penitissimè inspicere oportebit.

CAP V T O C T A V V M

Quis mihi det te fratrem meum,
fugentem vbera matris meæ,
vt inueniam te
foris.

Quis mihi restituat te, sponsæ, meæ naturæ consors, quem nunc velut amitto, à contemplatione separata, vt curem aliorum salutem, facta velut anathema à te pro fratribus meis? Quis inquā det ut extra huius corporis angustias inueniā te trahentē pulchritudine tua voluntates Ecclesiæ regnantis, Hierusalem supernæ, quæ est mater mea?

Solent mutuò amantes, qui simul diutissimè vixere, cum illorum alteruter fortè aliò profecturus est, amoris se tunc prodentis vim præsertim sensuūq; percipere. Enim uerò cum simul morabantur, amor præsentia mutua paſcebatur, & filebat; sed cum animaduertit, sibi escam subtrahi, silere nescit, & velut exulem futurū se mœstè cogitat, erumpentesq; mœroris continere nequit affectus. Hinc est, vt priusquam recedat, de reditu cogitet, vt alterum reuifat amicum; & pro reditu preces fundat, votaq; concipiat. In hunc planè modum sponsa, cuius anima, præsente

in cre-

in crebræ contemplationis thalamo sponso
pascebatur, se ad solicita curandæ proximo-
rum salutis vitam, in qua contemplationi va-
care nequibit, proficisci animaduertēs, in hoc
recessu, vim amoris apertius quām antē sen-
sumque percipiens, nondum profecta, de re-
ditu cogitat, vixque ab sponso valet auelli.
Propterea inquit, Quis det te fratrem meū
sugentem vbera matris meæ, vt inueniam te
foris? Sanè illa spōsum, vt secū profiscatur,
& in agrum egrediatur obnixē precata est,
verùm tametsi à sponso se credat exauditam,
nouit tamen spōsum sibi quidem opem latu-
rū, vt legatione fungatur, & in eo genere se-
cum exiturum, at ea societas longè alia est,
ab ea, quam cupid amor, qui se modò pro-
dit. Profiscetur profectò cum ipsa sponsus,
afflabit, & impellet illam ad opus, at ea fun-
ctio labore plena erit, & sollicitudine, & à
contemplationis requie longè remota. Quā
cūm propter ipsum spōsum, & propter pro-
ximorum salutem necessariò obeūda sit, cer-
nens sponsa, in hoc exilio, requiem sibi iam
non superesse, ad æternam hiat requiem, vbi
sponsum reuisere ardentissime cupid. Ex hoc
igitur affectu, voces eruperūt istæ, Quis mi-
hi det te fratrem meum, sugentem vbera ma-
tris meæ, vt inueniam te foris? Porrò hisce
verbis tria sponsa innuit minimè silēda. Pri-
mum

mum quippè sic ait, *Quis mihi det te fratrem meū, quasi dicat, modo à te separor, ac proinde te velut orbor,* *Quis ergo restituat te mihi?* *Quis reddat te mihi, vt te fruar?* Appellat autem illum fratrem, tum ex phrasī amātium, quæ huiusmodi nomenclaturas usurpat, tum ob assumptæ carnis sacramentum, propter quod ipse nō cōfunditur nos fratres appellare, sicut scriptum est, *Narrabo nomē tuum fratribus meis.* Ex hoc autem sponsa ius habet optandi, ac sperandi sibi sponsum reddendum, ex ipso quippe naturæ iure fratres simul habitare debent, quandiu non emancipantur; at sponsa emancipari nō vult. Sed impendiò animaduertendum est, sponsam cupere, vt sibi sponsus ac frater suus detur, non in quocunq; statu, putà arumnoſo, & infœlici, sed ubi fugit ubera matris suæ, hoc est, in superna Hierusalē, quæ est mater sponsæ, ac nostra. Ubera nimirum illius Ecclesiæ sunt beatorum voluntates tumentes, & amore grauidæ, quas per amoris actus sponso porrigunt exfugendas. Pulchrè autē spōsus dicitur volūtates exfugere, quod expenso illarum, & cum intellectu collato patet ingenio. Notū est, voluntatē, vt philosophi loquuntur, ab obiecto, bono videlicet, aut pulchro trahi, & hic est proprius illius motus, vt ad obiectum hiet, & instar uberis lacte

lacte pleni, quasi ex amantis pectori prodeat, & in amatum pendeat bonum. Obiectum verò bonam seu pulchrum voluntatem trahit, & velut exsugit, quæ natuua est pulchritudinis erga voluntatem vis; Intellectus verò è contrario, rem, quam intelligit, concipiēs, illam ad te trahit, & quasi uber exsugit, non enim ad rem ducitur, sed vniuersa intra se cōdit, quod metaphoricè fugere dicitur. Ex quo insigni voluntatis ac intellectus discrimine efficitur, ut intellectus seu mentes beatorum quasi sugant Deum ipso visionis actu, Deus vero illorum voluntates sua pulchritudine fugat. Sic igitur sponsa loqui existimanda est. Cerno, sponse, me à te diuelli in hac prædicationis functione, etiam te mecum gradiente, non enim te fruar, sed pro te luetabor, Quis ergo me solabitur, & exhausto labore dabit, ut te videam fratrem meum vi quadam efficacissima, & suauissima trahentem voluntates Hierusalem supernæ, in qua ego recensear, tanquam in aula materna?

Ex hoc patere potest, quid sibi velint illa verba, [Vt inueniā te foris,] Certè quandiu hisce corporis custodijs obsepti sumus, tanquam in Gyaris, vel Seriphō, vt olim damnati, arctamur, & angustijs quasi carceris premimur, foras vero velut in campum Iongè lateque patentem prodire dicimur, cū à corporis

poris pressura , in cœlestis patriæ latitudinem migramus. Recte autem ad huius interpretationis absolutionem sponsa , quæ sequuntur attexuit.

Et deosculer.

Quis det, vt in vrbe illa superna ardenterissimo amoris actu tibi hæreā, vt contactus sit inter duos spiritus, tuum ac meum, sicut inter se mutuò osculantia corpora mutuus contactus est?

MUltifariam sponsa sponsum osculari consuevit; cum autem iam prouecta tā ardenter hic osculū poscat, nō vulgare quippiam expetere putanda est. Profectò sponsa, quamdiū exulat, pedes tantūm sponsi osculari sinitur, sicut olim Magdalena fecit. Solet quippè sponsus assumptæ naturæ, quæ velut pes diuinitatis est, oscula ijs, quos charos habet, in hac vita permettere, quod frequenti reuelatione & veteris & noui testamenti sanctis creditur præstítisse. At verò diuinitatis osculū nemo viuens assequutus est, nec enim id humana ferre potest imbecillitas, nisi gloria perfundatur. Cum primū autem quis gloriæ lumine illustratus ingreditur in patriam, strictissimo tunc sponsum complexu apprehendit, & perfectissimo diuinæ charitatis actu, in æternum perseveraturo, illum

Qq velut

velut osculatur. Licet autem illa coniunctio,
quæ fit per actum intellectus perspicue tunc
Deum cōtemplantis, satis apte osculum ap-
pellari queat, cū iam nō ullo medio interie-
cto, & quasi per transennam, sed proximè ac
intimè Deū attingat, cuius natura intimè ipsi
intellectui ad eundem actum promēdum, tā-
quā species intelligibilis, vt schola loquitur,
vnitur. Verū quia osculari, actionē quan-
dam ardentissimam, & affectus impressionē,
quæ voluntatis actui germanior est, innuit,
potius videtur, osculari, in hoc arcano sermo-
ne, idem esse, ac voluntatis actu sponso adhæ-
rescere. Quāmobrē sic sponsa effari credenda
est, Quis mihi tribuat, vt quæ tuum pedem,
hoc est, humanā quam assumpsisti naturā, &
in hoc exilio interdum ex indulgentia in cō-
templationis arcano, per diuinā illustratio-
nes, & inde excitatos affectus velut osculari
permissa sum, te, hoc est, tuā personā diuinā
clarē in patria cernens, strictissimo comple-
ctar amoris actu, illiq; ardētissimum affectū
velut osculum infigam, vt sit mihi tecum spi-
ritalis vnde cumq; perfectus contactus, qua-
lis est inter eos, qui se mutuo exosculantur.
Diximus autem hoc arcanū osculum ad vo-
luntatem potius, quām ad intellectum per-
tinere: et si enim arctior sit illa coniunctio, qua
diuina essentia tanquam species intellectui

beato

beato vnitur , quæ ad intellectum pertinet , coniunctione illa , qua voluntas Deum præsentem apprehendit , quemadmodum si res theologicæ exploretur , semper nobis visum est; verum quia expensa osculi proprietate , non tā coniunctio , quām coniunctionis modus , qui est , cum impressione & affectu , huc spectare videtur , asseruimus sponsam voluntate potius , quām intellectu Deum osculari dicendam esse . Et quidem in illapsu illo , quo diuina essentia vnitur intellectui , Deus animam osculari dicendus est , animaq; perinde osculum excipere , verū cùm recepto osculo velut æstuans illa Deo hæret , osculum imprimere potius dicēda videtur . Quod verò actus intellectus diuinæ essentiæ illapsu sœundi , ipsiusq; essentiæ vunionem consequēs , osculum appellari debeat , verum est procul dubio , sed enim actus intelligendi , qui summa quiete , & tranquillitate perficitur præ se non fert illam energiam , & affectus commotionem , quæ osculi significatione notatur , quæque voluntatis actui est omnino nativa . Sed iam quæ spōsa subdit , quo pacto cohærent , trutinamus . Inquit enim .

Et iam nemo me despiciat.

Quis det, ut corona fruar, vbi iam nemo me despiciat, sicut in hoc exilio, vbi ut purgamentum mundi negligor.

VT horum verborum concinnitatē percipiāmus, constituendum est, quod sub huius capitī monūimus initium, sponsam, quæ legatione pro Christo fungitur, & ad labores perferendos, à cōtemplationis suauitate depellit, eas ærumnas, & insectationes, quas in legatione perlatura est, cogitatione perpēdere. Inter alia verò, quæ passura est, illi præ oculis obseruantur opprobria, & scelerorū hominū neglectus, quibus passim vexari solent, quicumque pro salute proximorum apostolicis vestigijs insistunt, fūnt enim tanquam purgamenta & peripsemati mundi, eam vitæ rationē exhibant, & contemnentis. Prospiciens ergo sponsa, quot sit spernenda ludibrijs, & viam, quam peractura est, priùs mente percurrens, illa extulit verba. Et iam nemo me despiciat, quasi dixisset. *Quis det, ut tandem ad eam, quam opto, cœlestis patriæ dignitatem assurgam, vbi gloria coronata incedā, & iam nemo me despiciat, ut sceleri homines iustos passim in hoc exilio despiceret, ac irridere solent. Enim uero* hæc

hæc interpretatio ideo quadrat, quia sponsæ affectum propriè depingit. Sicut enim animus requiem cœlestis patriæ ardenter cupit, ita è contrario agones, & ludibria horreret, quod etiam in viris perfectis experimento didicimus. Est autem excelsi animi, nec propter propriam gloriam, & bonum quasi priuatum, nec propter impendentia mala de suo statu dejici, vel à sua rectitudine flecti; vnde & sponsa, nec quia contemplationis re quie caritura, nec quia hominum nefariorū prauitate vexanda & negligenda est, ex animi magnitudine deturbatur. Fuit autem operæ pretium suos illam affectus ad nostrā eruditionem exprimere. Hæc prima est ab initio capitinis præcedentium verborum interpretatio.

Secunda vero se prodit. Sponsum non in gloriæ maiestate, ut prima, sed velut in hoc exilio cum sponsa morantem, illiusque votis in calce capitis proximi expressis respondētem contemplans. Sponsa nimirū à sua re quie ad aliorum curandam salutem recessura, ne per inexploratam regionem sola grade retur, sic sponsum precabatur. Veni Dilecte mi, egrediamur in agrum. Nunc vero in hoc capite, id se ardenter cupere propalat, aiens, Quis mihi det te fratrem meum fugentem ubera matris meæ? hoc est, quis mihi in

hac mea legatione te tanquam fratrem so-
ciumve tribuat , non sub quacunque for-
ma , plures enim formas induere soles , sed
tanquam lactentem , ac fugentem in tua ple-
be doctrinam prædicatorum , quibus ego an-
numeror , qui dum Ecclesiæ lac tyronibus
propinant , vbera sanè sunt matris meæ , quæ
est militans Ecclesia ? Pergit autem vterius ,
aiens . Ut inueniam te foris ? acsi diceret ,
Quis mihi det , vt in agro illo , ad quem , vt
mecum exires , flagitabam , hoc est , in plebe
agresti , & vrbani tatis tuæ ignara , quasi ex-
tra charitatis tuæ politiam vagante , inue-
niāte , vt in plebis illius animos te insinuans ,
ad vrbani tatem , & charitatis eos habitatio-
nem impellas , & ibi ego Deosculer te in
illis , dum os meum oribus illorum , tuam
inspiratura scientiam admoueo ? Denique
adiungit . Et iam nemo me despiciat ? quasi
dicat , Quis mihi det , vt ex mea requie exi-
liens , aliorum eam mihi exprobrantium im-
properia non patiar , nec mihi iam solùm na-
ta videar , sed de aliorum profectu gloriam
propter te , sponse , parem ? Enim uero non
nullos cernere licet charitate prouectos vi-
ros , qui quotidianis aliorum conuicijs pro-
scinduntur , quasi putent se sibi dumtaxat na-
tos . Cum enim iij , qui licentiūs agunt , & ad
aliorum gubernationē se præmaturè obtru-
gunt ,

dunt, obsequium se existimēt præstare Deo, si forte quem videant sibi studentem, & donec à Deo vocetur, seipsum abdenter, in eum non cessant torquere conuicia; philautiam illi & ignauiam obijciunt, & quasi Deo non obaudientem contemnunt. Ab his ergo sponsa se non despici optat, non quia eum formidet contemptum, sed quia id sposo gloriosum fore putavit. Potest etiam satis idoneè dici, sponsam non optare in eo etiam genere non despici, sed præuidere, ac dicere, quod sibi nouit euenturum, se nempe non esse despiciēdam, & huic explanationi quadrat septuaginta Interpretum versio, quæ ultima hæc verba non transtulit sub optantis, sed sub prænunciantis modo. Sic enim habet. Quis det te fratrem meum sugentem vbera matris meæ? & hic clausit interrogationem, Mox autem, quod fore credidit, sine desiderij modo, enunciauit, aiens. Inueniens te extrâ, osculabor te, & non despicient me.

Hic autem visum est, non esse obruendam silentio trânslationē, qua Theodoretus vtitur, quæ sic habet. Quis det te, nepos mi, sugentem vbera matris meæ? & mox sub parenthesi, (ista tua benignitate concitata) clausaque parenthesi ait, inueniens te foris, osculabor te; & non despicient me. Vbi verba illa, ista tua benignitate concitata, intertexutur,

quæ nec in Hebraica, nec in septuaginta Interpretum versione, quæ nunc habentur, leguntur. Fieri potuit ut in antiquis exemplaribus legerentur, nisi quis fortè suspicetur, quod latinis translationibus euenissem in non-nullis vocibus, nobiles authores tradiderunt, Græcis pariter contigisse, ut scilicet, ex aliquo commentario illa verba in textum ipsum typographorum oscitantia intruderentur. Quoquopacto autem se res habeat, verba illa ad sensus arcanos sunt opportunissima, siue enim iuxta primam interpretationem sponsus consideretur, fugens ubera supernæ Hierusalem, quæ est mater nostra, siue iuxta secundam concipiatur in Ecclesia militante, quæ mater etiam nostra est, in plebe tyrun- cularum, prædicatorum arcana ubera fugēs, siue utrobique osculum recipiēs, id sanè pro sua benignitate concitata, hoc est, ad nos certimē mota, efficit, nec enim extrinseco impulsu ea nobis bona præstat, sed motu certè proprio, benignitate sua non aliunde, sed à natura sua concitata. Nunc verò sponsa statuens sponsum à se foris offensum iri, quemadmodum optauit, quidnam ipsa tunc præstitura sit, ad nostram eruditio- nē, eloqui- tur.

Appre-

Apprehendam te.

*Cum primūm video te (ò spōse) in animam
conuersi hominis subintrasse, apprehendam te , ne
labaris, quasi qui angue capere, ac stringere certat.*

SPONSA CONCIONATURA CUM SIT , & permul-
cendae ad iustitiam gentis curam gestura,
consultissimè decernit, se occasiones sponsi
tenendi capturam, nec ullo modo eas præ-
terire passuram . Hoc quippe sibi volunt ea
verba, Apprehendam te . Lubricus nimirūm
sponsus est, serpentis imagine recte in deser-
to signatus. Serpentem videlicet apprehe-
dere difficile est, saepēq; qui eum tenerē ge-
stis, deluditur ; etsi enim illum manu presse-
rit, ipsa tamen pressura facilius anguis elabi-
tur; vnde ficus folio, vel alio ad id comparato
artificio, capiendus est, sedula certe obserua-
tione, ac dexteritate . Sic sponsus hac illacq;
per hominum corda , lubrica quadam specie
habitur, qui verò illum in eo loco apprehe-
dere satagit , tempus captare , & magna uti
dexteritate debet, si eum tenere cupit . Hoc
autem fit, cum à peccatoris animo sacrorum
dogmatum iaculis sauciato repentinū quod-
dam æternitatis , ipsiusq; sponsi concipitur
desiderium . Tunc quippe sacer concionator
ocysimè debet accurrere , & satū in eo cor-

de semen alere , hortatu multo, ac nauitatem
fouere, ut radices agat , frugēq; reddat opta-
tam . Tunc eleganter dicitur Iponsum corde
illo conceptum apprehendere , ne forte inde
labatur . Quod verò eiusmodi apprehensio,
ad ulteriores fiat profectus, per adiuncta ver-
ba mox sponsa declarat, aiens.

Et ducam in domū matris meæ,
& in cubiculum genitri-
cis meæ.

Cum tenuero te ibi, homines ad iustitiam gran-
diorem impellam , vt deniq; migrant in cœlestem
Hierusalē matrem meā, & in eis ad illam ducā te.

Porrò domus matris spōsæ , habitatio illa
fœlix, cœlestis est Hierusalem , quā scri-
ptura matrem nostram appellat . Enim uerò
matris illi nomen, sicut & manus quadrat . Ab
illa quippe velut à matre , militans hæc , in
qua nos sumus , Ecclesia quasi lactatur , &
alitur . Sanè Ioannes vidit Hierusalē hanc no-
strā, ab illa, quæ in cœlis est, descendente , si-
cut à matre filiam nuptui traditam, suoq; or-
natā viro . Hæc autē origo, quam dicit à ma-
tre, sic est accipiēda . Princeps videlicet illius
vrbis, quæ mater nostra est, ab illa descēdēs,
hanc

hanc nostram genuit, & fundauit Ecclesiam; ,
virtutū cœlestium infusione, quæ à cœlo tra
xit originem, & sacramentorum institutione :
diuinitus facta. Ciues autem illi summo Prit
cipi Deo ministrantes, illoq; fruētes, mater- .
no quodam affectu ad nostram sunt destinati i
custodiam. Ex quo fit, vt beata illa Ecclesia
omnis, & capite, & membris suis, hanc no-
stram generarit, perpetimque lactet Eccle-
siam, vt pateat sponsam, velut huius Ecclesie
membrum iure potuisse cœlestem Ecclesiam
matrem suā appellare. In huius ergo matris
habitationē, postquām illum apprehenderit,
sponsum se ducturā asseruit, quod quemad- .
modum fiat elucidandum est. Profectò, post-
quā quis Ecclesiastes aliorū cœtui præfектus,
in peccatoris cuiuspiā animo sponsum, sensu
exposito, apprehendit, & ne inde labatur re-
tinere multa nauitate studet, ac ad profectus:
nouos cor eius, qui resipuit, peccatoris impe-
lit, qui meritis demùm cumulatus migrat in
patriā, sponsum ipsum in eo corde latenter,
& miris crescentem accessibus, in patriā, quo
tendit homo ille, ducere pulcherimè dici-
tur. Quapropter sic sponsa loqui putāda est.
Apprehendam te, ò sponse, cùm primum pec-
catores ad iustitiam adhortans, te in illorum
animos subintrasse comperero. Postquām
verò tenuero te, & ne inde labaris velut
adstrin-

adstrinxero; corda illa, in quibus tu cœperis
habitare, ad cœlestem patriam, matris videli-
cet meæ aulam, nouis iustitiæ progressibus
ducens, te ibi latentem, quasi ferculo vœtū,
ad eandem ducam aulam; quomodo enim ea
corda illuc duci possunt, nisi tu ibi fixus, eò
pariter ducaris? Cætera autem verba, nempe
[& in cubiculum genitricis meæ] suprà satis
exposita sunt. Exponi aliter potest hic locus
iuxta versionem ad Hebraicum textum ex-
pensam, quæ sic habet. Venire faciam ad te
domum matris meæ. Profectò cum sponsa
concionans, & ad iustitiam exhortans, corda
hominum quatit, & vt sponso arctius hæ-
reant, impellit, domum, hoc est, familiam Ec-
clesiæ matris suæ ad sponsum facere venire,
elegantissimè dicitur. Iuxta editionem verò
nostram, in cœlestem aulam sponsum ducere
adornat, vbi quid sibi sit cumenturum, in hunc
modum explanat.

Ibi me docebis.

*In ea matris meæ aula sine caligine vlla, lumi-
ne gloriae illustrabis me*

SAnè in cœlesti patria, verā Deus sine vī-
lo ænigmate docet sapientiam, nec enim
eam in huius mundi caligine parare contin-
git, cùm vix eam prælibare sinamur. Cuius
certè

Certè veritatis est efficax persuasio , purissimas etiam magnorum virorum mentes diuinorum fuisse ignaras arcanorum, sicut scriptum est. Existimabam ut cognoscerem hoc, cupiebat enim vates nosse, cur iusti à Deo in hac vita cædantur, & quasi neglectui habentur; sed quia id in hoc exilio penitus se calere non posse animaduertit, subiunxit, Labor est ante me, donec intrem in sanctuarium Dei, ac si dixisset , in sanctuario , hoc est coelesti domicilio, docebit me Deus, & sic huius vitæ cessabit ignoratio . Porrò introeuntes in illud sanctuarium diuinæ gloriæ lumen cuesti giò perfundit, & per id Deus mentes beatorum illustrat, auaramque illam sciendi exsatiat cupiditatē , qua humanus vexabatur intellectus. Tunc Deus per semetipsum præceptoris functionem obibit, ac sine creaturæ ullius quantumuis excelsæ ministerio mentes illas illustrissimo eo lumine imbuet. Hac ergo sapientiam doceri sponsa cupit , & sibi eam de sponsi munificentia pollicetur, aiens, [Ibi me docebis] ac si planius ita loquenter, Ego in hoc exilio, tua fungēs legatione, illuminio eos , qui iacēt in umbra mortis, abste missa illos doceo, & tu meam sedulitatem, ac laborem muneratus, in patria docebis me. Verum quod sponsa subdit , omnino mirum videtur. Ait enim.

Et

Et dabo tibi poculum ex vino
condito.

*Ibi dabo tibi quasi vini conditi, & aromatici
poculum, cum amorem, quæ in terra myrræ aro-
matae condito, nouo sapore, ac odore imbutum ex la-
bore tolerato, porrígam.*

VINUM AROMATIBUS CONDITUR, & EORUM
VIM CONTRAHIT. EIUSMODI VERÒ VINUM
FUIT ANTIQUITATI GRATISSIMUM, AIENTE PLINIO,
LAUTISSIMA APUD PRISCOS VINA ERANT MYRRÆ
ODORE CODITA, MOXQUE NONNULLA IN EAM SEN-
TENTIAM, EX ANTIQUIS AUTHORIBUS PROFERT, VBI
DE VINO AROMATITE MENTIONE FACIT. HOC IGIT-
TUR VINI APUD PRISCOS LAUTISSIMI GENUS SPONSA
RESPEXISSE VIDETUR, CUM, AD SPONsum PERMUL-
CENDUM, SE IN PATRIA ILLI POCULUM VINI CONDITI
PROPINATARUM DICIT. QUOD QUEMADMODUM
FUTURUM SIT, NUNC APERIENDUM EST. ENIMUE-
RÒ, UT EX PRIMIS HUIUS CAPITIS VERBIS PATERE
POTEST, EXPENSO INTELLECTUS, AC VOLUNTATIS
IBI SPECTATO DISCRIMINE, CUM DEUS IN PATRIA
LUMEN IMMITTIT INTELLECTUI, ELEGANTER IPSE DI-
CITUR SAPIENTIÆ PROPINARE POTUM, QUEM IN-
TELLECTUS DIVINAM ILLUSTRATIONEM CONCIPIĒS,
& ATTRAHENS, QUASI BIBIT. VOLUNTAS VERO IN
Eodem momento amoris actum proferens, ē
CONTRARIO, POTUM DEO PROPINARE PERHIBE-
TUR,

tur, quem ille, dum voluntatem trahit, pulchre dicitur haurire. Ex quo fit, ut Deus, & anima beata, mutuis quasi poculis certent. Anima ergo vini poculum voluntate propinat, vini autem, non cuiuscunque, sed aromati ci, myrraque conditi, ac proinde lautissimi, quod sic arcano sermone liquet. Amor sane vino aperte significatur, ab utroq; enim prouenit ebrietas, ut cætera fileamus. Vinū autem hoc, aromatibus si condiatur, fit sponso lautissimum. Inter aromata verò myrrha ad hanc conditurā eximiè confert, & vino huic saporem ac odorem suauissimum tribuit. Quia videlicet amor Dei amaritudine, labribusque vexatus, & quasi aculeatae myrrhae arbusculæ puncturis lacesitus, magnā parit nobilitatem & verus amor esse aduersitate conuincitur. Ex hoc autē quēdā sapore, odo remq; cōtrahit æuo sempiterno permansurū, quo nō solū animæ, sed etiā spōsi inde gaudētis gustus afficitur. Etsi enim vinum in patria iam non myrrha condiatur, est quippe amor gloriosus, verū ibi saporem, odoremque retinet suauissimum, quem ex hac vita, ob myrrhae condimentū, cōtraxit. Quod verò attulimus ex Plinio, vina myrrhae odore condita laudante, non ita intelligendum est, ut vulgus putat, vina videlicet illa myrrhae vulgaris amaritudinem concepisse, & ex eo lautissi-

lautissima fuisse habita , quomodo enim , si
 amarorē ingererēt , lauta esse potuissent ? Sed
 itā habendum est , murram , vel myrrham la-
 pidis pretiosi genus odore commendabile ,
 colorumque varietate distinctum nascens in
 Oriente apud Parthos , vino odorem suauem
 conciliare . Creditur autē ea myrrha esse hu-
 mor solis calore sub terra condensatus , ex
 quo antiqui fingebant calices myrrinos in
 pretio habitos , in quibus vinum optimū va-
 rijs aromatibus condiebatur , & ad roboran-
 dum sapore , ac odore plurimū valebat . In
 sermone autem arcano amaritudo myrrhæ ,
 quæ carni est insuavis , vero amori , quasi ge-
 neroſo vino probatissimam condituram in-
 ducit . Qua conditus amor fit poculum ſpō-
 ſo dignum , & in hac & in futura vita ; myrrha
 ergo amara , non murrha , eſt , quæ amore cō-
 dit ut vinum . Præstat autem amori myrrha ,
 quod vino vuarum murrha præstat . Sed iam
 ſponsam , quæ ait , ſe in patria , amoris aetu ,
 quaſi poculum vini aromatici ſponſo datu-
 ram , pergentem contueamur . Affert enim
 ſatis arcanum quiddam , quod opus
 fit contemplari . Sic ni-
 mirum ait .

)?(

Et

Et mustum malorum granato-
rum meorum.

*Ibi amorem torturis & laboribus vt torculari-
bus expressum propinabo tibi , ac si coniux viro
succum ex punicis malis elicitum eius amoris in-
dicem propinet.*

EX malis granatis seu punicis vinū, quod rhoiten vocabant, confici solitū Plinius tradidit: Malo verò granato charitatem, vel quod est idem, Dei significari amorem satis est in superioribus explicatum. Sicut autem mala hæc punica, vt vinum seu mustum inde fiat, premuntur, ac velut torquentur; ita, cū Dei amor diuturnitate maturuit, premitur, & per metaphoram, inde mustum, vinumve fluere dicitur. Hoc autem bifariā fieri solet. Altero quidē modo, cū perfectus Dei amor multis pressuris laboribusq; tortus, actum in pressura, velut in torculari, multiplicem promit, qui multi symbolo feruentis, & velut ebullientis notatur. Secundo verò modo fit, cum quis amore prouectus, pro sponsi gloria subit martyrium, vbi sanguis tanquam sucus ē malo granato fluit expressus, quo nullum potest poculū pretiosius suauilve spō-
fo dicari. Mustum autem hoc, vtroque sensu

Rr acce-

acceptum, ex malis granatis sponsæ, hoc est,
ex gemino amore, Dei videlicet, ac proximi,
conficitur. Ex utroq; enim, siue cū laboribus
angitur, siue etiam cūm prædicationis ergo
mortem oppedit, fluit seu multiplex aestus
æstuans, seu sanguis ebulliens: vbi est aperta
cū musto similitudo. Hoc verò mustū malo-
rū granatorū, sicut & vinum aromaticū, fluit
more fontis salientis in vitam æternam, ac
proinde in patria sponso propinatur, perpe-
tua quadam oppressi olim amoris, & profusi
sanguinis oblatione, quā dum Deus acceptat
elegāter dicitur id mustū haurire. Babit autē
id mustū in hoc etiam, dum exprimitur exi-
lio, quemadmodū & vinū aromatiten, de quo
paulo ante dictum est. Sic igitur sponsam lo-
quentē concipere debemus. Cum te, ò spōse,
duxero in aulam matris meæ, & tecum in tua
egero claritate, perpetua quadam oblatione
tibi offerā amoris repetitum aestum, in labo-
rum huius vitæ torcularibus expressum, vel
etiam sanguinem pro te ipso effusum. Etsi
enī pressura cessabit, æterna tamen recorda-
tione, quasi iuge tibi porrigam libamentum,
quod tu libentissimè hauries. Animaduerten-
dum est in hoc loco, eas pressuras, quas nunc
propter iustitiam quis patitur, exhausto se-
mel labore, in quo hostia quasi cæsa fuit, in
æternum permansuras, tanquam laudis, &

gra-

gratiarum actionis hostias , & ità satis ele-
ganter mustum arcanum, quod hic exprimi-
tur ex punicis malis, in æternitatis poculum
afferuari dicitur. Nunc verò, quasi secum ex-
pendens, quibus auxilijs sit prædicationis le-
gatione functura, se velut adhortans , & ad
opus incendens, sic effatur.

Læua eius sub capite meo , & dex-
tera illius amplexabi-
tur me.

*Tutō iam possum aliorū studere saluti, nam cordi
spōsi cor meū hæret, & fortitudo eius tuetur me.*

P Ræter illa, quæ ad horū verborū inter-
pretamentum capite secundo sunt allata,
nonnihil modò apponēdum est . Profectò in
his verbis mira retegitur vis amoris, dum spō
si læua sub sponsæ capite porrigitur , & exin-
de cordium latera copulantur . Enim uero si
duo coniuges ita se cōpleteantur , ut sinistris
brachijs colla sibi mutuò cingere velint, tūc
sanè læua sub capite est , & sinistra se tan-
gunt latera, cordibus sibi mutò hærenti-
bus . Et hic vrbanus amplexus amantibus
est aptior, quam dexteræ , & in se ipso spe-
ctatus videtur esse potior . Sanè antiquitati
læua, quam dexteræ fuit honorificentior , ac-

proinde, cum quis alteri honorē deferre cupiebat, ad sinistrum illum admittebat latus, ut cordis propinquitate, sibi eum amicū esse cordi ostēderet, quo nihil acceptius, aut dignius præstare poterat. Is autem, qui à dextris quempiam comitabatur, comes appellabatur exterior, qui verò gradiebatur ad læuā, interior nuncupabatur, vt patet ex Ouidio, qui senem pingit iuuenium comitatu septū. Cūm verò unus tantum comes esset, senem ad læuam illius comitis locat, aiens in Fastis.

*Et medium iuuenium, non indignantibus illis,
Ibat, & interior, si comes unus erat.*

Meritò autem interiorem appellat eum, qui ad læuam incedit, quasi qui intrà cor admissus sit. Dum ergo spōsa inquit, læuā sponsi capiti suo suppositam, necesse est, vt principem apud eum locum, cor nempe illius adepta sit. Vbi apprimè animaduertendum est, spōsam ipsam sinistrum latus suum, quasi suam etiam læuam sponso præbere, vt verè ipsi sit interior, nā si sponsus læuā illi admouet, vt caput, hoc est principem animæ partem suffulciat, necesse omnino est, sinistrum sponsæ latus sinistro lateri suo respondere, vbi cernimus nouum amplectendi modum, nouum etiam comitatum. Sanè in vul-

garī

gari amplexu latus dextrum sinistro respon-
det. In vulgari etiam comitatu, si morem an-
tiquitatis obseruemus, qui ad læuam alterius
gradiebatur, dextrū illi præbebat latus; læua
verò læuæ nec in vulgato amplexu , nec in
antiquo aptabatur , & hærebat comitatu.
Sponsus autem, & sponsa , quia cor sibi mu-
tuò præbent, sinistra proinde latera commit-
tunt . Ut ergò verba sponsæ penitus perci-
piamus, sic eam loquentem concipere debe-
mus. Tuto gradi possum , & quocunque me
spiritus impellit, ire, nam læua sponsi sub ca-
pite meo, hoc est, sinistrum mihi latus præ-
bet sponsus, tanquam eius cordi insculptæ, &
caput, hoc est, principem animæ partem cæ-
teris eminentem, ne cadat, sustinet . Dextera
verò illius , quæ symbolum fortitudinis est,
amplexabitur me, hoc est, custodiet, & vnde-
que vallabit me , ne quis me lædere audeat.
Est igitur hic loquendi modus periphrasis
quædam ut tantundem sit dicere , Læua eius
sub capite meo, & dextera illius amplexabi-
tur me , ac si diceretur breuius , præbet mihi
spōsus cor suum, & ideo defendet me. Et hæc
prima est expositio.

Subit autem mentem secunda, ex natantiū
consuetudine prompta. Porrò , dum quis na-
tandi peritus, ignarum quempiam natare do-
cet, altera manu mento supposita , caput , ne

mergatur, fulcit, altera cingit, & quasi amplexatus natantem, ex quo arcanus verborum eruitur sensus, ac si spōsa sic loqueretur. Curatura sum aliorū salutem, & per medios fluctus natura, multis enim sum agitanda curis, ac procellis laborum verberanda, sum autem natandi parvum perita, & propterea sponsus eius artis consultissimus, quasi supponet lēuam capiti, hoc est, menti meæ, ne obruatur aquis, ac præfocetur, & illius dextera, hoc est, inuictum robur amplexabitur, seu sepiet me, ne maris fluctus, quos ille auerteret, me audeant operire, Nunc verò spōsus, ut sponsæ discipulas erudit, monet, ne putent omnia sibi impunè licere. Ne intempestiuè audeant sponsam inter ipsas etiā pascendi curas interdum contemplationis requie recreatam auocare, donec annuente ipso, pastorales repetat functiones. Eniuerò clarissima Ecclesiæ lumina, Doctores inquam sacri, quorum curæ Christiana Resp. credita à sponso fuit, inter medios curarum vortices, à Deo interdum visitabantur, & velut in tranquilla portu statione collocabantur, vnde siebant ad repetendas curas promptiores, & ad consulendum bono communi doctiores. Quapropter ab eiusmodi cum Deo consuetudine eos interpellare, & temerariū fuisset, & noxiū. Quod ut discipulæ discant, introduceit hic

hic Salomon sponsam ecstasi raptam, & sponsum ne excitetur imperante.

S P O N S V S .

Adiuro vos filiae Hierusalē , ne suscitetis, neque euigilare faciatis Dilectam, donec ipsa velit.

Obtestor vos animæ sponsæ discipulae , Ecclesiæq; filiae, ne amorem illius mibi interdum hæc tem ecstasiq; facientem interpellatis.

VErba hæc in superioribus satis explana ta sunt, nunc enim quartò repetuntur. Confert autem hæc repetitio ad energiam, & ut altius memoriæ imprimantur. Expedit sanè nosse, studij coelestis interceptionē non sine iniuria, & magno salutis discrimine fieri. In Hebraico autem textu, pro Dilecta, ponitur, Amor, ac exinde iubet Deus, ne quis amorem suscitet à somno illo saluberrimo. Etsi enim ecstasis ad intellectum pertineat, qui aliqua inspiratione reuelationis sursum vehitur, amor tamen interdum eius causa existit, sicut de Paulo Dionysius prodit. 4. de Diu. nom. aiens, illa Pauli verba, Viuo ego,

iam non ego, viuit verò in me Christus, ex virtute diuini amoris ecstasim facientis erupisse. Cuius asserti ratio est, quia amor voluntatem afficiens, ad diuinam pulchritudinem totum hominem vehementer impellit, & propter hunc affectum vehementem, ab omnibus alijs rebus animus alienatur, & in id, quod voluntas affectat, evehitur, ex quo fit mentis excessus. Propter hoc ergo sponsus imperat, ne suscitet quis amore ecstasim facientem, & secum ad sponsum ipsum totam sponsæ animam ferentem, ut ibi tanquam in centro sui desiderij conquiescat, & velut salutari somno sopiatur. Cætera verò, quæ ad horum verborum interpretationem desiderantur, petantur ex superioribus. Quod autem ad connexionem spectat, prætereundum non erit. Post haec nimirum verba, proxime in scenam introducitur filiarum Hierusalē sponsæ scholam frequentare cupientium chorus, ecstasi elatam sponsam demirans, quod non mediocriter conductit ad eius studium promouendum.

)? (

Filia

Filiæ Hierusalem.

**Quæ est ista, quæ ascendit de de-
serto delicis affluens?**

*Quām excelsa est sponsa hæc, quæ velut carnæ
pondere immunis, de culpa, in qua velut in eremo
errauerat, in charitatis altitudinem ascendit, &
ob conscientiæ tranquillitatem, & salutis securi-
tatem delicias paradisi prælibat?*

VErba hæc in superioribus partim expo-
suimus, dum sponsæ ascensum sub summi
expendebamus imagine. Ibi quippe res mira-
fuit, sponsam carneum pondus gestantem nō
cadere, sed erectam gradi, & quod mirabilius
est, ascendere per locainiqua, & rupibus in
deserto rigētia: & hoc planè modo filiæ Hie-
rusalem, hoc est animæ Ecclesiæ filiæ spo-
sam ecstasi raptam, sublimemq; suspicentes
mirantur, & rogant, quænam ea sit, quæ pō-
dere deposito, se in altum attollit. Sed quod,
præter illa, quæ suprà protulimus, nouum
hic, & inauditum videtur, est id, quod appo-
nitur, delicis affluens. Enim uero deserta lo-
ca solis ardore perusta, vel imbrium inclernē-
tia decocta, nec humana sedulitate culta, vel
spineta, vel id genus frutices inutiles, mo-
xiōsve proferunt, fructus autem mites, aut

Hores odore commendabiles nesciūt . Tantū
a best, vt deliciosa, & amœna loca vocari pos-
int; ex quibus, quis tanquam ex paradiso de-
liciarum, quasi delicijs affluens queat ascēde-
re? Hoc ergo planè mirum accidit, sponsam,
non ex paradiſo, sed ab exilio, horrente loco
ascendere, & delicijs affluere. Profectò, si in
spiritalem nos mundum insinuemus, & ea,
quæ in deserto nostro, à viris perfectis sunt
gesta, libremus, fiet nobis perspicuum, quonā
pacto, quis in eremo agens delicijs possit af-
fluere. Etenim cū è paradiſo deliciarū Deus
hominem arcuit, & in terrā spinis ac tribulis
horrentem illum proscriptis, nullus homini
superfuit hortus amœnus, è quo & fructus
suaves carpere, & flores odoratos legere, ac
delicijs proinde abundare valeret. Sed clemē-
tissimus Deus genus nostrū miseratus, licet
nollet eiectum semel hominem, in paradiſum
retiocare terrestrem, illi benignius prospe-
xit, secundum condens in huius vitæ deserto
paradiſum tantò fœliciorem, quantò pretio-
fiorem. Hæc est Ecclesia, quam Deus ipse
plantauit, & pœnam scelerum nostrorum
subiens, in sudore vultus sui, non qualicum-
que sed sanguineo, illam coluit, vt terra,
qua, cum fructuosa condita fuisset, versa
est in salsuginem à malitia inhabitantium
in ea, nouo isto subacta cultu fieret denuo
fructuo-

fructuosa, & deserti facies in deliosum paradi-
sum verteretur. Ex hoc horto amoenissimo, & poma, & flores odoratissimi virtu-
tum leguntur, ab ijs, qui ascendunt ex deser-
to, hoc est, ex terra maledicta, quæ non est
Ecclesiæ conciliata, in Ecclesiam tanquam in
locum ex celum descendunt, vel ex eremo
peccatorū, vbi non est charitatis habitatio,
sed spinarū & tribulorum horror, in chari-
tatis altitudinem se attollunt, vbi tunc deli-
cijs affluere dicuntur, cum & sacramentorum
frequentatione, & exercitatione virtutum,
purgata conscientia, & spe gloriæ altè con-
cepta, futuræ fœlicitatis prælibat suavitatem,
præsentientq; delicias. Porrò harum delicia-
rū partem non modicā gustauere; nō antiqui
modò heroës, verum & nostra ætate plures
animæ sanctitate insignes, quas Deus ex de-
serto velut ascendentis, futuræ salutis præsa-
gijs, cœlesti sæpè voluptate perfudit, ut meri-
tò dici possent delicijs affluere. Sic ergo filiæ
Hierusalē loqui credendæ sunt. Quæ est ista,
sublimis adeo, quæ ex eremo culpæ, per
quam errauerat in charitatis altitudinem,
quasi carnis pondere non premeretur, ascen-
dit, & ob puritatem conscientiæ, tanquam
secura de præmio, gaudia æternitatis con-
cipit, & paradisi delicijs affluit? Pergunt au-
tem nec enim interrogationem absoluere)

in i^a interroga^{tione} admirationis plena,
progressionis, & ascensu^s sponsæ causam ex-
plicantes. Sic enim aiunt.

Innixa super Dilectum suum?

*Quām magna est ista, cui Deus homo supposuit
se? vt innitens sponso in ardua condescenderet, quo
ascendere nequiret, si tantū sua vi niteretur?*

FRustrà niteretur, nisi dilecto innitere-
tur. Non enim vires sponsæ, suo genere
imbecilles, nisi à sponso fultæ per loca deser-
ti fœliciter graderentur. Hæc igitur est ascen-
sus causa, sponsam scilicet innixam esse super
dilectum suum. Filiæ verò Hierusalem spon-
sum admiratur onustum; terga videlicet Dei
vile gestare onus carneum, suaq; generatio-
ne corruptum, planè mirum est. Verùm ex
hoc ipso liquet, quonam pacto grauis hæc
sponsæ in peccato conceptæ moles, in altum
se attollat, & surgat; quia nimirum gestat illā
sponsus, qui symbolicè palma nuncupatur,
oneri non cedens, sed in altū subleuans. Dāda
ergo est opera, vt natura hæc nostra grauis
innitur sponso, vt suprà naturam feramur,
nec nitamur incassum. Porrò philosophi illi,
qui mira de moribus tradiderunt, & quod plu-
ris est, seruare studuerunt, perdiderunt ope-
ram,

ram, nec de deserto ascenderunt, nec verò viliis affluxere delicijs , quia licet naturæ viribus nixi sunt, super sponsum tamen (ob suā culpam) non sunt innixi . Quantum autē referat sponso inniti nostros conatus, explicari nequit. Vno tamen exemplo, id tantillum aperiamus. Sanè cum quis de turpissimis anteactæ vitæ sceleribus dolorem concipit, tametsi culpam, ob suam turpitudinem rationi aduersam execretur, & posteà cauere decernat, intrà doloris imperfecti , cui nomen est attritio, metas , non ascendit ex deserto culpæ, vbi non habitat Deus, si dolor is seorsum spectetur, quantumuis à diuino spiritu non inhabitante, sed impellente is ducat originē. At verò si vt innitur super spōsum, hoc est, super sacramentum ab ipso institutū expendatur, mirū dictu est, quantum ascendat . Ascendit sanè ad diuinæ naturæ cōsortiū, quod per gratiam fit, quam certè altitudinem oculis consequi non valemus. Iam autem , postquam quis eo modo diuinā est gratiam adeptus, quam fœliciter altiora iudicis cōscendat, explicatu est difficillimum . Enim uero plures actus, qui naturæ metas minimè transcenderent, dum tamen à iusto quopiam exercentur, qui se suaq; vniuersa direxit in Deū spōsi numine afflatus , adeò se attollunt , vt noua pariant charitatis lucra , nouosq; in corde ascensus

census efficiant. Demum hominū aëtus singularē quiddam, & excelsum maximè nacti sunt, eò quod sponsus, eos aëtus in nobis operatur, & merito, ac satisfactione sua ut Deus homo afficit, ex quo apud æternum Patrem nobiliores, ac pretiosiores apparent, quam si ex mera ipsius gratia, & non etiam ex incarnationi verbi redemptorisq; iustitia ad nos permanente prodirent. Ascendunt igitur hoc pacto iustorum conatus Christi tanguine, quasi perfusi, & à spōso ipso se in eos insinuate animati, ex quo plane perspicimus rectè sponsam hæc omnia callentem ascendere dicuisse, rectèque filias Hierusalem id explorasse, dū aiunt, [innixa super dilectum suū.] Et has quidem laudes admiratione cumulatas filiæ Ecclesiæ exulerent, sponsam ecstasi raptam velut sposo innixam contuentes. Quas licet illa non perceperit, percepit tamen sponsus, & quia nouit illam prædicatiois legatione functuram, ubi animos etiam candidos cenodoxia vexat, ne alijs similibus efferatur laudibus, quas auditura est, medi ci more prudentissimi antidoto illum communit, & à gloriæ vanæ corruptione præseruat aiens.

):

SPON-

Sub arbore malo suscitaui te.

*Creuisti valde, caue ne efferaris animo, ô sponsa. Recordare quidquid habes, habere te ideo, quia sub cruce te mortuā suscitaui, vnde cœpisti vine-
re, ac augescere.*

MEmineris, ô sponsa, te non natura, sed dono, fuisse à me à culpæ morte suscitata sub ligno crucis, ac proinde temetipsam agnoscens, mihi gratiam habe, te verò ipsam deprime, & cum laudata fueris, obrepentem gloriam excute, mihiq; illā iure meo redde. Sic ergò verba hæc explanāda sunt, vt malus arbor crucis intelligatur significare lignum. Quod vt pateat, verba sunt expēdenda. Editio sanè nostra mali nomine sine discrimine vtitur. Hoc verò nomen quā latissimè patet, vt vulgo compertū est, ac proinde quodcūque lignum arborum mala gignētium sub eo posset intelligi. In Hebræo autē (vt eius sermonis periti tradunt) pro his duabus vocibus, arbore malo, habetur, punica, malus videlicet punica, ita vt sine cōtradictione vlla, quin verò sine vlla sensus diuersitate, quod editio nostra generatim enunciat, mali nomine, id distinetè in quodam mali genere, arbore

arbore niempè punica,in Hebræo legatur.
Cur autem crux mali punica vocetur , non
ex corporeo ligno , sed ex arcane eius sensu
eliciendum est . Enim uero fructus punice ma-
li , ut acini pinguescant , proprio dirumpitur
ingenio , & sibi non parcit , ut illi crescant , &
proficiant ; quamobrem à natura singulari no-
bilitate coronatus videtur , quasi boni regis
reddat imaginem , qui , vt subditis consulat &
prosit , quos tanquam filios in medio habere
debet corde conceptos , sibi nō parcit , sed præ
follicitudine dehiscit , & velut abrumptur .
Sic sane sponsus cum pendebat è cruce , pu-
nici mali ex arbore pendentis , coronati , di-
rupti significabatur effigie . Tunc enim vt
optimus Rex spinea corona redimitus , toto
corpore laceratus , ruptusque patebat , ut nos ,
qui tanquam punici mali grana in eius visce-
ribus claudebamur , cresceremus , ac ita sibi
non pepercit , ut nobis parceret . Se igitur di-
rumpens suscitauit nos sub arbore crucis .
Dum verò ait non in arbore , sed sub arbore ,
alludere videtur ad ossa Adæ in monte Calua-
riæ sepulti ; ut ibi totius posteritatis gerens
personam , & sub crucis ligno iacens , excor-
rentem sponsi sanguinem hauriret , & sic sub
arbore suscitaretur . Quod autem sequitur ,
plures suggerit arcanos sensus , quos breui
sponsus innuit .

Ibi

Ibi corrupta est mater tua.

Ibi violata est genitrix tua.

Sub eadem arbore, ubi suscitaui te, Synagoga;
eius tu filia fuisti, dum me rursum crucifigendo
reccasti, turpi corrupta est adulterio. Recessit
enim a toro Dei, qui duxerat eam.

SVbindicat his verbis sponsus statum cul-
pæ in quo sponsa iacuit, semperque iacuif-
set, nisi diuino munere sub arbore punica fuif-
set suscita. Quod ideo sponsus efficit, ut spō-
sæ omnem gloriæ inanis motum amputet,
proprij generis recordatione. Quantamcun-
que enim diuinæ gratiæ vim adepta fuerit, si
suam mente repeat progeniem, non effere-
tur animo, cum gratis damnationi erepta fue-
rit. Vt verò hic loquendi modus arcanus te-
neatur, ponendum est, in ipsis peccatis quan-
dam cerni generationis seriem, qua scelerati
maiores, filios sibi generat exempli prauita-
te similes. Inter vniuersos autem peccato-
res, synagoga Iudæorum, quæ sponso necem
acerbissimam est machinata, principatum ob-
tinuit, adeò, vt malignitate sua, & importuna
flagitatione sponsum morti deuouens, po-
tius ipsa, quam milites, illum crucifixisse di-
catur. Ex quo effectum est, vt in ea crucifi-
xione princeps, & mater extiterit: vnde qui

Sf cum-

cumque sponsum spiritualiter crucifigunt, ab ea genus infame ducant. Certum est autem, eos qui semel illuminati sunt, postmodumq; prolapsi, rursum sponsum crucifigere, & ostentui habere, ut Paulus ad Hebreos testis locupletissimus est. Quia propter ad eam synagogā crucifigētiū principē, ac matrē, ut venenata posteritas, ad virulentam stirpem pertineant, prorsus oportet. Et cum sponsa, quæ peccauit, in eo fuerit infausto numero, iure synagogam, quam imitata est, matrē habuisse perhibetur. Hæc vero scelestā mater ibi corrupta, violataq; sensu repetito asseritur, ibi inquam, hoc est, in arbore illa mystica, unde enim vitam legere debuisset in ligno pendentem, inde corruptelam traxit & morte, dum sponsum Messiam negauit, & execrata est. Pulchrè antē dicitur ibi synagoga violata, quia coniugalem tunc fidem temeravit, & quasi à coniugis sui Dei toro, alienos & adulteros amatores quæ situra recessit. Ideò quippe violata ibi fuit, quia adultera. Sic ergo sponsus loqui credendus est. Memento tui generis (o sponsa) quæ ad prælationem vocaris, vbi propter honorem, in moderatione tibi opus erit. Etsi enim grandis euaseris, humili matamen fuisti, rursumq; me affixisti cruci, & perinde violata es in arbore, sub qua te suscitaui, matris tuæ synagogæ imitatione filia.

lia. Sicut enim illa ibi corrupta , ita & tu ibi
violata fuisti , vnde caput efferre nunquam
valuisses , nisi te commiseratus essem. Disce
igitur , quānam ratione irrumpentes vanæ
gloriæ motus reprimere debeas ; quo nihil
tibi in legatione tua poterit esse fructuosius.
Hæc p̄tima est interpretatio .

Secunda non minus arcana ernitur ex se-
ptuaginta Interpretum versione , quæ sic
habet : Illic cum dolore parturinit te mater
tua. Illic cum dolore parturiuit te , quæ pepe-
rit te . Cuius versionis , vt sensum percipia-
mus , meminisse opus est , quod suprà ostēdi-
mus , sponso & nomen , & ingenium matris
potissimum congruere . Sic enim vberibus
præditus pingitur , vt matris erga infantu-
lum affectum se habere doceat , ita vt sponsæ
non minus mater , quam sponsus , & frater il-
le appellandus sit. Poterat autem matris assu-
mens imaginem filios sine dolore parere , si-
cut illum peperit mater sua . Verum , præ
amoris magnitudine , dolores partus acerbissimos
exanthlare maluit , vt nihil intenta-
tū relinqueret , quod pro nobis tolerare pos-
set ; & demum partus doloribus circumseptus
obijt , vt nos in lucē viuentes ederet , Rachel
partum imitatus . Filios ergo doloris sui nos
potest appellare , siquidem , vt nos pareret ,
parturiuit , & doluit . Qua in re diuitias suæ

charitatis luculenter ostendit; cum enim ipse maledictionis esset incapax (vt cætera sileamus) in hoc etiam factus est pro nobis maledictum, quia tulit eam maledictionis sententiam, quæ cecidit super Euam, in dolore paries filios tuos. Subiit nempe eam sententiam, parturiens in cruce, vt nos pareret. Quod cum energia illa verba repetita comonstrant. Illic cum dolore parturiuit te mater tua. Illic cum dolore parturiuit te, quæ peperit te. Hanc ergo parturientis imaginem sponsæ memoriaz ille cupit insculpere, quæ ad eundem scopum cum primæ interpretationis sensu dirigitur. Confert enim plurimum, ne sponsa proprijs meritis tumeat, suæ matris partum, doloresque recordari. Sudore quippe, & agone sponsi, illa in eam dignitatem promota est, non ex suæ operibus iustitiaz. Etsi enim operata fuerit; at vt ea opera prodescent ad iustitiam, suæ matris cum dolore partus effecit. Hæc interpretatio, præterquam quòd ad deprimentum animum idonea est, plurimam habet ad acuēdum amorem energiam. Si enim, quis dolores Christi acerrimos, quos nostræ salutis gratia pertulit, rectè perpendat, vix ab eo arduum quippiam reposcetur, quòd is negare possit. Propterea sponsus ex ea sententia velut opportunitatem

ratem nactus , sic sponsam monet .

Pone me vt signaculum super
cor tuum .

In nobilissimo tui loco , corde nempe , quod semper contueris similitudinem mei gere , vt illa semper oculis tuis obuersetur .

Profectò mos est tam latè quam natura patens , vt rerum magni ponderis ex animis nostris memoriam discedere non possuri , naturæ imbecillitati ad obliuionem proclivis , arte sucurramus , mnemosyno aliquo , vel id genus opere alio ad memoriam augendam opportuno . Sic maiorū effigies in aulis statui solent , vt oculis obiectæ , præclara illorum facinora quasi suggerant . Sicut autem scelesti animi toti extrà se feruntur , & ad aliorum facta exploranda & criminanda , aciem mentis intendunt , scilicet cordis immemores , ita è contrario iusti , ne videant vanitatem , oculos auertentes , cor suum perpetim contemplantur , vt nihil ibi præter honestum admittant , motusque omnes degeneres arceat . Propter hoc igitur spōsus monet ,

vt non alibi, non in obscuro, vel ignoto, sed in nobilissimo omnium loco sponsa illum statuat; vt in eum mentis aciem semper intendat.

Secundo modo exponi possunt hæc verba, obseruata literas obsignādi consuetudine huic loco maximè consentanea. Porrò sigillum epistolæ impressum, & secreta custodit, & ne quis, nisi is, ad quē mittitur, resignet illam, efficit. Cor autem sponsæ epistola quedam est, multis desideriorum exarata lineis, ad sponsum, quamdiu nō clarè cernitur, misfa, nam in patria desideria fruitione succedente cessabunt. Ut autem eam desideria in exilio alantur, & tutò in ea carnea perferantur epistola, quam nemo, regis conspecto sigillo, vel resignare, vel remorari audeat, iubet spōsus, se tanquam signaculum, seu sigillum illi imprimi, quo nihil optabilius esse potest. Profectò, donec eum sponsa sine caligine cernat, sigillo vti debet, in quo illius quasi sculpta conspiciatur imago. Tunc nec indigebit epistola, nec huiuscemodi sigillo. Sed prius hæc via carpenda est.

Tertio verba sic explanari possunt, vt ex vulgato cudendi numismatis more metaphora petatur. Enim uero argenti, aurive massula, etiam in orbes conformatæ, donec eis regia imprimantur insignia, nec tanti fiunt, nec

ad vulgares permutationes, emptionesq; admittuntur. Insignia vero regis eas pretiosiores efficiunt, adeo ut quasi numina colantur, quod nequitia sua orbis sat is callet vniuersus. Hanc ergo cudendi artem sponsus respexit se videtur, cum ait . Pone me vt signaculum super cor tuum, acsi planius diceret. Fac, spōsa , vt cordis tui , hoc est tuæ voluntatis me amantis actus, meo insigni non careant. Etsi enim argentea, aureâve esset corum actuum natura , quasi virtutibus cognata moralibus, at metallū est non cusum , vnde nisi cudatur, meiq; signaculi impressione notetur , parui fiet, & ad æternitatis emptionem nihil omnino proderit . Sanè sponsa signaculum hoc cordi suo insculpit cū voluntatis actus, vnde meriti vis emanat, amoris sponsi impressione consignat, dum eos ad amoris eiusdē scopum dirigit . Quos vbi cernit æternus Pater filij sui charactere notatos, vt pretium gloriae capit sempiternæ . Hic vero annotandum est, sponsum prefecturæ ad prædicationem spōsæ leges ferre zelotypiæ , vt obsignata regio velut annulo incedat, ne quis absentis sponsi torum audeat violare , quod post pauca clarius perspicietur.

Non est autem silentio tumulādum, quod ad orationis spectat connexionem. Certe sicut à corde motus incipit, cæterasq; corporis

ris partes ciet , ità à voluntate , quæ arcano sermone cor appellatur , vis erumpit cæterarum animæ partium motrix . Quapropter cum sponsus voluntatem suo sigillo præcepisset obsignari , æquum erat , quin & necessarium , ut in cæteris partibus & operibus , per brachia significatis , sui etiam sigilli posceret impressionem . Ideo ait .

Vt signaculū super brachium tuū .

Charaktere meo tua opera signa , vt mei præfabant imaginem .

SAnè ex candenti ferro scintillę dissultat ; nec enim ab ea materia , quæ calore igni proximo imbuta est , aliud quippiam exultare posset . Cor sponsæ igne diuino concepto canduit , & sponsi signaculum altè concepit ; quid ergo ab eo , nisi ignem , nisi obsignatum prodire poterit ? Perfectò æris signandi , seu cudendi officina est voluntas , in qua regius est character amoris , quo signantur opera , quæ ab sponsa fiunt vniuersa , brachio vulgo notata . Nemini dubiū accidit , quin brachio , quod ad plurimas vitæ functiones cum vtili-
tates , tum necessarias , vt potissimum organum , natura condidit , opera significantur figurato sermone . Sponsum ergo , quasi chara-

characterem infigit brachio, cum in suis operibus sponsa illius gerit imaginem. Trifariam verò brachium signari potest, quemadmodum & cor, ac proinde tres, quas de cordis obsignatione produximus interpretationes, brachio seruata proportione accommodari possunt.

Succurrit autem quarta, quæ his, sicut & proximè enarratis verbis valet aptari, quæ ex similitudine stigmatis, quod mancipijs solet inuri, est erienda. Nimirum, cum sponsus sic sponsam hortatur, Pone me ut signaculū super cor tuū, ut signaculū super brachiū tuū, idem agit, ac si apertè diceret, Esto mihi tāquā mācipiū, stigmatisve seruus, qui, quocūque diuertat, seruum se negare nequit, quē prodit adustio. Quāuis fileat, nec seruile quippiam faciat, in facie ipsa, dignissima totius corporis parte, seruitutis gestat inscriptū, seu signaculum. Sic tu, quocūque digressa fueris, mei præter fer similitudinem, meique amoris adustionē, quæ licet à prædicatione interquiescas, nec externe mihi tūc inferuire videaris, ipsa tamen ad seruitutem expeditione te prodat ipsam. Hoc plane modo Christi velut stigmate vsti viri Apostolici, ut aueros reducant ad prudentiā iustorum, ad prædicandū legati, externo habitu, incessu, sermonē, sponsi præferunt seruitutē, quæ, li-

cet ipsi interdum sileant opportunitatē cap-
tantes, se publicat ipsam. Est enim quasi stig-
ma, quod celare nec possunt, nec volunt, qua-
si eo nobilissimo seruitutis genere glorian-
tur. Subditurus verò rationem huius notæ,
quam sponsæ cordi, brachioque sponsus cu-
pit hærere, modò dilectionis vim adornat
aperire. Sic enim ait.

Quia fortis ut mors dilectio.

*Præcipio, ut tanquam serua characterem gerat
meum, ut mea sis tota, nam amor, qui ut mors ne-
mini parcit, me adigit, ut præ zelotypia, te, ut à
nullo alio auertaris, ob signem.*

ROgare sponsa potuisset, quænam spon-
sum causa impelleret, ad huius signaculi
iniungendam impressionem, cui ille sapien-
ter occurrat, aiens. Quia fortis ut mors dilec-
tio. Sane dilectio morte fortior est, siqui-
dem mors vix sponsum inter mortales agen-
tem, & passionis acerbitate exhaustum im-
petere ausa fuit. Et cum tandem illum adorta
est, & deglutivit, sentiens se illum ferre, ac
retinere non posse, illum euomuit, vitæque
restituit; at dilectio. Deum, non teatum mor-
talitate, non laboribus in extranea regione
fessum, sed in throno gloriae, ac immorta-
lita-

litatis sedentem inuasit , adeoque cum illo
animosè conflixit , vt ibi eum fauicarit , & de
diuinitate triumphum reuexerit . Firma au-
tem victoria fuit , nullo vnquam tempore ,
sed nec æternitate labefactada ; ac propterea
amor , vt gloriosus vicit , superato Deo
leges dixit , quas ille mortalis ex amoris ef-
fectus imperio ad vnguen subiturus esset .
Qua quidem victoria ipse amor exultans ad
æuum trophæa erexit sempiternum , vt qui
de Deo , ac homine sit perpetuò triumpha-
turus . Hæc ergo ita se habent . Dilectio quip
pe morte fortior est . Verum nihil ocurrer-
bat , quo cum dilectio conferretur , quod inui-
ctissimum amoris robur tam posset signifi-
canter exprimere . Reddit igitur sponsus ra-
tionem , quæ illum adegit ad signaculi im-
pressionem sponsæ persuadendam , aiens .
Quia fortis ut mors dilectio , acsi planius di-
xisset : Nequaquam tibi (ò sponsa) mirum
accidat , quod te tanquam seruam meo chara-
ctere signatam habere velim ; quia mihi dile-
ctio erga te mea hoc iubet , cui obſistere non
valco , cū sit fortis ut mors . Spiritus zeloty-
piæ ab amore genitus torquet me , qui mor-
tem æquat fortitudine . Rationē igitur expeti-
ti signaculi , ab ea cauſa reddere sponsus cre-
dendus est . Post autē , quanā ratione in eo ze-
lotypia esse credatur erga animāſibi gratam ,
expli-

explicabitur. Nunc autem, quænam sit ea dilectionis cum morte similitudo, sedulò inuestigare oportebit. Et primùm quidem iuxta vulgatam mortis ferociam, illa verba sic possunt enarrari. Fortis ut mors dilectio, id est. Quemadmodum mortis vim nemo, tametsi diues, robustus, nobilis, sapiens, vel vitare, vel retardare potest, nec enim prece, pretio, vel arte vlla lenitur, sicut quidam cecinit.

*Lanificas nulli tres ex orare puellas contigit;
Obseruant, quem statuere diem.*

Ità dilectionis zelotypia æstuantis vim, vel auertere, vel diminuere, quò minus eius imperio parendum sit, nemo valet. Non est exorabilis. Nequit ullo pacto eneruari, sed omnia corda mulcet, omnia colla subiugat, ut quidquid libet, & quo pacto, ac tempore libet, exequatur. Quamobrem, cum spiritus ille zelotypiæ, qui est amor consortis impatiens, quempiam incessit, eo tanquam mancipio vtitur, nec illi parcit. Iubet tēporis obseruare momenta, & occasiones, suspiciones concipere, & de forma, quam amat, sine re quie cogitare, nec in his omnibus animo magis, quam mors corpori ignoscit. Vt ergo sponsus se quasi zelotypiæ stimulis punctū describeret, & ullum in sponsæ consuetudine triualem se pati nolle declararet, illam curauit
obsig-

'obsignare, vt cæteris clausa esset, ipsiç; pateret soli, quod vt ex zelotypia profectum inuenret, in eadem subtexuit periodo, quia fortis vt mors dilectio. Talis ergo est erga sponsum dilectio cum zelotypia, qualis erga mortales mors. Et hæc prima est interpretatio, ex vulgato mortis intellectu de-
prompta.

Secundò verba hæc enarrari possunt, ex-
pensa mortis proprietate, amori quam simili-
ma. Porro mors, sua vi, animam à corpore,
quod afflabat, & ciebat, se iungit, & aliò trāf-
fert, nec aliam propriorem mortis definitio-
nem nobis Philosophi tradidere. Hoc autem
modo dilectio, cū inualuit, & ad iustā magni-
tudinē pertinuit, animā à corpore, cui præst,
diuertit, & separat, & in amatam pulchritu-
dinem multis motibus transfert, vnde illud
emanauit apophtegma. Anima præsentior
est, vbi amat, quā vbi animat. Quod non tan-
quā sine basi assertū accipiēdū est. Nā sine vl-
la hyperbole, quotidiano constat experiē-
to, animā (cum amor effebuit) sc̄ totā in rem
amatam effundere, & corporis functiones
vix illam explere. Ex quo proprium corpus
velut anima destitutum, pallidū, & exangue
languet, ac friget. Tūc certè dilectio, præ cor-
dis effusione, ac anxietate zelotypiæ, cor-
pus conficit, & extenuat, & diu sæpeque
mori-

moriturum necat, in quo genuina est cum morte similitudo. Mors igitur & dilectio animam à corpore separant, corpusq; exangue, pallidumq; relinquunt. Sponsus ergo humano more loquens hæc in seipso delineauit, qui quamuis modò non patiatur eam corporis extenuationem, satis enim inter mortales tulit, habet tamen eam in sponsam suæ animæ propensionem, ut meritò extra se ferri dicatur, & quandam animæ à corpore suo metaphoricam separationem immortalis suæ gloriæ consonam pati pütetur. Nam & ipse ut Deus qui est omnium causa, assertore Dionysio, per abundantiam amatoria bonitatis extrà seipsum fit. Verba autē Dionysij iuxta versionem Ioachimi Perionij, hæc sunt. Audendum est etiam hoc pro veritate dicere, ipsum quoq; rerū omniū authorē honesto bonoq; omniū amore ductum, pro singulari bonitate amatoria extrà se fieri, rerum omniū procuratione, & quasi bonitate charitateq; & amore deliniri, atq; ex statu, quo sperat omnia, & ab omnibus secretus est, ad eū, quo in omnibus est demittitur, ea vi, quæ essentiam superat, & omnia extra se rapit, nec interim ab eo discedit. Hæc ille. Quod autem in vtraq. textus enarratione, ad dilectionis cum morte similitudinem edifferendam, assertum est, per verba subiuncta confirmatur.

Dura

Dura sicut infernus æmulatio.

Zelus seu amor consortis impatiens, à quo Deus Zelotes vel æmulus appellatur, durus & implacabilis est, acerbè animam vexans, sicut vermis in inferno conscientias damnatorum excruciat.

AEmulatio hoc in loco idem est, ac *Zelus* seu *Zelotypia*, quæ sponso congruit, ac proinde idem erit cum dilectione, quam zelus afficit, de qua proximè verba fecimus, eius cùm morte similitudinem explicantes. Deo autem zelotypiam hanc erga animam seu sponsam competere, facile patet. Si Dionysij consulamus oraculum. Porrò is post ea verba, quæ ex ipso paulo ante retulimus, sic ait. Itaque Ζηλωτιν, idest, æmulum ipsum (Deū scilicet) iij, qui multum in diuinis exercitati sunt, appellant, vt magno, ac benigno, in ea, quæ sunt, amore præditum, excitatēq; ad studium amatorij ipsius desiderij, atq; vt singulari amore captum seipsum præstantē. Hęc ille. Zelotes igitur, hoc est, æmulus est ipse Deus, ex Dionysij sententia, ac proinde ipsius æmulatio erit zelotypia. Verum, quod huc distulimus, an hęc æmulatio spōso competere queat, enucleandum est. Quod

vt distinctius fiat , statuendum hic fuerit ex philosophia , vim vnamquaq; , quo intensius in aliiquid tendit , omne illud , quod est contrarium ei , quod assequi cupit , fortius repellere . Quamobrem , cum amor sit quidam motus in rem amatam , si fuerit ardens , & intensus , omne id , quod à consecutione , ac fruitione boni , quod optat , eum remoratur , acriter auertit . Ex hoc autem efficitur , vt si nequeat impedimentum amoliri , spe sua frustratus langueat , & moerat . Iuxta hanc igitur dogmata , æmulatio , seu dilectio intensa , seu etiam zelotypia , quæ tria eundem hic sensum redundunt , si eo modo intelligatur , quo languorem , inœstitiamque illam præ se fert , qua vexatur amantis animus , eo quod quis amata re potiatur , quem à consortio nequit aere , sponso nequit congruere , qua Deus est , cōgruit autem æmulatio , vt amorem ferventissimum , consortia aliorum amatorum sponsæ , sine animi ægritudine , aut mœrore , sed vi diuina repellentem notat ; & iuxta hunc sensum proprio epitheto in scriptura Deus insignitur , cum æmulus . seu zelotes nuncupatur . Si verò sponsus , quæ homo est , inspicatur , in statu gloriae , qua modo perfruatur , proportione seruata , iuxta id , quod de illo , vt est Deus , assertum est , zelotes , aut

aut æmulus appellari debet, cum feruentissime amet, & riuales à sponsæ amore, sine animi anxietate, sua potestate rejciat. Verum si in eum, cum mortalis esset, oculos defigimus, cernemus eum cum anxietate, ac mœtore vltro assumpto, zelotypiam patientē. Conficiebat enim illum, & velut exedebat amoris æmulatio, sicut scriptum est, Zelus domus tuæ comedit me. Nunc verò, postquam, quopacto sponsi zelū, vel æmulationem concipere debemus, explanatum est, ad similitudinem cum inferno exprimendā veniamus. Dura, inquit sponsus, sicut infernus æmulatio. Enim uero, quicunq; inferni cruciatus cogitando percurrit, nihil non durū offendit. Sicut enim durum est, quod ita natura constat, ut tactui nō cedat, nec mulceatur, ut lapis, ferrū, & id genus alia, ita, siue ignis, siue horror, siue dolor cogitetur inferni, nec cedent, nec minuentur, nec æuo sempiterno placabuntur. Et hæc quidem si æmulationi conferantur, egregiè illi consentient, non enim magis æmulatio, quam ea omnis inferni duritia, emollitur, postquam amor effebuit. Sed profectò in inferno aliud quiddam est, quo damnati dirissimè sine ullis torquentur inducījs, quod cum æmulatione natuam habet similitudinem. Hic est ille vermis conscientiam rodens, & lacerans, & velut infli-

etō verbere cædens , admissa piacula morsu
sempiterno puniturus. Cum hoc planè æmu-
latio similitudinem gerit natuam. Quemad-
modum enim is vermis durus & implacabi-
lis animam rodit, laceratq; damnatam ; & ta-
met si externa non expendamus supplicia, is
vermis, velut ex eodem, quod rodit, ligno na-
tus, eidem, à qua oritur , conscientiæ æternū
morsum infigit; ità zelotypia eandem dilec-
tionem, à qua enascitur direc̄ vexat , & sine
ulla requie sollicitam laniat , quod qui eam
patiuntur, ingenuè fatentur. Vnde satis op-
portunè Deus huic maximo dolori reme-
dium in veteri testamento prouidisse vide-
tur, cum tam acri experimento virum spiri-
tu zelotypiæ vexatum in vxorem uti con-
cesserit, vt aquam maledictam hauriēti uxori
semper inflato ventre computresceret, quasi
esset viro intolerabile, aliter pati zelotypiā,
nisi præsentissimo illam Deus miraculo seda-
ret. Declaraturus igitur sponsus, quoniam pa-
cto spōsam amet, ne quis vulgarem eum pu-
taret amorē, qui citò vel paruo negotio pos-
set extingui, hac vtitur inferni similitudine,
qua notet, se ab æmulatione semel correptū,
quasi verme quodam, hoc est, importuna sol-
licitudine pro sponsa torqueri , nec vllas, se
inducias impetrare posse , vt mirum non sit,
velle illum sponsam signaculo communire,

Ut spiritus zelotypiæ tantillum quiescat, dū credit obsignatam semel sponsam à nemine violatum iri . Quæ vniuersa sic accipienda sunt, ut æmulatio sponsi modò non vexet illum, nec enim gloriæ illius consentire posset, sed ut eum tam potenter incesserit , ac si ne vlla intermissione, de sponsa, quam ardentissimè amat, cogitare iusserit , ut non magis illum hæc cogitatio, quam dānatos ille vermis deserat , quo , ad amoris magnitudinem propalandom, nihil aptius poterat excogitari . Hucusq; sponsus amorem suum erga sponsam maximum duabus expressit metaphoris, nunc eius actus, & quasi coruscationes ab eo emicantes pergit explicare.

Lampades eius lampades ignis, atque flamarum.

Actus dilectionis sunt quasi faces igneæ in aërem elatae, publicè splendentes ; nec enim se celare valet amor.

Lampas facem significat, licet vulgo prolychno pensili accipiatur . Hoc vero in loco lampades faces sunt, quales interdum in aere visuntur, quæ inter meteoricas impresiones recensentur, lampades & ipsæ nuncupatæ . Quod subindicasse videntur Septua-

ginta Interpretes, quorum versio sic habet.
 Volatilia eius volatilia ignis flammæ eius.
 Illæ quippe igneæ faces, seu lampades, quæ
 in aere cernuntur, quædam videntur igneæ
 volucres, flâmeâve volatilia. Est autem aper-
 ta actuum amoris significatio. Hi enim facis
 seu lampadis similitudinem præferunt, cum
 quasi flammæ ex charitatis habitu exultant,
 & quasi ignea volatilia sese attollunt, & ve-
 lut in aereum, immò cœlestem regionē elati
 mortaliū obtutibus apparent. Verè hi actus
 in arcano sermone sunt volatilia pennata,
 quæ alis velut igneis in sublime feruntur, qui-
 bus nulla est cum terræ humilitate, ac graui-
 tate cognatio. Sanè amoris diuini actibus il-
 lud apprimè quadrat.

Igneus est illis vigor, & cœlestis origo.

Quod adeò verum est, ut præterquā quòd
 ipsi tuo in altum, hoc est Deum, feruntur in-
 genio, si quippiam suis flammis corripuerint,
 etsi id terrenum sit, secum in sublime vehat,
 suo nimirum vigore ac ignea natura, dum cœ-
 teros hominis, aliàs humiles actus afficiunt,
 quasi flamma diuina correptos in altum effe-
 runt. Quòd autem amoris actus seu lampa-
 des sint ignis diuini, diuinorumque flamma-
 rum, & ex se notū est, & ex versione ad He-
 braicum textum elaborata patet, ubi flam-
 mæ Domini dicuntur. Enim uero nō ex alio
 igne,

igne, quām ex diuino, amoris actus erumpūt,
ex quo illorum vis diuina est, & terrena fasti
diens. Sic ergo sponsus loqui putandus est.
Fortis est dilectio ut mors, & eius zelotypia,
ut infernus dura. Eius autē dilectionis actus
sunt quasi faces igneæ, atq; flammeæ, in aerē
elatæ, quæ se nec volunt, nec possunt ullo
modo celare. Amoris ergate mei, o sponsa,
exultantes faces meteoricas lampades publi-
cè ardentes imitantur, quas proinde oculere
nequeo, sed palā emitto, ut constet, tuo me
amore flagrare. Et sicut ego publicè ago, &
æmulum me profiteor, ita iubeo, ut & ipsa
publicè signaculum geras, quo mea con-
quiescat zelotypia.

Hucusque verba illa, Fortis ut mors dilec-
tio, cæteraque hactenus allata de sponsi di-
lectione, zelotypia, & amoris actibus inter-
pretati sumus. Possunt autem & sponsæ non
ineptè accommodari, ut postquām sponsus
dixit, Pone me ut signaculum super cor tuū,
ut signaculum super brachium tuum, cætera
in eandem sponsam, quam hortatur, conge-
rat, ac si in hunc modum eloqueretur. Impe-
ro, ut meo signeris, o spōsa, charactere, quod
non debet alicui nimium difficile videri, nec
fas est, me propterea nimis rigidum amato-
rem, durumq; putari; quia id, quod præcipio,
tuæ charitati nec durū est, nec insolēs, immò

verò adeò illi est iucundum , vt nullis incita-
 tā calcaribus , id sua sponte , ac propensione
 præstet . Tua videlicet in me dilectio fortis
 est , vt mors , quia tibi in ijs , quæ ad amoris
 significationem pertinent , minimè parcit , &
 animam tuam velut à tuo corpore diuulsam ,
 in me transfert , in quo natuā dispicitur cum
 morte similitudo . Aemulatio , seu zelotypia ,
 pro me tua dura est sicut infernus , tum quia
 nulla est ab ea redemptio , non enim pretio
 vlo redimi à sua seruitute patitur animā tuā ,
 quam semel cœpit ; tum , quia sicut in inferno
 vermis ille æternus male conscos animos
 torquet , ita æmulatio te iugiter rodit , nec vl-
 lam à sollicitudine pro me requiem permit-
 tit . Lampades præterea , tuæ in me dilectio-
 nis æmulatione follicitæ , sunt ex genere ig-
 nis diuini , diuinarumque flamarum ; sunt
 enim tuæ charitatis actus ex origine diu-
 ni , ignei , in altum elati , qui non magis se
 possunt occulere , quam meteoricæ lampa-
 des in aeris regione micantes . Si ergo dilec-
 tio animam tuam à te separat , in meoque tra-
 dicit ; si æmulatio te iugi pro me sollicitudi-
 ne angit ; si charitatis actus se in publicū pro-
 dunt , & emicant , necesse omnino fit , vt Ipon
 te tua , meam semper imaginem præferas ;
 quamobrem , suauissimè , ac humanissimè te-
 cum ago , dum tibi mei characteris impres-
 sionem ,

sionem, quam præ te feras, iniungo, quemadmodū vir cum uxore indulgentissimè agit, cum ei, quod impotenter cupit, imponit. Hæc, ut verba illa sponsæ accommodarentur, compendio diximus, quæ facile dilatari valent, obseruata eorum verborū paulò antè allata interpretatione.

Hic autem annotare oportet, zelotypiam seu æmulationem, quapropter sponsum spōsa torquetur, esse longè aliam ab ea, quæ spōsum incessit. Sponsus nimirum æmulus seu zelotes appellatur, quia & ardētissimè amat, & in spōlæ corde est cōsortis impatiēs. Solus enim ipse integro eo corde potiri vult. E cōtrario verò sponsa æmula, seu zelotypa nuncupatur, cùm animos vniuersos in sponso cupit habere confortes. Propter hanc quippè æmulationem languet animus, cùm à consor tio isto cernit corda deficere, sicut scriptum est, Defectio tenuit me, pro peccatoribus de relinquentibus legem tuam; & alibi in cundē sensum, Tabescere me fecit zelus meus, quia obliti sunt verba tua inimici mei. Huius autem discriminis ea ratio est, quia zelotypus vel æmulus toto rei amatae cupiens corde potiri, cernens, se id assequi non valere, si partem illius cordis aliquis sibi consors vendicet, dirè cruciatur, & contabescit. Hic autem languor, & mœror creaturas vexare

potest, quarum corda varijs distracta studijs, tanto remissius quenpiam diligunt, quanto acrius alium affectant. At diuinum cor, tam ardenter singulos amans, ac si in vnum quemque illorum duntaxat, ceterorum oblitum, vim amoris effunderet, non potest amatores suos ita afficere, ut confortes in eo genere habere nolint. Quin verò ita illos incedit, ut quò vehementius amant, cò plures cupiant habere confortes, quòd strenuè curant; & si res infeliciter cedat, animo deficiunt, ac extabescunt.

Nunc autem seu dilectio & æmulatio ad sponsum, seu etiam ad sponsam pertineant, verba, quæ mox subdūtur, sunt maximè idonea. Sic enim sponsus ait.

Aquæ multæ non poterunt extinguerem charitatem, nec flumina obruent illam.

*Voluptates non vincent meam in te charitatem,
qua propter tua quiescat pro me (ò spōse) æmulatio.*

A Quarum nota sensuum voluptates exprimuntur, quæ & ipsæ aquæ sunt, & ad arcanos sensus suggestendos accommodatae. Sanè voluptates, quæ carnem magis afficiunt, ac demulcent, ad tactum, & gustum attinen-

tes,

tes, aquæ finitima natura constant, & hæ tā-
quām vehementiores, cum de sensuum agitur
voluptatibus, principatum sibi vendicant, &
nom̄. n. In his vero arcendis illecebris diū, &
sedulo enitendum est. Experimento quippe,
& sanctorum patrum traditione constitutū
est, viros etiam vitæ perfectione insignes,
post longum cum hoste conflictum, & cor-
poris emaciationem, vehementissimos earū,
quibus tactus afficitur, illecebrarum impetus
esse perppersos. Vnde & post relatos de alijs
passionibus triumphos, inter ipsas etiam vi-
ctorias, voluptatum illarum ictibus pungebā
tur, cuius certè rei Paulus testis est locuple-
tissimus, cui in ipso mundi trophæo, quod
erigebat, stimulus carnis erat infestissimus.
Charitatis ardentissimæ experimentum car-
nis impetum perferens, subibat. Enim uero
perfecta sui victoria potiri necesse est eum,
qui hisce aquis nō humectatur, si minus mer-
gitur. Sic igitur sponsa loqui credenda est.
Hortaris, spōse, vt tuum perferam signacu-
lum, vt ob signata incedens cōmunis tori iu-
ra non violē, totumq; cor tibi vni tradam.
Conquiescat obsecro tua pro me æmulatio, si
enim ob rem quam piam esse à te alienāda,
maxime protectò ob eas voluptates, quæ
vehementiores, & naturæ propriores sunt,
quas vix animus carne obseq̄ptus expuere, &

odisse valet; at enim ego fortissimè certabo,
& invicto eas corde recutiam. Charitas pro
me luctabitur. Et profectò earum voluptatū
aquaè non poterunt extinguere charitatem;
nec tametli magno impetu instar fluminum,
quaè feruntur in præceps, me adoriantur, cha
ritatē grandiorem poterunt obruere. Aequū
autem omnino est, hanc meam sedulitatem,
& fortitudinem æmulationi tuæ respōdere.
Iuxta interpretationē igitur hāc aquæ mul
tæ, multæ sunt sensuum voluptates, aquarum
flumina earum voluptatum est inundatio. In
aquis frigiditas inest, quaè arcanè notat indu
ctā spiritui frigiditatē charitatis calori inimi
cā. In fluminibus est præterea præceps ille
vndarū decursus, secū plerunq; arbores, lapi
desq; corripiens, quo voluptatum illarū im
petus à dæmone interdum concitatus expri
mitur, quo, qui arboris more radices egerant,
& more lapidis stabiles ac firmi fuerant, quā
doq; rapiuntur, & in tartari voraginem præ
cipiti voluptatum cursu impelluntur, quales
fuisse non paucos, & antiquæ historiæ & æta
tis nostræ portenta, non sine luctu, common
strant. Sponsa verò, & aquas placidè fluen
tes, clamque subintrantes, & flumina citata
præuidens, fore ait, vt filios Israelis imitata,
medium mare sicco vestigio pertrāscat. Hæc
prima est interpretatio,

Secund

Secunda verò aquarum nomine labores ac insestationes intelligit. Aquæ sane orbi olim toti diluvio necem inuexerunt, vnde, quasi prouerbiali modo, in calamitatis, ac interitus transiere significationem. Flumina verò, præter eā, quam habent, communē cū aqua significationem, rapido suo cursu, quo arbores raditus extirpant, aggeres oppositos perrumpunt, pontesque firmissimos concutiunt, & interdum euertunt, malorum rabiem, quæ aduersus charitatem debacchatur, significant, à qualicet quatatur, euerti tamen nequit stabilissima charitatis arx, qualem iam in sponsa, Deo architecto, cōstructam perspicimus. Haç porrò in arce tutus se Paulus iactabat, & de victoria antè conflictū exultans, illas voices efferebat. Quis nos separabit à charitate Christi. Vbi mox varia, eaque ingentia mala percenset, famem, angustiam, gladium, & alia id genus plura, à quibus se victum iri negat. Profectò sicut dixit. Certus sum, quia neque mors, neque vita, neque Angeli, neque principatus, neque virtutes, neque instantia, neque futura, (& alia similia) poterunt nos separare à charitate Dei, ita dicere potuisset: Aquæ calamitatum multæ non poterunt, vel, ut alijs legunt, non potuerunt (futuram victoriam ob certitudinem præterito significantes) extinguere meam charitatem, nec
aqua-

aquarum flumina, hoc est malorum impetus,
facto velut agmine in me incurvantur, cha-
ritatē obruent siue mergent. Videtur in hoc
sermonis genere sponsa alludere ad vulgatam
lampadum significationem, in qua se prodit
mira orationis concinnitas. Porro sponsus
charitatis ignem commendans, eius lampades,
verè lampades ignis esse asseruit. Cui cer-
tè sententiae ut sponsa concineret, loqui fe-
stinauit, aiens: Aquæ multæ non poterunt ex-
tinguere charitatem. Sanè oleo lampadis ab-
sumpto, cum iam elychinum, à quo alatur,
oleum non habet, mox ut aquā attingit, cre-
pitare incipit, statimq; lampas extinguitur.
Ut ergò sponsa doceret, charitatis lampadē
adeò esse sua natura igneam, & lucentem, ve-
tametsi oleo blandimentorum, voluptatisq;
careat, non propterea extinguenda sit, signi-
ficantissimè sic enunciauit, Aquæ multæ non
poterunt extinguere charitatē, acsi luculen-
tius diceret. Tantùm abest, ut charitatis lam-
pas, angustiæ, & calamitatum, ac insectatio-
num aquis extinguatur, vt potius inde nu-
triatur, & luceat, quod enim lampadi pensili
præstat oleū, hoc charitati vexatio. Hæ sunt
aquæ, hæc flumina, à quibus extinguui, vel
obrui charitas nequit, quibus nutritur & lu-
cet. Sic igitur sponsa loquitur. Conquiescat,
ò sponsa, tua æmula dilectio; ego enim inter
medios

medios aquarum, calamitatumve fluctus amabo te, & mea in te charitas in ipsis aquis, fluminibusque ardebit. Non extinguetur, aut obruetur, sed caput semper efferens, igne suo lucebit, & aquis laborum tanquam oleo pinguisimo nutrietur. Sed quia heroicæ virtutis hic actus est, ne forte sibi sponsa oborto quopiam vanitatis motu blandiatur, & placet, præsentissimo sponsus remedio adest, ratione quadam ad cor deprimendū, & in officio cōtinendū efficacissima vtens. Ait enim,

S P O N S V S.

Si dederit homo omnem substan-
tiam domus suæ pro dilectio-
ne, quasi nihil despici-
ciet eam.

Debes, ò sponsa, pro dilectione magna polliceri,
nec inde tibi placere, hoc enim omni amanti est in-
genium, ut si vitam pro dilectione tradat, nihil se
tradidisse putet.

N E putes, ò sponsa, magnum quippiam à
te præstari, quod signaculum meum fe-
ras, quod aquis multis charitatem erga me
tuam non extinguendam policearis. Id enim
nec mirum, nec nouum est. Immò verò hoc
est

est vniuersim cuilibet amanti ingenuum, vt
quantumuis magna præstet, nihil se præstare
putet, ob amoris magnitudinē, quaꝝ largitio-
ne non vincitur. Iuxta hunc ergo sensum sic
sponsus loqui credendus est. Profectò, spōsa,
tanta est vis amoris, vt amans quicunq; si de-
derit omnem substantiam domus suæ pro di-
lectione, quasi nihil eam despiciat, hoc est, si
domus suæ diuitias amoris causa erogārit, ni-
hil se magnum præstituisse credat. Est ergo
hic accuratè expendenda amoris ingenui-
tas, & liberalitas. Amor quippe muneribus
modum præscribere nescit. Omnia sine ex-
probratione largitur, factus donando muni-
ficientior. Licet autem substantiæ nomine, re
ctè hic diuitiæ vulgato sensu intelligentur,
rectius tamen videtur, vt vitam substatiæ no-
tet. Cætera quippe bona, honor, diuitiæ, vo-
luptates, vita ceu substatiæ, hoc est, basi fun-
damentōve nituntur. Omnibus his illa cha-
rior, & pretiosior est, & ad amoris ostēsionē
opportunior. Substatiæ ergo seu basis domus
hominis vita est, quam & animam sermo sa-
cer appellat. Porro leptuaginta Interpretes
sic vertunt, si dederit vir omnem vitā suam in
dilectione. Cum igitur homo hanc pro dilec-
tione tradit, ardentissimè se ostendit amare,
maiorem enim dilectionem nemo habet, quā
vt animā seu vitam suam det pro amico. Hac
plurimi

plurimi pro sponso tradidere, in quorum gestis, nō tā ipsa traditio, quām ingenuus quidā excelsi animi affectus, quasi nihilū vitam despiciens, animū in admirationē rapit. Hoc ergo sensu sponsus sponsam monet, ut animaduertat, & exploret amoris naturam, quæ & vitā discrimini obijcit, & in eo heroico actu, sibi minimè satisfacit, aut blanditur, cum vitam quasi nihil contemnat. Certè qui rē nullius pretij cuipiam tradit, minimè se de largitione iactat; sic etiā, qui præ amoris magnitudine, pretiosum quippiam largitur, à se tamen despectum, nullum iactantiæ motum in eo genere patitur. Et hæc de prima horum verborum interpretatione.

Altera magis arcana ex textu ipso eruitur in hunc modum. Enim uero vox illa (homo) cum Salomō introducit in hoc loco spōsum loquentem, certum quendam hominē indicat, de quo Psaltes rogauit, Nūquid Sion dicit homo, & homo natus est in ea? Hic certè homo est sponsus ipse, quod ex verbis mox in eo Psalmo subiectis patet, Et ipse fundauit eam altissimus. Sponsus ergo est homo ille altissimus, qui fundauit Sion domum suam, quæ est Ecclesia. Huius verò domus amplissimæ substantia, seu opulentia, sacratissima est Eucharistia, in qua Deus suæ charitatis diuitias vclut effudit. Non pars, sed tota substan-

Substantia est, nec enim cætera domus istius
superesse tñlia illi coniuncta maius aut opulen-
tius pippiam illa substantia reddunt. Sed om-
nia in illa velut absorbentur, & latent. Certe
illa est amplissima hæreditas noui testamen-
ti, quam sponsus nobis tanquam suæ substanciæ
reliquit hæredibus, & in ea totius domus
suæ opes inclusit, ut cum filius quispiam Eu-
charistiam suscipit, non partem, sed totum se
credat accipere patrimonium, quo Deus ni-
hil maius habet. Hoc ergo constituto, sic spō-
sus loqui censendus est, semetipsum sub ter-
tia innuens persona. Ne censeas, o sponsa, te
singulare quippiam molituram, si meo chara-
ctere tanquam serua noteris, maiora nimirū,
sine iactantia, præstat amor. Est sane quidam
homo altissimus, qui fundauit Ecclesiā, qui
præ amoris magnitudine, ac munificentia, si
dederit substantiam ipsius Ecclesiæ, quā fun-
dauit, pro dilectione, hoc est, si semetipsum
Eucharistia celatum tibi tradiderit, ob eum,
quo te prosequitur amorem, quasi nihil respi-
ciet id donum, hoc est, adeo liberaliter id lar-
gietur, ac si rem despectam donaret, quod cū
sit omni tua seruitute longè maius, debes tu
sineulla parcitate, te mihi totam, velut man-
cipium tradere, nec in care de te ipsa magnū
quippiam suspicari. Iuxta interpretationem
hanc, sponsus ratione quadam ad cor sponte-

per-

permouēndum efficacissima vtitur . Profetā, donum hoc panis Eucharistici tam eximium est, vt quamuis Deus pro illo aternā à nobis seruitutem reposceret , nec magnum, nec durum videri deberet . Quod vero tanti huius doni rationem mirificè auget, largientis est liberalitas, & sublimis quidā eius doni modus , sponsum videlicet semetipsum Eucharistia celatum adeò liberaliter tradere , ac si rem despectā largiretur . Hoc est verè summum amoris ac munificentiae fastigium , vt Deus, donum inter res vniuersas longè pretiosissimum, se nempè tradat, & præ sui amoris incredibili magnitudine , donum id despiciat, hoc est, quasi nihilum ducat . Despicere enim in hoc loco, nihil est aliud, quām facillimè, ac liberalissimè largiri, sine exprobratione donare , more illorum , qui res vilissimas dono dare solent.

Tertia horum verborum explanatio , ex Septuaginta Interpretum versione Hebraico textui consentiente promi potest . Sic enim habet : Si dederit vir omnem vitam suam in dilectione, despectione despiciens eum , ubi, quod perfectis Dei amatoribus, dum pro dilectione fortissimè certant , euenire solet, aperte monstratur . Ni mirum, dum quis egregius Christi miles, postquām cætera, quibus utebatur, bona cōtempsit, mortem pro charitate

ritate oppedit, ut qui cætera tradidit, vitam
quoque ipsam pro dilectione profundat, à
cæcis huius sæculi filijs, tanquam insipiens,
& bonis frui nesciens irridetur. Mūdus enim
sibi persuadere nequit, gloriosum esse, pro
charitate occumbere, ac proinde, se veris sa-
pientibus credit sapientiorem, & hoc fastu,
imitatores Christi deridet; quod sapiens re-
ctè nouit, qui mundi dilectores introducit ni-
miū serò resipiscere tentantes, & sic alien-
tes. Hi sunt, quos habuimus aliquando in de-
risum, & in similitudinē improperij, loquū-
tur autem de iustis, qui substantiam domus
suæ, pro dilectione dederunt, quos illi, tan-
quam insipienter agentes, in mortali vita
despexere. Opportunè autem, iuxta inter-
pretationem hanc, sponsus agit, dum spon-
sam prædicationi incubituram, & plurimas
in ea functione, pro Dei ac proximi dilectione,
calamitates perlaturam hortatur. Præmi-
serat sponsa, suam charitatem malorum aquis
non extinguidam, sed præualituram flucti-
bus, ut autem omnia sibi euentura mala pro-
spiceret, ac se ad pugnam prouide compara-
ret, sic eā monet. Fortiter age, sponsa, præui-
de, quid tibi euenturū sit. Tu decreuisti, om-
nem domus tuæ substantiam pro dilectione
tradere, nec enim aliàs prædicationis officio
idoneè fungereris. Monco te, ne inde tibi

apud

apud homines gloriam pollicearis , homines
 enim præsentia & fluxa mundi bona solūm
 admirantes, non credunt eos , qui pro chari-
 tate certant , esse gloria dignos , sed si quis
 egregius imitator mei dederit pro dilectione
 vitam , illi quasi fatuum despiciēt eum. Men-
 tis ergò aciem in meam gloriam intende , &
 scelerorum hominum improperia perfer.
 Hæc vbi sponsa didicit, nō resilit, non formi-
 dat, sed tanto ad gentem sibi creditā ocyūs , &
 animosiūs tendit, quātò acrioribus se ibi ma-
 lis nouit esse vexandam. Iam ergò susceptum
 munus certat implere , iam rogat, quo-
 nam paēto imbecilliores curare
 debeat. Sic quip-
 pe ait.

Vv 2

S P O N-



Soror nostra paruula est , & vbera
non habet.

Cerno, sponse, gratum tibi esse, ut operi manum
admoveam, & substantiam domus meæ pro dile-
ctione profundā. Eia igitur, iam aggredior . Video
autem plebem hominum peccatorum meæ curæ cō-
missam paruulam esse , quia proceram staturam
iustitiae amisit. Crescere autem lacte debet, sed præ-
dicatores non habet, à quibus lac doctrinæ sugat.

Cerno, sponse Diuine, gētis ad te conuo-
candæ mihi commissam esse prouinciā,
& proinde illius saluti iam prospicere gestio.
Intueor illam tibi ac mihi carnis cognatione
germanam, humi repellentem , & illius ad iusta
proceritatē promouēdæ , me incessit solli-
citudo. Hæc ergo sponsa loquitur . Verborū
autem sensum varium distinctiū perceptu-
ri, statuere debemus , sponsam satis locuple-
tem, ad eorum, qui in culpæ iacent humili-
te, & eorum etiam, qui sunt inde excitati, pa-
ruin tamē creuère, salutem legari , quod om-
nium est præpositorum munus . Hoc itaque
obseruato discrimine sororem paruulam bi-
fariam interpretari valemus ; plebem videli-
cet peccatorum , quibus parua sanè statura
mentis

mentis est; & congregationem eorum , qui à culpa in iustitiae statum traducti , torpent, crescereque detrectant, quorum & statura satiis proculdubio breuis est. Primū tamen sensum modò persequamur, secundum post expressuri.

Appellat igitur sponsa communem sibi cū sponsō sororem peccatorum hominum plebem ob commune naturae consortium. Hac verò ait esse paruulam , statura nempè humiliam . Porrò Deus condidit hominem rectum, quasi statura procerum, ac rectum. Cū autem is peccauit, ob ea mentis statura, & rectitudine cecidit , qua propter statura pusillus mansit, aut certe , quasi statu prorsus carentis, in culpæ humilitate iacuit. Quod quam sit verum , & constans , satis profecto credimus, & miserè nimium experimur . Certè si mentis Adæ rectitudinem , spiritalem statutram, & iustitiae procerritatem mente repetamus, & in quam inde abyssum ille fuerit de turbatus, contemplemur, non paruam modò, verum & planè minimam post culpam , hominis staturam esse deprehendemus . Tota autem Adæ posteritas pusilla proinde effeta est, & ei arcano sensu apprimè quadrat, quod quidam dixit insipiens.

Terra malos homines nunc educat , atque pusillos.

Et sanè, quamdiu ea posteritas sui proto-

parentis casum imitatur, in culpæ humilitatē contabescens, paruula est. Nec inde se valet attollere, nisi ope ac miseratione diuina, vt in secundo Adam crescat & procera fiat, sicut in primo decreuit, & paruula effecta est. Secundus verò Adam, hoc est, sponsus, in quo viuimus, alimur, & crescimus, licet sine creaturarum ministerio, paruulā eā sororem suā posset ad suam reducere magnitudinem, decreuit tamen ob spiritualis mundi pulchritudinē, creaturarum obsequijs vti, vt per quasdam nobiliores, aliarum prouideret in opia, & miro quodam nexu res vniuersas conciliaret. Hinc fit, vt prædicatoribus, quos ipse ad id munus satis armavit, vtatur, ad ignaros erudiendos, & sibi per iustitiam inferendos. Vulgatissimum est autem, prædicatores vberibus Ecclesiæ insigniter notari; tument enim velut in Ecclesiæ, prægnantis fœminæ formā induitæ, pectore, & paruulis suæ doctrinæ lac dulce propinantr, quod Paulus, dum paruulis se lac potū dedisse ait, & Petrus, dum quasi modò genitos infantes lac monet concupiscere, vt pote prædicatorum Principes, ac magistri satis aperte monstrarunt. His profectò vberibus indiget congregatio ea paruulorum, si ad iustitiam euocanda est. Sunt quippè regiones nō paucæ prædicatorum expertes, in quibus belluarū more, ipsi etiam

etiam Christiani pereunt, cu vix sit inter eos, qui Ecclesiasticae illis doctrinæ tradat rudimenta. Paruuli sunt, nec habet ubera, quo nihil funestius eis euenire potest. Hanc certè gentem incultam, & apostolico lacte destitutam, dum viri charitate perfecti contemplantur, commiseratione liquefcunt, & ad eam curandam Dei æmulatione incenduntur, quod spōsa nunc facilè declarat, dum sic ait, plebs peccatorū statura mentis pusilla, naturæ cōmunione foror nostra, ò sponsæ, paruula quidem est, & quod est commiseratione dignum, ubera, hoc est, prædicatores, seu magistros non habet, quamobrem ego ardentissimè cupio illi opitulari, & lacte meo illam alere, & ad staturam proceram erigere. Propterea, sponse, ut sciam, quid factò opus sit, rogo.

Quid faciemus forori nostræ, in die, quando alloquenda est.

Quid faciemus plebi huic, quando eius poscemos ad iustitiam consensum.

P Ingit in hoc loco Spiritus sanctus plebecorum, qui conuertedi sunt, quorum curam sponsagerit, tanquam puellam quandam, de qua nuptui tradenda nunc agitur. Cōstat

nimirum eas animas, quae ad iustitiam euocantur, spiritale cum sponso matrimonium innire, cuius conciliatores, & internuntij sunt predicatores, qui hortantur, & alliciunt animas, quas, quoties monent, alloqui ad expetendum nuptiarum consensum elegantissime dicuntur. Nunc ergo sponsa huius coniugij electa conciliatrix, interrogat sic, Quid, obsecro, sponse, faciemus, qualem affectum imprimemus plebi illi sorori nostrae, in die, hoc est, eo tempore, quo ego ad consensum poscendum illam alloquutura sum? ac si dicat, quanam dexteritate vtemur, quando eius voluntatem, ut tibi acquiescat, & copuletur, pulsaturi sumus? Faciemus, inquit, sponsum secum euntem, ac operantem ostendens. Pro eo, quod editio nostra legit, In die, quando alloquenda est; Septuaginta Interpretes sic verterunt: In die, qua vtique verbum factum fuerit in ea. Verbum fieri in re quapiam, est idem ac impleri, & in hoc sensu sponsa rogat, quid faciendum sit sorori suae, cum sermo suus in illa effectu sortitus fuerit. Vel certe rogat magis arcanè, quid faciendum sorori sit, cum in ea fuerit factum Dei Verbum, hoc est, sponsus, qui conceptus in utero virginis, dicitur Verbum caro factum; & in hunc modum, cum anima conueretur, & ipsum concipit, spirituali modo dicitur in illa verbum fieri. Idein ergo agit, dum ait,

āit, In die, qua vtique verbum factum fuerit in ea, ac si diceret, in die; qua foror nostra in ipsa ad Deum conuersione verbum Dei conceperit. Huic verò interrogationi sic sponsus respondet.

S P O N S V S .

Si murus est, ædifice in us super eum propugnacula argentea.

Si se gerit fortiter, & murum firmitate imitatur, tradamus ei sacra eloquia, ex quibus, se tueri possit.

V T concinnitas huius responsionis fiat manifesta, constituendum est, spiritales cum sponso nuptias, de quibus hic habetur sermo, ad quandam pertinere coniunctionē, quam sub architectonica similitudine scriptura commendat. Paulus quippe, cum asseruisset Christum esse angularem lapidem, sic addidit, In quo omnis ædificatio constructa crescit in templum sanctū in Domino. Aedificatio nimirum in eo constructa, foror sponsæ proculdubio est, sponso nuptijs sociata. Quam cum constet paruulam esse, sicut pauci antè perspeximus, optimo sponsus reme-

V v s di.

dio adest, dum ait, se velle sororem construere, ut tanquam ædificatio in ipso constructa crescat in templum sanctum, nec sit ultra puilla. Hoc vero quanā ratione fiat, modò indagandū est. Si murus est, (sponsus inquit) ædificemus super eum propugnacula argentea. Inter vniuersa ædificiorum genera, neminē latet, muros, quibus vrbes ambiuntur, firmissimos esse solere, selecta, ad id opus, lapidum, calcis, & id genus cæterarum rerum opportuna materia, quæ architectorum peritia bene compacta, tametsi bellicis machinis quantatur, inconcussa permaneat. Muris autem urbium superexstrui solent ædificia quædā, è quibus glandes emittuntur, & tela, quibus hostes arcetur, quæ proinde appellātur propugnacula, quasi quæ urbem propugnat. Ex hac ergo aspectabili rerum corporearum effigie, in arcanum sensum introeundum est. Rogauerat sponsa, quid plebi conuertendorum parvulæ faciendum esset, ut cresceret, & haberet iustum magnitudinem. Cui sponsus ita respondet. Si in die, quando cum ea loquendum est, quando videlicet à te nuptiarum conciliatrice de suo est interroganda consensu, murus est, hoc est, forti animo, & firme instar muri consistit, ut pro fide nuptiarum, aduersus arietes, & machinas belli vniuersas secura permaneat, exstruamus super

super eam sororem nostram, munitiores ad eam fortitudinem tuendam & ad crescendum oportunas, non ex lapidibus, aut lignis, sed ex argento purissimo. Sanè argentea hæc munimenta, seu propugnacula, quæ plebi cōuersæ, ac instar muri ærei stabilitæ superædificantur, sunt eloquia Domini casta, & ex argento, igne examinato, conflata, quæ dum plebi in sposo fundatæ, & velut ex angulari lapide surgenti imponuntur, sit illa vrbi muro inexpugnabili septæ, turribusq; argenteis splendenti persimilis. Porrò in opulentis vrbibus, turres interdum construi solent, quarum tecta non imbricibus, aut laterculis, sed æreis laminis conteguntur, quæ dum solis radijs percussa micant, præterquam quod firmiora tectis alijs sunt, vrbi etiā specie addūt, & hostibus terrorē incutijūt. Quia in re quoddam licet cernere vestigium eius arcanæ strueturæ, quam sponsus in ijs, qui sponsæ opera resipiscunt, architectari vult. Enim uero dogmata sponsi sacræ contenta scripturis, propter puritatem, splendorē, ac tinnitū argento quam simillima sunt. Hæc dum plebi in Christo cōstructæ, tanquam muro lapide angulari subnixo, traduntur & ut illis utatur, ad se propugnandam, commendantur, argentea propugnacula super murum ædificari pulchre asseruntur. Quando nimis gens illa

illa murus fit, tunc in sposo fundatur, Quān-
do verò benē fundata , recipit , vt custo-
diat, & pugnare pro sposo norit, sacræ scri-
pturæ eloquia, tunc super eam turres argen-
teæ, seu propugnacula, Deo ædificante, con-
surgunt. Rectè autem eloquia sponsi appellā-
tur propugnacula, hoc est, ædificia ad tuendā
vrbem condita, quia videlicet, animæ sacrorū
eloquiorum cōsultæ seipſis altiores effectæ,
sacrorum verborum tela in hostes eiaculan-
tur, & hostis vrbem inuadentis conatus auer-
tunt, infidias explorant, & eludunt , vnde si-
mul dum hostem arcent, semetipsas tuentur,
atq; propugnant . Tanta est sacræ Scripturæ
vis. Verum sponsum audiamus adhuc spon-
ſæ respondentem.

Si ostium est , compingamus illud
tabulis cedrinis.

*Si aperit se mihi vocanti per te(ô sponsa) coni-
gamus plures virtutes ceu tabulas cedri, & eas illi
vt portam inseramus, vt clausa domus mea sit.*

Quemadmodū illa verba , Si murus est,
ita intelliguntur, idest , si fit murus,
ita & hæc, si ostium est , intelligi debent , vt
idem significant, acsi diceretur, si ostium fit.
Gens autē , quæ iacet in culpa adeò tota est,
quasi

quasi brumæ frigore constipata, secumq; cō-
pressa, vt aditum Deo non reliquerit. Do-
mus quædam sine ostio est. Cum verò præ-
dicatorum hortatu pulsata , Deo , patefacto
corde, dehiscit, tunc fit ostiū, per quod Deus
libenter ingreditur. Ostium autē hoc in loco
appellatur spatiū illud inter parastades, seu
lateris vtriusque lapides, quo arcanè notatur
ille pator, quo anima velut hiat, vt illabatur
sponsus. Debet autem ostium illud nulli nisi
sponso patere, ac propterea sponsus ait, Com-
pingamus illud tabulis cedrinis, hoc est, festi-
nemus, & componamus portā ex cedri ligno
imputribili, quam spatio illi inter parastades
patenti inferamus, ne quis, præter me, per il-
lud introeat. Fit quippe nonnūquam, vt pec-
catores concionatorum voce cōmoniti, Deo
illabenti pateant, sed parùm cauti, ostiū alijs
patere sinunt, vnde & per idem ingrediuntur
impunē, propter quandam fucatam cū spon-
so similitudinem, quā nesciunt illi internos-
cere. Sed & in ipso ingressu spōsi solerti cura
opus est, ne quæpiam cum illo vanitas irre-
pat. Simul quippe cum bonis operibus , inde
genita gloria inanis solet se insinuare. Prop-
ter hæc & alia similia , sponsus compingere,
hoc est ex tabulis commissis concinnare, ha-
bilemq; intercapedini vult ianuam fabrefa-
cere, vt iustam ipsius exæquet quantitatem,

nec

nec ullum præterea spiraculū superfis, quod portæ structura non obturetur. Ostium hoc adeò quadrans, & ad mensuram exactum, ex tabulis cedri commissis, sibiq; mutuò consertis sponsus compingit, atque coarctat, cum virtutes secum mutuò consertas & cohærentes animæ sibi patenti infundit, quibus illius quasi cauitas impletur, & obseratur, ut velut oppilato ostio hostes pedem inferre tentantes eliminet, atque recutiat. Anima videlicet virtutibus vacua, quasi domus est derelicta, furibusque peruvia; cùm verò virtutum ostio clauditur, & velut obsignatur, ingresso semel Deo, furibus intercludit ingressum. Quod vt aptius notaretur, ostium, non quibuscunq;, sed cedrini tabulis, solidis, impetrabilibusque compingitur, quæ mutuò iunctura fabrili arctatæ, nec aquam, nec ventum, nec verò qualitatēs noxias finant permeare, quarum comparatione tabularum, virtutum consertio proditur, atque coniunctio. Et quamuis vniuersis virtutibus cedri soliditas, & incorruptio quadret, illæ tamen huius ostij structura potius significari videntur, quæ vim quandam ad domus custodiā & claustrum, & ad fures arcendos habent opportuniorem, ut magnanimitas, constantia, fortitudo & aliæ similes. Sic ergo sponsus loqui credēdus est. Quæris (ò spōla) quid

quid factō opus sit, cum plebs tibi commissa,
& soror nostra de nuptiarum est interrogan-
da consensu. Tu vero sic habeto. Si soror
nostra ostium est, hoc est, si mihi ingressuro
ostij more patet, consensumque præbet, tūc,
dū illa velut aperta patet, coniungamus plu-
res quasi cedri tabulas, virtutes, inquam, plu-
res, solidas, incorruptas, sibi mutuo coarcta-
tas, & illam spiritalem intercapedinē sponsæ
claudamus, vt ego intus cum ipsa morer, vir-
tutesq; compactæ, velut ostiū oppilatū, fures
infidiosos arceant. Huic expositioni annexi
potest altera, quæ sit vt appendix. Sponsus
nimirum murus est, vt cecinit Propheta de
Ecclesia loquens, Ponetur in eam murus. Est
etiam ostiū vt apertè ipse dixit sponsus, ego,
inquit, sum ostium. Dum autem, quis ad Deū
conuertitur in imaginem sponsi, qui est mu-
rus & ostium, transformatur, murus enim fit
firmitate, ostium reclusione cordis Deo pa-
refacti. Dum ergo sponsus de sorore ait, si
murus est, si ostium est, tantundem agit, ac si
diceret, si in meam imaginem traducitur. Cui
rectè quadrat argenteum ædificium dogma-
tum scripturæ, quibus se in Christum trans-
formatam ab hoste eam imaginem delere
tentante propugnet; & tabularum cedri cō-
pactio, hoc est, virtutū cōnexio, quibus clau-
sa & septa, velut ostio oppilato dæmones
incur-

incursantes eliminet. Haec tenus iuxta primū
ē duobus propositis sensum, sponsæ interrogatiōnem, sponsiique responsionem interpre-
tati sumus. Nunc alterum persequamur.

Soror paruula secundo sensu nuncupatur,
earum animarum congregatio, quæ ad iusti-
tiam euocata torpet, & tibi de salutis statu
blandiēs, satis se putat præstisſe, quia grauia
scelera depulit, nec de progressu est anxia,
nec de ulteriore puritate sollicita. Cui paruu-
lae nomenclatura egregiè competit, cum ad
mensuram Christi multiplicem vocata, spon-
te sit in eo genere paruula. Sponsa igitur, ad
hanc nutriendam, & promouendam destina-
ta, sic ait, Soror nostra, nobis (o sponse) & na-
turæ & gratiæ germanitate coniuncta paruula
est. Non enim fecit, quos potuisset, in chari-
tate progressus. Vbera proinde non habet,
nec enim vtrumq; Testamentum, quod est
vber geminum, ab uno Dei pectore pendens
& eiusdem lactis, hoc est doctrinæ dulcorem
continens, affectuosa notitia percipit, vnde
non evasit prægnans, ac fœcunda, non indi-
cat fœtum quemadmodum fœminæ, quibus
vbera lacte plena tument. Potuisset fæliciter
crescere, & iam multorum operū prole gau-
dere, sed sterilis videtur. Rogo ergo, Quid fa-
ciemus ei, eo die, quo illam pro te alloquar,
ut deserat eam paruitatem? Quo pacto me
geram,

geram, afflante te, ut illam hortet, & ad ulte-
riora promoueam? Notandum hic maximo-
pere, singulari quadam ratione, sponsam, pro-
ijs, qui in charitate torpe seunt, esse sollicia-
tam, ac optare, quod erga eos agendum sit,
probè nosse. Est nimis status quidam pe-
riculosus valde, in animam, et si iustum, tor-
por illapsus, obducitur enim quidam desidiae
callus, quandam menti offenditur caligo, ex
qua euigilare difficillimum est. Quippe resi-
des equi, qui verbere cæsi, & calcaribus inci-
tati, carceribus non exiliunt, nullā de se mo-
uent expectationem. Et quidem scelerissimi
peccatores, suorum scelerum consciū ex-
peditiores videntur ad sponsæ doctrinam ca-
pessendam, pœnæ saltem formidine percul-
si, quam illi mediocriter iusti, qui, cum de se
non adeo humilia cogitent, nec inferni cru-
ciatum, quo se putant immunes, vitare ge-
stunt, nec periculum impingendi, in quod il-
los torpor adigit, evadere constituit. Ex an-
fractu autem redeentes sponsum responden-
tem audiamus. Si murus, inquit, est, ædifice-
mus super eum propagnacula argæta, quod
scrutata proportione, iuxta primam interpre-
tationem, hisc forori alteri accommodandum
est. Idem quippe agit sponsus, ac si diceret, si
fortis est ad pellendum torporem, & animu-
mum acuendum, si desidia non superatur, exstrua-

mus super eam argentea propugnacula, scri-
pturæ clara, & purgata dogmata, ut in altum
crescat, sicut murus tunc crescere videtur, cū
tresses illi superædificantur. Porro in He-
bræo sic legitur. Aedificeimus super eam pa-
latium argenti, quod à sensu editionis nostræ
satis videtur alienum. Propugnacula quippe
ad pugnam construuntur, & qui ex eis tela
iaculantur, anxij sunt, & hostium urbem os-
tentium telis obnoxij, at verò, palatium nul-
lum habet cum bello cōmercium, sed totum
est festuum, & à vulnere immunc. Verum
hoc mysterio non yacat, ipsa enim argenti
structura, hoc est diuinæ scripturæ notitia,
quam Deus iustorum mentibus immittit,
quasi super illorum verticem mente notatū,
eam ædificans, & propugnaculum est, ex
quo tota vrbis defenditur, & palatium est, ad
requiem, & regis sponsi habitationem miri-
fice ædificatum. Haec ergo structura togæ,
militiæque comparata est, quam sponsus lu-
per animas iustorum, qui torpent, exigere cu-
pit sponsæ ministerio. Vix enim dici potest,
quantum ad iustitiæ progressum scripturæ
peritia conferat. Cum niimirum ea verba sint
Spiritus sancto dictata, diuinaque vi, & ener-
gia, ultra alia dogmata, insigniter pollicant, ad
animos acuendos, & impellendos sunt effica-
cissima. Quod vero demum spōlus attexit, si
ostium

ostium est, compingamus illud tabulis cedri-
nis, tantundē valet, ac si diceret, si dum à tor-
pore suo ad vltiorē iustitiam excitatur, &
pulsatur, ostij more panditur, & quasi pre de-
siderio dehiscit, cōpingamus, hoc est, fulcia-
mus, & componamus eam virtutibus sibi mu-
tuò consertis, & velut fabri opere cōmissis,
tabulas cedri solidas, incorruptas, mutuoque
coarctatas imitantibus, & sic erit domus clau-
sa, atq; munita. Sed quid his sponsa subdat, au-
dire delectat.

S P O N S A .

Ego murus: & vbera mea sicut
turris .

*Cupio sorori nostræ mei similitudinem imprime-
re, ut & murus sit, & vbera habeat. Ego enim mu-
rus æreus sum ob firmitatem, quam hostis labefac-
tere nequit. Vbera etiam mea, hoc est, duo quæ di-
dicit testamenta, ab unius Dei pectore quasi vbe-
ra duo prodeuntia, sunt quasi turres ad pugnandum,
& arcendum hostem, qui sacrae Scripturæ peritis
sauciatur.*

*S*PONSUS de sororis parvulae promotione
agens, & sponsam ad eam functionem eru-
diens, non de se dumtaxat uno, sed & de spō-

Si diuinorū operū administra effatus est, cō-
sultò enim dixit, ædificemus, compingamus.
Huic ergo sponsi voluntati obtēperans spō-
sa inquit, Ecce adsum (ò sponse) vt tecū ædi-
ficem, & compingam, ad huc enim mutius
effecta ego sum murus, & vbera mea ad tur-
ris altitudinē creuere. Vt autē horum verbo-
rum & sensum, & cum præcedentibus con-
cinnitatem percipiamus, meminisse oportet,
sororem, de qua termo factus est, parvulam,
imbecillemq; describi, & sponsum optare, vt
murus sit. Mox etiam memoria repetēdum,
sponsam dixisse, sororem suam vberibus ca-
rere. Nunc igitur sponsa animaduertens se
satis iam creuisse, & sibi diuinitus collata esse
bona illa, quibus soror caret, ipso charitatis
incitata ingenio, cupit ei suam similitudinem
imprimere. Enim uero, quemadmodum
inter naturæ opera, similiū generatio ani-
mantibus est maximè naturalis, ac proin-
de audiissimè concupita, ità inter opera
gratiæ, similiū procreatio fœtuum valde
natiua est ijs, qui vitæ diuinæ confortes sunt,
ac propterea votis omnibus expetita. Hau-
serunt huius propagationis desiderium ab
ipso Deo, in eo genere fœcundissimo, ij,
qui naturæ diuinæ per gratiam sunt effecti
participes. Nec enim poterant fieri naturæ
confortes, quin & eius proprietatis commu-
niot;

nionem assequerentur. Hac igitur similes generandi liberos propensione spōsa ducta inquit, soror mea nec murus est, ob imbecillitatem, nec vberibus tumet, ob sterilitatem, ego vero & murus sum, ob fortitudinem, & vberibus insigniter prædita, ob fœcunditatem, & prægnantis habitum. Dabo igitur operā, ut sedulitate multa, illam mei similem efficiam, ut & murus sit, & vbera habeat. Sed rectius eam sui similitudinem, quam sorori sua sponsa cupit inferere, calleamus, expolorandum nobis est, quomodo sponsa & murus sit, & tam pulchris insignis vberibus. Profectò sponsæ perfectio iam eximia, & clarissimorum Ecclesiæ luminum æmula, tam firmam, & inuictam eam reddidit, ut cum eam contemplamur, alterum Hieremiam cerneat, nobis videri debeamus. Etenim inter Hieremiæ laudes illæ in primis recensentur, quas Deus, cuius commendatione corda probata ostenduntur, illi tribuit, dum ait. Ego quippe dedi te hodie, in ciuitatem munitam, & in columnam ferream, & in murum æreum, & bellabunt aduersum te, & non præualebunt, quia ego tecum sum. Hæc est graphicè piæta quædam sponsæ imago. Concipere quippe illam debemus, tâquam murum quendam æreum, quo ambitur Ecclesia; tales enim sunt, qui eam vim planè diuinam, ad

tuendam, & quasi ambiendam Ecclesiam pe-
 pererunt, quos, qui contra illam præliantur,
 labefactare, aut loco mouere nequeunt. Iam
 verò sponsa ærei muri firmitate notata, vbe-
 ra sicut turres habere mōstratur. Duo enim
 Testamenta ab uno vnius Dei pectore pro-
 deuntia, & vnius doctrinæ, ac fidei lac euer-
 gentia, adeò in sponsa creuerunt, vt turrium
 muro superexstructarum fungantur officio.
 Quemadmodum enim turres illę bellicis ma-
 chinis instructæ hostes obsidētes interimūt,
 ità vtriusque Testamenti peritia, quam Deus
 in sponsæ mente, quasi in muri summitate ar-
 chitectatus est, quot sententijs vtitur, tot sa-
 nè telis acerrimum salutis nostræ perduellē
 sauiat. Talem ergò muri fortitudinem, talē
 vberum præstantiam in sorore sua cupit spō-
 sa conserere. Sed quia ipsa seipsam commen-
 dare visa est, ne quis vanum quippiam suspi-
 cetur, tacitam diluit obiectionem. Posset vi-
 delicet quispiam dicere, Tu temetipsam cō-
 mendas, dum ais, Ego sicut murus, & vbe-
 ra mea sicut turris; vt autem hanc sus-
 picionem auerteret, intrà can-
 dem periodum,
 sic ait.

Ex quo

Ex quo facta sum coram eo, quasi
pacem reperiens.

Hæc animi firmitas, scripturæ peritia non insans, sed ædificans, non mihi à natura contigit, sed à gratia, per quam sponsō reconciliata sum, & pacis cum eo fœdus percussi.

ILla muri firmitas non mihi à natura iure velut hæreditario prouenit. Illa vberum magnitudo, & ingens copia lactis, non mihi à terreno Adam collata est. Sed vtrumque bonum habere cœpi, ex quo, post culpæ inimicitiam, sponsō reconciliata sum, & quæ antè pace vera carueram, facta sum coram eo quasi pacem reperiens. Fatetur hic sponsa, quod catholicè affeuerandum est, se non ex natura creuisse, sed gratia. In hac enim sola vis est vera, & inconcussa fortitudo.

Hic murus aheneus esto.

Hanc verò vim diuinam, non ex debito vi-
lo, sed ex sola bonitate, ac munificentia Deus
confert, dum mortuas animas ex culpa susci-
tat, ac quasi denuò creat. Quod quidem arca-
nū vbera sponsæ nō obscurè innuūt, idē enim
valent ea verba, Ex quo facta sum, ac si dice-
retur, creata sum. Ipsa quippe iustificatio,
creatio quædā est, seu effectio ex nihilo. An-

ma enim charitate orbata, nihil est, ac proinde, cum ad charitatem vocatur, fieri, seu creari elegantissimè asseritur, Quod, licet ex se inter sapientes planissimum sit, per verba tamē mox apposita dilucidiū cernitur. Non enim ieunè sponsa dixit, Ex quo facta sum, sed cōsulto addidit, coram eo quasi pacem reperiens. Quibus sane verbis creatio spiritalis gratia constans, ab ea, quæ naturalis est, aperte discernitur. Vniversi quippe Adæ posteri, ex ipso iure, vel iniuria vitiatae naturæ, non fit seu nascuntur corā Deo. Est enim Deus auersus ab illis, sicut ē contrariò illi etiam enascuntur auersi, ex quo efficitur, ut cū in materno ventre compinguntur, vel etiam eduntur partu, pacem non reperiant. Est enim Deus illis infensus, ac inimicus, & exinde totus orbis in conditoris sui militiam ascriptus, pugnat pro eo contra insensatos peccatores. Adæ posteros. Non igitur ij fiunt corā Deo, nec pacem reperiunt. Contrà verò illi, qui fausto quodam natali, & arcana creatione à sponso fiunt, qui iustorum est architectus & conditor, conuertuntur ad Deum, Deusque mutuo ad ipsos, vt quidam propheta cecinit, conuertitur, ac ob id fiunt coram illo faciem, quasi ostendente placatam, ex qua pacis ducitur origo sempiterna. Huic ergo creationi acceptum sponsafert, quidquid boni est cōsecuta.

secuta. Et propterea cum cœpisset loqui cū sponso, aiens, Ego murus, & vbera mea sicut turris, quasi quis nostrum parūm rei conscius interloqueretur, intra periodum eādem, verba intexuit illa, Ex quo facta sum coram eo, quasi pacem reperiens, quæ non ad sponsum rei consciū, sed ad obloquutores, quos nouit sponsa futuros, ac si adessent illi arcā colloquio diriguntur. Notandū autē hic magnopere fuerit, sponsam tunc pacem reperisse, cum per prima huius epithalamij verba, pacem osculo notataī poposeit. Ibi nimirū sub osculi symbolo reconciliationem ac pacem cum sponso anxiè postulabat, cuius ille votis affuit, non tamen tunc omnino murus adeò fortis fuit, nec tā pulchris vberibus insignita, at tunc cœpit, & perenni quadā sedulitate profecit, vt ad eam, qua modo præstat, magnitudinem pertineret.

Verum, cur inquit, se non pacem, sed quasi pacem reperisse? An Deus, cum quis medullitus ad eum reuertitur, non omnino placatur, aut sibi partem veniae reseruat? Minime vero. Sed quia non assequuta est eam tranquillitatem, pacisque integratatem, in qua homo primus, ad quem alludit, conditus est. Porrò, post Adæ ruinā, quicūq; originis culpa vitiatus, noua in Deū creatione conuertitur, tamen si cū Dco, qd ad principē attinet ani-

mæ partem, pacis fœdus percutiat, integratæ
tem tamē pacis non adipiscitur, donec occur-
rat in virū perfectū, in mensurā ætatis plen-
itudinis Christi, hoc est, donec gloria corone-
tur. Relinquitur enim in ijs, qui fiunt iusti,
peccati fomes, qui bellū in animæ gerit prin-
cipatū, nec vllas admittit inducias, nec verò
extingui quātauis nauitate potest. Quapro-
pter, et si extranei hostes in homines iustos
non irruimpant, intestino tamen contrariorū
appetituum bello quatuntur, ut merito qua-
si pacem, non vero prorsus pacem reperiisse
dicantur; & ex hoc ad perfectā gloriæ pacem
ardentius expetendā, velut acerrimis calcari-
bus incitetur. Postquam spōsa sic locuta est,
introducitur à Salomone spōsus in scenā, de
se, quasi de alio quodam agens, & methodū,
quam in Ecclesia more vineę colenda feruat,
ostendens. Primum ait se habuisse vineam.
Mox se illam custodibus tradidisse, Demum
pro eius prouento cumulatissimum præmiū
reddere solitum esse. Quæ omnia eò tendere
videntur, vt sponsa vineæ sibi creditæ Do-
minum esse Deum, seque illius cultricem, au-
ctissimumq; sibi pro cultura gloriā fore me-
minerit, & ex hoc fiat illa sollicitior. Cum
enī quis nō à plebeio quopiā, sed à patritio,
vel etia Rege aliquo cōmisum opus memi-
nit, multò sollicitius curat illud, ac limat. Si
autem,

autē, præter hoc, mercedis spes magnæ subfit, exactissimè cōtendit opus expolire. Nec mirum videri debet, sponsum hāc vti velut insinuatione, & præmij promissione, ad sponsum acuendam, non enim dedecet perfectam charitatem, pro præmio decertare, sponsus enim ipse (assertore Paulo) proposito sibi gaudio sustinuit crucem, confusione cōtempita. Aspiciebat etiam in remunerationē Moses, cum grandis factus negauit se esse filium filię Pharaonis, quemadmodum Paulus idem ad Hebræos scripsit. Sed iam ad sponsi verba enarranda veniamus.

S P O N S V S.

Vinea fuit pacifico in ea, quæ habet populos.

Ecclesiā habuit sponsus, in congregatiōne habente multos populos una fide congregatos.

Vineæ nomine figuratè intelligitur Ecclesia multò propriùs quam Synagoga. Ecclesia quippe à vite Christo propagata, eiusque carne induiti cultura fœcundata est. Et si autem ad Synagogam ex ipso etiam Christo, in quem oculos illa intendebat, qui

quidquid boni habuit, permanârit, ae nedum
ille erat vitis, cum nondum naturæ humanæ
suscepisset veritatē; mox verò vt illam suscep-
pit, de noua serenda vinea, quam proprio la-
bore coleret, proprio sanguine perfunderet,
cogitauit, vt singulari quadam ratione vinea
illius appelletur Ecclesia. Vinea ergo fuit il-
li iam pridem, est, ac futura est. Vt quod di-
citur, fuit, non sit temporis mensura præte-
riti, sed significatio veritatis, quæ nunc etiam
constat, & quæ permansura est, vt ex diuinis
didiciimus oraculis. Sèpè etiam præteritū pro
futuro in sacrī, ob certitudinem euentuum
vsurpat. Dicitur autem esse vinea pacifi-
co. In Hebræo autem, & septuaginta Inter-
pretum versione, pro pacifico, Salomon ha-
betur, Interpret̄ autem nōster non Salomo-
nem, vt in alijs scripturæ locis, sed pacificum
transtulit, vt eodem sensu constante, apertis-
simè ostenderet, nō hic de rege illo Hierusa-
lem, genito ex ea, quæ fuit Viriæ, sed de spō-
so Iesu Christo, cuius ille imaginē prætulit,
sermonē fieri. Sponsum autē iure suo pacifi-
cum appellari, notissimū est. Ipsius enim san-
guine Deo reconciliati sumus, & in ea recō-
ciliatione percussum est pacis fœdus sempit-
ernæ. Quia propter quod dicitur, Vinea fuit
pacifico, ita est accipiēdū, vt pacifici nomen
vineæ causam indicet, ac si pieniūs diceretur,

Quia

Quia sponsus pacificus est, ideo vinea est illa. Nisi enim pacem ille, deleto inimicitiae veteris chirographo, stabilijsset, vineam non haberet, sed natura humana vinea fuisset Sotiomorum, & de suburbanis Gomorras, ex qua vua fellis, & botrus decerperetur amarissimus. In peccato nimirum iacuisset, unde sponsus fructu non legisset ullum, legit autem fructu uberrimum, quia pacificus est. Quia ex re satis liquet, quam habeat energiam, quod dicitur, Vinea fuit pacifico. Quod vero adiungitur, in ea, quae habet populos, pro eo, quod in Hebræo legitur, in Bahal Hamon, siue ut Septuaginta Interpretes retenta lectione Hebraica dixerunt, in Behelamon, quod Symmachus, In retentione populi, Aquila vero, in habente multitudine, translulit, Ecclesia multos populos habetis expressa significatio est. Quia profecto, quod paulo ante assertuimus, vineæ videlicet nomine Ecclesiam proprius quam Synagogam indicari, efficaciter conuincitur. Synagoga quippe uno datum taxat constitit populo, vnaque tatum stirpe Abrahæ; at vero de Ecclesia sic scriptum est. Ecce alienigenæ, & Tyrus, & populus Aethiopum, hi fuerunt illic. Nunc ergo per anacephaleosin quandam dicta repetentes, clare perspicimus, Verba illa, Vinea fuit pacifico in ea, quæ habet populos, idem pollere, ac si diceretur,

ceretur, Ecclesia est sponso in congregatio-
ne, quæ multos habet populos. Et hæc pri-
ma est interpretatio.

Secunda verò satis arcana, verba illa edi-
tionis nostræ, [In ea] refert ad crucem, ità
vt sit sensus, vinea fuit pacifico, in ea, quæ ha-
bet populos, hoc est, Ecclesiam habuit spon-
sus, in cruce, quæ quidem crux habet, seu re-
tinet populos. Porro non aliunde, quam ex
cruce, ubi nostram patravit salutem vineam
Ecclesiæ sponsus propagauit. Propagauit au-
tem, cum exaltatus à terra, & à cruce pēdens,
omnia ad seipsum traxit. Omnia inquā, hoc
est populorū omnium corda. Si ergo in cru-
ce pēdens, ad crucem, ex qua pēdebat, popu-
los attraxit, verum omnino erit, eam, crucē
videlicet, habere populos sibi insitos, atque
connexos, & sponsio perinde esse vineam,
non alibi, sed in ea cruce, quæ populos ha-
bet. Et profecto, si quis est in hoc exilio, quē
sibi affixum crux non habeat, tametsi ut pal-
mes aridus ad vineam vtcumque pertineat,
vera tamen vita carere conuincitur. Hoc au-
tem omnino constitutū est, sponsum in cru-
ce pendentem, vineam conseuisse, ac habui-
se, in ea ipsa cruce, quæ vi diuina populos si-
bi adstrictos ac alligatos, habebat. Potuisset
profecto sponsus quam plantauerat vineam,
sine custodum excolare, & alere ministerio,
verum,

Verum, quò mira mundum spiritualem varietate honestaret, non quidem necessitate, sed dignatione vinitores optauit, quibus ipse nihilominus præsens Ecclesiæ vineam tradaret excolendam. Propterea de se, quasi de alio quopiam loquens, sic ait.

Tradidit eam custodibus.

Commendauit sponsus Ecclesiam Doctoribus, non quasi authoribus, sed quasi custodibus.

SApientissimè Doctores, & prædicatores Ecclesiæ, custodes nuncupauit. Nō enim ipsi vineas condunt, non illi feras plantas in vites vertere sua nauitate possunt, vt vineæ vocentur authores. Sponsus ipse cōdidit Ecclesiam, & feras arbores fecit esse mites. Prædicatores verò vineam à sponso ex Aegypto translatam, & in suæ promissionis regione satam, custodiendam susceperunt. Etsi enim nouæ creaturæ illi sint initium aliquod, dum in Ecclesiam nouas plantas Deus non sine prædicatorum introducit ministerio; verum hoc, quale illud est, nō sua sedulitate, sed sponsi ope illi præstare creduntur. Quapropter prædicatores nullam sibi de fructibus vineæ laudem arrogare debent, ipsi, quippe

quippe custodes sunt, & quasi depositi receptores. Depositum autem pretium non a custode manat, sed vel ab eo, qui depositum, vel certe in ipsis rei natura inest. At licet haec ita se habeant, ipse nihilominus vineæ fator, & Dominus præmium custodibus pro fructu, quem ipse fecit, cumulatissime pendit. Propterea inquit,

Vir affert pro fructu eius mille
argenteos.

Ipse sponsus pro fructu, quem ipse producit in Ecclesia, reddit cumulatissimum præmium.

Porrò vinearū domini mercenarijs, quos cōducunt, non pro fructu, sed pro labore mercedē rependunt. Fieri autē sāpē solet, ut vnius dumtaxat floris nauitate, vnius labore diei, vinea fructum reddat duplō auctiorem, quam̄ effet alijs refusura, & tamen dominus vineæ præstitutam illi, ac alijs in ipsis mercedem, de qua inter eos conuenerat, reddit, cum tamen, si spectaretur fructus, ex cultoris illius opera prouertas, decuplō, auctorē centuplō maior illi merces reddēda foret. Sponsus autē vineæ, hoc est, Ecclesiæ vir, non

nō sic agit, sed fructus in Ecclesia vniuersaliumque prædicatoris nauitate prolatos velut in statera appendit, & pro illorum pondere, redit mercedem cumulatam. Vbi etiam attente discrimen inter Deum, ac homines librare oportet. Homines nimirum suarum vinearum cultoribus non pendunt mercedem pro fructu, quia fructus, nō cultorum, seu operariorum, sed domini vineæ est. At Deus, tametsi fructus Ecclesiæ, iure strictissimo eius sit fructus, reddit tamen prædicatoribus pro illo præmium; qua in re, suam liberalitatem maximè commendat. Certè septuaginta Interpretes hoc mysterium velut innuētes, sic habent, Vir feret in fructu suo mille argenteos, in fructu inquiunt suo *νάρπων ἀντον*, hoc est in fructu viri ipsius. Cernimus igitur aperte, Deum Doctores Ecclesiæ munerantē fructus potius laborum, quam labores ipsorum externam quantitatem expendere. Quod Theologis compertissimum est, dum aiunt, præmium (quod à schola vocatur accidentale) pro fructus crescere mensura. Enim uero monasticæ vitæ institutores, ac Doctores sancti, quorum exēplo ac doctrina plurimi, post eorum obitum, conuertuntur, nouos illius præmij accessus, pro numero filiorum, quos exemplo doctrinaque procrearūt, accipiūt, siue paulo acrius, siue non adeò acriter in eo

Yy genere

genere laborarint; esto etiam, labor ipse maior auctiore præmio muneretur. Nunc verò mille argentei, quid innuant, explorandum est. Profectò millenarij numeri laus, nota, præmij cumulatissimi est. Sic enim vulgo dicitare solemus, mille nos beneficijs à quopiā amico affici, mille nos mala perpeti, mille pericula nobis impēdere, vt in ijs rebus singulis absolutū, & perfectū quiddā significemus. Et in hunc modū sponsus afferre dicuntur, pro fructu eius, id est, ipsius sponsi, qui sua in Ecclesia dona sua munera, mille argenteos, hoc est, cumulatum, & in eo genere perfectū præmium. Potest etiam non ineptè, mille argenteorum numero, vt paulò post dicemus, id præmiū, quod à Theologis esse entiale nuncupatur, ob millenarij numeri cæterorū vim complectentis perfectionem, intelligi, & hęc prima est interpretatio.

Secunda, viri nomine, non cundē, qui pacificus appellatur, intelligit. Sed quemuis ē custodibus prudētē, ac sedulum, cui Deus vineam tanquam viro tradidit vxorē. Vulgatū enim est, eū, qui ad Ecclesiæ gubernationem accersitur, coniugium cū ea inire, ac proinde virum eius constitui. Hic ergò vir, bona Ecclesiæ vxoris suę sedulò curat, ac velut in vineæ cultura laborans, dicitur afferre pro fructu eius mille argenteos, quod sic

sic accipiendum est. Fructus in vnaquaque planta est id, quod vltimò prouenit, quod perfectissimū est, & cuius gratia agricola omnem laborē exhaustit. Sic in Ecclesiā, id, quod vltimò prouenit, quod summè perfectū est. & cuius gratia Ecclesiæ cultores strenuè laborant, est gloria, cui fructus & nomē, & sensus elegantissimè quadrat. Enim uero Ecclesiā vinea quædam est, quæ modo falce pœnitentiæ, laborisque sauciatur, & vt fructū gloriæ reddat, culturam acrē subit; eius verò fructus erit in gloria, nam licet hic patiatur, fructum tamen nō promittit in terra, sed in cœlis, sicut scriptum est; Momentaneum hoc & leue tribulationis nostræ (dum vinea colitur) æternum gloriæ pondus (hoc est fructū) operatur in cœlis. Illic ergo est fructus Ecclesiæ, cuius gratia labor culturæ omnis hauritur. Pro fructu igitur isto, vir, qui verè virilem gerit animum, prædictor nempe ac Doctor sedulus, qui Ecclesiām velut vxorem duxit, affert mille argenteos, hoc est, universa dogmata, siue eloquia Domini, quæ imitantur argentum purgatum, & examinatum. Millenario quippe perfecta multitudo signatur, argenteis verò eloquia scripturæ, diuina luce & cädore, more argenti lucetia, & sonum clarum velut argenteū edentia. Non dixit argentū, quasi massam argenteam

Y y a emptio-

emptioni non accommodatam, sed argenteos,
scilicet nummos, quasi ad emptionem oppor-
tunos, quasi ijs gloria ematur ipsa. Cum igit
tur sponsus ait, de sua vinea, hoc est Ecclesia
loquens. Vir assert pro fructu eius mille ar-
genteos, idem agit, ac si diceret, Prædicator,
aut Doctor enunciat omnia scripturæ elo-
quia, quibus Ecclesia in fide, ac spe alitur, in
prædicatione laborans pro gloria, qui est la-
borum, & prædicationis, sicut & vniuersarū
virtutum fructus uberrimus, ac suauissimus.
Nunc verò, quia sponsus afferuit, se vineam
suam custodibus tradidisse, ne quis suspicar-
etur illius eum ablegasse curam, ac si, ut quidā
mētitus est, circa cœli cardines ambulet, nec
nostra consideret, monet se non eo esse cor-
de, ut vineam, quam condidit, obliuioni vn-
quam tradat. Ideò ait.

Vinea mea coram me est.

Nihil à segnior fio, quod vineam excolendam
tradiderim custodibus, ego enim præsentissimus
sum usque ad consummationem sæculi, ac si nemini
eam commendasssem.

Non abieci curā vineæ meæ, nec custo-
dū sedulitas me ab eius intuitu recedere
facit. Sed prælens ipse sum, & omnes illius
cuen-

euentus intueror , ac si nulli eam vinitori cōmendassem. Docet ergo spōsus, se suæ vineæ, quæ est Ecclesia, semper inspectare progressum, hoc enim innuunt illa verba, coram me. Recte enim, quam ipse tulit, implet legē. De iure quippe diuino est, vt nobiles Theologi tradunt, præsentia, seu quæ vulgò appellatur alsistentia præsulum in ijs Ecclesijs , seu viueis, quas colere debēt, cum quibus spirituālis matrimonij fœdus pepigēre. Si enim pastores sunt , & ex institutione diuina pascere debent, cum nemo nisi præsens propriè pascat , erit omnino constans , præsentiam non alio, quām diuino esse iure necessariam. Quapropter præsules, qui suas Ecclesijs coram se non habent, in magno salutis discrimine versantur. Ut ergo hanc philosophiam, & oeconomiam pastores Ecclesiæ discant , ipsaq; in primis sponsa, quam sponsus curat præceptis ad excolendam Ecclesiā opportunis imbucere, dicit : Vinea mea coram me est , ac si diceret. Animaduerte, sponsa, quam de vinea mea curam geram , nunquam enim ab ea oculos auerto, vt discas, te nunquam à commissâ vinea , sine crimine abesse posse. Enim uero ex Hebræo sic aliqui legunt . Vinea mea quæ mihi, ad facies meas, vbi verbis istis , ad facies meas, magna cum energia, notatur sponsum, quasi una facie duos oculos habēte, vt vineæ

suæ prospiciat, non esse contentum, sed plures habere facies, propter plures oculos in ijs lucentes, ut quasi Argus quidam oculatus sit, vniuersosque eos oculos ad sponsam intendat contuendam. Postquam autem sponsus se dixit vineam, quam custodibus tradidit, esse coram se, diserteq; afferuit, se virum eius vineæ, custodibus eius mille argenteos pro cultura rependere, sponsa se rem probè intellexisse declarans, concinit sponso, & eius verba more discipulorum lectiones resumentium repetit, aicens.

S P O N S A.

Mille tui pacifici, & ducenti his,
qui custodiunt fructus eius.

Tu plus omnibus laborasti spōse, & sic tui ipsius pacifici nostri sunt ex iure tuo, mille illi argentei, præmium cumulatissimum significantes. Ducenti verò argentei sufficiunt Doctoribus præmio, eo quod custodiant fructus Ecclesiæ. Ducenti inquam binario centeno nuptias cum Ecclesia nozantes, quibus ex nuptijs Doctores præmium promerentur.

Recet intellexi (ò spōse) quod ad me acuendam enūciasti, te videlicet Ecclesiæ virum seu sponsum custodibus eius mil-

lēnos

lenos argenteos reddere. Hoc satetur sponsa, quam decet sponsi verba callere. Nunc verò, ad percipiendam verborum seriem, sic habendum est, ea verba, Mille tui pacifici, non esse pluralis numeri, sed genitiui singularis, ut patet ex collatione facta ad Hebraicum textum, & Septuaginta Interpretum versionem, in quibus Salomonis nomen pro quo, pacifici, nos habemus, singulari numero legitur. Sic ergo intelligenda sunt hæc verba, Mille tui pacifici, hoc est, mille argentei sunt tui ipsius Salomonis, vel pacifici. Porrò in latinis Biblijs interdum legitur sic, Mille tui pacifice, ita ut pacifice, sit in vocandi casu, quæ lectio satis est apta fontibus, & ad sensum arcanum idonea, sed in Biblijs autoritate pontifica nuper editis, & vulgatae editionis titulo insignitis, ac emendatis, pacifici, legitur. Hæc de verborum coccinnitate dicta sint, modò autem ad sensum enucleandum accedamus.

Mille (inquit sponsa) tui pacifici, & ducenti his, qui custodiunt fructus eius. Animaduertendum hoc loco, mutari loquendi formam. Dixerat enim sponsus, de seipso agens, virum afferre mille argenteos, quos videlicet tradit custodibus. Sponsa verò urbanè & arcane admodū, sic ait, Immò mille argentei

Y y 4 sunt

sunt tui ipsius pacifici nostri . Tibi enim debentur hi argentei mille, qui vineam plantasti, & aluisti; ducenti autē abundè sufficiunt his, qui custodiūt fructus eius, quem sanè sensum satis indicat , quod ex Hebræo vertitur, Mille tibi Selomoh , & in eandem sententiam Septuaginta Interpretes sic legūt, Mille Salomoni, ac si dilucide hunc numerū milenarium adscribant Salomoni nostro Iesu Christo, argenteos verò ducētos prædicatoribus, seu Doctoribus, qui custodiūt fructus, quos ille in Ecclesia protulit . Quæ quidem interpretatio diuinæ Theologiæ oraculis satis consentanea est . Constat enim sponsum labore ac morte sua, sibi præmium, quod accidentale vocatur , cumulatissimū promeruisse, dum vineam Ecclesiæ propria quasi manu pangebat . Iisdem nimirū actibus, quibus Ecclesiam condidit, & fructus prompsit vberes, sibi accidentariam , nobis vero accendentariā, & eam quam vocamus essentiale gloriā promeruit . Eius verò gloria , quam promeruit, quia inter vniuersas eius generis auctissima est, millenario numero rectè notatur . Ergo sunt mille argentei Salomonis, seu pacifici . Ducenti vero argentei , qui redduntur prædicatoribus, & Doctoribus , qui alijs bene præsunt, videtur figuratè innuere id, quod Paulus ad Timotheū scripsit, Qui bene præsunt

sunt præsbyteri, duplii honore digni habeātur. Videtur nimirum præmiorum ordo serie numerorum expressus. Simplicibus enim iustis cētuplum , benè prælatione fungentibus bis centuplum, sposo vero millenarius numerus aptatur. Ratio verò, ob quā bis cēteno numero præmium præpositorum innuitur, ex binarij proprietate eruēda est. Binarius quippe nuptias, seu coniugum coniunctionem, sicut ynitas consortis ignaram virginitatem notat. Quia verò prælati ac Doctores spiritualibus nuptijs Ecclesiæ copulantur , quasi de castissimo complexu præmium sibi comparant, ad hanc enim castitatē indicandam centenus ille binarius ex argento conflatus adducitur. Argentum autem insignem castimoniæ significationem , candore, tinnitu, luce manifestat . Et hæc prima est interpretatio.

Secunda verò interpretatio millenarij & centenarij duplicitis numerum connectit, ac si dicat. Mille ac ducenti argentei sunt quidecum tui ipsius nostri Salomonis seu pacifici, ac illorum Domini; sed tradis illos his, qui custodiunt fructus eius. Sensus ergo iste , Dominū præmij utroque numero signati dictat esse sponsum; at eo dominio constāte, ait utrumque præmium fructuum vineæ custodibus respondere . Millenarium, cui præmium es-

sentiale, eius numeri perfectione exacta notatum, respondet. Duplicem verò centenariū seu centenum binarium, cui aureola Doctorum, ex coniugio cum Ecclesia factō parta consentit. Hæc postquam sponsa effata est, quasi iam de mercede conuentio sit facta, spōsus operi manum admouere iubet, & vincere culturam auspicari, propterea sic ait.

S P O N S V S.

Quæ habitas in hortis, Amici auctoriant, fac me audire vocem tuam.

Sponsa, quæ in sacræ scripturæ libris habitas velut in hortis amoenissimis, egredere ad prædicationem, nam velut in theatro quodam Angelii audiunt concionantem te. Ergo adsum, cupiens audire vocem tuam, vide à quibus audiaris, ut sapienter dicas.

VErba hæc sunt arcanorum sensum fœcundissima iuxta varias hortorum, & amicorum sensus. Si autē sponsæ progressio, & cantici huius processus expendatur, accommodatissimus ille videtur sensus, qui hortorum nomine Sacræ scripturæ libros innuit. Enim-

Enim uero Scripturam sacram ita Deus illius
author codidit, ac distinxit, ut in ea eius para-
disi, quem in origine mundi plantauit, imagi-
nem expresserit. Si enim plantas, vel quae fru-
ctum eius ferrent, vel quae colorum ac odo-
rum varietate voluptatem conciliarent, con-
templemur, nullam in eo genere in Scriptura
sacra desiderari comperiemus. Omnes quip-
pe sensus mirificè pascit suorum dogmatum
mira varietate, vt facilè sibi persuadent, qui
toto pectore illius sensibus nauant operam,
qui nullo alio externo solatio se fatentur in-
digere, libros sanctos peruoluētes. In his au-
tem libris, tanquam in hortis amoenissimis
versantur, quicūq; animo semper saora dog-
mata pertractant, ibi enim quis habitare dicit-
tur, vbi eius commoratur cor, multò sanè po-
tiūs, quam vbi corpus moratur. Cum ergo
sponsa Sacrae scripturæ intētissima hoc loco
pingatur, iure dicitur in eiusdē scripturæ hor-
tis habitare, quasi eam habitationem paradi-
so simillimam elegerit, à qua non sit recessu-
ra. Nunc verò animaduertendum est, tam ex i-
miam Scripturæ sacræ peritiam non tradi-
sponsæ, vt sibi dumtaxat meditando prosit,
sed vt partem alijs iusta distributione im-
pendat. Propter quod cum dixisset spon-
sus, Quæ habitas in hortis, adiunxit, Amici
auscultat, ac si planius diceret, Animaduerte,
te non

te non tibi solum natam, ac proinde quantumvis tibi hortorum scripturæ commoratio placeat, ne ibi sola cunæteris, sed in publicum prodeas, ubi Amici audituri præstolantur te. Ut autem horum verborum vim percipiamus, mundum istum, tanquam theatru quoddam, ubi spectacula celebrantur, cogitare debemus. Hic autem personarum varietas exploranda est, qualem in comedijis, non sine voluptate, conspicimus. Quidam ibi audituri sedent, alij in scena silent, alij loquuntur, omniaque prudeti dispositione, harmoniaq; consentiunt; sic profecto in spirituali theatro post Deum Angeli, qui hoc loco appellantur amici, natura quidem nobiliores, sed gratia pares, mutuaq; charitatis amicitia nobis coniuncti, quasi sedentes pinguntur, comediae processum audituri; sic à septuaginta Interpretibus amici attentes, quasi comediae spectatores appellantur, inter ipsas autem personas in scena agentes, quædam silent ac discunt, ut prædicatorū, Doctorūq; discipuli, quædam loquuntur ac docent, ut sponsa, eiusque similes Doctores, quos Deus præposuit familiæ suæ, qui, assertore Paulo, facti sunt spectaculum mundo, & amicis, hoc est, Angelis, & alijs hominibus. Sic ergo Amici seu Angeli auscultare intelligendi sunt, quod cōtendit, ut sponsa strenue se gerat, sapienterq; loquatur.

tur. Norunt enim concionatores vniuersi, quām sit efficax remedium, vt rectē loquantur, à sapiētibus audiri. Est proculdubio præsentissimum antidotum, sapientum consesus, ad erigendum concionatoris animum, ad linguam expediendam, cæterasque functiones similes decenter obeundas. Verūm hic sponsa dicere potuisset, se quidem, ad rectē cōcionandum corona sapientum valde commoueri; at in ea sapientum amicorum corona, non esse sponsum, cuius præsentia potissimum incenderetur. At hoc opus minimè fuit declarari. Constat enim sponsum inter amicos recenseri, vnde & eo ipso, quod amici auscultent, & ipse inter eos auscultare censensus est. Sed ne vel vmbrotilis absentia posset ratio prætexi, disertē addidit. Fac me audire vocē tuā, ac si apertē diceret, non absum ego, memento, te coram me loqui, loquere sapiēter; prædicationē auspicare, & sic fac me audire vocē tuā. Et hæc prima est interpretatio.

Secunda deducitur ex altero amicorū sensu, in hunc modum. Porrò eorum, qui ad spousum conuertuntur, animæ, quasi totidem plantæ in ipso seruntur, & multos efficiunt hortos, pro varijs, quæ vnicuique indulgentur, donis. Alios cernimus tanquam violas rosasve fragrantes, quos Deus voluptatibus permulcet; alios vltronea carnis afflictione

more

more arbusculæ myrrha rigentes; alios mentis eleuatione thure notata suspensos; alios liliorum modo castitate carentes; & demum alios alijs plantis simillimos, quos si spirituali acie contempleremur, varios, pulchre discretos hortos nobis cernere videbimur. In his sponsa habitare asseritur, ut custodiat eorum fructus, versatur enim inter eos cœtus animalium, quarum promotioni operam datura est, quibus hæc pulchra hortorum discretio pro donorum varietate mirificè quadrat. Hi autem horti non terrestres & vulgares, sed mentis compotes, & iustitia germinantes, ex quo in sposo sati sunt, amici Dei ob diuinæ charitatis communionē appellantur, qui auscultant, & audire gestiunt sponsæ conciones. Quia verò in ijs ipsis sponsus latet, & quos actus illi obeunt, & ipse in illis obire dicitur, omnia enim opera nostra in nobis operatur, cum potuisset dicere, Amici auscultant, fac illos audire vocem tuam, maluit significanterius dicere, fac me audire vocem tuam, ut copactò ad munus iniunctum sponsam efficacius permoueret. His sponsi votis sic sponsare respondet.

)?(

SPON-

S P O N S A.

Fuge dilecte mi.

*Recede sponse ab hoc genere consuetudinis, quo
tibi soli vaco, vt, sicut iubes, alijs prodeesse etiam
possim.*

Mirum sanè responsum, & ab humana philosophia longè remotum. Amoris effectus, quem audiissimè affectat, vnio est, & tamen sponsa, cùm ardentissimè amat, spōsum recedere monet. Auget autem non parū admirationem, temporis obseruatio, nunc enim aliorum incubitura saluti magis sponso eget, quām si seorsum conquiesceret, & tamē sponsum impellit ad fugam. Verūm hic nodus est spirituali gladio scindēdus. Meminisse nimirum oportet, in hoc capite, dialogum quendam inter sponsos seorsum velut in thalamo agentes fuisse cōtextum, vbi necesse fuit, sponsam voluptate interna demulceri, quæ his cum Deo colloquijs est familiarissima. Animaduertens autem illa, se non posse in ea voluptate, quasi Magdalenam ad sponsi pedes sedentem permanere, cum ad prædicationem, Deo præcipiente, proditura sit, optat sibi euenire, quod sponsum velle cognouit. Enim uero spōsus, postquām eā ad lega-

legationem apostolicam destinauit, nō vult illam cunctari, & solos Dei affectare complexus; satius enim est, vt in hoc genere, anathema, hoc est, separata fiat, à Deo pro fratribus suis, suauioribus post eam separationem amplexibus fruitura. Hæc sponsi voluntas est, quam cum illa interna illustratione didicisset, in hæc verba prorūpit. Fuge dilecte mihi, hoc est, Fac, quod decreuisti, & ab ista mea consuetudine, quæ mihi soli prodest, recede. Inest autem in verbo, Fuge, nō parum energia. Non enim dixit, styllo simpliciore, recede, aut dic mihi, vale, vt innueret mores amatuum. Protectò, qui vulgo inter se amant, nec in eo amore singulare quid patiuntur, sicut non admodum mutua colloquia, & complexus affectant, ita nec recessus, absentiamque formidat, aut a grè ferunt. At qui inter se ardentissime amant, sicut, si absint, mutuo se inuisere, & complecti vehementissime cupiunt, ita si recedendum sit ægerimè ferunt. Quamobrem, cum alteruter amantium necessitate compulsus de recessu cogitat, ne alteri dolorem excitet ac mœstiam, non palam proficiscitur, non more vulgari valedicit, sed quasi fraudulenter se subducit ab alterius oculis, & eo fuso, fugacem arripit, vt cū alter animaduerterit, iam quasi rem transactam, seu præteritam, quæ minorē inferre sensum solet,

fugam

fugam illam contempletur. Sic igitur sponsa loqui credēda est. Fuge dilecte mi, hoc est, ne mihi apertè valedicas, ne à me vulgi more recedas, nec enim ferre potero, mira enim, te præsente, suavitate perfundor. Sed clām te subtrahe, furtim elabere, vt hac arte tuū discessum tolerare queam. Hæc sponsa. Nec tamen existimandum est, illam optare, vt sponsus omnino recedat, nouit enim id nec expeditre, nec licere, sed fugam suadet nostræ imbecillitati attemperatam, vt scilicet sponsus ita fugiat, vt oculos minimè auertat, & cum periculum impendet, ad opem ferendam confessim accurrat. Propterea, cum sponsa dixisset. Fuge dilecte mi, non ibi quieuit, sed apposuit. Et

Affimilare capreæ, hinnuloque ceruorū
super montes aromatum.

Dum fugis, & me non curare, sed dormire videris, esto ut caprea, quæ altèro dormit oculo aperio, ut dum abes, illo respicias me, nec omnino à me intuitum auertas. Cum autem videris me anxiā, te fugiente, retorque caput tuum, quasi retrorsum aspiciens ad me, quam relinquis, sicut solet hinnulus fugiens retrorsum spectare quos fugit, per excelsos montes aromatibus consitos.

Non omnino abscedere, sed te tuum recessum conditioni meæ cupio attemp-

rare. Et quandoquidem tua cōsuetudine sum
caritura propter te, fratresq; meos , quorum
causa me anathemati deuoueo, fac , obsecro,
dū te mihi subtrahis, capreas, ceruofq; a mu-
leris, & in te, erga me, illorum exprimas pro-
prietates . Vt autem hoc sponsæ desiderium
calleamus, notandum est, his verbis , Assimi-
lare capreæ hinnuloque ceruorum super mō
tes aromatum, quasi periphrasi quadam , idē
sponsam petijsse, ac si precaretur in hunc mo-
dum, Ne, quæso , omnino recedas . Quod vt
patefiat, sic habendum est, capream , quæ al-
tero dormit oculo aperto , vt Chaldæus ait
paraphrastes, & hinnulum, qui , dū fugit, re-
trorsum aspicit, sponsi mores, quos nunc spō
sa cupit, ostendere. Enim uero , cūm sponsus
fugere & de sponsa minus cogitare videtur,
tunc si spirituali cernatur mentis acie altero
quasi oculo ut caprea tantum dormire com-
perietur. Cum enim sponsam tradit vexatio-
ni, nec eam frequenter visitat, & eius oblitus,
quasi dormiens videri posset, tunc velut al-
terum tantum oculum obstruit ; altero verò
ad eam inuendiam vtitur, quod est idem , ac si
planius diceretur, nūquam adeo derelinquit
suos in agone athletas , quin super eos vigi-
let. Iam autem, si eius amorem expendamus,
tametsi plerumq; fugiat , hoc est, suam con-
suetudinem, quia sic expedit, neget , nunquā
tamen,

CAPVT VIII.

723

tamen, se omnino nobis negare potest, sed imitatur hinnulum, qui, cum fugit, retrorsum aspicit, cum montes arbusculis aromaticis cōfitos percolat, caput retrorsum flectit, sic nimirum sponsus, dum quasi in cœlos, ac cœli-
tes, qui montes aromaticos ob fragrantiam imitantur, se attollit, velut cum illis tantum versaturus, nequit nostri obliuisci, sed in ea spirituali, & ad nostram experiendam fidem necessaria fuga, caput retrorsum torquet & nos, à quibus recesserat, incredibili dignatione, ac amore respectat. Sic ergo sponsa loqui credenda est. Dum te mihi subtrahis, o sponse, ne obliuiscaris mei, sed more capreæ, etiam dum dormire videris, vigil esto, & more hinnuli excelsos montes aromaticis plantis fragrantes percolantis, & dum fugit, retrorsum aspicientis, dum te ab humano consortio in cœlitum cōsuetudinem, velut in aromaticorum montium vertices attollis, caput retorque in me, quam retro relinquis, ne inteream prorsus destituta. Opportunè satis hæc huius carminis calci sponsa petitionem affixit, ut spōso hæc verba, quia vltima sunt, altius imprimantur. Hæc prima est interpretatio.

Secundam vero allaturi animaduertamus oportet, sponsam ad prædicationis functionē profecturam id in primis conari debere, vt sponsi Diuinitas orbe tota resplendeat. Mit-

titur quippe non modo ad peccatores , qui à
Iponsi charitate degenerarunt, fide sine ope-
ribus retenta, verum & ad fidei expertes , vt
lucretur vniuersos. Hi autem ex historijs , &
traditionibus ad eos usque protensis , Iesu
Christi nomen, & plura gesta didicerunt. In-
credible autem prorsus eis videtur, hominē,
cuius audiēre mores, verum esse Deum , mū-
di Dominum ac conditorē, ac proinde præ-
dicatoribus multò vigilantissimè enitendū
est, vt ethnicorum animos ad id credendum
inducant. Et hoc est, quod sponsa petit , dum
ait, Fuge dilecte mi. Fugere quippe captum
nostrum dicimus, quod intelligendo cōsequi
non valēmus, ac proinde Diuinitatis myste-
riū fugere nos elegantissimè dicitur , cum
planissimum sit , omni captu nostro esse lon-
gè altius. Fide quidem id credimus ; at ea ipsa
fide, altius esse captu nostro , ac proinde nos
fugere fatemur. Ait igitur spōsa, pro te, o spō
se, legatione salutis functura sum, ac te Deum
verum esse, prædicatura ; precor ergo te , vt
de te, meo ministerio, ethnicī credant hoc, in
quo illorum captum fugis, quod est , te Deū
esse. Hoc igitur modo, fuge dilecte mi. Quod
autem sponsa subdit . Et assimilare capræ,
hinnuloque cervorum, super montes aroma-
tum, ad eandem sentētiā perficiendā mag-
noperē conducit. Sicut enim hæc animalcula
eurſū

cursu perniciſſima, & excelsorum montium
cupidissima, quāli alis ful̄ta in montium aro-
maticas arbores gignentium in oriente fito-
rum vertices saliunt, & ibi ſe in eas ſyluas aro-
maticas abdunt, itā Iponsus, ſi eius diuinitatē
contemplemur, noſtris ſe subducit a' pecti-
bus, & cursu celerrimo, ſeu potius ocyſiimo
volatu, ſuper angelicas mētes, mon̄ibus aro-
matum, ob celsitudinem & puritatis fragrā-
tiam, notatas, fertur, ibique ſe in earum quāli
ſyluam condit, hoc eſt, dum nobis ſe celat, il-
lis ſe manifestat. Profecto ſuper angelicas
mentes, ascendit immenſo illis interuallo ex-
celsior, verū & inter eas verlati, & ijs qua-
ſi ministris more regis stipari perhibetur. Sic
ergo iuxta hunc ſentum Ipona effari putan-
da eſt. Fuge, attolle teipſum, dilecte mi, & ijs
qui ignorant, & errant, te Deum eſſe captum
noſtrum fugiētem, oſtende, & in ea oſtenſio-
ne, ſimilis eſto capreæ, & hinnullo curlu ve-
lociſſimis, qui dum montes aromatum ſera-
ces peruadunt, in cacumina saliunt, & inter
aromaticum ſyluas ſeſe condunt. Sic tu, dum
diuinitate tua credentium captum fugis, cur-
fu, ſeu potius volatu ocyſiimo te illorum ob-
tutibus velut eripe, & ſuper angelicas men-
tes rapere, quæ dum tibi adſunt, tuamque
diuinitatem ſpeculantur, eximia celsitudine,
& puritatis confortijq; tui fragranſia excel-

sos montes aromata ferentes imitantur. Hac
cui ipsius cognitionem, per quam iustitia in
animas introducitur, ijs, quibus ego cōsultu-
ra sum, infunde, vt tuis auspicijs freta, magnū
hoc opus aggrediar, ac te mihi präsentissi-
mo, mihi benē sperare iubeam, & non sine
fructu, quem cupis, hac mea legatione per-
fungal.

PERORATIO.

Hec habui, clementissime Domine Ie-
su Christe, quæ ex sanctorum patrum
lectione, ac obseruatione corrasa, in ærarium
Ecclesiæ cōferrē, vt pro mea tenuitate amo-
ris erga nos tui diuitias euulgarē, sperans fo-
re, (quæ mihi satis ampla merces erit) vt le-
ctor quispiam ad te ardentiū amādum acriū
incitetur. Vix enim putauī à me quippiā ad
commune bonū fieri posse opportunius, quā
si amoris tui velut in tabula, picta magnitudi-
ne, & meam, & lectoris forte cuiuspiam duri-
tiem emollire conarer. Precor autem te Do-
mine, vt me, licet labijs pollutum, de amore
tuo loqui ausum humane recipias, & in san-
cta penetrare patiaris. Fac Domine humanis-
sime, ne à thalamo arcear, dum alios introdu-
cere conor, sed diuino amoris tui me incen-
dio

C A P V T VIII.

727

dio absime, ut nihil, nisi propter te, amem, &
hoc æstu flagrans stadium vitæ huius inof-
fenso pede percurram.

*Iesu Christo sponso, purissimæq[ue] Vir-
gini Mariæ eius matri sit laus
sempiterna.*

F I N I S.

S A L M A N T I C A E.

Excudebat Artus Tabernelius
Antverpianus.


Anno M. DC. II.


1. 100. M. omnia
2. 100. M. omnia
3. 100. M. omnia
4. 100. M. omnia
5. 100. M. omnia

1. 100. M.


1. 100. M. omnia
2. 100. M. omnia
3. 100. M. omnia
4. 100. M. omnia
5. 100. M. omnia

1. 100. M. omnia





40 - 9 - 18



5

5

6.757

THE
LITERARY
MAGAZINE
AND
ARTISTICAL JOURNAL
OF THE
MONTH